

العنيد

العنيد

رواية

التنبيما محمد

العنيد

اسم الكاتبة: الشيماء محمد

تدقيق لغوي: فريق المكتبة العربية

صورة الغلاف: جيرارد باتلر – ميجان فوكس

تصميم الغلاف: محمد سعد الشحات

الإخراج الفني: جمال عبدالرحيم

الطبعة / الأولى – يناير ٢٠١٩ م

رقم الإيداع: 2978 / 2019



Arabiclibrary2017@gmail.com

[Facebook.com/arabiclibrary2017](https://www.facebook.com/arabiclibrary2017)

01030365801

جميع الحقوق محفوظة

بِسْمِ اللَّهِ الرَّحْمَنِ الرَّحِيمِ

ودائما الحمد لله صاحب الهدايا وواهب العطايا ..

لأمي حبيبة قلبي:

كنت لسه صغيرة جدا لما اول مرة مشيت وايدك ماسكة ايدي.. كنت بردولسه صغيرة لما قرأيت اول حرف وراكي.. مش فاكرة حاجة عملتها اول مرة من غيرك ولا خطوة خطيتها من غيرأيك.. انتي اللي علمتيني الف باء الحياة وانتي صاحبة اللي بخي سري معاها وانتي الأخت اللي بتجنن معاها... انتي دا كله للبت الصغيرة، ولما كبرت انتي بردو صاحبتني، واختي فاكرة اول مرة كتبت وبعثتك وقعدتي تقولي دا حلو ودا بلاش ... وفاكرة اول برافو عليكي انتي بنتي الشطورة ..

زوجي:

عشق الروح، الرزق اشكال وانت رزق ربنا ليا... الحمد لله على رزقه الواسع... وقفت جنبي دايمًا وشجعتني دايمًا وبالغربة عرفت انك بحياتي نعمة ربنا أنعم عليّ بها .. هونت وسهلت الحياة وعوضتني عن بعدي عن بلدي واهلي وبقيت انت وطني واهلي... وانت أجمل وطن ... لما كتبت شجعتني ولما نشرت وقفت جنبي ولسه واقف جنبي وبتدعمني ربي يخليك ليا ولا يحرمني منك ..

ماما وزوجي احمد:

بهديكم كل حرف اتكتب وكل كلمة تقدير اتقالت... انتم اجمل عطايا ربي واجمل هداياه... ربي يحفظكم ويخليكم ليا ولا يحرمني منكم ابدًا.

في شقة في منطقة راقية كان أدهم نايم على كنبه في الصالة قالع قميصه ومرمي جنبه على كرسي الأنتريه فتح عينيه مش فاكرو هو فين؟ ولا أيه اللي جابه هنا؟ وصداع رهيب هيفرتك دماغه والأهم من كل ده إن فيه خبط مزعج جداً علي الباب وده إلي صحاه من نومته....

قام قعد وافتكرو انه في بيته في الصالة وتمني إن الخبط ينتهي واللي بره يقول إنه مش موجود ويمشي بس للأسف الخبط ما بينتهيش واللي بره ما بيمشيش، قام وراح يفتح الباب بصدره العريان، فتح لقي بنت عينها كلها شر وغیظ مش لایق ابدأ علي ملامحها الجميلة دي.

ادهم: افندم انتي مين؟؟

البنت: هو فين.؟ اكيد هو هنا؟؟

ادهم: ايه هو اللي فين؟ انتي عايزه ايه؟ جيتي معايا هنا قبل كده ونسييتي حاجه هنا؟ بس ما اعتقدش مش فاكرو اني شفتك قبل كده انتي اكيد غلطانه

في العنوان

البنت: مش انت المقدم ادهم؟

ادهم: ايوه انا

البنت: يبقي مش غلطانه في العنوان هو فين بقا؟؟

ادهم: اولاً مفيش حد هنا زي ما قولتلك وثانياً وطى صوتك ده لان الصداع

هيفرتك دماغى وصوتك عالى جداً

البنت: يبقي توسع عن طريقى

زقته بعيد ودخلت تدور عليه بنفسها واول ما دخلت لقت قزازة خمره فاضيه

علي التريزه فبصت له بتريقه

البنت: وتقول مصدع وصوتي عالي ماهو لازم
ادهم دخل وراها وهو في قمه استغرابه ويسأل نفسه مين الجميله الغاضبه
دي وسابها تدور براحتها علي اللي ضايح منها وهو قعد علي الكنبه مكانه مد
ايدو لسجايره وطلع واحده وولعها يمكن السيجاره دي تداوي صداعه شويه
البنت دورت في كل حته وخرجتله وبتتكلم برضه بصوت عالي فهو حط راسه
بين ايديه من الصداع
البنت: هو فين؟

ادهم: وطى صوتك مفيش حد هنا
اخذ نفس طويل من سيجارته وطلعه فالبنت قربت منه وسط استغرابه مين
دي اصلا وشدت السيجاره من بوقه وطفتها في الطفاهه اللي قدامه ومليانه
سجاير

البنت: هو محدش قالك ان السجاير مضره وبعدين ضررها بيتضاعف
مليون مره في الصبح علي الريق كده؟؟
ادهم: هو محدش قالك قبل كده ما تدخلش في اللي ميخصكيش؟؟
طلع سيجاره تانيه وولعها ويدوب اخذ نفس منها فشدتها تاني وطفتها تاني وده
نرفز ادهم جدا

ادهم: انتي مين وعايظه ايه مني علي الصبح كده؟؟
البنت: عايظه مصطفى هو فين؟؟

بملاح استغراب. ادهم: مين مصطفى ده ان شاء الله؟؟
البنت: ملازم اول مصطفى اخويا
ادهم: تشرفنا المفروض بقي اني اعرفه؟؟
البنت: ايوه لانه واحد من الطباط المتخرجين جداد والمفروض انه مسؤوليتك
وتحت اشرافك هو تحت تدريبك

ادهم: اه واحد من الجداد !! وعلى اساس اني عارف كل تلامذتي بالاسم
المفروض بقي اني اخذ بالي منه في الشغل وفي بيته كمان؟؟ ما ارضعهم بالمرّة
كمان؟؟؟

البننت : حضرتك بتتريق؟؟؟

ادهم : يعني ايه اللي هيحبيب واحد من تلامذتي عندي؟؟؟

البننت : هو كلمني وقالي انه سهران معاك في الكباريه اللي سيادتك كنت سهران
فيه ... وبعدين هو بيعتبرك مثله الأعلى

ادهم ضحك جامد جدا بصوته كله ..

ادهم: مثله الأعلى؟؟ اخوكي ده مجنون ولا ايه؟؟ وبعدين انا مش بسهر مع حد
من تلامذتي.

البننت بغيظ : بتسهر مع الرقاصات بس

ادهم استغرب انه لمح نبره غيرة في صوتها

ادهم : مع رقاصات مع جن ازرق ما يخصكيش لا انتي ولا اخوكي

البننت : هو قالي انه سهران معاك.

ادهم : مش معني انه سهران في نفس المكان اللي أنا فيه إنه سهران معايا !!!

ودلوقتي اتفضلي بقي علشان اكمل نومي

البننت : مفيش نوم انت هتجيبلي اخويا ... اتصرف

ادهم باستغراب : روجي يا شاطرة دوري على اخوكي بعيد عني

البننت : انت مسؤول عنه ... هو بيقلدك في كل حاجة

ادهم : يبقي اخوكي ده يا اما اهل او مجنون ... دوري عليه بعيد عني اتفضلي

سأبها ادهم ودخل اوضه نومه ونام علي سريره علي امل انها تمشي بس

لقاها دخلت وراه وشدت المخدة اللي على راسه

البننت : مش هتنام انت هتساعدني ألاقه

ادهم : يا الله منك .. اخلص منك ازاي انا ؟؟؟ إنتي عامله زي الزوجة النكدية

كده ليه ؟؟؟ يا بنتي سيبيني في حالي معرفش اخوكي فين انا.

البننت : انا زوجه نكديه ؟؟؟ انت متطولش تتجوز واحده زي انت فاهم ؟؟

ادهم : لا والنبي والنبي اتجوزيني ... وحياه ابوكي بقى اتفضلي بره .. ودوري على

اخوكي بعيد عني انا مش مسئول عن حد... لو كنت بدرهم مش معناه اني

مسئول عنهم وبعدين انا معرفش اسم ولا واحد فيهم اوك اتفضلي بقى.

البننت بنبره استسلام : ارجوك انت لازم تساعدني بابا تعبان ومحتاج يشوفه

ضروري وعنده ازمة وقلبه تعبان والزعل وحش عليه وهو مختلف هو

ومصطفي وبياته بره البيت عمل حاله قلق انا لازم ارجع بيه البيت ارجوك!!

مش انت ظابط ووظيفتك تساعد الناس يبقي ساعدني!!

ادهم كان عايز يقولها لأ هو ما بيساعدش حد وما بيتمش بحد وشغله ده

لمجرد انه يلاقي حاجه يطلع غضبه وغيظه وكرهه للدنيا وما فيها بس مش

علشان يساعد حد ابدأ، بس دمة لمعت في عنيا خلته يتراجع ولقى نفسه

بيقولها:

ادهم : اطلعي بره

البننت : ايه ؟؟؟

ادهم : هغير هدومي

البننت : هتساعدني ؟؟ متشكره قوي قوي ؟؟

الفرحه اللي في عنيا فرحته من جواه وده كان احساس غريب

ادهم : لو مش عايزه تخرجي من الأوضه معنديش مانع
البنبت بصتله ورجعت نظره الشر اللي شافها اول ما فتح لها الباب
البنبت : هعتبر نفسي ما سمعتكش انا مستنياك بره

ادهم ضابط مخبرات كفاء جداً في شغله مبيحبش حد نهائي، مغرور جداً،
مش اجتماعي نهائي، مالوش غير كام صاحب، بيشرب سجاير وبيسكر،
وبيعرف بنات كتير، ولا عنده عيب ولا عنده حرام.
ليلي : دكتورة جميلة جداً اجتماعية جداً وأخلاقها عالية وعندها مبادئها
ونادراً ما بيعجبها حد ولها اخ توأم وهو مصطفى.

ليلي خرجت بره مستغربه من جمال شقته وذوقها العالي ومستغربه جداً من
نظافتها علي عكس شقه أي عازب.
المطبخ كان امريكي مفتوح على الصاله دخلته وعجبها ذوقه قوي وتخيلت لو ده
مطبخها هتخط هنا الحاجات اللي تتشرب
نسكافيه .. شاي .. سكر .. اي مشروبات
فتحت الضلفة ولقت فعلا فيها الحاجات دي
قررت انها تعمل لادهم قهوة ثقيلة تفوقه وتخفف شوية من صداعه
بتلقائية عرفت مكان كل حاجة وكأنها هي اللي رصت الحاجات دي او اللي رصها
كان جوه دماغها هي.

خرج ادهم ولقاها واقفه على البوتاجاز وشم ريحة القهوة وتخيل مشهد قدامه
"هي واقفه بتعمل فطار وهو داخل بيضمها ويحضنها ويقولها : صباح الخير
على أجمل واحدة في الدنيا ' وهي بترد عليه بأجمل ابتسامة شافها في حياته
فطروا وضحكوا وهزروا "

فاق من تخيلاته دي وهو بيقول لنفسه : ايه الجنون ده ؟؟ وليه لأ ايه المانع ؟؟
مش يمكن أن الأوان بقي يكون لك بيت ويكونلك واحدة تحبك وتخاف
عليك؟؟

لأ .. عمري ما هسمح ابدأ لواحدة تدخل حياتي !! دول كائنات متطفلة
بتستنزف دمك وتاخذ كل حاجه عايزاها وبعدها ملكش لازمة.
مش هيسمح ابدأ لواحدة تقتحم عالمه الخاص لازم يطردها بره ؟؟
اطردها يا ادهم بره يالا اطردها.

ليلي اخدت بالها إنه وافق بيراقبها

ليلي : عملتلك قهوة احسن من السجائر اللي على الصبح أهي اخف شوية..
سكرك ايه ؟؟

ادهم عايز يطردها بره

ادهم : مضبوط

ايه ده انت بترد ليه اطردها بره

أدهم : هشرها في العربيه ياللا بينا.

خرجوا الاتنين من الشقة وأدهم طلب الاسانسير ودخلوا وحس إن الأسانسير
صغر قوي وإنه فجأة بقي ضيق جدا لدرجة انه سامع انفاسها .

اخيرا خرجوا بره وراح لعربيته فتح لها الباب واتفاجئ هو باللي حصل بعد كده
لأنه خالف كل توقعاته.

ادهم: سيادتك رايحه فين؟ العربية هي.

ليلي: اه واخده بالي بس روح انت وانا وراك علي طول

ادهم: معاكي عربية؟؟؟

ليلي: لأ هحصلك بتاكسي

ادهم: نعم؟؟

ليلي: سوري مش بركب عربيات مع حد غريب

ادهم تنح لها وملقاش رد يقوله

ادهم: اقسام بالله لولا انك بنت كنت قولتلك كلمه ما يصحش تتقال..... يعني

انتي تدخلي شقة واحد غريب وتصحيه من نومه وبعدها تدخلي اوضة نومه

الخاصة وتقريبا كده بتشديه من على السرير وبعدها جايه تقولي لي مبركباش

عربية واحد غريب؟؟؟ انتي بتستظري في على الصبح ولا أيه؟

ليلي: انا مش عارفة انت ايه مشكلتك؟؟؟

ادهم: بقولك ايه هطلع اكمل نومي هي مش ناقصه حرقه دم على الصبح،

انجزي واركي؟؟

ليلي خافت منه ومن نرفزته عليها ركبت بهدوء وفضلت ساكته

دور العربية وطلع نظارته الشمس ولبسها وشرب القهوة اللي كانت عملاها

ادهم: تسلم ايدك

ليلي: بالهنا

قعدوا جوه العربية وادهم بيقلب في تليفونه وليلي مستنياه يتحرك بس هو

واقف مكانه.

ليلي: وبعدين بقي؟ لامتي الوقفه دي؟

ادهم: اللهم طولك يا روح !!!

ليلي: يعني احنا واقفين كده ليه؟ ما تتحرك .

ادهم: حاضر هتحرك اتفضلي بقي قوليلي اتحرك علي فين؟ عارفه مكان

نروحه؟ قولي مش عارفه يبقي اسكتي خالص.

سكتت ليلي شوويه بس مقدرتش تفضل كثير .

ليلي: طيب انت بتعمل ايه؟

ادهم: علي فكرة انا معنديش ادني فكرة أخوكي ممكن يكون فين؟ فبدور على

حد ممكن اسأله ممكن تسكتي بقي شووية

اتصل أدهم بأكرم صاحبه الانتيم

ادهم: بقولك .. هو انت ما تعرفش العيال الجديدة دي بتسهر فين ولا بيقعدوا

فين؟؟؟

اكرم:

ادهم: وانت مالك؟ تعرف ولا ما تعرفش؟؟؟

اكرم:

ادهم: ماشي تسلم يا غالي

ادهم: بصي في مكان بيتجمعوا كل العيال الجديدة دي فيه هشوفه موجود ولا

لأ؟ او هسأل عليه

ليلي: خلاص ماشي

ادهم اخيرا اتحرك وطول الطريق هي ساكتة بس متابعا بصمت بتراقب كل

حاجه فيه .. شكله.. شعره.. ريحته... ملامحه... هدومه

كل حاجة... ادهم كان راجل شيك جدا متناسق في كل حاجة.. وسيم لدرجة

مستفزة جداً... كل حاجه فيه تسحر البنات وهنا ليلي عرفت ليه البنات بتترمي

تحت رجليه.

أخيراً وصلوا المكان اللي رايعينه
ادهم: هو ده المكان انا هنزل اشوفه موجود ولا لأ؟ استنيني
فك حزامه ويدوب نزل رجله طلعتها تاني وبص لها
ليلي: رجعت ليه نسيت ايه تاني؟؟
ادهم: هو محدش قالك قبل كده انك مستفزه جدا؟
ليلي: اتقالتلي كتير... رجعت ليه؟
ادهم حط ايده علي وشه بشكل يقول ان صبره نفذ خلاص
ادهم: معرفش شكل اخوكي ده ايه .. معاكي صورة ليه؟
ليلي طلعت موبيلها وحاولت تلاقي صورة لاخوها لوحده بس مفيش
ادهم: معاكي اي صوره اخوكي فيها؟؟؟
ليلي: في بس مش لوحده
ادهم: انجزي وريني شكله خليني انزل واخلص منك بقي
ليلي ادبتله التليفون: في كذا صورة ورا بعض شوفهم .
ادهم مسك التليفون وكانت الصور لليلي ومصطفي وبيعملوا حركات مجنونة
ليلي متضايقه جدا انه بيشفوها هبله كده وبتعمل الهيل ده
ادهم ابتسم ابتسامه خفيه بس ليلي لاحظتها واتضايقت اكثر
رجعلها التليفون علي صورة كانت حاطة راسها علي كتف اخوها وهي وراه
وعامله وشها بطريقة تضحك هي واخوها
ادهم: اه عرفته... شكلكم قد بعض مين الكبير؟؟
ليلي: انا الكبيرة
ادهم: اوكي هنزل أنا اشوفه موجود ولا لأ... استنيني هنا
نزل ادهم ويا دوب دخل مدخل العمارة لقاها جاية وراه

ادهم: أعوذ بالله منك ومن لسانك ...
أعطاها ظهره وطلع حاجه من جيبه وفي ثواني كان فتح الباب
ادهم: اتفضلي يا بتاعة السيما انتي
ليلي: الرجال قوامون... وبعدين أهو يجي منك
ادهم بصلها بغیظ: يجي مني؟ .. متشكر يا عم الحج
سأها ودخل وهي لازقه وراه لدرجة انه اول ما وقف لبست فيه
ادهم بص لها باستغراب.
ليلي: المفروض تدي اشارة انك هتقف
ادهم: على اساس إني سايق عربية؟؟؟
ليلي: هما دول ميتين ولا أيه؟
ادهم: دول سكرانين أخوكي مين فيهم؟
ليلي: ما اعتقدش انه في دول اصلا
ادهم فتح اول اوضه تقابله وهي برضه لازقة وراه كان فيها اتنين نايمين في وضع
غير لائق نهائي.
ليلي حطت وشها في الارض واتكسفت
ادهم: علشان كده قولتلك استنيني تحت
ليلي: ما قولتليش ان احنا هنشوف اشكال زي دي
ادهم: قولتلك شقه عزاب ومعاهم بنات عايزاني اقولك ايه تاني؟ ولا اشركلك
تفصيلي .. بنات معاهم رجاله سكرانين متخيله اشكالهم هتبقي ايه؟
ليلي: متخيلتش أصلا إن فيه كده؟
ادهم: متخيلتليش أيه؟ .. ما علينا.

فتح اوضة تانية وبرضه مفهاش حد... خرجت بنت من حمام وكانت يدوب لفه
حاجة خفيفة عليها زي طرحة او شال مش مداري تفاصيل جسمها لدرجة ان
ليلي حطت وشها في الارض

البنت: انت كنت فين امبارح؟؟؟ لو كنت موجود كنت هبسطك قوي بس احنا
لسه فيها .. تعالي معايا وانا أوريك الجنه ونعيمها.

وقفت باغراء تبين جسمها اكرت وليلي مستغربة اللي بيحصل قدامها ده ومش
عارفة هو يعرفها ولا مجرد معجبة بشكله.

ادهم رفع نظارته من على عنيه وحطها على راسه وبص للبنت من فوق لتحت
ادهم: للأسف مفيكيش حاجه تشد.

مش بس البنت استغربت دي ليلي كمان استغربت لان البنت كانت جميلة جداً
وجسمها مغري جداً كانت متخيلة انه ما هيصدق يترمي في حضنها.

البنت: جرب مش هتخسر

البنت بتقرب ويدوب هتمد ايدها عليه

ادهم: مستغنية عن ايدك دي خلمها تلمستي

البنت خافت: إنت حر إنت الخسران

سابتهم ومشيت وليلي كانت مبسوفة ومتغاظة في نفس الوقت فسبقتة
وفتحت اوضه قدامها وقفلتها تاني بسرعة.

ادهم: ايه؟

ليلي: مصطفى جوه

ادهم: طيب الحمدلله صحيه وخليني أمشي انا بقى.

ليلي: مش هينفع أصحيه

ادهم: ليه بقى؟

ليلي: معاه واحدة والاتنين ا....

ادهم: اه وطبعاً عايزاني اصحهمولك صح؟ والبسهولك وانزلهمولك
ليلي: ده لو ممكن؟

ادهم: غريبة .. بتتحولي لما تبقي عايزة حاجة؟

ادهم فتح الباب وحاول يصحيه بانه ينادي عليه بس ما صحيش

ادهم بص حواليه لحد ما لقي ازازه ميه فتحها وكبها علي وشه فقام منفوض

واول ما شاف ادهم غطي نفسه ومش عارف يعمل ايه؟

ادهم: البس وانزل خلال دقيقتين... أحتك معايا بره وعمايزاك

ادهم خرج وقفل الباب ومسك ليلي من ذراعها وخارجين بره ... بس مرة واحدة

وقف خرجها بره ودخل هو تاني.

ادهم: ثواني

رجع تاني وهيا مستغربة هيعمل ايه؟

مسك ازازتين ميه وفتحهم وبدأ يرش على كل النايمين في الصلاة والكل بيقوم

مفزوع ويدوب هيشتموا بيشوفوا ادهم يتنحوا .. ووقفوا تعظيم سلام.

ليلي واقفه مرقباه وعجباها هيبتة دي وخوف الكل منه

كلهم وقفوا انتباه .

ادهم: خلال عشر دقائق كلكم تبقوا في صاله التدريب هناك مفهوم؟؟

ادهم بيتكلم بصوت قوي بس مش عالي.. صوت واحد واثق من نفسه... صوت

اتعود يأمر فيطاع .

ادهم وهو خارج: إتحركوا وصحوا النايمين جوه دول.

كلهم طلوعوا يجروا يمين وشمال

ادهم شد ليلي ونزل بيها لتحت من غير ما يديها فرصة تتكلم لحد ما نزلوا

ووقفوا قدام عربيته.

ليلي: علي فكرة تاني مره ما تشدنيش كده وتسحبني وراك

ادهم: اتحولتي؟؟

ليلي: يعني بتسحبني وراك كده ليه؟

ادهم: لأن الشقة دي بشكلها ده مشبوهة ومحبتش حد فيهم يشوفك فيها
وخصوصاً لو عرفوا إنك اخت واحد زميلهم ، ومش هيفرقوا انتي جيتي امتي ،
بايته ولا لسه جايه ... فهمتي؟

ليلي فرحت جواها إنه مهتم بسمعتها ..

فضلوا ساكتين هو واقف بعيد شويه إيديه في جيبه ونظارته في وشه وبيشوت
حاجة في الأرض وباصص للأرض .

كان نفسها تطلع موبيلها وتصوره

ادهم: هو انتي على كده طالعه من البيت الساعه ٦ مثلاً ولا جايه منين ولا
ايه؟

ليلي: لا مش جايه من البيت طبعاً... كنت نبطشيه النهاردة في المستشفى وبابا
كلمني بعد الفجر بعد ما صلي لانه اتخض ان مصطفى مش موجود في البيت
ادهم: نبطشيه؟؟؟

ليلي: انا دكتوراه يدوب خلصت الإمتياز ولسه مستلمه شغل جديد

ادهم: دكتوراه اممم؟؟ عرفتي عنواني منين؟

ليلي: مصطفى أخويا مالوش سيرة تقريبا غيرك انت .. من وهو في الكلية وهو
بيعرف كل حاجة عنك وبالتالي انا كمان عارفة كل حاجة عنك.

ادهم: تعرفي ايه عني؟؟ ولا أخوكي نفسه يعرف ايه عني؟ مش لانه عارف مكان
سكني أو المكان إللي بسهر فيه يبقي يعرف كل حاجه عني... انا مفيش حد
يعرف حاجة عني.

ليلي بتحدي: أنا اعرف عندك كام سنة .. وأعرف بتاكل ايه وبتشرب ايه
وبتشرب كام سيجاره في اليوم وبتسهر فين .. وبتعرف كام بنت وبتسافر امتي
وترجع امتي؟

ادهم: اي حد في شغلي يعرف كل ده عني بس برضه ده مش معناه انك تعرفي
حاجه عني.. طيب انتي مثلا في المستشفى ممكن بتاع الأمن اللي على الباب لو
سألته هيقولي بتيجي إمتي وتمشي امتي ومين بيحبك واصحابك هيقولو بتاكلي
ايه وتشربي ايه فهل ده معناه إني اعرف كل حاجه عنك؟
سكتوا الاتنين ... وعدت كام دقيقة ومصطفي اخوها نزل يجري ووقف قدام
ادهم وحياه

ادهم: نزل ايدك وشوف أختك

راح لاخته ...

مصطفي: إنتي ايه اللي جابك وجيتي ازاي؟ انتي اتجننتي تجيلي هنا؟
ليلي: انت بتعمل ايه هنا؟ وايه الوضع اللي شفتك فيه ده؟ من امتي احنا كده؟
هيا دي تربيتك واخلاقك؟
مصطفي: بقولك ايه انتي هتعملي زي ابوكي ولا ايه؟ وبعدين انتي بتكلميني كده
ليه اصلا؟

ليلي: انا اختك الكبيره واتكلم زي ما انا عايزه

مصطفي: كبيره؟؟ انتي هتستعبطي ولا ايه؟ انتي كبيره بتلات دقايق بس هتعملي
فيهم كبيرة بقي.

ادهم سامعهم وابتسم وفهم انهم تؤام

ليلي: حتى لو تكون ثانية واحدة ... برضه انا الكبيره ... ياللا اتحرك بابا وماما
قالين الدنيا عليك ياللا .

مصطفي سكت وهي راحت لأدهم

ليلى: انا متشكرة جدا لحضرتك واسفة لو كنت أزعجتك؟؟
ادهم مردش عليها بس بص لأخوها
ادهم: هات اختك واركبوا هوصلكم البيت إنجز
كان بيأمر مصطفى ومصطفى بينفذ بس ليلى شدته ووقفت
ليلى: متشكرين احنا هناخد تاكسي ونروح
ادهم بص لمصطفي: اركب وركبها
وهو ركب عربيته... مصطفى شد اخته وركبها وركب هو جنب ادهم و تحرك
بهم .

مصطفي: انا متأسف جدا يا سياده المقدم على اللي حصل النهارده ده؟
ادهم: تاني مره تبقى تعزف بيتك إزاي يلاقوك لو احتاجوك وطالما انت بره
يبقي تليفونك مفتوح.
مصطفي: حاضر يا افندم
ادهم: وما تقولهمش تاني إنك سهران معايا طالما انت مش سهران معايا؟؟؟
مصطفي: تمام يا افندم
ادهم: انزل طمن عيلتك وتجري علي شغلك اتفضل

ادهم راح علي شغله وجمع كل الخريجين الجداد اللي لسه مستلمين شغلهم
وجمع زمايله كمان وكلهم في صالة التدريب.
كانو اربعة ادهم وأكرم ومحمد وعلاء دول أصحاب جدا وكل واحد فيهم معا
خمس تلاميذ مسئول عنهم يدرهم ويجهزهم للخروج للحياة العملية... يجهزهم
لشغل المخبرات وشغل الجاسوسية ويعلمهم مهاراته الخاصة.
ولهم كمان مدرين للفنون القتالية وفنون التنكر وكل مجال ممكن يحتاجوه

في شغلهم

أدهم كان واقف مع اصحابه واستأذنتهم الأول انه يتكلم مع العيال كلهم
أدهم: بما انكم كلكم هنا فانا عندي كلمتين هقولهم
الباب خبط ودخل مصطفى يجري ووقف وسط أصحابه
أدهم: مش معنى انكم بقيتوا ضباط مخبرات واتعينتوا هنا انكم بقيتوا
حاجة!!! انتوا حالياً ولا حاجة؟ انتو في قاع السلسلة الغذائية للضباط...
وبدال ما تتدربوا وتحسنوا قدراتكم بتروحووا تسهروا وتسكروا وتقضوها مع
بنات ...

طبعاً ممكن حد فيكم يقول إن دي حياتنا الخاصة واحنا أحرار وهو فعلاً
عنده حق بس ده لو حياته الخاصة مش هتأثر على شغله.. لكن في حالتكم
انتو اللي بتعملوه ده والمنظر اللي انا شفتكم فيه الصبح احب اقولكم ان ده
بداية نهايتكم.

مينفعلش تفضلوا طول الليل سهرانين تشربوا وتسكروا وكمان تعملوا علاقات
مشبوهة وعايزين تيجوا الصبح تبقوا ظباط طبعا ده كلام فارغ... صححتكم
هتههور من الشرب والجنس والسهر ولا هتقدروا تتدربوا ولا هتقدروا تقفوا
اصلاً على رجلكم... ومحدث يبصلنا ويقول إن احنا مثلاً بنسهر ونشرب او
لينا علاقات لاني هقولكم إن احنا خلاص وصلنا وبقينا زي ما بيقولوا كده
بالعامية: نمونا وقف .. وعلى الرغم من كده لو عندنا مهمة أو التزام معين
بنقوم بيه وساعتها ولا بنشرب ولا بنسهر... كلامي ليكم خلص... كلامي حالياً
موجه لرجالي أنا بس... تدريبكم كل يوم هيبدأ الساعة ٦ الصبح هتيجوا
وهتدربوا حتي لو انا مش موجود... هبدأ معاكم نظام جديد وهكلف كل واحد
بمهمة معينة يقضها وهدخلكم معايا في شغلي أكثر .. يعني مش هنقتصر على

التدريب هنا بس هخرجكم شوية شوية للعالم الخارجي... ممنوع منعاً باتاً
السهر او الشرب او الجنس طول ما عندك تاني يوم تدريب...

عندكم يوم الخميس وراه الجمعة اجازه اعملوا ما بدالكم... طبعاً أنا مش
بجبر حد وكل واحد حر بس اللي مش عاجبه نظامي او أنا مش عاجبه يتفضل
يشوف غيري... قررنا
أكرم هنا اتدخل: نفس الكلام ده ينطبق علي رجالي
محمد وعلاء كمان قالوا نفس الكلام

يوم ورا يوم بيعدى والطلبة بينفذوا الكلام بالحرف
ادهم بالليل راح الكباريه اللي متعود يسهر فيه، وشرب وجاتله بنت تقعد معاه
واكتشف انها نفس البنت بتاعة الصبح.

البنت: اسمي دنيا

ادهم: اهلا

دنيا: ما انت حلو اهوه وليك في السهر والشرب امال الصبح كنت شاويش
عطيه ليه؟

ادهم: الصبح حاجة والليل حاجة تانيه خالص المهم هترغي ولا هتقومي؟؟؟

دنيا: اقوم طبعاً هو أنا أطول

ادهم: طيب يالا قبل ما أفوق

ركبوا العربيه وادهم طلع بيها

ادهم: هنروح فين؟

دنيا: شقتك

ادهم: لا شقتي مفيش بنات بتدخلها نهائي

دنيا: طيب نروح شقة الصبح
ادهم: لا طبعا اللي فيها تلامذتي مينفعش
دنيا: يبقى تعالى شقتي

وصفت له الطريق ووصلوا وطلعوا على شقتها... ادهم كان معاه ازازتين خمرة
شربوهم... دنيا جنبه لابسه ما يشبه قميص النوم وقلعت ادهم قميصه
وقاعده جنبه بتحاول تغريه
كان قدامهم مزه بياكلوها ودي عباره عن مكسرات
أدهم مع انه سكران جدا الا ان في حرب جواه... كل يوم نفس الحرب دي...
نفس الكره والغيط والغضب ما بينتهوش!!! ما بيقلوش
دنيا: ما تيجي ندخل اوضه النوم ايه رأيك؟

ادهم: عارفه؟ انتو كائنات متطفله مستفزة... تعرفي العلقة؟؟ دي حشرة
صغيرة بتلرزق في الجسم تمص الدم لحد ما تشيع تمشي تشوف غيره .. انتوا
كده... لا لا انتوا مش كده .. لأن الحشرة دي بتمص الدم الملوث كده انا
بظلمها بتشبهها بيكم... انا مش عارف انتوا ايه؟
دنيا: ما كفايه بقي كلام

ادهم: عارفه انا هنا ليه؟ علشان بكره كل الستات ... بكرهم جدا
دنيا: بتكرهنا بس متقدرش تستغني ههههههه
ضحكت بمياعه ضحكة الراقصات

ادهم: مش حكاية اني مقدرش استغني حكاية اني بحب اعمل زيكم .. أخذكم
اتمتع بيكم وبعدها أرميكم بره زي السجاير بالظبط أشربها وأحطها تحت رجلي
أدوس عليها... انتو كده بالظبط .

دنيا: وانا راضية اشربني

أخذته أوضه النوم وشويه كده ولقى نفسه قرفان جدا منها ومش قادر يفضل معاها.

زقها بعيد عنه ومهما تشده ييزقها ولأنه سكران بيقع لحد ما وقف وسأبها وخرج شد قميصه ومشي على شقته.

مستغرب من نفسه ليه معرفش ينام معاها؟ ليه صورة ليلي جايه قدامه وهي بتقول ان اخوها متربي وما يعملش كده؟ ليه جواه احساس كبير بالذنب ان تلامذته بتقلده حتي في علاقاته وشربه وسهره.... طيب هو وله ظروفه الخاصة لكن هما يقلدوه ليه؟؟

روح بيته وخلع قميصه المفتوح ورماه بعيد ... وفضل يشرب ويشرب .. وجواه نار مهما يشرب ما بتطفيش ابدأ .. ونام علي الكنبه او بمعني أصح اغمى عليه من كتر الشرب والقزايز حواليه فاضية.

فتح عينه علي خبط مزعج جدا في دماغه وفي الباب جه يقوم بس وقع لانه مش قادر يقف أصلا

صداع رهيب من كتر الشرب بس اللي علي الباب مُصِر انه يفتح... ادهم قام واخيرا وصل للباب وفتحه وما استغربش لما لقي ليلي بس المره دي معاها راجل كبير خمن انه ابوها ...

ابوها محمد: ابني فين؟

زق ادهم ودخل جوه واول ما شاف قزايز الخمره بص لأدهم اللي ندم للحظه ان ابو ليلي شاف المنظر ده عنده

عم محمد: خمره؟؟؟ وسياذتك مثل أعلى ههههههه... لعن الله شاربها وساقمها وحاملها بس انت أمثالك ما يعرفوش ربنا أصلا.... ابني فين؟

ادهم: الشقة قدامك دور عليه براحتك

ادهم فتحله الطريق وزى بنته دور بس ملقيش حد

عم محمد: ابني فين؟

ادهم: انا معرفش ابنتك فين؟

عم محمد: انت ظابط انت؟؟؟ انت مسؤل عن تدريب شباب صغير هيطلع

للدنيا؟؟؟ ابني مربيه احسن تربيته واول ما جه عندك بقي يسهر ويشرب والله اعلم بيعمل ايه تاني وده ليه؟ لان القائد بتاعه اسوأ من كده بمراحل فطبيعي انه يقلده

ادهم: والله انا مقلتش لحد يقلدني وانا مش مسؤل عن تصرفات حد كل واحد حر ومقلتلوش ياخدني مثل اعلى

عم محمد: بس لما تكون مسؤل عن ناس لازم تراعي تصرفاتك

ادهم: انا حر

عم محمد: لا ما انتاش حر ابدًا طالما بقيت مسؤل تبقي مش حر.... طالما مسؤل تعلم ناس يبقى مش حر لان طبيعي ان الطلبة تقلد استاذها.

ادهم: حضرتك جاي تديني درس في الأخلاق؟؟؟

عم محمد: لا العفو يا باشا ... بس انا عايز ابني لان لو هما دول الضباط امثالك كده فانا ما يشرفنيش اني اقول ان ابني ضابط ... لا اخلاق ولا دين ولا تربية... يعربد طول الليل ويشرب ويسكر ويزني يبقى ما يشرفنيش ابدًا ان ابني يبقى منهم.

ادهم: خلاص خد ابنتك بعيد عنهم

عم محمد اتترفز جامد على ادهم: ابوك معلمكش انك عيب ترد علي الكبير كده...

معلمكش الادب والاخلاق (مسك قزازه خمرة وحدفها في الارض اتكسرت)

معلمكش ان الشرب ده حرام؟؟ معلمكش ان السجاير دي (مسكها ورماها)

مضره وتعتبر ذنب أصغر؟؟؟ معلمكش ان الزنا من أكبر الكبائر؟؟؟

معلمكش انك لما تكون مسؤل لازم تكون قدوة؟؟؟ انا مش عارف انت بتعلمهم

اياه؟ ازاي يشربوا ويسكروا ولا أزاي ياخذ بنت معاهم السرير؟؟؟ هو ده اللي بتعلمه لهم صح؟ انت ظابط انت؟؟؟
ادهم: خلصت كلامك؟؟؟

عم محمد: لا مخلصتش... انا عايز اعرف انت ابوك فين ولا امك ولا متبريين منك من عمائك السودا دي؟؟؟

هنا ادهم وصل للقامة: عايز تعرف ابويا فين؟؟؟؟ ابويا ميت خلاص ارتحت ابويا وامي ماتو وانا عندي عشر سنين وعلشان كده محدش علمني كل اللي انت قولته ده..... خلاص؟؟؟ محدش علمني اي حاجة؟؟؟ وبعدين بتسألني انا ظابط ايوه ظابط واحمد ربنا ان انا ضابط لاني لو مكنتش ضابط كنت هبقي مجرم في الشوارع وساعتها كنت هحرق الدنيا دي كلها انا جويا نار مله اش اول من اخر فاهم؟ جويا نار لو خرجت مش هتخلي اخضر ولا يابس؟؟؟ ودلوقتي بقي انا معرفش إبنك فين فاتفضل من هنا.

عم محمد: تربيه شوارع يعني!!!! يبقي الواحد ما يستغريش انك تطردني او تعمل اكثر من كده؟ يالا يا بنتي من هنا .. الجو والمكان هنا وسخ.
خرجوا وسابوه قاعد مكانه مش قادر يتنفس او يتكلم او يقوم من مكانه... من امتي بيطرده حد من بيته كده ولا بيرد كده؟ ليه زعلان ان اب خايف على ابنه؟؟؟ مش كل الناس زيه .

ادهم قام بسرعه يلبس هدومه كان هيدوس علي القزاز فوقف لمه كله بايديه... كان متغاض جدا ومتفرغ جدا وكل كلمه الراجل قالها بيعيدها تاني ادهم اخذ باله انه بيضغط بكل قوته علي قزازه في ايده وان ايده اتعورت وبتجيب دم كثير .

قام بسرعة ومسك شاش من علبة اسعافاته ولفها على ايده بسرعة ولبس

ونزل يجري علشان يحصلهم .
نزل لقاهم ماشين يا دوب على ناصية الشارع ركب عربيته وحصلهم بسرعه
ووقف جنبهم

ادهم: لو عايز ابنك اركب هوصلكم
عم محمد: متشكر لخدماتك
ادهم: عايز ابنك ولا لا؟؟ اركب.
عم محمد بص لبنته وفتحها الباب .. ركبت ورا وهو ركب قدام جنبه.
ادهم بيسوق والكل ساكت بس عم محمد لاحظ ان ايد ادهم بتنزف والدم بينقط
منها .

حاول يتجاهله ويعمل مش واخذ باله بس مقدرش
عم محمد: علي فكره انت ايدك بتنزف
ادهم: متشغلتش بالك
بعد شويه ليلي متابعه ايده: غلط تنزف كده لازم
قاطعها: ما تشغليش بالك يا دكتور
ليلي: ولو اغمي عليك وانت سايق كده بينا؟؟؟
ادهم بيضحك بغلب: لا ما تخافيش علي نفسك وعلي ابوكي مش بيغمي عليا
من مجرد جرح كده
اخيرا وصلوا وهو فتح عربيته ونزل وبص لليلي
ادهم: استنوني هنا... محدش يجي ورايا وثواني ونازل
ادهم بيص لليلي علشان ما تخليش ابوها يطلع ويشوف منظر ابنة كده ليلي
شاورت بدماغها انها فاهمة.

ادهم طلع يجري لفوق وزق باب الشقة خلعه من مكانه ودخل للمكان اللي
مصطفي فيه واتفاجئ مصطفي بنفسه بيوقع من على السرير

وأدهم مسك هدومه ورمهاها في وشه: البس هدومك في أقل من دقيقة اتحرك
مصطفى بيلبس بسرعه: علي فكره احنا لوحدنا مفيش اي بنات
ادهم: البس وانجز.

ادهم مسك قميصه وحده في وشه من غير فرصة يقفل زرايره.. و مسكه من
هدومه وجرجره قدامه على السلم لحد ما نزلوا لتحت .. ومصطفى مستغرب
ليه كده؟

كان أبوه وليلى واقفين تحت وليلى بتحاول تمنع أبوها يطلع لانه لو شاف ابنه
كده ممكن يروح قمها
ليلى: انت مش حاسس انك زودتها قوي معاه؟؟؟ ده ضابط له وزنه ومركزه
وانت هزقته

عم محمد: معرفتش امسك نفسي شاب في سن الورد يضيع شبابه كده؟ وبعدين
ندمت لما عرفت انه يتيم يالا ما علينا اهو اللي حصل.
ادهم وصل لقدامهم ورمي مصطفى ناحية ابوه.

ادهم: ابنك في حضنك اهو... من هنا ورايح انت مسئول عنه ومحدث ابدأ
يجي يدق بابي يسألني عنه مفهوم؟؟؟

(بص لمصطفى) انت يا ابني انت تشوفلك حد غيري لانك ماللكش مكان عندي
خلاص؟؟ من هنا ورايح انت مش من رجالي؟؟ وبعدين انت بتعمل كده ليه
هاه؟؟ عندك عيله بتحبك وتخاف عليك.. عندك اخت بتيجي تسأل عليك
وبتحبك وعندك اب هيموت نفسه من خوفه عليك واكيد والدتك في البيت
هتמות من قلقها.. عايز ايه تاني اكر من كده؟؟ اللي عنده اب وام المفروض
كل يوم يوطي علي رجلهم بيوسهم مش يجننهم ويخلهم كل يوم يطلعوا يدورا
عليه؟؟ حافظ علي النعمه اللي في ايدك بدال ما تتحرم منها.
مصطفى: يا سيادة المقدم انا م....

قاطعه: مالکش مکان عندي وما اشوفش وشك تاني.... كده مرضي يا عم الحج
ابنك اهوہ قدامك انت حر فيه وانا من هنا ورايح ماليش علاقه بيه خلاص؟
ساہم وركب عربيته وطلع زي الصاروخ من قدامہم
مصطفي: انتو عملتو ايه؟ انتو دمرتوني فاهمين؟ انتو دمرتوني

عم محمد: انت عايزني اشوفك بتغلط واقف اتفرج؟

مصطفي: ومين قالك اني بغلط؟؟ هيا صح؟؟

انت عارف كنا بنعمل ايه هنا؟؟؟ كنا بندرب؟؟ كنا بنساعد بعض واتصلت
بامي وقولتله انا هبات مع زمالي بيقى ايه بقى؟؟ تيجو وتدمروني كده ليه؟
عم محمد: الراجل ده تأثيره وحش عليك ...

مصطفي: انت تعرف مين الراجل ده؟؟ تعرف ايه عنه هاه؟؟

عم محمد: اعرف انه سكري وبتاع نسوان وده كفايه

مصطفي: الراجل ده من اكفاً وأحسن الطباط اللي التاريخ بيذكرهم مش في
مصر بس لا ده في اي جهاز مخبرات اسمه له وزن ... ده القمة وانا عمري كله
بتعب وبسهر علشان اقدر أوصله ... طول سنين كليتي بحلم اوصل لأدهم ده
يبقى لما أوصله تبعدني انت عنه؟؟؟ ليه انا عملتكم ايه؟؟ وانتي يا ليلي اكثر
واحدة في الدنيا عارفة قد ايه الموضوع ده مهم بالنسبالي تقومي عملي كده؟؟
ليلي: انا معرفش ان بابا هيعمل كده.

عم محمد: بقولك ايه انا ما قولتش كلمه واحدة اتبلبت فيها عليه ... قولت اللي
شايفه بعيني وبعدين انت لسه في شغلك .

مصطفي: بس مش معاه انت عارف بعد الليلة اللي فاتت هو كلفنا بمهام
نعملها وغير تدريبه معانا وبدأ يخرجنا للواقع ومنع تماماً أي حد فينا يشرب او
يسهر أو يسكر أو يقابل بنات وهدد أن لو حد عمل كده هيطرده من فريقه
وخلي كل الطباط زمايله يعملوا زيه كده تيجي انت تتسبب في طردي ... ده مش

بس انت دمرت مستقبلي معاه .. إنت حتي سمعتي دمرتها لان الكل هيقول اني
اتطردت بسبب اني سكرت ولا نمت مع واحدة.
شفت بقي انتو وصلتوني لايه؟؟؟ انا مش هسامحكم ابدا
سأبهم وجري بعيد عنهم وركب اول تاكسي يقابله في وشه

ادهم فضل يلف بعربيته وقعد في حته هاديه علي النيل ديما بيقعد فيها من
صغره
فضل يفتكر بيته الجميل الهادي ... ابوه وحب ابوه ليه .. عم محمد بخوفه علي
ابنه فكره بابوه وحب وخوف الاب علي عياله ... ليلي كمان فكرته باخواته
وتخيل للحظات لو ابوه لسه عايش كان فضل وسط عيلته الهاديه والجميله
ومكنش خسر كل حاجه كده واحده واحده بعد موت ابوه ...
ذكريات وذكريات بتهاجمه سنين طويله وحيد
#يا ابني؟؟؟ يا ابني مالك؟؟
فاق ادهم علي صوت حد بيكلمه
ادهم: خير في ايه؟؟ حضرتك محتاج حاجه؟؟
#لا يا ابني بس انت اللي محتاج
ادهم: وانا محتاج ايه؟؟
#محتاج دكتور لايدك اللي بتنزف دي
ادهم كان نسي تماما ايده ... بصلها بلامبالاه
ادهم: ياريت كل الجروح بتتعالج زي ايدي كده

كله بيروح حتي العمر بيروح ارمي تكالك علي اللي خلقك واشكيله وهو بيرزق ادهم قام وراح المستشفى العسكري بتاعتهم وخصوصا لانها قريبه من مكان شغله ، دخل وطلب دكتور جراحه

الاستقبال: حضرتك عايز حد معين ولا اي دكتور

ادهم: اي دكتور جراحه مش تفرق

الاستقبال: في استشاري بس حاليا هو في عمليات والله اعلم هيخلص امتي

ادهم: وعلشان كده قولت لحضرتك اي دكتور

البنت كان عاجها ادهم وعلشان كده بتحاول توقفه قدامها كتير

الاستقبال: في حوالي ثلاث دكاتره تانين منهم

ادهم: هو انا بتكلم بلغه انتي مش فاهماها ولا ايه ؟ قولتلك اي دكتور متاح

مش هيفرق معايا فيا تنجزي.. يا تقولي انك مش فاهمه شغلك... يا ما

بتفهميش من اصله لكن كده انتي بتعطليني انجزي

الاستقبال: اسفه يا فندم لحظه

عملتله الكشف وعطموه وهو راح لعند الدكتور خبط وفتحته الممرضه

ودخلته

الممرضه: لحظه والدكتور هتيجي وريني ايدك

ادهم: دكتور هاه ؟؟

الممرضه: عندك مشكله انها بنت ؟؟ ولا ايه ؟؟

ادهم: لا مش هتفرق بس ياريت ما تكونش هتتاخر لاني متاخر اصلا علي

شغلي

الممرضه: دقيقه وهتكون هنا

غسلت ايده ونظفتها وجهزت كل حاجه للدكتور

الدكتور دخلت: هاه يا بنتي في مين هنا ؟

الممرضة: في حالة جوه هتحتاج لخياطه (بصوت واطي جدا) مز من الاخر
الدكتوراه: اخرسي

كانوا بيتكلموا بهمس بس ادهم كان شايف الممرضة وقرى حركه شفايفها
وعرف بتقول ايه

ادهم حط ايده السليمه علي دماغه ومغمض عنيه وراقده علي سرير الكشف
ومستني

الدكتوراه: اسفه للتأخير ... حضرتك اتعو...

قطعت الكلمه اول ما رفع ايده من علي وشه وشفاته

الدكتوراه: انت؟؟

ادهم: انتي هنا؟؟

قام وقف: انا غيرت رأبي ومش ناوي اخيط ايدي بعد اذنكم

ليلي: خايف ولا ايه؟؟؟ ما تخافش لو صوت مش هقول لمصطفي علشان
صورتك ما تتهزش

ادهم ابتسم: هو حد قالك اني عيل صغير هتضحكي عليه بكلمه او انك تثيريه
بالكلام واتحداكي مثلا واقولك لأهستحمل؟؟؟

ليلي: ما اعتبرتلكش عيل صغير غير لما قمت تمشي لمجرد ان الدكتوراه مش علي
هواك فلغيت عقلك وقررت تهرب وتجري

ادهم: انا لا بهرب ولا بجري بس بريح دماغي

ليلي: بريح دماغك بانك تأذي نفسك ... انت already نزفت كثير وبعدين

الجرح كل ما يقعد من غير علاج هيبقي علاجه صعب وخياطته صعبه وبعدين
سيبني ارد جميلك

ادهم: جميلي؟؟؟ جميلي ابوكي رده تالت ومثلت

ليلي: لو سمحت اقعد واسمحلي اعالج ايدك

في حاجة في صوت ليالي بتخليه يستسلملها وهو مش عارف ليه بس قعد
ليالي: الاول هشوف لو في قزاز ولا حاجة لسه في ايدك
نضفت ايدة وهيا متوتره وبعدها مسكت حقنه
ادهم: الحقنه دي ليه؟؟

ليالي: لا متقلقش دي مجرد مخدر موضعي علشان اعرف اخيط ايدك
ادهم: خيطي من غير مخدر عادي

ليالي: لا مش هتستحمل الالم
ادهم: سيبيني انا احدد استحمل ايه وما استحملش ايه؟؟
ليالي: براحتك بس لو ما استحملتش ما تكابرش

ليالي بدأت تخيط ايدة وهو رجع لوضعه الاولاني ايدة علي دماغه ومداري وشه
وساكت تماما لدرجه انها افكرته نايم او مكابر حاجة جواها خلتها شكته
بالابره وهيا بتخيطة يمكن لانها عايزاه يتألم؟؟ او عايزاه ينطق؟؟ او عايزاه
يشتكي؟؟

ادهم رفع ايدة: شوفي مهما عملي مش هتأثر فريحي نفسك
ليالي: وانا عملت ايه؟؟؟ وبعدين في حد لاستحمال الالم

ادهم: لو متعوده عليه بتيجلك فتره وهتلاقي نفسك ما بيفرقش معاكي الالم
وبقيتوا اصحاب واتعودتوا علي بعض وانا والالم اصحاب من سنين فمش
هتفرقي معايا وبعدين سبق وقولتلك ان ده مجرد جرح بسيط في ايدي

ليالي: انت هتاخذ اكر من ١٥ غرزة وتقولي جرح بسيط؟؟

ادهم: ايوه بسيط مقارنة بضربة سكينه او رصاصة ده مجرد جرح عادي مش
حاسس بيه اصلا ممكن بقي تخلصي لاني متأخر؟؟

ليالي خلصت وقامت غسلت ايدها وكتبتله علاج ياخده ووقفت واديتله
الروشته، ادهم كان بيقفل ايدة ويفتحها وكأنه بيمرنها.

ليلي هنا مدت ايديها بتلقائيه ومسكت ايده بين ايديها واستغربت هيا عملت
كده ليه

ليلي: ما تحركش ايدك كتير وحاول تريحتها وما تستعملهاش علي قد ما تقدر
وتيجي بعد يومين هفلكك الغرز دي انا موجودة في نفس الوقت.

ادهم سحب ايده: ان شاء الله

راح للباب وفتحه بايده المصابه

ليلي: مش بقولك ريجها

ادهم: سوري ما بهتمش بكلام الدكاترة

خرج وسابها ومشي وهو احاسيسه متلخبطة ومستغرب ليه بيتوتر وهيا

موجودة؟؟ ليه الاكسجين بيختفي لما بيشوفها؟؟

أدهم فوق لنفسك الستات كلهم طينه واحدة مستعد تجرب؟؟؟ لا لا مش

مستعد!! مش مستعد ابدأ ابدأ.

ادهم راح شغله واول ما دخل مكتبه لقي مصطفى مستنيه وفضل يترجاه

يرجعه فريقه تاني ، أدهم سابه خلص كلامه.

ادهم: عمرك سمعت عني اني برجع في كلامي او بغير رأيي؟؟؟ لا محصلش

يبقي تتفضل وتشوف غيري لاني مش فاضيلك اتفضل

حاول يتكلم تاني بس ادهم بنظره خلاه يمشي من قدامه ، كل اصحابه حاولوا

يعرفوا منه هو اطرده ليه بس معرفش يقولهم ايه؟؟؟ يقولهم ان ابوه هزأ

ادهم واتسبب بطرده؟؟؟ فالسكوت افضل، مصطفى اهمل شغله وبدأ ما

يروحش ويسهر بره او يبات كمان.

عم محمد: وبعدين واخرتها معاك النهارده وصلك انذار بالطرده من شغلك لو

انغيبت اكثر من كده

مصطفى: ما يطردوني فيها ايه؟؟؟

عم محمد: يا ابني كام سنة وانت في الثانوية بتعلم تبقي ظابط وكام سنه في الكليه وانت بتتمني تدخل مجال المخبرات تيجي بعد ما توصل تتخلي عن كل ده؟؟
مصطفى: كنت بحلم ابقي زي المقدم ادهم ... كانوا علي طول بيقولولنا علي مهماته وعلي ان الموت نفسه بيخاف منه وان محدش ابدأ زيه .. هو اسطورة في عالم المخبرات .. كان حلمي اني اكون زيه او حتي ابقي قريب من العالم بتاعه وعملت المستحيل ووصلت وانت جيت هديت لي كل اللي عملته طول السنين اللي فاتت دي فحسيت خلاص اني مش قادر اكمل ولا قادر ارجع فملوش لازمه بقي لازمها ايه؟؟

عم محمد: ماهو انت برضه في نفس مجاله وهو برضه قريب هتفرق ايه بقي تحت قيادته من قيادة غيره؟؟؟

مصطفى: تفرق السما والارض ... احنا كنا ملوك والكل بيشاور علينا ... دول تلامذة ادهم واكيد هيبقوا زيه ... دلوقتي انا اتطردت والكل بيشاور عليا ... ده اللي اتطرد من عند ادهم ياتري اتطرد ليه؟؟ ياتري عمل ايه؟؟ معدتش عارف اعمل ايه او اوجههم ازاي؟؟ خليهم بقى يطردوني بعد اذنك عايز انا اااام عم محمد خرج لبنته العاقله بيستشيرها يعمل ايه؟

عم محمد: وبعدين مع اخوكي ده مش هامه انه يطرد نعمل ايه؟؟

ليلى: هو بيحلم بحلم وبعد ما وصله احنا فوقناه منه فده رد فعله

عم محمد: يعني ايه؟؟ نوقف نتفرج؟؟

ليلى: هتعمل ايه يعني؟؟

عم محمد: اي حاجه نعمل اي حاجه m

ليلى: لو مستعد يعني المفروض...

عم محمد: المفروض ايه قولي علي طول

ليلي: تخلي اللي طرده هو اللي يرجعه

عم محمد: قصدك ايه؟؟ اروحله؟؟

ليلي: انت غلطت فيه وهو سكت وما ردش وعمل اللي انت عايزه قولتله يبعد

فبعد ابنك انت طلبت وهو نفذ

عم محمد: يعني انت متخيله اني هروحله اقوله رجعه يقوم يقولي امين؟؟

ليلي: لا طبعا بس اعتقد يا بابا انك لو اعتذرتله وكلمته من ناحيه انك اب

وخايف علي ابنك هيسمعك وبعدين يا بابا انت عايرته بيتمه .. هو مش ذنبه

انه يتيم

عم محمد: لا حول ولا قوه الا بالله انا مكنتش اقصد بس اهوه الظروف، بس

انتي متأكده انه هيتقبل اعتذاري؟؟

ليلي: لأ طبعا مش متأكده بس اعتقد انه بيقدم العيله وحب العيله لبعضها

اللي هو اتحرم منها فهيقدر.. علي العموم مش هنخسر حاجه لو جربنا

عم محمد: طيب اروحله امتي؟؟

ليلي: مش عارفه ... كان المفروض يجيلي وما جاش

عم محمد: يجيلك؟؟ يجيلك ليه؟؟

ليلي: مش ايدته كانت متعوره وجه المستشفى وكان من حظه انه يوقع تحت

ايدي اول ما اكتشف ان انا الدكتوراه بتاعته كان هيمشي بس اقنعتة يقعد

وخيطلت ايدته وكان المفروض يجي يفك السلك وما جاش

عم محمد: نروحله الشغل يعني؟؟

ليلي: علشان زمايل مصطفى يشوفوك ويقولو ابوك جاي يستسمحه لا طبعا

... روحله بيته واديك عارفه.

عم محمد: طيب تيجي انتي معايا؟؟ لو حسيتي اني هشد معاه تهديني انا لاني

ممکن لو شفته بیشر ب ولا عنده حد ممکن ادخل اهزقه
لیلی: لا یا بابا مالکش دعوه بحیاته الخاصة
عم محمد: خلاص نروحله انا وانتي ماشي ؟
لیلی: ماشي

دخلت لیلی اوضتها وجواها فرحة مهمه مش عارفه لیه متحمسة انها هتشوفه
من امي وهيا بتسمع اسمه؟؟ ومن امي كانت بتتمني تعرف حتي شكله ايه
؟؟ بتعرف كل اخباره ورسمته صورة في خيالها والمشكلة ان هو طلع احلي من
الصورة دي !!! اتمنت وهيا في بيته انه يكون ده بيتها...
فوقتي یا لیلی فوقتي ده مجرد راجل سکري وخامورجي وبتاع ستات وهیخونک کل
یوم مع واحده شکل فوقتي لنفسک وشوفي انتي فین وهو فین... انتي فوق في
السما وهو تحت سابع ارض.
قررنا فعلا انهم یرحوله البیت وراحو واستنوا بره
خبطوا کثیر جدا بس محدش فتح
عم محمد: شکله متنیل سکران ولا مغمی علیه
لیلی: طیب نمشی ونجیله وقت تانی ولا ایه ؟؟
عم محمد: خبطي تانی
فضلو حوالي عشر دقائق کمان
لیلی: بابا مفیش حد یا لا بینا
عم محمد: لا هیروح فین یعنی دلوقتي؟؟ اکید متنیل علی عین اهله سکران جووه
ومش قادر یقوم ولا حاسس بالدنیا والی فیها .. ماهو ده حال الخامرچی
ردت لیلی: وهو الخامرچی ده عاقل وقاعد فی البیت لیل نهار؟؟؟ مش یمکن

يكون عنده شغل؟؟؟

ادهم كان وراهم ويدوب جاي من بره يدخل بيته
كمل طريقه ووسعوله من قدام الباب فتحه ودخل

عم محمد: نمشي ولا ندخل؟؟

ادهم: لو عايزك تمشي كنت هقولك امشي او علي الاقل اقل الباب ...

عم محمد: بس علي الاقل تقول اتفضلوا

ادهم: اه سوري بس زي ما حضرتك قولت محدش علمني الذوق اتفضلوا

دخلو الاتنين وكالعاده شقته نظيفه جدا والمره دي ما فيش قزايز خمره

فاضية

عم محمد: مفيش قزايز فاضية!!!

ادهم: ده لاني بقالي يومين ما دخلتش البيت مش لاني بطلتها ... المهم خير!؟

عم محمد: المفروض الاول تضايفنا وتسالنا نشرب ايه؟؟

ادهم اتهد بصوت عالي لانه كان تعبان ونفسه يوصل سريره باي شكل

ادهم: اه طبعا .. تشربوا ايه؟

قام وقف

عم محمد: اقعد انت وليلي هتعملنا كوبيتين قهوة مضبوطين

ليلي وقفت بس هو شاورلها تقعد

ادهم: لا معلش انا هعمل لحضرتك القهوه المضبوط وحضرتك يا دكتوره

قهوتك مضبوط برضه؟؟

ليلي: انا مبشربش قهوه ما تشغلش بالك بيا

ادهم: اه وابوكي يقول اني كالعاده قليل الذوق وما اتربتش وما بعرفش في

الاصول صح؟ اتفضلي قولي تشربي ايه؟؟

ليلي: طيب نسكافيه لو ممكن؟؟ بس ممكن اساعدك؟

ادهم: لا معلىش ما بحبش حد يساعدي

دخل ادهم عمل كوبايتين قهوة وواحدة نسكافيه

ليلي وابوها بره بيتوشوشوا

ليلي: كان لازم يعني تطلب تشرب حاجه؟؟

عم محمد: بلطف الجو شويه

ليلي: وهو كده تلطيف؟؟؟

عم محمد: انا قلت انتي تعمليلنا حاجه نشرهها واهو يتكسف مننا فيوافق واحنا

في بيته لكن ما تخيلتش ان هو اللي هيصر يقوم بنفسه

ادهم خرج بالصينية وقدم القهوة لعم محمد والنسكافيه لليلي وهو مسك قهوته

ادهم: اتفضلوا

عم محمد: قهوتك حلوه ومضبوظة وبوش كمان متخيلتش انك هتعرف تعملها

اصلا؟؟

ادهم: انا عايش لوحدي اكر من عشرين سنه فأكيد هعرف اعمل قهوة ...

نسكافيهك مضبوط يا دكتورة ولا عايزة سكر او سكره زيادة؟؟

ليلي: لا مضبوط جدا متشكره قوي .. مجتش فكيت السلك!؟؟ ايدك اخبارها

ايه دلوقتي؟؟

ادهم: كويسه وفكيت السلك وكويسه

ليلي: فكيته فين؟؟

كان عايز يقولها مالكيش دعوه بس معرفش يقولها

ادهم: فكيته بنفسي .. دي لا اول ولا اخر مره اتعور فيها ما تشغيلش بالك

...المهم خير؟؟

عم محمد: مصطفي ابني

ادهم بص للارض وبيدك دماغه بايده بتعب

ادهم: معرفش هو فين ومش مستعد نهائي اني انزل ادور لحضرتك عليه ..
 عم محمد: لا مش القصد انا عارف مكانه هو في البيت
 ادهم: ولما هو في البيت حضرتك جايلي ليه؟؟
 عم محمد: اعتذرلك عن اللي حصل مني وتهوري وفقدان اعصابي عليك
 ادهم: الموضوع انتبي وخلص عادي
 عم محمد: لا ما انتهاش ابني في البيت
 ادهم: وايه المشكله انه في البيت؟؟
 عم محمد: انه في البيت مش في شغله ابني بيعلم من صغره ببيقي ظابط
 ودلوقتي بعد ما بقي ظابط قاعد في البيت وبعتوله انذار بالطرد
 ادهم: طالما اتغيب من غير سبب هيطرده
 عم محمد: هو مش عايز يروح
 ادهم: هو حر
 عم محمد: لا مش حر طبعا ... لا مش حر ابدا
 ادهم: انت عايز ايه؟؟؟
 عم محمد: مش عارف اشوف ابني بيدمر مستقبله واحلامه وطموحه واقعد
 اتفرج واقول انه حر
 ادهم: المفروض تعمل ايه بقي؟؟ تجيلي انا؟؟ عايز مني انا ايه؟؟
 عم محمد: عايزك ترجعه شغله
 ادهم: ارجعه؟؟ هو بيغيب بمزاجه ارجعه انا ازاي بقي؟؟
 عم محمد: هو مش عايز يروح بسببي فانت ساعدني
 ادهم: اساعدك ازاي؟؟
 عم محمد: رجعه لفريقه ولاصحابه وزمايله
 ادهم: نعم!؟؟ ارجعه ايه؟؟؟ ارجعه تحت قيادتي ثاني؟؟ وكل يوم الصبح

تيجوا تسألوني عنه؟؟وكل ما يسهر او يعمل اي حاجه ما تعجبكش تيجي

ترميها عليا؟؟؟

عم محمد: لا يا ابني

ادهم: انا مش ابنيك ومش ابن حد ... انا سكري وخمرجي ما تدساش ده ... انا زي
ما انا ما اتغيرتش ... وهفضل قدام ابنيك علي طول انا المثل السيئ للضباط
الجداد ... اسف طلبك مرفوض.

عم محمد: يا سياده المقدم مش هسامح نفسي ابدأ لو انا كنت السبب في تدمير
مستقبل ابني ... انا مجرد اب وكان خايف علي ابته واتفرزت عليك شويه
معلش بقي عديها

ادهم: اسفك علي عيني وعلي راسي بس مش هقدر ارجعه ... انت لمجرد انه
سهر بره جيت وعملت معايا خناقه لرب السما تخيل للحظه لو كان اتصاب
مثلا او اتعرض لضرب نار او لاقدر الله مات هتعمل ايه فيا؟؟؟ احنا في شغلنا
ده بنخرج واحنا عارفين تماما انه ممكن ما نرجعش
عم محمد: وانا عارف الكلام ده كويس ودي اعمار بيد المولي واختلفت الاسباب
والموت واحد

ادهم: وانا مش عايز اكون السبب في اي شئ يخص ابنيك ... انت طلبت مني
ابعد وانا بعدت احترم بقي اتفارقنا ده ودلوقتي انا تعبان جدا وزى ما قولت
لحضرتك بقالي يومين بره البيت وما نمتش فاعذرني.

ادهم وقف وهما وقفوا واخذ بنته وخرجوا ، هما خرجوا وهو قعد مكانه حط
راسه بين رجليه وساند علي ايديه ، ليه برضه احساسه بالذنب بيزيد؟؟ ليه
غيران من مصطفى وعيلته؟؟ ليه بيتمني ولو مره يحس بالحب او ان حد
خايف عليه؟؟ احساسه كثيره محروم منها وهو قاعد كده اتفاجئ بحد جنبه

فرقع راسه وشافها واقفه وبتبصله وللحظه تخيل انه متهيالها وانها مش
موجوده بس اتكلمت وعرف انها حقيقه واقفه قدامه ...

ليلي: ممكن اعرف انت عملت كده ليه؟؟

ادهم رجع لورا وسند ظهره علي الكنبه وبيتفرج عليها

ادهم: افندم؟؟ ابوكي بعتك تقنعيني؟

ليلي: لا طبعا ركبني تاكسي علشان اروح شغلي وهو ركب ومشي بس انا

رجعتلك علشان افهم انت عملت كده ليه؟؟

ادهم: مزاجي كده عندك مانع؟؟

ليلي: عندي مليون مانع لان ده مش بالمزاج

ادهم: فعلا مش بالمزاج... مش بمزاجكم تقولولي ابعده عنه ولما الدلوع بتاعكم

يزعل تيجوا تقولولي رجعه تاني... عندك حق مش بالمزاج فعلا

ليلي: انت بتضيع مستقبل اخويا ودلوقتي بتدمر ابويا انت ايه ما بتحسش؟؟

ادهم: للاسف ما بحسش ما عنديش قلب اصلا ولا بهتم بالمشاعر والكلام ده

كله اللي بتتكلمي عنه .

ليلي: طالما ما بتحسش يبقي تسمعني وبس... انت هترجع مصطفى شغله

وفريقه فاهم ولا مش فاهم؟؟؟

ادهم ضحك: والا ايه؟؟؟

ليلي: انا مش بهزر

ادهم: انتي بتهددي فعلا اعرف بتهدديني بايه؟

ليلي: ترجع مصطفى شغله... بابا مش هيسحمل انه يكون السبب في ان ابنه

يخسر مستقبله ويضيع... ومصطفى بيحمل بابا مسؤوليه اللي حصل... هيروح

فيها انت فاهم؟ انت لازم ترجع مصطفى شغله لازم

ادهم: بتهددي تاني والا ايه؟ لو مرجعتوش هتعملي ايه؟

ليلي مش عارفه تقوله ايه بس متغاضه من بروده
ليلي: هقتلك.... ايوه هقتلك واهو يبقي سبب ان مصطفي مش معاك لانك
ميت

ادهم: امممم هتقتليني!!!!؟ تصدقي شوقتيني للموت؟؟؟ بقي اخطر اجهزة
مخابرات في العالم حاولو يقتلوني وما عرفوش ومجرمين وقتالين قتله وفي
الاخر اموت علي ايدك انتي!!!! يمكن ... مش بيقولو يجعل سره في اضعف
خلقه!!!! اوك انا موافق اقتليني ياللا.

بعد ما كان اتعدل رجع لورا تاني وقعد باسترخاء علي كنبته ورفع رجليه علي
الترييزه وايديه تحت راسه وباصلها
ادهم: مستنيه ايه يالا واوعدك مش هقاومك نهائي ...

ليلي: ارجوك يا ادهم عيلتي هتتدمر اخويا وابويا الاتنين!! لو جرالهم حاجه
ماما كمان هتروح فيها ارجوك

ادهم: لا لا ما تقلييش دراما كنتي ماشيه حلو في الاول وبعدين ما قولتلك ما
ليش في كلام المشاعر... بصي الحياه خد وهات عندك ايه تديهولي في مقابل اني
ارجع اخوكي مكانه

بصلها من فوق لتحت وفهمها بنظراته عايز ايه وهيا فهمته
ليلي: ده نجوم السما اقربلك مني... ده حتي في خيالك مش ممكن انت فاهم؟؟؟
تطلع ايه انت علشان تبصلي كده ولا تطلع مين انت؟؟ انت راجل في نظري ما
تسواش تلاته تعريفه؟؟؟ انت مش راجل اصلا؟ انت لو الكون كله فضي
ومفضلش غيرك انت برضه لأ فاهم ولا مش فاهم؟؟؟

ادهم: انتي مش ملاحظه انك المفروض بتترجيني ولا نسيتي ان حياه عيلتك في
ايدي

ليلي: طالما انت ندل وواطي وما بتحسش يبقي ما ينفعش معاك الذوق

ادهم: وانتي برضه ما ينفعش معاكي الذوق... اطلعي.. بره.... بيتي
 ليلى: مش هطلع غير لما تتصل بمصطفي وتقوله انك رجعته
 ادهم: انا مش عارف مصدر الثقه اللي بتتكلمي بيه ده معتمد علي ايه؟؟؟ مش
 هتصل ومش هرجعه
 ليلى: ادهم
 ادهم: افندم
 ليلى: اتصل بمصطفي والا
 ادهم: والا ايه اتفضلي!! هتقتليني؟؟؟ يالا مستنيه ايه؟؟؟ اسهلهالك لحظه
 خلع حزام مسدسه ورماه قدامها علي التريزه ورجع لوضعه تاني
 ادهم: متعمر وجاهز يدوب ترفعي صمام الامان
 ليلى من غيظها منه فعلا طلعت مسدسه ووجهته ناحيته
 ليلى: والله اقتلك بجد لمجرد اني امسح الابتسامه دي من علي وشك الثقيل ده
 ادهم ابتسامته اتحولت لضحك وضحك عالي كمان قام وسابها ودخل اوضه
 نومه وهو بيضحك دخل وقفل بابه وراه وسابها هيا في الصاله وهيا هتجنن
 مش عارفه تعمل ايه؟
 ادهم دخل وبدأ يقلع هدومه... قلع شوزه ورماه وقلع قميصه وفك حزام
 بنطلونه ويدوب هيقلع بنطلونه الباب اتفتح ودخلت
 من غير ما يبصلها
 ادهم: غيرتي رأيك وجايه؟؟؟
 ادهم لقي مسدسه علي دماغه
 ليلى: لا ده ابعده من احلامك... بس هقتلك
 ادهم: علي فكره التهديد الكثير بيقلع قيمته ودي اول حاجه بنعلمها للعيال
 انه ما يهددش الا اذا كان مش ناوي يعمل حاجه لكن لو ناوي ينفذ علي طول

من غير تهديد

ليلي: بصلي هنا

ادهم بصلها: انسي انتي في مقابل اخوكي يا تقبلي يا تطلعي بره

ليلي: ما قولتلك انا ابعده من نجوم السما

ادهم: ابعده ازاي وانتي بيني وبينك كام سنتيمتر ولا دي دعوه منك بس مش

عايزه تقولها صريحه وانا مش واخذ بالي؟؟ بتثييري؟ دي طريقتك؟؟ الاول تترجي

وبعدها تتنرفزي وبعدها تهددي وبعدها تليني تاني وبعدها تهددي تاني وتقوليلي

اني مش راجل!! عايزاني اثبت رجولتي زي ما قولتيلي خايف من خياطه الجرح

علشان اقولك مش خايف واثبتلك!!! دلوقتي انا مش راجل علشان اثبتلك.....

ده قصدك؟؟؟ سوري ما فهمتكيش

قرب منها وهيا بترجع للخلف: انا في ايدي المسدس هقتلك ما تقربش

ادهم طبعا متجاهلها تماما وبيقرب مره واحده مسكها من ايدها وحذف

مسدسه بعيد عنها

ليلي: اوعي تلمس شعره واحده مني؟

ادهم: ومين قالك اني هلمس شعره؟؟؟ انا هلمسك كلك

شدها من ايدها جامد عليه حاولت تقاومه بس مفيش وجه مقارنة بين قوتها

وقوته ، مسك بلوزتها وبسهوله جدا شقها نصين وهيا صوتت ، شالها ورمها

علي السرير وهو فوقها مكتفها تماما ، ماسك ايديها وكأنهم كلبشات من حديد

ومش مديها اي فرصه تتحرك

ادهم: هاه عجبك كده؟

ليلي: ابعده عني اياك تلمسني اياك؟؟؟ مش علي اخر الزمن انت تكون اول واحد

يلمسني ابعده

ادهم: علي فكره كلامك بيجنني اكره واسلوبك ده مش نافع... فكره اني اول

واحد المسك لذيدة وما تخافيش اوعدك هبقي رقيق معاكي وبعدين دي هتكون
تجربة جديدة ليا.. وليكي الشرف انك اول واحده المسها هنا في بيتي... تصدقي
انك اول بنت تدخل البيت ده ..

بيكلمها وبيقرب منها وبيلمسها في خدها ورقبتها بوشه وشفافه
ليلي: ابعده عني يا ادهم

ادهم: ادهم ادهم ادهم وكأني صاحبك او حبيبك او ايه؟ بتهددي بايه تاني؟؟
انتي تحت رحمتي فاهمه؟ اديتك فرصه واتنين وتلاته وقولتلك اخرجي وانتي
فضيلتي اعملك ايه؟

ليلي: تبعد عني

ادهم: انا جوايا وحش نايم ويحاول ديما اسيطر عليه بس للاسف مش ديما
بقدر ولما بيطلع ما بيفرقش وما بيشفوفش وانتي صحيتي الوحش ده فصعب
ينام تاني؟

ليلي: ارجوك سيبيني خلاص فهمتك خلاص هنتني وكسرتني وكسرت غروري
وكبريائي كفايه استوعبت درسك كويس سيبيني بقي
ادهم: مقولتلك ما بحبش الدراما الاول كنتي احسن بحب روح التحدي فيكي
يالا طلعيها وبلاش عياط ودموع
ليلي: الدنيا مش سايبه

ادهم: انتي في اوضه نومي في شقتي... البواب تحت شافك طالعه بمزاجك يعني
جيتي هنا بمزاجك مش غصب عنك... العبي غيرها

ليلي: عارف بابا سألته انت طلبت منه قهوة ليه عارف قالي ايه؟ علشان تبقي
عشره ونبقي اكلنا وشربنا مع بعض وانت تتحرج منه.... هتخون ثقته دي
فيك؟؟ مصطفى شايفك مثله الاعلي وانك اسطورة هتخونه هو كمان؟؟ انت
ظابط مش خاين... انت مش خاين

كلمه خاين بترن في ودن ادهم.... خاين.... خاين.... اكثر حاجه بيكرهها في الدنيا
هيا الخيانة وهو فيه كل الصفات السيئة الا الخيانة عمره ما خان ابدا ابدا
وعمره ما كان خاين ابدا

قام مره واحده من فوقها وسابها وخرج بلكونته وطلع سيجاره يشربها ، ولعها
بايدين بتترعش وفضل يطلع غضبه وغيظه فيها ويهدي اعصابه وافكاره
المجنونه وسامع صوت عياطها ومش عارف ليه هيتجنن عايز يكسر اي حاجه؟
عايز يطلع ياخدها في حضنه ويطبطب عليها؟؟ عايز يقتلها ويخلص من
مشاعره المتناقضه دي؟؟؟

رمي سجارته ودخلها
ادهم: ممكن اعرف بتعملي ايه لسه هنا؟؟؟ امسكك تقولي سيبي واسيبك
تفضلي وبعدين؟

ليلي وقفت وبصتله كانت ماسكه هدومها وسابتها
ليلي: همشي ازاي بهدومي كده
بلوزتها مشقوقه نصين وهدومها الداخليه باينه
ادهم: دولابي كله قدامك خدي اللي يعجبك
أعطاها ضهره وطلع سيجارة تانيه وولعها
ليلي بصت حوالها كان فيه كنبه صغيره جنب السرير وعلما تيشرت اسود
قلعت بلوزتها ولبست تيشرته وطلعت ادهم لاحظها
ادهم: استني (وقفت من غير ما تبصله؟) التيشرت ده ملبوس مش نظيف
ليلي: مش مهم

مديتوش فرصه يتكلم وجريت... فضل في البلكونه لحد ما لمحها نزلت وجريت
في الشارع مش بتقف نهائي ، فضل واقف مكانه يبص لمكان ما اختفت فيه وكل
جراحه اتفتحت تاني وكل ذكرياته اللي بيحاول يدفنها طلعت تاني وبتمدله

لسانها وبتتحداه انه عمره ما هينساها ابدًا ، دخل وفضل يشرب ويشرب
ويشرب لحد ما وقع من كتر الشرب .

ليلى راحت لشغلها مهزوزه ضعيفه مستغبيه نفسها ، كانت فاكراه ايه؟ انها اول
ما تقوله يرجع اخوها هيسمع كلامها؟؟؟ كانت فاكراه انها ليها خاطر عنده!!؟
علي رايه هو ايه مصدر ثقمتها؟؟؟ كانت بتعتمد علي ايه؟ كانت مجنونه كده ليه؟
وفي لحظه جنون كانت هتخسر كل حاجه... هو مش زيبا.... هو ما بقالوش
سنين بيسمع اسمها وبيحلم بيها وبشكلمها... هو مش معجب بيها وبشخصيتها
وبيتمني يقابلها او يشوفها... هو مش زيبا.... هو شخصيه مختلفه عن احلامها
وتخيالاتها... لازم تفوق من جنونها ده وعالم احلامها اللي عايشه فيه؟؟؟
اخذت نفس طويل فشمت ريحته وافتكرت انها لابسه هدومه... فيها ريحته
مش بس برفانه لا ريحته هو... ريحة رجولته مخلوطه برفانه... ريحه عشقتها
وزودت جنونها اكثر واكثر

ادهم فاق من نومه كانت الدنيا ليل.... قام تليفونه بيرن بازعاج فمسكه ورد
ادهم: الو

اكرم بصوت عالي: انت فين هاه؟ اخيرا اتكرمت ورديت؟؟؟

ادهم: وطى صوتك

اكرم: كنت بتشرب بالليل بس دلوقتي ليل ونهار ولا ايه؟ قوم وتعال المدير
عايزك اتحرك.

ادهم قفل السكه وقام اخذ شاور يفوق نفسه شوويه وخرج بلبس هدومه
وهو بيلبس وطى بلبس شوزه لمح حاجه في الارض مد ايده وجاها ولقاها بلوزه
ليلى اللي قطعهاها ، مسك وبتلقائيه شم ريحتها وغمض عنيه افتكرا لما شدها

عليه ووقعت بين ايديه.... افتكرو وهو فوقها ويلمس رقبتهما وخدها ، افتكرو
ريحتهما ونعومتها وتخيل لو كان ده بمزاجها مش غصب عنها وابتسم ، ومره
واحد فاق ورمها من ايده: فوق لنفسك ايه؟ هتحن؟؟ هتتجنن وتحب؟؟
مستعد تجرب؟؟؟ مستعد للحب؟؟؟

وكانت الاجابه واضحه وصریحه :لأ مش مستعد
نزل شغله وشاف مديره اللي كلفه بمهمه جديده وطلب منه انه يكلف تلامذته
بيها وهو يراقبهم ويشوف هيعملوا ايه؟
راح مكتبه وجمع تلامذته

ادهم: واحد فيكم يتصل بمصطفي ويطلب منه يجي بسرعه علشان وراكم
مهمه جديده... ربع ساعه ويكون هنا وتيجوا كلكم مع بعض اتحركوا
فعلا اتصلوا بمصطفي اللي مكش مصدق نفسه ونزل يجري علي شغله
ومارده علي امه اللي بتكلمه ولا ابوه بس جري وصل شغله واتجمعوا كلهم في
مكتب ادهم ، ادهم بصله واكتشف مدي الشبه بينه وبين ليلي بس ليلي علي
اجمل بكتير ، فاق من تخيلاتة علي اصواتهم وحماسهم واستعدادهم
ادهم رمي قدامهم ملف

ادهم: ده ملف فيه كل المعلومات المتوفره عن عصابه الاسلحه... بيستوردوا
اسلحه وبيوزعوها في الشوارع والعصابات ووصلنا ان في صفقه كبيره هتم....
امتى؟؟؟ فين؟؟ مين مسؤل عنها؟؟؟ الله اعلم... وظيفتكم انتو بقي تجاوبوني
علي الاسئله دي... قدامكم ٧٢ ساعه حد اقصى، اتفضلوا وروني شطارتكم
خرجوا كلهم بس مصطفي فضل
ادهم: افندم

مصطفي: انا متشكر جدا انا مش عارف اشكرك ازاى اصلا انا
قاطعه ادهم: انا رجعتك لانك ظابط كويس ولانك مالکش ذنب في اللي حصل

بس لو الي حصل ده اتكرر تاني مش هكتفي بطردك من عندي بس لأ أنت
هتطرده من مجال المخابرات نهائي؟؟؟ الضابط اللي ابوه بيخاف عليه بالشكل
ده يبقى مالوش مكان بينا... احنا هنا بنواجه الموت في كل لحظه ده تعرفه
لاهلك والا اتفضل من هنا؟؟؟ ودلوقتي روح لزميلك ووريني شطارتك
مصطفي خرج واول حد فكر يكلمه هو توأمه وبلغها برجوعه لشغله وفرحته
وفضل يتكلم ويتكلم وهيا في ملكوت تاني... ملكوت اسمه ادهم محمود احمد
عبدالله ...

اشتغلوا في مهمتهم وادهم معاهم طول الوقت بس متفرج لكن دماغه شغاله
وبيطلع خيوط القضية وبيجمع واحد وواحد وتقريبا ملامح القضية كلها بقت
في ايديه

ادهم مع تلامذته بيراقبهم وهما بيلفوا حوالين نفسهم وفي نفس الوقت دماغه
شغاله وبيحل القضية في دماغه بيخرج معاهم ويرجع معاهم متابع صامت
بس مركز في كل حاجه ، خلصت المده بتاعتهم
ادهم: هاه وصلتوا لايه؟؟ هتقبضوا علي مين؟ ولا فين السلاح؟؟ ولا مين
هيوزعه؟؟

مؤمن: السواح .. هو هيستلم السلاح ويوزعه بس هيستلمه امتي وازاي وفيين
منعرفش

ادهم: وهتعرفوا امتي؟؟؟ بعد ما يبقى في الشوارع؟؟؟ كنت متأكد انكم لسه
عيال مش هيعرفوا يعملوا حاجه بس قلت اديكم فرصه تعملوا اي حاجه لكن
طلعت غلطان

مصطفي: السواح معاه بنت ما بتفارقوش ولا ليل ولا نهار اسمها ريفانا
ادهم: وما استعملتوهاش ليه؟
مصطفي مردش ولا مؤمن

محتاج اي حد فيكم يدخل لان ممكن يتعرف شكله وخصوصا لو شافوكم مع
 بعض.. انتو هتستنوا هنا تتفرجوا وتتعلموا وبس
 دخل المكان وبص حواليه لحد ما شاف ريفانا بصلها من فوق لتحت وهيا
 لاحظت نظرتة وتخيلت انه هيعجب بيها بس ادهم بصلها من فوق لتحت
 وتجاهلها وراح للبار قعد عليه وطنشها تماما
 مصطفي: ده طنشها خالص
 عماد: الممنوع مرغوب ممكن علشان معبرهاش تروحله
 مؤمن: مش كده وبس الطريقه الي بصلها بيها مستفزة وكأنه بيقولها ايه ده؟
 شايفه نفسك علي ايه؟
 رجعوا يتابعوا ادهم تاني والبنيت بتحاول تلفت انتباهه بانها تروح جنبه او تلزق
 فيه او تعمل اي حاجه وادهم ولا معبرها
 ريفانا: انت متعمد تتجاهلني ولا ايه؟
 ادهم: انا اعرفك؟؟؟
 ريفانا: لأ بس معنديش مشكله نتعرف
 ادهم بيفكر ويبصلها عادي جدا
 ريفانا: ايه ده انت بتفكر؟؟؟
 ادهم: وايه الغريب اني افكر ما بحبش احكم بالظاهر او الشكل وما
 بتعجبنيش البنيت الي تعتمد علي جمالها
 ريفانا: امال ايه اللي بيعجبك؟؟
 ادهم: ده (شاور علي عقلها) بتشدني البنيت الذكيه
 ريفانا بتقرب منه وبتهمس
 ريفانا: طيب مش يمكن اطلع ذكيه ما تحكمش بالظاهر زي ما بتقول... ايه
 رأيك لو نرقص؟؟

ادهم: انتي اكيد قاعده مع حد وانا مبيحبش اخد حاجه حد
ريفانا: اللي بقعد معاه مجاش النهارده ده غير اني بتاعت نفسي مش بتاعت
حد

ادهم: لو كده يبقي يالا بينا
رقصوا كتير وادهم بيرقص معاها وبيجننها في نفس الوقت... بيعشمها وما
يطولهاش... بيقترب ويبعد... يقترب جدا من شفايفها وتستعد انه يبوسها
وتلاقيه مره واحده بعد عنها ، لحد ما هيا استوت علي الاخر ووقفت
ريفانا: شقتي قريبه من هنا لو معندكش مانع؟

ادهم: واللي كان المفروض يسهر معاكي مش هيعترض؟؟
ريفانا: ما انا قلتك انا بتاعت نفسي

ادهم: يالا

ادهم اخدها ومشي وهو خارج بص لرجالته ورمي الكاميرا والمايك بحيث
يشوفوهم

مصطفي: ابن المحظوظه

مؤمن: دي بيضاله في القفص يا ابني انت وهو

عماد: البت ما اخدتش في ايده غلوه

هشام: ده شغل علي فكره مش بجد؟ يعني بتحسدوه علي ايه مش فاهم انا؟؟؟

خالد: علي فكره بقي ده كده حرام اتقوا الله

مصطفي: شيخ خالد مش ناقصاك خالص المهم نروح احنا المكتب نكمل شغل
ونستني تليفون منه ولا نروح

خالد: انا هروح مراتي هتموتني بقالي يومين ما دخلتش البيت

هشام: طيب روح انت واحنا هنستني تليفون من المقدم وهنبيلغك لو في جديد

استنوا وبعد ثلاث ساعات ادهم جه المكتب ولقاهم مستنيين، دخل وخلع

جاكته وخطها علي ظهره وابتسم اول ما شافهم زي الكلاب الصغيرة
ادهم: انتو لسه هنا؟؟

مؤمن: كنا عايزين نطمئن علي حضرتك بس

ادهم: اه تظمنوا عليا وماله؟؟ المهم الصفقه هتم بكره بالليل الساعه ٢ في
الصحراوي عند الكيلو ١١ طريق مصر اسكندريه

والسواح بنفسه هيكون هناك واحنا برضه هنكون هناك بس من بعيد لحد ما
نتأكد ان الصفقه فعلا بتتم هنهجم فهمتموا؟؟

مصطفي: انت عرفت تقررها ازاي؟ يعني اكيد مسألتهاش كده؟ قولتلها ايه؟
وطبعا انا مش قصدي اتطفل نهائي

ادهم: انا مقولتلهاش اي حاجه انا حسستها انها محتاجه تتكلم ومحتاجه حد
يسمعها ويقدرها وكنت انا الحد ده... خلتها تكره واقعها وتشتكيه ليا وختها

تحس ان انا حد تثق فيه وتقولي ادق اسرارها وبس

مصطفي: وده ازاي بقي؟ ازاي تخلي واحده تثق فيك؟؟؟

ادهم: بانك تكون حد يعتمد عليه من الكل وحد الكل بيتثق فيه وساعتها

شكلك نفسه هيوحي بالثقه ده مع حاجات تانيه بتكتسبها بالخبرة والممارسة...
هتتعود ما تقلقش... روجو ارتاحوا لان بكره هنتدرب علي اللي هيحصل بالليل

ما تجوش بدري تعالو علي ١٢ كده

روحوا وادهم روح ونام علي طول واستغرب هو ازاي روح وازاي نام

مصطفي راح بيته كانت ليلي صاحيه مستنياه حطته العشا وهو بياكل عمال

يحكلها من غير ما يوقف عن مهمته الجديده وهيا مشركاه حماسه لحد ما

وصل لادهم

مصطفي: بس يا ستي راح ادهم فضل يتريق علينا اننا معرفناش نعلقها وهو راح لبس واتشيك واتبرفن وكان ايه ولعه... وخلال نص ساعه كان مطبق البت وواخدها تحت دراعه وراحوا علي شقتها ورجع من عندها بعد يجي ٣ ساعات كده وهو مبسوط وعنده تفاصيل القضييه كلها
مصطفي بيحكي والنار بتولع في ليلي... نار غيره مش عارفه ايه مصدرها ومش عارفه ليه بتغير عليه اصلا ، دخلت اوضتها وقفلت علي نفسها وطلعت تيشترته تفتكر ريحته وتشبع منها وفجأه مسكت موبيلها

عند ادهم كان نايم وتليفونه رن وهو مش متعود حد يكلمه متأخر الا لو في

حاجه ، لقي رقم غريب ورد: ايوه مين؟

محدث رد عليه بس سامع انفاس حد

ادهم: الحكايه مش طالبه استظراف عايز انام

- نمت معاها صح؟

الصوت مش غريب عليه حاسس انه عارفه وحافظه كمان... الاسلوب نفسه...

طريقه السؤال

ادهم: مين بيتكلم؟؟؟

بيسأل وهو عارف كويس هيا مين

- رد علي السؤال نمت معاها ولا لأ؟؟؟

ادهم: وبهكم في ايه اجابه السؤال... ما سبق وقولتلك لو عايزه معنديش

مانع؟؟؟ ولا انتي ابعد من نجوم السما

ليلي فهمت انه عرف هيا مين وكانت هتقفل بس هو اتكلم

ادهم: علي العموم علشان اريحك اه نمت معاها واستمتعت جدا معاها عندك

اسئله تانيه؟

ليلي قفلت السكه بتعيط وهو عارف انها بتعيط ومستغرب ليه بيحب يجرحها

ويبعدها ؟ ليه مقلهاش اي اجابه تريحتها؟؟ ليه عايزها ديما بعيد عنه؟؟
المهم جه وقت الهجوم وتوقيف صفقه السلاح والكل متمركز في مكانه
ادهم ورجالته... الامن اللي معاهم... العصابتين اللي هيسلموا واللي هيستلموا
والكل مستني لحظه الصفر

ادهم والقائد بتاعه موجود وبيدي امر بالهجوم
ادهم: لأ استنوا محدش يتحرك من مكانه استنوا شويه
القائد: يستنوا ليه؟

ادهم: لان في حاجه مش صح
القائد: ايه اللي مش صح؟ الناس قدامك وعلب الاسلحة اهي نستني ايه؟ لما
ياخدوها ويروحوا؟؟؟

ادهم: في حاجه مش مضبوطه.... وانت قولت بنفسك اهو العصابتين
موجودين والاسلحه موجوده يبقى مستنين ايه؟
القائد: قصدك ايه؟

ادهم: قصدي هما مستنين ايه؟ ولا هما عارفين ان احنا موجودين
ومستنين؟؟؟

القائد: وهنستي قد ايه؟
ادهم: معرفش لو حضرتك وراك حاجه ممكن تتفضل انا موجود !!!
القائد: انا مواريش

ظابط: يا باشا بدؤا يسلموا صناديق الاسلحه
ادهم مسك المنظار وبيشوف ايه اللي بيحصل
القائد: اتحركوا اجموا

وفعلا هيبدؤا يتحركوا
ادهم: لأ كل واحد يقف مكانه محدش يتحرك... دي مجرد لعبه ده فح لنا

احنا

القائد: انت بتهرج ولا ايه؟ بيسلموا الاسلحه قدامك اهو
ادهم ناوله المنظار: اتفضل وقولي حضرتك شايف ايه؟
القائد بعد نظره طويله: شايفهم اهو بيسلموا الاسلحه وهيخلصوا ويمشوا
ويمدوا لسانهم لينا
ادهم: طالما حضرتك مش شايف حاجه يبقي لو سمحت سيب اللي شايف
ياخذ القرار

القائد: وهو سيادتك شايف ايه انا مش شايفه؟؟؟
ادهم: لا انا شايف كتير قوي.... شايف عمليه تسليم بتتم فيها لكاعه
مشفتهاش قبل كده.... شايف واحد بيتلقت حواليه وكأنه مستنينا وفعلا عايز
يمد لنا لسانه... شايف صناديق المفروض انها صناديق اسلحه بس الرجاله
شاييلينها وكأنها ورق مفيهاش اي ثقل،....

ادهم مسك رشاش من ايد واحد من العساكر وحدغه للقائد
ادهم: وزنه ايه في ايدك؟؟؟ تخيل لو ميه منه في صندوق هتشيلهم ازاي؟؟؟
علي الاقل لازم اتنين رجاله يشيلوا الصندوق قصاد بعض
القائد: كل اللي بتقوله ده ولا يدخل دماغي حتي... يمكن السواح بيحب يتلقت
حواليه كتير... يمكن هو راجل لكعي وبياخذ وقته... يمكن رجالته اقويا وكل
واحد يشيل صندوق بسهوله انا مش هضيعهم من ايدي علشان يمكن دي؟
ادهم: وانا مش ههجم برجالتي علي اساس يمكن دي برضه
القائد: يعني ايه؟

ادهم: يعني مش ههجم

القائد: وانا بأمرك انك تهجم

ادهم: اسف في المهمات الخارجيه اللي زي دي انا خبرتي اكبر من خبرتك بكتير

فرأيتي انا اللي صح وبعدين مش هضيع مجهود رجالي واطلع العمليه فشك
مؤمن: ماهو هنقبض عليهم

ادهم: بتهمه ايه؟ سهرانين في الصحرا ولا محملين صناديق؟؟ هنقبض عليهم
وهيخرجوا خلال ساعه ونبقي احنا خسرنا وهياجل الصفقه او يلغها خالص
او يخلي غيره يقوم بيها لكن لو هو اطمئن ان محدش مراقبه هيقبل حذره
وساعتها نقبض عليه باسلحته

القائد: بقولك ايه اتحرك انت ورجالتك اقبض عليهم
ادهم: اسف... مصطفى انت ومؤمن شايفين ايه؟ ايه رأيكم دي في الاول وفي
الآخر مهمتكم

مصطفى: فعلا هو بيتلكع بطريقه مريبه وكأنه فعلا مستنينا ده غير ان
الصناديق فعلا شكلها خفيف... احنا نراقبهم اكثر
ادهم: حضرتك سمعت بنفسك

القائد: انت هتمشي وري كلام شويه عيال وتقولي مش هضيع مجهودهم
ادهم: دول مش شويه عيال دول طباط تعبوا واتخرجوا واتعينوا واتدربوا
علشان يقدرنا ياخدوا قرار زي ده وبعدين دول رجالي مش عيال نهائي
القائد: انت وهو المقدم ادهم موقوف عن شغله اتحركوا اهجموا
الكل واقف مكانه ساكت

القائد: قولت اتحركوا

ادهم: حضرتك قعدت علي المكتب نسيتك ان العساكر والضباط رئيسهم هو
اللي بيتزل معاهم هو ده اللي يدينوله بالولاء مش اللي قاعد علي مكتب نهائي...
وبعدين دول شويه عيال عايزهم يسمعوا الكلام ازاى؟ مفيش عيال بتسمع
الكلام

عماد: سياده المقدم بص حضرتك

عطاله المنظار وادهم بص وابتسم

ادهم: اتفضل حضرتك شوف بنفسك

القائد: ايه ده؟ دي مجرد بنت مريطه وهيفكوها اهو

ادهم: دي مش مجرد بنت.. دي البنت اللي بلغتنا بمعاد الصفقه اتكشفت

بيقوا هما كانوا مستنينا اعتقد كده اتأكدت ولا ايه؟

القائد سايمهم وركب عربيته ومشي

مؤمن: هنعمل ايه؟

ادهم: حاليا ولا حاجه بس حد فيكم هيراقمهم وهنحاول نخرج ريفانا من

وسطهم لاني اعتقد انه اول ما الصفقه تخلص هيقتلونها

مصطفي: ما يقتلونها

ادهم: وانت كضابط وظيفتك ايه؟ ولا عادي الناس تتقتل قدامك كده؟ مش

انت اللي تحدد مين يستاهل ننقذه ومين لأ مفهوم؟؟ يالا روحو وشوفو مين

هيراقمهم وفي اي وقت تحس انهم هيقتلونها تتدخلوا

ادهم روح بيته وتلامذته روحو ماعدا عماد ومؤمن كملوا مراقبه

مصطفي اول ما روح كالعاده بيصطاد اخته ويقدملها تقرير مفصل حكاياها

الخناقه بين ادهم والقائد وان ادهم مشي كلامه علي الكل وليلي ابتسمت لانها

عارفه ان شخصيته قويه زي ما هيا متخيلاها واتضايقت جدا لما عرفت انه

خلاهم يراقبوهم علشان ريفانا

ادهم سهران في بيته لا له مزاج يخرج يسهر ولا له مزاج يشرب قاعد كده وبس

تليفونه رن واول ما شاف الرقم اتردد يرد ولا لأ بس في الاخر رد

ادهم: افندم

ليلي: للدرجه دي تهملك فحطيت حراسه عليها؟؟؟

ادهم: لو كان كلب اعرفه كنت هحط عليه حراسه مش بني ادم وبعدين انتي

مالك؟ شاغله نفسك ليه؟

ليلى: وانا اشغل نفسي ليه انا؟؟ تطلع مين انت علشان اشغل نفسي بيك؟؟؟
ده فضول مش اكثر

ادهم: طيب ياريت تحتفظي بفضولك ده

قفلت السكه وهو قام بعدها ينام واستغرب هو معقوله كان مستني تليفونها
علشان ينام؟؟؟

الصبح استدعوه في شغله وراح لمدير المخبرات وهو داخل كان القائد بتاعه
خارج

المدير: اتفضل يا ادهم

ادهم: افندم

المدير: بلغني انك اتخانقت مع القائد بتاعك وكسرت كلامه وعصيت
الاوامر؟؟؟.

ادهم: انا ما نفذتش اوامره اه بس لا اتخانقت ولا هنت

المدير: المفروض تنفذ الاوامر مهما كانت

ادهم: انفذها لو صح حتي لو هتكلفني حياتي لكن تبقي غلط وهنخسر فيها
يبقي اسف

المدير: يعني ايه اسف؟؟؟ نشتم القائد بتاعنا ونعمل اللي يناسبنا وطظ في
الباقي؟؟؟

ادهم: انا ما قولتش كده بس انا لو كنت هجمت كنت هخسر والصفقه كانت
هتم بس من ورانا لكن دلوقتي هما ادونا الامان وساعتها هنقبض عليهم

متلبسين وبعدين انا شرحته وجهه نظري لكن هو رفض

المدير: ما يمكن له وجهه نظر؟؟؟

ادهم: ده واحد قاعد علي مكتب ماله ومال المهمات الميدانيه؟؟؟ وجهه نظر

معدومه وملهاش قيمه وهو الي مقتنعش بالمنطق

المدير: خلاص اللي حصل حصل المهم دلوقتي تروح تعتذرله؟؟؟

ادهم: نعم؟؟ اعتذرله؟؟ انا؟

المدير: ايوه تعتذرله

ادهم: لا طبعا لا يمكن

المدير: ولو قلتلك ده امر نفذ؟؟؟

ادهم: هقولك اسف... انا مش هعتذر علي خطوه صح اخدتها ومش هعتذر

لانسان عايز يمشي رايه علي حساب اي حاجه المهم ان رايه يمشي وبس

المدير: ادهم انت لازم تعتذر

ادهم: اسف ولو هتصر هقدم لحضرتك استقالتي

المدير: انت بتهددني ولا ايه؟

ادهم: مش بهدد انا بقولك الي هيجصل... انا بعتمر لو غلطت ومن غير ما حد

يطلب مني لكن اعتمر علي حاجه مغلطتش فيها لا بالعكس؟؟؟؟ اعتمر

علشان خاطر واحد شايف ان كبرياؤه اهم من المهمه اللي بيشتغل فيها واهم

من امن البلد؟؟؟ ده الي انت عايزني اعمله واعلمه لرجالتي؟ انهم ينفذوا

الاوامر ويرددوا زي البغبغوات وخلاص ويلغوا عقلهم؟؟ لو ده المطلوب مني

يبقي اسف انا مستقيل... حدد سيادتك عايز ايه وانا تحت امرك... عايزني

اعتذر ولا اكمل شغلي؟؟؟

ادهم خرج والكل مترقب ومستني ادهم هيعتمر ولا لأ؟؟

حتي تلامذته عايزين يسألوه بس معندهم ش الجراه اخيرا مصطفى قرر يسأله

مصطفى: هشام وخالد حاليا بيراقبوا ريفانا وعماد ومؤمن روحوا يرتاحوا

شويه

ادهم: اوك كويس ومفيش اي جديد؟؟؟

مصطفى: لا لسه؟؟

ادهم: والدك اخباره ايه والدكتوره؟؟

مصطفى: الحمد لله كويسين

ادهم: اختك دي تؤامك صح؟ علي كده انتو قريبين من بعض و لا زي اي اتنين عادي؟؟

مصطفى: انا وهيا ما بنفارقش بعض عاملين زي الحبيبه كده مش مجرد اخوات معرفش استغني عنها وهيا كمان وعلي الرغم من كده ما بنبتلش خناق نهائي

ادهم: وطبعاً كل اخبار الشغل ومهماتك واسرار الشغل اختك عارفها؟؟
مصطفى ارتبك: لا لا مش كله... بس الحاجات العاديه اللي ينفع اي حد يعرفها

ادهم: وهو مرواحي مع ريفانا كان عادي؟؟ ولا تعييني حراسه عليها كان عادي؟؟

مصطفى: أ. أ. أ. وأحضرتك عرفت منين؟؟

ادهم: وهو ده المهم عرفت منين ولا انه كلامي صح انك بتقولها كل حاجة؟؟ انا معرفتش انا بس كنت بشوف ايه اللي قلته وايه لأ؟ والظاهر ان كل خطوه اختك بتبقي عارفها؟؟

مصطفى: أ. أ.

ادهم: ما تأوأوش... علاقتك باختك شئ جميل بس خليها بره الشغل لو سمحت يا ...

مصطفى: من غير يا

ادهم: شوف وراك ايه؟

مصطفى خرج وبيتشهد وزمايله قابلوه ويسألوه عرف ايه؟

مصطفى: سيبوني في حالي ده عصبرني جوه... هو في حد عاقل يدخله برجليه؟؟
قال اوقعه في الكلام قال؟؟ ده فتحلي تحقيق جوه انا مسألتيوش سؤال واحد
عدي من جنبهم اكرم
اكرم: انتو واقفين كده ليه ما كل واحد يروح شغله

اكرم دخل لادهم

اكرم: عامل ايه انت في العيال؟؟

ادهم: انا معملتش حاجه

اكرم: امال الواد اللي خرج من عندك ده معصور كده ليه؟

ادهم: ههههههه هو كان فاكر نفسه هيدخل يعرف اخبار من عندي بيستهبيل
ده ولا ايه؟

اكرم: المهم هتعتذر ولا؟؟

ادهم: اعتذر علي ايه؟

اكرم: انت مسحت بكرامه الراجل الارض

ادهم: لا طبعا ده اضافات العيال ان بس رفضت اهجم ودقايق والامور
وضحت ولو كنت هجمت كنت هخسر القضيه كلها

اكرم: وطبعا دي كانت هتبقى سابقه لادهم

ادهم: مش حكاية سابقه حكاية انا اخسر ليه طالما بايدني ان امنع صفاقه زي
دي تتم؟؟؟ هو المفروض يجي يعتذر علي اصراره علي الغلط مش انا

بالليل راح لتلامذته اللي يبراقبوا ريفانا كلهم كانوا متجمعين

ادهم: انا لازم ادخلها لازم اعرف الصفاقه هتم امتي؟

مصطفى: وهتدخل ازاوي؟ في حراسه

ادهم بصله من فوق لتحت وسكت

ادهم: يعني لما بسمعكم بنسي انكم ظباط اصلا ولا انتو منظر علي الفاضي

ادهم سابههم واتحرك يدخل الفيلا اللي عليها حراسه
ماشي وايديه في جيبوبه وبص يمين وشمال وعدي الشارع واخر حته قبل
الرصيف جري ونط كان فوق السور واتظمن ان محدش شايفه نزل ووصل
لتحت البلكونه وخلال ثواني كان جوه البلكونه
ورجالته بره مش مصدقين انه من اقل من دقيقه كان واقف معاهم

اتاكد ادهم ان محدش جوه الاوضه وخبط عليها وفتحته واول ما شافته رمت

نفسها في حضنه

مؤمن: الله يسهله

مصطفي: البنات بتترمي تحت رجليه

ادهم دخل لريفانا

ريفانا: انت ظابط صح؟ وارجوك ما تضحكش عليا

ادهم: ايوه ومش هضحك عليكي انا فعلا ظابط

ريفانا: وليه ما قبضتس عليهم في المعاد اللي قولتلك عليه

ادهم: وهو كان في تسليم بجد؟ انا شكيت لما شفتك انه مجرد كمين

ريفانا: لو كنت هجمت كانوا هيقتلوني لانهم شكوا فيا وعرفوا اني كنت بايته

مع حد غريب

ادهم: بس معرفوش ان الحد ده ضابط مجرد شك وانا نفيته اهوه وعليكي

حراسه بره لو اي وقت حسوا ان في خطر عليكي هيتدخلوا

ريفانا: بتعمل كده ليه واهمك في ايه يقتلونني ولا لأ؟

ادهم: عمري ما اتخليت عن حد او حد احتاج مساعدتي واناخرت انتي في

حمايتي ولو تحبي اخرجك من هنا هخرجك حالا

ريفانا: في مقابل اني اديك معلومات الصفقه؟؟؟

ادهم: في مقابل انك عملي الصبح؟؟؟ التليفون ده معاكي اهو صامت خبيه
واول ما تعرفي حاجه بلغيني

ريفانا: انت ليه واثق اني هبلغك؟؟؟

ادهم: لانك ذكيه مش مجرد وجه جميل ولانك هتعملي الصبح وعايظه تعيشي
صبح ده اللي عرفته منك وانتي سكرانه انتي محتاجه تعيشي حياه تانيه ملك
نفسك مش ملك حد وانا بعرض عليك ده واعتقد انك ذكيه كفايه عملي
الاصح ليكي... مستني منك اي اخبار

ادهم خرج زي ما دخل

مصطفي: وبعدين؟ انت متخيل انها فعلا هتبلغك؟؟ انت بتحلم

ادهم بصله

مصطفي: سوري مش قصدي

ادهم: هتتصل وحاليا هنستني انا هروح البيت محتاج اريح شويه وانتوا
هتفضلو هنا لو في جديد بلغوني

ادهم روح واخذ شاور وقاعد زهقان بيدخن تليفونه رن

اول ما شاف الرقم ابتسم

ادهم: معترضه علي ايه النهارده؟

ليلي: ثقتك زياده عن اللزوم في انسانه متستاھلش... واحده مستعده تبيع
نفسها وهيا اصلا بايعه نفسها تثق فيما ازاي؟؟؟

ادهم: بنفس الطريقه اللي انتي وثقتي بيها في انسان سكري وخمرجي ودخلتي
بيته دي زي دي

ليلي: وانت مين قالك اني بثق فيك انت مش اهل للثقه نهائي

ادهم: ولما انا مش اهل للثقه وانتي ما بتثقيش فيا بتكلميني كل شويه ليه؟
شاغلك نفسك بيا ليه؟ طلعييني من دماغك شويه

ليلي: اطلعك من دماغي؟؟؟؟ هو انت مين انت علشان ادخلك دماغي اصلا؟؟؟
انا بس حبيت اقولك انك غبي النهارده وانك هتخسر مهمتك بسبب ثقتك في
البننت دي
ادهم: اممم طيب برضه ما تشغليش بالك لان شغلي بقي انا الوحيد اللي بثق
فيه وما بسمعش لاراء حد تاني غيري فهمتي؟؟
ليلي: انت حر انا غلطانه
قفلت السكه وادهم مستمتع بمناعشتها واستغرب امتي مصطفى لحق يكلمها
ويحكيها كل اللي حصل
ادهم تليفونه رن تاني بس المره دي انتبه
ادهم: ايوه
ريفانا: النهارده في نفس المكان ونفس التوقيت... انا هكون معاهم واعتقد انه
هيقتلني بعد ما يستلم وانا مش عايزه اموت
ادهم: ما تخافيش
ادهم اتحرك وجمع رجالته واتجهزوا كلهم
وقفوا في نفس المكان يراقبوا
القائد بتاع ادهم والمدير بنفسه كمان راحو يتابعوا
القائد: سياده المقدم المبجل هيحدد امتي نهجم ولا ايه؟
ادهم: لما بيدؤا يسلموا
القائد: وحبيبه قلبك المتربطه دي مش هتلغي علشانها؟؟
ادهم: أولا دي مش حبيبه قلبي لاني مبحبش حد وثانيا هيا متربطه لانهم ناويين
يقتلوها بعد التسليم
ادهم أعطى للقائد المنظار
ادهم: اتفضل حضرتك شوف صناديق الاسلحه شيلينها ازاي المره دي

كان كل صندوق شايه اتنين قصاد بعض بالعافيه وبيحملوه العربيه واتنين
بياخدوا منهم

ادهم أعط إشارة للكل يهجم وفعلا طبقوا عليهم من كل ناحيه
المدير للقائد: ادهم ظابط له وضعه وما عملش اسمه من فراغ وما بيخطيش
خطوه غير وهو متأكد منها
القائد: يعني يهزقني واسكت،؟؟؟

المدير: هو قال ما هزقكش وادهم ما بيغيرش في كلامه او افعاله ابدا لانه ولا
بيهمه حد ولا بيخاف من حد... هو رفض تنفيذ امر كان هيخسرهم وده يخليك
انت اللي المفروض تعتذر ان رايك كان غلط
القائد: انت كمان عايزني اعتذرله؟؟؟

المدير: انا بقول اللي المفروض يتم المهمه يالا نشوف اللي اتقبض عليهم ونتابع
تحرير الاسلحه ياللا

ادهم قبض علي الكل وفك ريفانا
ادهم: انتي حاليا بقيتي حره وحياتك قدامك
السواح كان وراهم واقف وسط رجالته المقبوض عليهم
كانوا لسه بيكلبشوهم واحد واحد وبيفتشوهم
فجأه السواح طلع مسدس مخبيه في رجله وضرب رصاصه ناحيه ادهم
وريفانا

والرصاصه صابت هدفها بالظبط وسط صرخات ذهول من الكل
الظباط انقضوا عليه وكتفوه بس بعد ايه؟؟؟؟

في المستشفى الكل بيجري وحاله طوارئ اتعملت
 ادهم داخل شاييل ريفانا بين ايديه والدكاتره كانوا في انتظاره اخدوها منه
 ليلى كانت من ضمن الفريق ده واتقابلت عنيم في نظره طويله مع ادهم اللي
 هدومه كلها دم
 نظره خوف وقلق شافتها في عنيه واستغربت للدرجه دي هيا مهمه بالنسباله
 رجالته جم وراه ووقفوا معاه في صمت محدش عنده المقدره انه يفتح بوقه او
 يتكلم
 ليلى خرجت تبلغهم الاخبار وادهم اول ما شافها راح ناحيتها بلهفه
 ليلى: للدرجه دي خايف عليها؟ كنت فاكراك ما بتهتمش بحد
 كانت بتتكلم بتريقه
 ادهم: انا مش فايقلك نهائي دلوقتي حالتها ايه انطقي؟؟
 ليلى: هتعيش ما تخافش طمن قلبك
 ادهم: مالكيش دعوه بقلبي
 ادهم سابها ومشى وهيا راحت لاخوها وطمنتهم عليها
 ليلى: هو ليه مهتم بيها قوي كده؟ هيا حبيبته؟؟
 مؤمن: لا ادهم مش بتاع حب بس يمكن علشان فدته بنفسها
 ليلى: يعني ايه؟ قصدك ايه؟
 مصطفى: ادهم كان مدي ظهره للسواح واحنا كنا يدوب بنكلبش فيهم راح
 مطلع مسدس وكان هيقتل ادهم لولا ريفانا لمحته ووقفت قدامه فالرصاصة
 جت فيها هيا ووقعت بين ايديه علشان كده شالها وجري بيها علي هنا.... هو ما
 بيعبش حد يموت بسببه ما بالك بقي يفاديه بروحه
 ليلى بصت لادهم بطريقه تانيه... شبه راحه جواها ان خوفه عليها تأنيب
 واحساس بالذنب مش حب!! او ده اللي هيا عايزه تفكر فيه؟

ريفانا: انا متشكره يا ادهم علي وقفك معايا دي
ادهم: هو مين المفروض يشكر مين بس؟؟؟ انتي ليه عملي كده؟ ليه خاطرني
بحياتك علشاني؟؟؟

ريفانا: لان انت الوحيد اللي حسستي انا بني ادمه وبتحس!!! لان انت الوحيد
اللي ادبتي حريه الاختيار وقولتلي اختاري،!!!

لانك الوحيد اللي شوفتي انا.. ما شوفتش شكلي او جسسي!! وفوق كل ده لاني
بحبك قوي

ادهم: انا عملت الصبح وبس....

ريفانا: يعني ما ردتش؟؟

ادهم: ارد علي ايه بالضبط؟؟؟

ريفانا: علي كلمه بحبك

ادهم: شوفي يا ريفانا انا انسان بعيد تماما عن الحب وعمري ما فكرت ايدا
احب ولا عمري هفكر احب... فشيلني خالص من دماغك وبعدين اللي انتي
حاساه ناحيتي ده مش حب

ريفانا: امال ايه؟ لا انا متاكده ان ده حب

ادهم: الحب علشان يكون لازم يكون متبادل بين اتنين يراعوه فيكبر وينمو
لكن اللي انتي حساه ناحيتي ده اعجاب انهار اي حاجه من المسميات دي وزي
ما انتي قولتي انا اول واحد احسسك بحاجات كتير وعلشان كده انتي متهيا لك
انك بتحبييني لكن الحقيقه لأ... انتي اللي بتجبري اللي قدامك يا اما يحترمك يا
اما يملكك ويتحكم فيكي... انتي اللي بتحددي

فياريت من هنا ورايح تختاري الانسان اللي يحترمك ويقدرك وما تسمحيش
لحد يتملكك فاهمه؟ لكن انا مفيش رجا مني نهائي

ريفانا: بس اللي حصل بينا مالوش معني بالنسبالك؟؟؟

ادهم: وهو ايه اللي حصل بينا؟؟؟

ريفانا: انت نمت معايا

ادهم: انتي فاكره ان انا نمت معاكي؟؟؟ فاكره اي حاجه حصلت بينا؟؟؟ انت

سكرتي وشربتي كتير وانا افنعتك اني نمت معاكي زي ما تقولي كده برمجت

عقلك الباطني لكن الحقيقه انا ما لمستش شعره واحده منك؟؟؟

ريفانا: وليه ما استغللتش الظروف؟؟ ايه ما بتنمش مع بنات نهائي؟؟؟

ادهم: هههه لا مش كده؟؟؟ بس الحكايه اني عرفتك علي نفسي وكأني راجل

عادي اتعرف عليكي في بار والحقيقه كانت غير كده... "كنت بنتحل شخصيه

غير شخصيتي فلو نمت معاكي دي كده تبقي نوع من انواع الخيانه لاني

بضحك عليكي وانا ما بحبش الخيانه... وانا اسف حاليا اني ضحكت عليكي

بس كان لازم

ريفانا: ممكن اطلب منك طلب؟؟

ادهم: اتفضلي

ريفانا: ممكن تبوسني بحيث تبقي ذكري حلوه؟؟؟

ادهم: انا اسف انا عمري ما بوست واحده قبل كده !!!

ريفانا: بس انت لسه قايل انك نمت مع بنات قبل كده؟

ادهم: بنات كتير جدا كمان

ريفانا: امال ايه؟

ادهم: اشرحها لك ازاي؟ البوسه بالنسبالي دي رمز للحب وانا ما حببتش قبل

كده فامش هبوس واحده الا اذا كنت بحبها... اما البنات اللي عرفتهم قبل كده

فدول كانوا لمتعه جسديه مش اكثر ولمتعه الجسديه ما بتشترطش اني ابوسها

فانا احتفظت بالحاجه دي ليا انا فهماني؟؟؟

ريفانا: احتفظت بيها للي تحبها

ادهم: ده اذا حبيت اصلا او فكرت اني احب
ريفانا: الحب ما بيستأذنش قبل ما يدخل
ادهم: اهي مستوره معايا لحد دلوقتي
ريفانا: طيب هطلب تاني اخف
ادهم: اه اتفضلي
ريفانا: تاخدني في حضنك بس حتي لو هتعتبرني اخت ليك؟؟
ادهم: واكثر كمان من اخت
ادهم ضمها في حضنه وهيا كانت ماسكه فيه جامد وهنا الباب اتفتح ودخلت
ليلي ولقتها في حضنه
ليلي: علي فكره دي مستشفي؟؟
ليلي كانت عايزه تضرب ادهم او تضرب ريفانا بس مش عارفه تعمل ايه؟
ريفانا: اسفين يا دكتور
ليلي: الدكتور كتبلك خروج خلاص بس كشف نهائي وتفضلي من هنا
ريفانا: اه طيب كويس
ليلي لادهم: ممكن بقي تطلع بره علشان اكشف علي الجرح قبل ما تمشي
ادهم يدوب هيخرج بس ريفانا مسكت ايده ومنعته
ريفانا: معنديش مشكله في وجوده خليه جني
ليلي: انا عندي مشكله في وجوده
ادهم: هستني بره لحد ما تخلص ما تقلقيش
ريفانا: طيب اوعي تمشي
ادهم خرج وليلي هتولع منهم وبتكشف عليها بعصبيه
ريفانا: سوري لو كنا ضايقناكي بس انتي ما تتخيليش انا كنت محتاجهله قد
ايه؟ هو غير حياتي كلها وعطالها معني جديد؟ عطاني فرصه جديده للحياه...

خالاني اعيش من الاول وجديد فما تستغريش لو مسكت ايده علشان يفضل

جنبي مش كل يوم بتلاقي انسان زيه

ليلي كان نفسها تقولها انها عارفه الكلام ده لانها حبتة قبلها والمفروض يكون

لها هيا مش لواحد غيرها بس سكتت وخلصت ومشيت

خرجت بره كان ادهم بيتكلم في تليفونه واول ما شافها شاور لها تستني وهيا

تجاهلته ومكمله طريقها فمسك دراعها ووقفها وخلص تليفونه

ليلي: دراعي وجعني

ادهم ساب دراعها: بيقى توقي وتسمعي الكلام

ليلي: ما تدخل لحببي قلبك وتسيبني في حالي

كانت بتتكلم بعصبيه ظاهره قوي

ادهم: غيرانه؟؟؟ الغيره هتطق من عنيني

ليلي ضربته في صدره وفضلت تزق فيه

ليلي: انت مين انت هاه؟؟؟ اغير ليه عليك؟؟؟ انت فاكر نفسك راجل يتغار

عليه!؟؟ ولا انا هغير من السلعه اللي جوه دي هاه؟؟؟ واغير ليه اصلا؟؟؟

كل جمله كانت بضربه علي صدره لحد ما ادهم مره واحده مسك ايديها الاتنين

وحطهمولها وري ظهرها وده قربه منها قوي وهيا اتكتفت تماما

ليلي: سيبي احنا في مستشفى وممكن حد يشوفني كده سيبي

ادهم: بيقى تهدي طالما خايفه حد يشوفك اول دي مش حببي قلبي ولا في

بيننا حاجه اصلا.... ثانيا لما دي تبقي سلعه في البنات اصلا؟ انتي؟ بالصفيره

دي (شد ضفيرتها) ولا بالبنتلون اللي علي طول لبسها؟؟ ولا بوشك ده اللي

شكلك قايمه من النوم يدوب طسيطيه بشويه ميه ونزلتي ولا ولا والف

ولا؟؟؟؟ بصي لنفسك في المرايه الاول قبل ما تقولي علي غيرك سلعه

ليلي: هو انا علشان مش بتمايص ولا بسه محزق وملزق وحطالي كيلو بودره علي

وشي يبقي سلعوه؟؟ لا طبعا انا جميله من غير اي اضافات وعارفه اني
جميله واجمل من اللي جوه دي مليون مره واتحداها تقوم تغسل وشها زي كده
وانت هتلاقها قوقه بجد

ادهم: يا ستي لا تحطي بودره ولا تلزقي ولا تحزقي بس سيبيني في حالي... يالا يا
شاطره بعيد

لمس خدها كده بحركه فرقت ايده فمسك ايدها وشدها عليه
ادهم: ما تضايقينيش وتثيريني لانك مش قدي وانتي جربتي قبل كده لما بتضايق
ببقي ايه؟ خليكي بعيد احسنتك انتي لسه صغيره ومش فاهمه حاجه فالعبي
بعيد او العبي مع اللي في سنك يا شاطره
ليلي: انت شايفني قدامك عيله؟؟

ادهم: عيله وبضفاير كمان (وشد ضفيرتها) يالا هششش العبي بعيد هششش
ليلي كانت عايزه تضربه باي حاجه ولما معرفتش انسحبت من قدامه وابتسامه
عريضه علي شفايفه وحزن جواه لانه مستمتع بمضايقتها
ادهم اخد ريفانا ومشيووا ولا حظ ان ليلي مرقباهم وبصلها بصبه طوويله وهو
ماشي

ريفانا قررت تسافر بره مصر وادهم وصلها بنفسه للمطار وقصتها انتهت هنا
ليلي كل ما تفكر في ادهم تفكر نفسها بمشهد ريفانا في حضنه وتشيله من
دماغها

عدت فتره وليلي نفسها تشوف ادهم او حتي تلمحه لحد ما في مره وهيا في
الشغل كانت يدوب هتستلم ورديتها وصاحبها ألاء اول ما شافتها
ألاء: هنا هنا هنا
ليلي: ايه هو اللي هنا؟
ألاء: الضابط المز

ليلي: قصدك ادهم؟؟؟ بجد فين؟؟

الاء: لسه واصل من ربع ساعه

ليلي بلهفه: اوعي يكون متصاب

الاء: لا بعد الشر عليه ده مع حد وتقريبا مجرم لانه متكلبش

ليلي: طيب

الاء: ايه طيب دي؟ مش هتروحي تشوفيه؟؟

ليلي: اشوفه ليه هو من بقيت اهلي

الاء: بقولك مز

ليلي: مز علي نفسه

الاء: انتي حره انا هروح اشوفه

الاء مشيت وليلي وقفت مش عايزه تروح تشوفه مع انها هتموت وتشوفه

الدكتور رئيسها استدعاها وكلفها انها تراقب حاله المجرم ده لانها معروف عنها

انها جد قوي وهتعرف تتعامل معاه

راحت بحدز بس ما لقتش ادهم هناك ولقت المجرم فعلا متكلبش وكان تعبان

جدا وطلب منها اي مسكن يخفف المه وصعب عليها جدا فعطته حقنه مسكن

ادهم جه زي المجنون عنده كانت ليلي جنبه بتسنده وتعدله المخده تحت راسه

لان محدش عايز يدخله والممرضات خايفين منه

ادهم دخل: ابعدي عنه بتعملي ايه انتي؟؟؟

ليلي: مريض زي اي مريض

ادهم: لا طبعا ده مجرم ولولا اني محتاجه كنت قتلته مش جبته يتعالج... بما

انك بقي قلبك رهيف كده يبقي اطلعي بره لاني محتاج معلومات منه والطريقه

اللي هاخدها بيها مش هتعجبك

ليلي: طول ما هو هنا فهو في مسؤوليتي ومش هسيبه

ادهم: انتي حره
 ادهم راحله ووقف فوق
 ادهم: هتجاوبني علي طول ولا هنتعب نفسك؟؟
 خميس: انا معرفش حاجه اصلا
 ادهم: ما تعرفش البرنس موجود فين؟
 خميس: لا لا معرفش مكانه
 ادهم خبطه مكان الجرح بتاعه وفضل يضغط عليه لحد ما اتفتح ونزف تاني
 وليلي هتتجنن
 ادهم: هو فين؟
 خميس بعياط: معرفش... معرفش مكانه صدقني
 ادهم: للاسف مش مصدقك
 طلع مطواه صغيره وبدأ يلعب بيها وبهدد بيها
 ادهم: هاه هو فين؟؟؟
 خميس: ما اعرفش
 ادهم بالمطوا ودخلها في ايده وهو بيصرخ جامد
 ليلى هنا ما استحملتش وشدت ادهم
 ليلى: انت ايه؟ انت مش بني ادم؟؟؟
 ادهم: اممم

من غير تفاهم شدها من دراعها وهيا بتعترض وخرجها بره ودخل وقفل الباب
 وهيا بتخبط بره وبتشتم فيه ، ليلى بره سامعه صريخه جوه وحست ان ادهم
 هيقته

الدكتور امين رئيسها جه علشان يتابع مريضه خميس ولا قاها بره كده
 ليلى: ادهم جوه هيقته

دكتور امين: ادهم مين؟

ليلي: مقدم ادهم بيحقق معاه

دكتور امين: اه ياريت يقتله ويخلصنا من الاشكال دي

ليلي بتبصله باستغراب

دكتور امين: مستغربه ليه؟ زي ما انتي بتقومي بشغلك هو بيقوم بشغله...

وساعات كتير الامان ما بيتحققش غير بالقوه

ادهم خرج: هو تحت امركم.... وانتي تعالي معايا محتاجك

ليلي: انا مش هاجي ...

ملحقتش تخلص جملتها لانه شدها من دراعها وبيجري وبيجرها معاه وما

بيردش علي اي سؤال

وهما عند باب المستشفى كان مصطفي ومؤمن داخلين وشافوا ادهم وليلي

ليلي: مصطفي

ادهم ما وقفش ومصطفي جري وراهم

مصطفي: حضرتك رايح فين؟

ادهم: تعال وانت ساكت

ادهم فتح عربيته ودخل ليلي جنبه ومصطفي ومؤمن ركبوا الاتنين وادهم طلع

بالعريه

ادهم: اربطي حزامك هسوق بسرعه

ليلي: لما تقولي الاول رايحين فين

ادهم اخد فرامل جامد لدرجه ان ليلي كانت هتتخبط في تابلوه العريه

ادهم: اربطي الحزام.... كلكم اربطوه

ادهم شد الحزام بتاع ليلي وربطهولها غصب عنها

ليلي: انت انسان مستفز

مصطفي ومؤمن مستغربين من ليلي وسكوت ادهم لهما
ادهم سايق بسرعه مجنونه وبیطلع علي الرصيف واي حاجه في وشه بيشيلها
وليلي حاولت ما تصرخش بس ما قدرتش ده حتي مصطفي ومؤمن كانوا
هيصوتوا

وصلوا مكان مقطوع وادهم وقف علي جنب ونزل

كلهم نزلوا وليلي رجعت ومصطفي كان هيرجع

ادهم نازل عادي جدا

ادهم: استنوني هنا كلكم

ادهم دخل ويدوب خطي خطوه لقي التلاته وراه

ادهم: هو ايه نظام عيال ولا ايه؟

ليلي: انت جببتنا غصب عننا يبقي نكمل غصب عنك

ادهم: خليكي ورايا انتي وانتو طلعا مسدساتكم وما ترددوش فاهمين؟

دخلوا بحذر شديد وافتح ضرب النار وليلي بتصرخ وماسكه في ادهم

ادهم: انا قلتك استني بره

ليلي: انت ما قولتش ان في ضرب نار

ادهم مره واحده زق ليلي بعيد وطلع اربع رجاله وفي لحظات كانوا علي الارض

وليلي مش مستوعبه ضربهم ازاي... فجأه لقت نفسها جوه فيلم اكشن

ادهم في واحد معين كان عايزه واول ما شافه

ادهم: استني هنا وارجوكي ما تتحركيش المره دي

جري ادهم وري الراجل لحد ما مسكه

ادهم بدأ يضرب فيه جامد جدا وبيسأله هيا فين؟؟

مصطفي ومؤمن بيضربوا... بس بيصيبوا بس لكن ما بيقتلوش حد

الكل راح لادهم وهو بيضرب في الراجل ده لحد ما نطق

مساعدتك

الرئيسس: احنا كلنا هنساعد انت روح حاول توقف المكن وانتوو يالا ندور علي البننت دي بسرعه

الكل طلع يجري ويطلع التانك ويفتحوه دوروا في الكل وكانوا في سباق مع الوقت لان معرفوش يوقفوا المحطه لانه تسلسل بيشتغل وري بعض وما ينفعش يقفلوها والتانكات بدأت تشتغل

ادهم طلع اخر واحد وفتحه وفعلا شاف البننت وبيحاول يمد ايده يجيها ومش طايلها

كل الرجاله بيصرخوا انه يقفل التانك وينزل لان خلال دقيقه هيشغل ولو اشتغل هو كمان هيموت

ليلي بتدعي بصمت انه ينزل بسلام

ادهم نزل بجسمه جوه التانك رجليه شابكهم فوق ونزل بجسمه تحت وكلهم صوتوا بس طلغوا لادهم ياخدوا البننت منه

الميه بدأت تسخن جامد مد ايده بالبننت وطلغوها و هو بيرفعوه من جوه التانك لان الميه بدأت تغلي

نزلوا البننت ونزلوا ادهم

وليلي واقفه بتتفرج

ادهم: اعلمي حاجه امال انا جايبك ليه؟

ليلي فاقت وبدأت تنعش في البننت وتعملها تنفس صناعي وتحاول تنشيط قلبها تاني واخيرا البننت استجابت والاسعاف وصلت واخدوا البننت

ادهم: ليلي اطلعي معاها

ليلي: في دكتور معاها انا هفضل معاك انت ايدك اتحرقت

ادهم: ده حرق بسيط جدا روحي انتي معاها وانا هاجي بعدين روحي

ادهم كان اول مره يكلمها براحه وبرقه
كلهم مشيوا وهو فعلا راح وراهم وعالج ايده بس مش عندها
ليلي: مقولتليش ليه ان في بنت صغيره في الموضوع؟؟
ادهم: مكنتش هخلص من اسئلتك ومكنش في وقت
ليلي: بس مكنتش اعرف ان عندك قلب وبتنقذ اطفال
ادهم: ومين قالك اني عندي قلب ولا بنقذ اطفال؟؟؟ ده شغل يا دكتور... دي
بنت وزير الداخليه والراجل ده بيهدد ابوها فده شغلي مش اكر
ليلي: بس خوفك عليها بيقول غير كده
ادهم: ده انتي عايزه تشوفي كده لكن ده شغلي وانا بهتم بشغلي جدا وبسمعتي
في شغلي ما تعيشيش نفسك في وهم اني عندي قلب والحوار الفاضي ده

ادهم عندي علي خميس قبل ما يمشي وليلي وراه
ليلي: لو سمحت فك ايديه قبل ما تمشي
ادهم: ليه بقي ان شاءالله؟ ده مجرم
ليلي: ده تعبان وانت عورته في ايديه وبعدين هيعمل ايه يعني؟
ادهم: لا من جهه يعمل فيعمل كتير سيبيه في حاله وياريت ما تتكلميش معاه
ليلي: انت فعلا معندكش قلب
ادهم جاوبها بضحكه منه وهو ماشي وده غاظها جدا فدخلت واخذت المفتاح
من بتاع الامن بحجه انها هتعمله اشعه وفكته
اول ما فكته وخميس اخذ الامان فضل يشكر في ليلي كتير... دكتور امين
استدعاها فبعثتله واحده من اصحابها تقعد معاه وهيا راحت للدكتور امين
شويه وكان في دربكه وقلق كتير وليلي وامين طلعا يجروا يشوفوا في ايه؟
ليلي لقت ممرضه مضروبه بالنار في الارض وصاحبها كمان وقبل ما تتحرك
لقت خميس في وشها وحط مسدس علي داسها

خميس: متشكر لقلبك الرهيف ولا نقول عنادك؟؟؟ انتي هتخرجيني من هنا
اتحركي

ادهم خرج وركب عربيته واتحرك شويه وحاله قلق سيطرت عليه وحس ان
ليلي ممكن تتجنن فرجع ساعتها كان مصطفى ومؤمن جاينين يطمنوا علي
البنات ، خميس شد ليلي ونزل بيها في القاعه اللي في مدخل المستشفى وهنا
مصطفى شافهم فطلع مسدسه وهدد خميس والموقف اتأزم
مصطفى: سييها بقولك

خميس: نزل مسدسك يا اما قسما بالله هفجر نفوخها
مصطفى: هقتلك سييها بقولك

خميس ضرب رصاصه وجت في كتف مصطفى ووقع في الارض وليلي بتصرخ
خميس: كله يبعد من وشي ابعدوا كلكم
هنا ادهم دخل ومسدسه في ايده

خميس: سياده المقدم الميجل!!!! انت بقي لو قربت خطوه هقتلها.. مش
هضرب عليك زي الغبي الثاني لكن المره دي هقتلها هيا.... نزل مسدسك
واحدفه ناحيتي

ادهم نزل مسدسه فعلا : حاضر كل اللي انت عايزه هعمله مسدسي اهوه
رماه في الارض
خميس: شوته عندي

ادهم برجله شات المسدس لعند خميس

خميس: للدرجه دي هيا مهمه؟؟؟ طالما مهمه يبقي هتفضل معايا لحد ما اخرج
من هنا

ادهم: سيها وهسملك تخرج لكن لو مصر يبقي هقتلك هنا
خميس: اههههه بموت انا في تهديداتك يا سياده المقدم لكن المره دي انا في
ايدي السلاح وانا في مركز القوه
ادهم: بجد انت شايف كده؟ طيب اتفضل
ادهم ركن علي جنب وشاورله يخرج
خميس ماشي وليلي قدامه والمسدس علي دماغها وبيتحركوا وعينه علي ادهم
لحد ما جه قصاد ادهم وراحت ليلي مره واحده زقاه بعيد وجريت علي ادهم
اللي زقها ومسك ايد خميس وقع المسدس منه وضربه جامد
وهنا كان الامن اللي استدعوه وصل وبيقولوا لادهم خلاص يسيبوه
ادهم للحظه كان هيسيبه بص لليلي كانت في الارض
وبص لخميس
ادهم: انا ما برجعش في كلمه بقولها
وراح ماسك رقبته ولفها اتكسرت في ايده ووقع ميت في لحظه
الكل ساكت وحاله صمت سيطرت علي الكل
ادهم جري علي ليلي ومسكها
ادهم بتوتر: انتي كويسه!؟؟ فيكي حاجه؟؟ اتعورت فيكي اي حاجه؟؟؟
(زعل) انطقي
ليلي: انا كويسه ما تخافش عليا بس مصطفي
ادهم استوعب ان في ناس كتيره اتصابت فقام وراح لمصطفي وشاف جرحه
ادهم: ده سطحي... قوم اقف ما تعملش فيها متصاب واشكر اختك علي
اصابتك دي وتاني مره في موقف زي ده ما تهورش كده لانه ممكن يقتلك او
يقتل اللي في ايده... في حاله الرهائن بنسمع كلامه لحد ما نلاقي فرصه فاهم ولا
لا؟

وانتي كنتي بتفكري في ايه ساعت ما زقيتيه؟؟ غبيه

ليلي: مصطفي انت كويس؟؟؟

ادهم: بجد انتي بتسألني

كانوا بيحصروا الاصابات وكان في ممرضه ودكتوره متصايين بجانب الامن اللي

كان علي الباب

اصاباتهم مش خطيره

ابوهم عم محمد جه يجري لان مصطفي كلمه

قاعد معاهم هما الاتنين وليلي بتعيط جامد وبتقول لابوها ان هيا السبب

كانت في حضن ابوها لمحت ادهم ماشي فجريت عليه

ليلي: سياده المقدم انا اسفه

ادهم: ليه بتعتذري ليه؟ مش لايق عليكي الاعتذار انتي بس عارضي واعندي في

اي شئ بغض النظر ايه النتائج... انا مش عارف انتي ازاي فكيتيه؟؟؟ ازاي

جتلك الجراه انك تفكي مجرم؟؟ ما خوفتيش يقتلك؟؟؟ ما بتفكريش؟؟ عقلك

ده موجود بجد ولا زينه؟؟

ادهم كان بيزعق فيها جامد وهيا بتعيط بصمت

عم محمد: ما براحه ايه؟ انت ما صدقت تغلط ولا ايه؟

ادهم: اه حضرتك هنا وكالعهاده عيالك ما بيغلطوش لكن اللي حوالهم اللي

بيغلطوا... بنتك النهارده اتسببت في موت المجرم ده واصابه دكتوراه ووممرضه

وابنك وحضرتك جاي تزعقلي انا؟؟؟ انا سايبها لكم وماشي

ادهم سايبهم ومشي وهو خارج قابله القائد بتاعه

القائد: سياده المقدم استني... مش معني ان معاك كرت احمر انك تقتل ببرود

كده؟ انت مقبوض عليك بتهمه سوء استغلال منصبك اقبضوا عليه

فعلا العساكر اتلموا علي ادهم وحطوا الكلبشات في ايديه واخدوه وهو مشي

معاهم واتقابلت عنهم هو وليلي وكأنه بيقولها ارتاحي بقي

ليلي: مصطفى هو ينفع يقبضوا عليه؟

مصطفى: مفيش حد فوق القانون وبعدين قائد عبد السلام مستنيله غلطه

علشان يرد اعتباره

ليلي: ممكن يعملوله ايه؟

مصطفى: معرفش يتوقف او يطرد او ممكن كمان يتحبس ده قتل ولو اثبتت

انه قتل عمد بدم بارد ممكن يتعدم فيها

الكلام نزل عليها زي الصاعقه

ادهم اتقبض عليه ومشى معاهم بهدوء اخدوه مبني المخابرات واول ما وصلوا

مدير المخابرات طلع بنفسه وقابلهم في القاعه بره

المدير: قي ايه بيحصل هنا؟؟

ادهم: انا اهوه سمعت كلام حضرتك وما عارضتوش وجيت متكلبش لحد

هنا... علشان بس ما تقولش اني بتعمد اقلل من شأنه

ادهم دخل ايده في جيبه وطلع حاجه صغيره زي المسمار او الدبوس وفك

كلبشاته في لحظات وحذفهم لواحد من العساكر وراه

ادهم: انا جيت لهننا بمزاجي ممكن اعرف بقي ايه اللي هيتم حاليا؟؟

القائد: انت هتتحول للمحاكمه العسكريه وهتكون بكره ان شاء الله اما

النهارده سيادتك هتبات في الحجز

المدير: ليه كل ده؟

القائد: ده قتل هو لعب عيال ولا ايه؟

ادهم: ماشي براحتك خالص اللي حضرتك عايزه هيتم فين الحجز اللي عايزيني

ابات فيه؟

القائد: خدوه الحجز

ظابط واقف وري ادهم ومش عارف يعمل ايه؟

ادهم: ايه مالك؟ خدني علي الحجز يالا

ادهم مشي والظابط وراه لحد باب الحجز وادهم دخل وقاله يقفل الباب

المدير: افهم بس قصدك ايه من انك تقبض عليه؟

القائد: يتأدب

المدير: بجد؟؟؟ انت كده بتأدبه؟؟؟ بأيه بقي؟ بانك تخليه يقضي ليله هنا

بمزاجه؟؟

القائد: هيتحاكم وممكن

المدير قاطعه: ممكن ايه؟ ياخذ حكم؟؟ ولا يتوقف؟؟ ولا ايه؟

القائد: ليه لأ؟ هو فوق القانون؟؟

المدير: لا مش حكاية فوق القانون... بس حكاية انه اسطوره في مجاله...

محبوب جدا من زمايله ومن تلامذته... له مكانته.... هيتحاكم بتهمه ايه؟

القائد: القتل

المدير: دفاع عن النفس

القائد: لا طبعا مش دفاع عن النفس

المدير: وفين دليلك؟؟؟ كنت موجود؟؟؟

القائد: لأ بس

المدير: عندك شهود؟؟؟ اه.... انت متخيل انك هتلاقي حد يقف ويشهد

ضده؟؟؟ حظ سعيد علي مهزله بكره

شويه واصحاب ادهم عرفوا بالي حصل وجوله كلهم

اكرم ومحمد وعلاء فتحوا باب الزنانه ودخلوه

اكرم: يالا من هنا بلا كلام فاضي
ادهم: انت متخيل ان انا هنا غصب عتي؟؟ خليني هنا النهارده الدنيا مش هتهد

محمد: تبات هنا؟؟

ادهم: فيها ايه؟ بس انت سهران ليه؟ مراتك فين؟ رقيه فين؟

محمد: في البيت بس هيا عارفه انك ليك معزه خاصه فعدتها

كلهم ضحكوا

علاء: انا موصي علي عشا ايه؟ متوصي.. مشويات وكفتات ومحمر ومشمر

ومشوي وهيصه

ادهم: انت بتحتفل بيا ولا ايه؟

علاء: طبعا هو كل يوم سياده المقدم بيتحبس ولا ايه؟ واحلي حاجه بقي ان

الليله دي مش علي حسابي

ادهم: بجد والله؟؟؟ امال علي حساب مين؟

علاء: انا بكح تراب واكرم هيتجوز عن قريب وخطيبته منتفه ريشه ومحمد

متجوز وهيخلف قريب فاضل مين؟؟؟

ادهم: مين؟؟

علاء: ابو الكرم كله

ادهم: ايوه ده اللي هو مين يعني؟؟

علاء: هو في غيرك

ادهم: انا؟؟؟ اتحبس وادفع؟؟؟ بمناسبه المحاكمه بتاعت بكره ولا ايه؟

محمد: محاكمه ايه سيبك؟؟؟ هياكموك بتهمه ايه؟ هو في حد اصلا ممكن

يشهد ضدك؟؟

علاء: الاكل وصل اجدعان... ادهم خليك حلو بقي

ادهم: اه منك عايز كام؟؟

علاء: مش كثير ١٥٠٠ بس

ادهم: يخرب بيت ابوك علي ابوه علي ابوه... انت طالب ايه؟ ولين؟؟

اكرم: يا ابن المفترية

علاء: جعان واكيد انتو جعانين ا قوله يرجعه؟؟

ادهم: علي ايه خد... علي الله بس يطمر فيك... غور هات الاكل

خرج علاء يجري وهما بيضحكوا عليه

ادهم: حددت معاد الفرح ولا لسه؟

اكرم: اه حددناه اخر الشهر ان شاء الله

ادهم: يا واطي وما تقوليش نفترض اتحبست انا بقي دلوقتي؟

اكرم: اولاً انت مش هتتحبس وبعدين لا قدر الله الغي امه مش اجأله... ده انت

السبب في جوازي ده

ادهم: انا لا سبب ولا نيله انتو بتتنيلوا بتحبوا بعض من زمان

قضوا السهره كلها عند ادهم اكلوا وشربوا..... وهزار وضحك للصبح وصوت

ضحكهم جايب اخر الدنيا والكل مستغرب ايه اللي في الحبس دول

عند ليلى في البيت

ليلى: مصطفى احنا لازم نطمئن عليه؟ اعمل اي حاجه؟؟

مصطفى: اتصلت بزمايلي وقالولي انه هيبات الليله في الحجز ودخلوه وحبسوه

بس زمايله سهرانين معاه

ليلى: طيب انا لازم اشوفه واعتذرله تعال نروح

عم محمد: تروحي فين دلوقتي؟

ليلى: اروحله

عم محمد: تروحي ليه؟

ليلى: بابا انا السبب... انا اللي اتسببت في الناس اللي اتصابت دي وانا اللي اتسببت في جرح مصطفى ودلوقتي هو اهوه اتحبس بسببي مصطفى: انا عايز افهم انتي ليه بتعترضني علي كلامه ليه؟ انتي مالك وماله؟ بتعارضيه في كل حرف افهم ليه؟ ظابط له وضعه وعطي امر ليه مش بتنفذه؟؟؟ مش قادر افهم ليه؟

ليلى مردتش ليه؟ بس ابوها عارف ليه؟ وخايف من ليه دي؟ بنته اخيرا لقت ند لهما؟؟ حست بضعفها وانوثتها قصاده وعلشان كده بتعارضه لمجرد انها تثبت لنفسها انها لسه قويه وانها مش ضعيفه وانها راجل وبالف راجل عم محمد: ادخلوا نامو يالا وانتي بطلي بقي الهبل ده؟ وتاني مره طالما اشتغلتني في مستشفى عسكري يبقي تنفذي الاوامر يا قسما بالله لقعديك في البيت فاهمه ولا مش فاهمه؟؟ اتفضلوا من قدامي

بعد ما مشيو امها ناديه: مالك يا اخويا في ايه؟ متعصب كده ليه؟ فيها ايه لما البننت تحس بالمسؤوليه ناحيه غلطها؟؟؟

عم محمد: انتي فاكره انها حاسه بالمسؤوليه؟؟ علشان الناس اللي اتصابوا ولا اخوها حتي؟؟

ناديه: امال ايه؟

عم محمد: مفيش بقي

ناديه: لا انت تقولي في ايه؟ وتفهمني

عم محمد: حاسس والله اعلم انها بتحب

ناديه: بجد

عم محمد: وطي صوتك يا وليه انتي

ناديه: ليه ده بيبقي يوم المني... مش انتو بتتكلموا عن الضابط رئيس مصطفى
اللي ليل نهار مصطفى يرغي عنه؟؟؟ طيب ماله بقي؟ هو كبير ولا ايه؟
عم محمد: مش حكاية كبير وصغير

ناديه: شكله وحش؟؟؟ ماهو اكيد مش ماديا لان روايتهم حلوه ده ابنتك اهو ما
شاء الله راتبه كويس وهو لسه متعين امال ده بقاله قد ايه اكيد
عم محمد: يا وليه مش حكاية فلوس ولا سنه ولا شكله؟؟ نازله لوك لوك لوك
ناديه: امال ايه حيرتني معاك؟؟؟

عم محمد: مهواش كبير ده يدوب في اول الثلاثينات ده لو كان وصل للثلاثين
وشكله حلو وشقته شكلها متكلفه بس اخلاقه... اخلاقه زفت يا ام ليلي
سكر وشرب وبنات وعريده واحنا مش بتوع الكلام ده؟؟ وبعدين تربيه ملاحي؟؟
يعني لا يعرف عيب ولا حرام ولا حلال؟؟ ولا له كبير ولا اهل ولا حد يقوله يمين
ولا شمال؟؟ وزى ما انتي شايفه وسامعه قتل الرجال مجرد انه قال كلمه وبكره
تشوفي لما يخرج منها زي الشعره من العجين

ناديه: يعني هو كان قتل شيخ؟؟؟ ماهو قتال قتله ويستاهل القتل
عم محمد: يا وليه مش القصد.... القصد ان القتل بالنسباليه حاجه عاديه...
الحياه ملهاش وزن ولا قيمه

ناديه: اممم وزى ما بتقول تربيه ملاحي.... وبعدين بيشرب ما ممكن لما يتجوز
يتعدل ويتصلح حاله؟؟

عم محمد: انتي اتجننتي يا وليه انتي ولا ايه؟ جواز ايه اللي بتتكلمي عنه؟؟؟
ناديه: طيب لو البننت فعلا بتحبه؟؟؟

عم محمد: بكره تنساه لان هو مش بتاع جواز
ناديه: ربنا يختارلها الخير يارب ويرزقها بسيد الرجاله كلهم يارب
عم محمد: يارب يارب

...الصباح في المحاكمة

القائد راح شغله واتجنن لما عرف ان الليله كلها كانت ضحك وهزار
راح للزنزانه لقاها مفتوحه ودخل لقاها الاربعه نايمين
وكأنهم في سهره مش حبس

خرج بره وعمل دوشه علشان يصحوا

راحوا الكل للمحاكمة

ادهم دخل والكل موجود رجالته.. زميله... ليلى وابوها... القاعه مليانه
المحاكمة شغاله ومحامي بتاع القائد بيرغي كثير وبيقول قد ايه ادهم مستهتر
بالحياء وبيقتل وخلص

والقائد وقف وقال ان ادهم ما بيلتزمش باوامر

وما بهتمش باي شئ غير صورته وشكله

الكل بيتكلم كلام كثير قوي

القاضي: فين محامي المتهم؟؟

ادهم: مفيش محامي... انا محامي نفسي

اولا سياده القائد بيقول اني مش بنفذ اوامر... ده كان امر واحد في قضيه كان

سيادته بعيد عنها وانا كنت متابعتها مع رجالي ولو كنت نفذت الامر ده كنا
هنخسرها وكنا هندخل شحنه اسلحه البلد قيمتها تعادل ال ٢٠ مليون فتخيل
حجم الاسلحه كان قد ايه؟ وساعتها انا محبتش اخاطر باني اخسر لو نفذت
الامر فاعتقد ان ده مش غلط

اما بقي بالنسبه للقتل العمد فده كان دفاع عن النفس... المجرم كان معاه
سلاح بيهدد بيه وكان ماسك دكتوراه طبعا بغض النظر عن كميه الاصابات اللي
هو عملها كان هيقتل الدكتوراه اللي معاه وانا اتدخلت والموضوع ما اخدش
لحظات

القاضي: مكنش ينفع تقبض عليه؟

ادهم: لو كان ينفع كنت قبضت عليه

القاضي: في شهود ان ده قتل عمد...؟؟

القائد: اكيد في كثير من الموجودين هنا كانوا موجودين

استدعوا كذا حد والكل بيقول انه دفاع عن النفس

مصطفي: انا حاولت اتفاهم معاه او اقبض عليه او حتي اصيبه بس للاسف

انا اللي اتصبت وبعدين كان ماسك اختي وبهدد بقتلها

القاضي: اختك؟؟؟

مصطفي: اه اسف ماهيا الدكتوراه كانت اختي... لولا سياده المقدم اعتقد كان

هيبي في حالات وفاه مش اصابات بس... انا نفسي مديون بحياتي وحياه اختي

له

استدعوا ليلى

ليلى: انا كان في مسدس متوجه لراسي وكان ماسكني جامد ورائد مصطفي

اخويا حاول يلحقني بس للاسف ضربه رصاصه لحد ما جه المقدم ادهم وهو

انقذ الموقف كله ...

القائد: ليه المقدم مضربوش بالرصاص؟؟ ليه الطريقه المتوحشه دي؟؟

ليلى: هو طلب منه يرمي مسدسه بعيد وفعلا المقدم ادهم رمي مسدسه بعيد

وعلشان كده كان اعزل وكويس انه قدر يتغلب عليه من غير سلاح وبعدين هو

ضربني انا وساعتها ادهم استغل انشغاله معايا ومسكه وضربه

القائد: انتي محدش ضربك

ليلى كانت متعوره في دماغها وعليها لرقه بس الشعر مداريها

ليلى رفعت شعرها وورثهم جرحها وشالت اللزق اللي عليه

ادهم استغرب لانه المجرم مالمسهاش... هو اللي زقها لما جريت عليه ما اخدش

باله نهائي انها وقعت واتخبطت في راسها واتعورت كمان... هو سبب الجرح ده
مش خميس

القاضي: هاه يا سياده القائد عندك شهود تانيين؟؟؟ اعتقد ان سياده المقدم
كان بيقوم بشغله ولا ايه؟ وحاليا احنا مديونينله بالاعتذار
ادهم: انا مش عايز اعتذار انا عايز اقوم بشغلي وبس.. انا عمري يا سياده
القائد ما استغليت تصريح القتل بتاعي في اني اقتل حد لمصالحى الشخصيه او
لمجرد اني متضايق منه وبعدين انتو عارفين كويس تصريح القتل ده انتو
مديهولي ليه؟ فبلاش نفتح ملفات سريره؟ وبعدين لو تصريح القتل ده
مضايقكم قوي الغوه او ارفدوني انا من شغلي

القاضي: سياده المقدم... انت لاغني عنك في شغلنا وانت ليك وضعك ومكانتك
هنا وبعدين انت من الضباط اللي ما ينفعش يسيبو شغلهم نهائي... اولاً لكميه
اسرار البلد اللي انت عارفها وثانياً لان جميع اجهزه المخابرات يتمنوك معاهم
فانت ما ينفعش تسيبنا لانك لو مش معانا تبقي ضدنا
ادهم: وانا عارف ده كويس وعارف اني مش هسيب شغلي ده وانا علي رجليا بس
طالما انتو عارفين ده يبقى محدش يتدخل في طريقه شغلي

القائد: خلاص سياده المقدم براءه من القتل العمد بس سؤال بسيط
السلح اللي كان مع خميس جابه مين؟ ومين فكاه اصلاً؟ مين المسئول عن كل
اللي حصل ده؟ اكيد الضابط اللي كان هناك فلانم ياخذ عقابه
ليلى وقفت مره واحده: انا اللي فكيتاه الضابط ملوش دعوه
ادهم كان عايز يضرها هنا وبصلها بطريقه وبص لاخوها يسكتها
ادهم: حضرتك عايز تقبض علي اي حد؟؟؟ الدكتوراه كانت هتاخذ خميس
للاشعه وما ينفعش يدخل بالكلبشات فطلبت من الضابط يفكاه لحد ما
تخلص ، وطبعاً بما ان الضابط جديد والدكتوراه عيله وفرحانه بشهادتها

فالاتين معندهمش خبره والي حصل كان النتيجة؟؟؟ ما تقدرش تقول حد
غلطان

القائد واحد من رجالته جاله وهمس معاه بكام كلمه
القائد: بتدافع عنهم غريبه؟؟؟ ولا الدكتوراة الجميله دي مهمه لحضرتك
لدرجه انك تدافع عنها دلوقتي؟ وانها تكسر كلامك وتفكه؟ وانك ترمي
مسدسك لما ههدك بيها؟؟ هيا جميله محدش ينكر
هنا ادهم انفجر فيه

ادهم: شوف انا مستحملك من بدري ومن بدري قوي كمان وساييك تتكلم
براحتك وتعمل كل اللي نفسك فيه لكن لحد هنا ولأ.... هنتكلم عن اعراض
الناس وهتلمح لحاجات سخيغه مش هسمحك.... اولاد دي عيله وثانيا اخت
تلميذ عندي.... هتزود في الكلام قسما بالله هقتلك علشان تبقي تقول بستغل
تصريح القتل..... هيا المحاكمه دي مش هتخلص ولا ايه؟ ولا فاضيين
وبنتسلي... وبعدين يا سياده القاضي انت لسه قايل انا لو مش معاكو ابقي
عدو فياربت ما تخلونيش عدو لان عداوتي وحشه
القاضي: حضرتك بتهددنا ولا ايه؟

ادهم: لو حضرتك تعرفني كويس تعرف اني ما بهددش
المدير اتدخل: بس كفايه كده المحاكمه دي انتهت خلاص ولا ايه يا سياده
القاضي... العداوات الشخصيه ملهاش مكان هنا.... سياده المقدم احنا
متأسفين علي المحاكمه دي اتفضل
المحاكمه انفضت والكل بدأ يمشي وادهم ماشي ووراه زميله الكل موسعلهم
الطريق

ادهم لمح ليلي وابوها ومصطفي قدامه واول ما وصل عندهم وقف للحظه
ادهم: غبانك هيدخلك في متاهات انتي مش قدها (بص لعم محمد) لم بنتك

وفهمها ان العناد بيحي فوق راس صاحبه... اه وسوري علي الجرح اللي في
راسك ده

معطاش لاي حد فرصه يتكلم وساهم ومشي

مصطفي: انا ما زلت عايز افهم انتي بتعندي عليه ليه؟

ليلي مشيت وما ردتش وابوها احساسه اتأكد من نظره ليلى لادهم وعنهما
المتعلقه بادهم

ليلى روجت وفرحانه ان ادهم وقف زي الاسد دافع عنها وفرحت انه اخذ باله
من جرحها وان هو السبب فيه ...

ادهم روح بيته بيفكر في ليلى وغبائها ومش عارف يبعتها ازاي عنه؟ ويعمل ايه
علشان تشيله من دماغها؟؟

اخيرا جه فرح اكرم اللي طال انتظاره قوي ، قصه حيمه الاسطوريه اكرم ومني
مني بقي دي زميله للاربعه دول ومعاهم من سنين واتعلقت باكرم وهو اتعلق
بيهم بس محدش ابدا صرح بحبه .

الكل كان معزوم في الفرح... مصطفي طلب من ليلى تروح معاه وابوه ... ليلى
واقفت ورحبت جدا لما عرفت ان اكرم الانتيم بتاع ادهم وابوها وافق علشان
يراقب بنته وناديه وافقت علشان نفسها تشوف ادهم شكله ايه؟

ليلى نقت فستان خرافه وغالي جدا وامها مستغربه جدا لان ليلى بتكره الافراح
موت ، ليلى كانت عايزه تثبت لادهم انها مش سلعوها وانها جميله لو حبت تكون
جميله وفعلا كانت آيه في الجمال لدرجه ان اخوها تنح اول ما شافها

مصطفي: بت انتي حلوه كده ليه؟ وايه الفستان ده؟ انا اول مره اشوفك كده؟
وبعدين افضل انا طول الفرح اتخانق مع الشباب صح؟

عم محمد لمراته: مش قولتلك انها رايجه علشانه؟؟؟
راحو الفرح اللي كان وهم وليلي عنهما بتدور عليه ومش لقياه
ناديه: واد يا طفي
مصطفي: ايه يا ست الكل
ناديه: امال اللي اسمه ادهم فين؟
مصطفي: لسه مجاش ثواني
قام وراح لاصحابه
الكل بيدور علي ادهم وخصوصا اكرم ومني وليلي دول اكثر تلاته مستنينه
علاء: البوفيه امتي يا اكرم؟ جعان
اكرم: اتنيل بقي.... ادهم فين وتليفونه مقفول ليه؟
ليلي تراييزتهم جنب الاستيج وقريبه منهم وسمعاهم ومركزه قوي معاهم
علاء: تلاقيه مع مزه من المزز ...
اكرم: ادهم هيسيب فرحي علشان مزه؟؟؟
علاء: لا ميعملهاش هطلع اشوفه
ليلي مستنياه وابوها وامها مراقبينها
فجأه الجو كله اتغير والدنيا بقت ظلمه والجو كله اتكهرب والنور اطفئ
واشتغلت انوار ديسكو وموسيقى عزفت.
والنور نور علي الاستيج وظهر ادهم اللي ظهوره جنن الكل وغني اغنيه
شعبيه خلت الفرح كله يرقص .

الكل هيص ورقص بعد ما كانوا بيناموا
ناديه: هو مين ده اللي وقف الفرح كله علي رجل؟؟؟
عم محمد: هو ده ادهم؟؟
ناديه: ده ادهم؟؟؟ طيب ماهو البننت ليها حق بسم الله ما شاء الله طول بعرض

بحلاوه بخفه دم

عم محمد: وانتي شوفتي خفه دمه فين؟

ناديه: اللي يقلب الجو كله كده ويجنن الكل لازم يكون خفيف الدم ومقبول...

ده الكل بيعبهه يا راجل

ادهم خلص اغنيته وراح لصاحبه وبباركله وصوتهم عالي... اخده في حضنه

جامد وكان فرحان بجده لصاحبه

بص لمي وبرضه حضنها جامد او هيا حضنته جامد

مني: احنا مديونلك بالليله دي... انت اكثر من اخ

ادهم: بقولكم ايه انا ماليش في الجو ده اتجوزتو وخلص وربنا يسامحني بقي

ضحكوا كلهم ومحمد ومراته رقيه جاين يسلموا عليه

سلم علي محمد عادي ورقيه اخدها في حضنه وباسها

رقيه: كفاره يا عم ادهم!!! ما تخيلتش ابدأ اني ممكن اقولك الكلمه دي في

يوم!!!

ادهم: دنيا بقي؟ ودواره نعملها ايه؟ بس اول مره اشوف واحده بتحلو علي

الحمل؟

رقيه: الهى يجبر بخاطرك زي ما انت جابر بخاطري علي طول كده

محمد: قطط تاكل وتنكر... بس اشمعني انت يا ادهم بتسلم وتحضن وتبوس

اشمعني انت؟؟؟

ادهم: يا ابني انا ليا كارزما خاصه؟؟؟ وبعدين المفروض تحمدوا ربنا ان

مراتكم رضيووا يبصولكم... هي دي اشكال دي

محمد واکرم طلوعوا یجروا وراه وجرى وراهم علاء من غیر ما يفهم بیجروا لیه؟
ومره واحده حضنوا بعض الاربعه وبیهیصوا ویرقصوا والکل مبسوط
ادهم کان بره القاعه وداخل مصطفي شاورله وهو معدي من جنهم علسان
یسلم علي ابوه وامه

مصطفي: سیاده المقدم والدي ووالدي
ادهم: اهلا وسهلا بحضرتك (سلم علي ابوه)
عم محمد: اهلا عقبالك

ادهم: متشكر... ازي حضرتك يا ست الكل دي اول مره اشوف حضرتك
نادیه: اهلا ازیک یا ابني
ادهم استغرب للحظه
نادیه: مالک فی ایه؟

ادهم: لا مفیش عادي... دکتوره ازي حضرتك... مفیش ارواح النهارده بتنقذها
ولا حد بتجننيه؟؟

لیلي: اهلا.... لا مفیش وبعدين انا ما بجننش حد هما مجانين لوحدهم
ادهم: اه انتي هتقوليلي؟؟

نادیه: عقبالک یا ابني انت وکل اللي زیك
ادهم استغرب تاني وابتسم

نادیه: لأ ما هو انت لازم تقولي بتستغرب لیه؟

ادهم: لا عادي عادي ابدا مفیش

نادیه: لأ فیه... انا قولت حاجه غلط؟

ادهم: لا لا ابدا... الحکایه ابسط من کده بکتیر... اول مره بس اسمع کلمه ابني
من واحده مش اکثر فالکلمه غریبه علیا

نادیه: لیه وهیا والدتك مکنتش بتقولک یا ابني ولا ایه؟

ادهم للحظه سكت بس تدارك نفسه ورد علي طول
ادهم: الملاحى مفهياش امهات... ولا عمي مقالتيش اني تربيه ملاحى؟ بعد
اذنكم

ناديه: معلش يا ابني ما اقصدش اضايك
ادهم: لا لا تضايقيني ايه الموضوع عادي جدا بالنسبالي
ادهم هيمشي فناده سألته سؤال وقفه
ناديه: كنت قد ايه؟

ادهم كان عظامهم ظهره واتجمد لان في ذكريات كتيره هتهاجم وهو مش
مستعد لها ابدا دلوقتي
ادهم: ١١ سنه ... بعد اذنكم

مأعطاش لاي حد فرصه يكلمه وخرج بره خالص
ليلى: هو انتي غاويه تعكني عليه؟ وقته ده امك ماتت امتي؟ ورحت الملجأ
امتى؟

ناديه: ما اقصدش اهو فضول بقي... بس صعب عليا قوي وحسيت انه
بيتوجع من الوحده قوي والفرحه اللي علي وشه ما بتتخطاش شفايفه... جواه
وجع بيداريه ويبرسم علي وشه فرحه علشان اصحابه
عم محمد: لا طبعا ده اناني وما بيفكرش غير في نفسه وانبساطه وبس معندوش
الايتار ده؟ قال بيرسم ابنتامه علشان صحابه

اكرم: مساء الخير عليكم جميعا.... النهارده اجمل يوم في عمري كله لاني مع
اغلي حد في حياتي... وانا مديون باليوم ده لصاحب عمري وحببي واخويا ادهم

الكل صفق وصفرو وادهم واقف محرج جدا
اكرم: انا هفرجكم علي فيديو بسيط واتمني تستمتعوا بيه !!
الفيديو اشتغل والكل بيتفرج

ادهم رايج للمدير بتاعه وكلفه بمهمه جديده
المدير: مهمتك هيا اكرم
ادهم: اكرم؟؟ ماله اكرم؟
المدير: اتقبض عليه في فيرجينيا من كام ساعه وانت عارف فاضله وقت قد
ايه؟ يا ترجعه يا ...
ادهم: ده اكرم مفهاش يا
المدير: ادهم من امتي العواطف لهما مكان هنا؟ صاحبك اه بس لو اتعرف انه
مصري او اي معلومات عنده هتبقى ازمه دوليه... امنع ده باي شكل.... طيارتك
خلال ساعتين... علاء هيقابلك هناك ومني كمان
ادهم: مني؟؟؟ مني اخر واحده ممكن احتاجها وانت عارف ليه؟
المدير: هيا اصلا هناك... هيا كانت معاه
ادهم: علشان كده اتقبض عليه
المدير: قصدك ايه؟
ادهم: قصدي؟؟؟ ما تاخدش في بالك يدوب الحق اجهز قبل الطياره
ادهم وصل للشقه اللي علاء ومني فيها واول ما شافوه كانوا زي الغريق اللي
بيتعلق فيه
درس المكان اللي اكرم محبوس فيه وبيفكر ازاي يدخله ومش لاقى طريقه
ادهم: ماهو مفيش مكان محصن للدرجه دي؟؟ لازم يكون ليه ثغره؟؟؟

علاء: ليه؟ الشباك معلوموش حراسه

مني: سيادتك بتهزر؟؟؟ شباك في الدور ١٢٠ نعمل بيه ايه ده؟ مش ناقصاك يا
علاء؟؟

ادهم ساكت وبيفكر : علاء بيتكلم صح؟ مفيش طريق غير الشباك
علاء: علي فكره انا بهزر

ادهم: وانا بتكلم بجد بس محتاج هليكوپتر
مني: هنجيبها منين وهتعامل بيها ايه اصلا؟

ادهم: هنجيبها منين لسه مش عارف؟؟؟ هعمل بيها ايه؟ هجيب بيها اكرم
علاء كان بيلعب بالكمبيوتر

علاء: لقيتلك طياره بس صعب الوصول ليا
ادهم: سيبي انا اقرر الصعب والسهل

علاء: في فندق جولدن صن في مؤتمر هيعملوه وهيحضر فيه ناس كتير او
بمعني ثاني في اجتماع لمنظمات المافيا الروسيه معمول هناك... عاملين مزاد
علي حاجه

مني: مزاد ومافيا روسيه؟؟؟ ممكن... هنعرف نتعامل معاها.. بس ياتري
الحراسه هيكون شكلها ايه؟ المكان اكيد هيكون مصفح واقتحامه اصعب من
مكان حبس اكرم... ادهم انت ساكت ليه؟

ادهم: عندك حلول تانيه؟ مفيش... بيبقي نجيب الهليكوپتر ونروح لاكم
ونمشي من هنا وكل ده لازم يتم خلال ٣ ساعات بالكثير... وسيله خروجنا من
هنا مش هتستني اكر من كده ولو نجحنا بيبقي لازم نختفي من البلد دي كلها
بس نجيب الهليكوپتر الاول لكن ازاي؟

مني: هندخل الفندق ونطلع للسطح

ادهم : بالسهوله دي؟

مني: اللي هيوقف في طريقنا هنزيحه وبعدين دول بودي جارد يعني هواه مش
محترفين ومعندهم مش قضيه يعني لو هيختار هيختار حياته.. علاء محتاجين
سلاح وكتير يالا بس دوري هيكون ايه؟

ادهم: انتي هتستينينا هنا؟ هتجهزيلنا حاجه توصلنا لهننا (شاورلها علي
الخريطه) لازم نكون هناك في الوقت المحدد

مني: لا طبعا انا هاجي معاك

ادهم: مني؟ انا معنديش استعداد اشدت تركيزي

مني: انا زي زيك مش عبء عليك

ادهم: وانا طبيعتي كراجل لازم اركز عليكي وبعدين انا معنديش استعداد
اواجه اكرم لو انتي جراللك حاجه وبعدين وجودك مع اكرم خلاه يتقبض عليه
مني: لا يا ادهم

قاطعها ادهم: انا لو مكانه تفكيري وتركيزي هيكون مشنت تماما والا ولويه
عندي انتي وبس اسف يا مني

ادهم وعلاء جهزوا واتسلحوا

ادهم: هنجيب الطياره وانا هأمن المكان وانت هتسوق وبعدها

قاطعه علاء: مين ده اللي هيسوق؟؟؟؟ (ادهم بصله)) انا ما بعرفش اسوق
طيارات

ادهم: دي هليكوپتر مش طياره

علاء: ايه الفرق؟؟؟ عندك استعداد تعلمني؟؟؟

ادهم: يخربيت كده يا علاء.... وانا طبعا مقدرش اثق فيك انت تأمن لنا الطريق
وتجيب اكرم ...

بص لمي

مني: بعرف اسوق طياره وانت عارف كده؟

ادهم: اجهزي بسرعه وانت تجهز لنا وسيله خروج وتبقي قريب منا
ادهم دخل لمني: اكرم مش هيسامحني لو جراك حاجه ولا انا هسامح نفسي
مني: انا مش مسؤوليتكم اصلا... انا مسؤوله عن نفسي
راحو الفندق واول ما دخلوا الانذارات ضربت من الاسلحه اللي معاهم
واتفتحت ابواب جهنم

ادهم ومني بيضربوا نار وبيتضرب عليهم لحد ما وصلوا للاسانصير دخلوه
وظلعوا فوق وفجروه وطلعوا السطح مني جريت للهليكوبتر تشغلها وادهم
بيوقف الي وراهم لحد ما هيا طارت وادهم جري وحصلها واتحركوا وراحو
لاكرم

ادهم علي باب الهليكوبتر ماسك رشاش وواقف علي الباب ووسطه مربوط
بحبل ، مني نزلت لحد الشباك اللي اكرم جواه
مني: ادهم خلي بالك

ادهم بيضرب حوالين اكرم اللي كان مربوط علي كرسي رجليه وايديه
ادهم ضرب السلسله اللي علي رجليه واكمم وقف و ادهم بيشاورله ينظلم
كسر القزاز كله بالرشاش ومستني اكرم ينطله

واكرم بينط واحد دخل وضرب رصاصه جت في رجله وبدال ما ينط وقع
مني صرخت وادهم في اللحظه دي نط قصاد اكرم ولحقه ومسكه والاتنين
متعلقين في الهليكوبتر

ادهم: ابعدي بينا

مني سحبتهم وبتجري بس الضباط ضربو علي الهليكوبتر رصاص كتير وهيا
بتسرب البنزين وبدات توقع ، مني قربت لسطح جامد وهنا ادهم ساب اكرم
وهو كمان نزل لما الهليكوبتر قربت ، الهليكوبتر بتوقع والعينين كلها اتقابلت لمني
الي جوه الهليكوبتر

ادهم واكرم... واكرم ومني

اكرم بيصرخ: ادهم امسك الطياره بالحبل ادهم مني

ادهم كمان بيصرخ لان الحبل بدأ يشده ويجرجه لحد ما وصل للحرف وادهم

بيصرخ وبيدعي ان مني تفكر وتقطع الحبل من الطياره وتتشعلق هيا بيه

ادهم وصل لحرف السطح ووقف لان مني فعلا قطعت الحبل واتعلقت بيه

واكرم منهار تماما ، ادهم ببشده الحبل لحد ما شد مني وطلعها واول ما طلعت

تجاهلته وجريت لاكرم اللي حضنها جامد

ادهم: العفو... اي خدمه

مني: اسفه يا ادهم متشكره

ادهم: ماعلينا خلال لحظات مش هنقدر نتحرك يالا بينا من هنا

نزلو بسرعه واتصلوا بعلاء يقابلهم

علاء: ادهم الطرق كلها مقفله مش هقدر اوصلكم حاولو تطلعوا انتو المترو

قريب منكم اتحركوا بسرعه قبل ما يوقفوه هو كمان

ادهم ساند اكرم المتصاب وبيجروا للمترو بس البوليس وراهم

ادهم: ادخلوا انتو الاول

اكرم: ادهم

ادهم: قابلو علاء وانا هحصلكم بس لازم اعطيهم الاول

دخلهم المترو وهو وقف يواجه الكام ضابط ضريهم وجري لفوق ركب اقرب

موتوسيكل والكل بقي وراه هو

فضل يجري منهم وهما وراه لحد ما اخيرا قدر يهرب

الطيار: انا عندي اوامر اتحرك دلوقتي

علاء: استني لحظات ادهم هيحي

فات خمس دقائق

الطيار: كلنا هنتحبس هنا لو ما اتحركناش حالا
اكرم: احنا بنتكلم عن ادهم؟؟؟ تعرفه؟؟ ادهم بيضحى بحياته علشاننا واحنا
نهرب ونسيبه؟؟؟

الطيار: انا عارفه بس لازم نخرج من هنا وهو عارف كده كويس
لحظات وادهم ظهر قدامهم ولحقهم واتحركوا كلهم ووصلوا مصر

كانوا في المستشفى كلهم مع اكرم وادهم اول ما دخلهم كلهم فرحوا بيه
ادهم: انتو مش هتتيلو بقي وتخلصونا من الفيلم الهندي ده؟
اكرم: قصدك ايه؟

ادهم: قصدي انت وهيا
الاتنين اتخرجوا والكل سكت
ادهم: ايه؟ ايه؟ كلامي مفاجئ ولا ايه؟ ادهم امسك الطياره....(بيترىق عليهم)
طياره ايه والنبي اللي امسكها هاه؟ قالولك عني ايه هاه؟؟؟ قال امسك
الطياره قال
مني ضحكت

ادهم: بتضحكي سيادتك... (اتريق عليها هيا كمان) تطلع ايه المافيا الروسيه؟؟
اللي يقف في طريقنا نزيحه... دول حبه بودي جارادات هواه مش محترفين....
فجأه بقيتوا انتو الاتنين خبراء
انا مش هشتغل مع حد فيكم تاني؟ ... بس ياريت بقي تخلصونا وتنجزوا
وتنجزوا

اكرم: ادهم انت بتتكلم في ايه؟
ادهم: في صوره عبس؟؟؟ تعرفها؟؟؟ انت عارف الكل عارف انكم بتحبوا

بعض.. علاء صح؟ (شاور بدماغه اه) محمد؟ (شاور برضه) رقيه؟؟
انت عارف بتاع الامن اللي علي البوابه عارف!!! عارف الممرضه اللي خرجت دي
عارفه؟؟ وانتو الاتنين عايشين دور الهبل ودور اللي مش واخذ باله.. مستنين
ايه؟ هاه؟ افهم؟؟ انت بتحبها وهيا بتحبك؟؟ فين المشكله؟ انت في لحظه اهوه
عمرك كان هينتهي؟؟

اكرم: واحد غيرك يتكلم عن الجواز يا ادهم
ادهم: انا لو الاقي اللي تحبني كده وانا احبها مش هتردد لحظه اني اكون
معاها... بس للاسف
اكرم: في بنات كتير يتمنوا
ادهم: سيبك مني المهم انا لو مكانك مش هتردد لحظه اني اتجوز واعيش مع
حبيبتي

مني انسحبت بهدوء وادهم فضل مع اكرم والكل مشي
اكرم: انت عارف اني سبق وطلبت منها الجواز بس هيا رفضت بتقول مش
متخيله نتجوز ونطلع نواجه الخطر. هيا رافضاني يا ادهم
ادهم: مش يمكن انت محاولتش كفايه... انت ما اجبرتهاش توافق ...
اكرم: مش عايز اجبرها

ادهم: هيا بتحبك وده شئ منتهي... الارتباط بقي ده في ايدك انت... انت لازم
تحارب علشانها

اكرم: وبعدين يا ادهم شغلها مش هقدر اتجوزها واسيها تشتغل في مجالنا ده
مع كل اللي بتعرضله؟؟؟

ادهم: لا كده يبقي هبل بقي.. انت حبيبها في المجال ده... ما ينفعش بعد ما
تحبها تطلب منها تسويه؟؟؟ انا مثلا حبيت دكتوراه وعارف انها بتبات بره او انها
ممكن تطلب في اي وقت... ما ينفعش اول ما ارتبط بيها اطلب منها تتخلي عن

عمرها كلها... ما ينفعش... زي ما انت مش هتتقبل لو هيا قالتلك سيب شغلك
انت كمان ما ينفعش تتوقع منها تسببه علشان خاطر؟؟
اكرم: انت بس علشان علي البر لكن لو كنت مكاني
قاطع ادهم: لو كنت مكانك كنت هبقي متجاوز من سنين بس انا مش
مكانك... اكرم انت مش هتسبب شغلك علشانها يبقي ما تطلبش منها تسببه
علشانك !!!

اكرم: ما اقدرش.. انا كراجل مقدرش مراتي تواجه خطر زي ده
ادهم: يبقي تقولها انا اسف شو في حياتك ومستقبلك وانا ما انفعكيش؟؟
اكرم: بس انا بحبها

ادهم: يبقي تتنازل شويه وهيا تتنازل شويه وتتقابلو في نص الطريق
ادهم سابه ومشي لقي مي مستنياه وبتعيط واول ما شافته عيطت في حضنه
مي: انا بحبه جدا يا ادهم وفعلا كان ممكن حياته تنتهي ومش عارفه كنت
هعمل ايه من غيره؟؟؟

ادهم مسح دموعها: يبقي بتبعدي عنه ليه؟ هو بيمد ايده ما تمسكها؟؟
مي: مش هقدر يا ادهم... اكرم عايزني اغير مجالي وانا ما اقدرش ابقي عارفه
هو ببواجه ايه وافضل انا كده؟ لازم اكون معاه؟؟؟ وبعدين لو خلفنا هنعمل
اياه؟ هسيبه ازاي يخرج شغله؟؟

ادهم: روجي معاه
مي: وابتنا اسيبه لمن وازاي اسيبه؟؟ ادهم لأ وبعدين لو جراه حاجه؟ هعيش
ازاي؟

ادهم: لو انا عارف اني هموت بعد ساعه عايز اعيش الساعه دي في حضن
حببتي... لو جراه حاجه كنتي هتفضلي عمرك كله ندمانه انك ضيعتي الوقت
ده كله بعيد عنه... مي الحياه ما بتديش كل حاجه بس بتدي فخدي منها اللي

بتديهمولك.. بتديلك حبيب بيعشك وبيحبك وانتي بتحبيه كل الافتراضات
التانيه دي تتعاملو فيها بعد ما تكونوا مع بعض المهم تكونوا مع بعض واوعي
العمر يفوت والحياه تسرقه منك؟؟؟

مني: يعني اعمل ايه؟

ادهم: خدوا خطوه وسيبوا خطوه تجيب خطوه... الاول نتجوز وبعدها نبقى
نشوف العيال... وبعدين مش ممكن لما تتجوزي تزهقي من الشغل وانتي
بنفسك تسيبيه؟ بتسبقوا الاحداث ليه؟

هنا الفيديو اتقفل والنور نور والكل يبص لادهم اللي قاعد علي ترايزه جنب
الاستيج في وش تربزه ليلي وباصص للارض واتفاحي ان الكل يبصله وصمت
حواليه ونظرات اعجاب من الكل

اكرم طلب من ادهم يطلع الاستيج جنبه وادهم طلعه

ادهم: علي فكره الليله دي بتاعتك مش عارف بتضيعها عليا انا ليه؟

اكرم: لان انت حبيبي

ادهم: هههههههه والله وانت

اكرم: بما انك انت كنت الناصح الامين بتاعنا سؤال بيفرض ذاته.... ليه انت

مش متجوز؟؟؟ طالما دي نظرتك للحياه؟؟؟ البنات كلها وحشين في نظرك؟؟؟

ايه ايه؟ ايه السبب في اضرابك عن الجواز؟؟؟

ادهم: شرط الجواز الاساسي بالنسبالي اني احبها وتحبني وخط مليون خط

تحت احبها دي

اكرم: وايه المانع؟؟؟ ليه ما بتحبش؟؟؟

ادهم: قولي فين الزرار اللي ادوس عليه وانا ادوس عليه حالا

ادهم بيحاول يقلب الموضوع هزار لانه ما ينفعش يقول انه بيكره الستات كلهم
وبيحتقرهم ومعندوش استعداد ابداء يربط نفسه بحد فيهم
اكرم: لا بجد يا ادهم ليه؟

ادهم: انت عايزني اضرب النهارده صح؟ اقولك ايه؟ شوف في ناس بتعتبر
الستات غايه او هدف يوصله او حلم لكن انا بشوفهم ومع احترامي للكل
وسيله مش اكثر... وسيله لاستمراره الحياه وبما ان الحياه مش هتقف لو انا
ما اتجوزتش فمش عايز اتجوز فهمت؟؟

اكرم: مش معقول يا ادهم البنات كلها وحشه في نظرك؟
ادهم: مش بقولك عايزني اضرب؟؟؟؟ بص لو انت لابس نظاره شمس اصلي
بتعملك ايه؟

اكرم: بتخلي الدنيا غامقه وضلمه شويه
ادهم: بالظبط انا لابس بقي النظاره دي فمهما تكون الي قدامي كويسه او
حلوه انا شايفها بالنظاره غامقه ومظلمه ومش عايز اقلع النظاره فهمت؟
فمش المشكله في البنات المشكله فيا انا بنظارتي... الا اذا في واحده عندها عته
وغباء كفايه ومجنونه جدا لدرجه انها توقف قصادي وتكتفني وتقلعني النظاره
دي فساعتها هشوفها بس طبعا المجنونه دي مش موجوده او لو موجوده لسه
مقابلتهاش (وبص لليالي) او لسه هيا مقدرتش تقلعني النظاره السودا....
وكفايه كده لان الليله ليلتك يا معلم
ادهم قلبها اغنيه لانه عايز يهرب من الاسئله دي

ناديه: يارب تلاقي البنات دي؟

دعتها من قلبها وهيا بتبص لبنتها وشي جواها خلاها تتمني ان البنات دي تكون
بنتها

خلص اغنيته وهرب من الكل وانسحب بهدوء وخرج بره القاعه خالص
ليلي قاعده زهقانه وفجأه وقفت
ناديه: ايه هتروحي ولا ايه؟
ليلي: لا هدور علي حمام بعد اذنكم
كانت مخنوقه من جو القاعه والسجاير والهيبصه والدوشه والتمني والفستان
الابيض
خرجت بره واول ما لقت بلكونه دخلتها وبتاخذ نفس طووويل جدا وكأنها كانت
محرومه من الهوا جوه
سانده علي السور وبتتنفس وبس وفجأه سمعت صوت
ادهم: هو الهوا خالص جوه للدرجه دي؟
قلها هيخرج من مكانه اول ما سمعت صوته ، كان نفسها تقوله انها بتتنفس
بس وهو موجود .
ليلي: الجو خنقه والسجاير مضايقاني بس للاسف
ادهم كان مولع سيجاره فأخذ منها نفس طويل ورماها من ايده
ادهم: اتنfyسي براحتك
ليلي: انت هريان ليه؟
ادهم: مش هريان بس بتتنفس.... والدتك طيبه قوي غيرك وغير والدك صح؟
ليلي: امي طيبه لدرجه الهيل... لدرجه انها معجبه بيك انت تخيل؟؟؟
ادهم رفع راسه وبصلها باستغراب ووجع جواه مش عارف يتخلص منه
ادهم: عندك حق
ليلي ندمت علي كلمتها لانها حاسه بوجعه ده
ليلي: ممكن اسألك سؤال؟؟؟
ادهم: اعتقد انك هتسألني حتي لو قلتلك لأ؟

ليلي: هو انت بتفتقد امك وابوك؟؟ ولا الحياه بقت عادي من غيرهم
واتعودت؟؟؟

ليلي معندهاش ادني فكره سؤالها ده عمل ايه في ادهم؟؟؟ ما
بيفتقدهمش؟؟؟؟ ادهم بيفتقدهم في كل لحظه وثانيه بتمر ويبتوجع من
وحدته بس عمره ابدأ ما ظهر وجعه ده لحد ابدأ ابدأ!!!! سكت ومعرفش يرد
علما ومعرفش يكذب او ملقيش كدبه يقولها
ادهم: اتأخرت عليهم ولازم ادخل
يدوب هيمنشي

ليلي: هو انت عندك استعداد فعلا تموت علشان حد فيهم؟ ممكن تضحي
بحياتك علشان حد؟؟؟
ادهم: انتي شايفه ايه؟

ليلي: ما اعتقدش انت ما بتخطيش خطوه الا وانت حاسيها
ادهم: فعلا

ليلي: يبقي لو عارف انك هتضرر او ممكن تموت مش هتضحي بحياتك!! انت
بس عايز تظهر بطل قدامهم
ادهم: انتي شايفه كده؟

ليلي: ايوه ومستغربه قوي رأيهم فيك

ادهم: يبقي انتي عرفتي اللي هما معرفوهوش في سنين... انا مهتمش بحياه حد
وما بيفرقش معايا حد ومهتم بنفسي وبس... بعد اذنك

ادهم سابها وخرج وراح لزمائله قلع جاكته البدله وحطها جنبه وقعد علي
تربيزته ولاحظ ان ام ليلي مرقباه وحس انه متكفف قدامها ، شويه وليلي دخلت
مكانها وقعدت وحست انها ضايقت ادهم بكلامها... ديما بتقول كلام غير اللي
هيا عيزاه او حساه ، الكل بيرقص والرجاله بيلفوا حوالين القاعه

والعروسه علي الاستيخ هيا وصحباتها ، ادهم علي تربيته سرحان ، العروسه
بترقص وفجأه الانوار بتنفجر شويه شويه ، والاستيخ جزء منها وقع ومني
وقعت ورجلها انحسرت ، اكرم والرجاله بعيد عنها كثير ، وفجأه سمعوا دريكه
جامده والسقف المعلق كله بيوقع من طرف ومني في طريقه ولو خبطها
هيقتلها ، مني صرخت واكرم صرخ من بعيد
اكرم: مننننننننننننني
والكل مستسلم لموتها

وفجأه ادهم ظهر محدش عارف مينين وحاول يخرج مني وبعدها لاحظ ان
السقف بيوقع من الطرف وهياخد في وشه مني
ليلي وامها وابوها في جنب بس كلهم عنهم متعلقه بادهم هيعرف يطلع مني ولا
لا؟

السقف بيوقع واحده واحده والكل اتجمد مكانه .. اكرم اصحابه والضباط
الا ادهم .. ومره واحده السقف نازل من الطرف وبكل سرعه رايح لمني وادهم
ادهم ساب مني ووقف قدامها في وش السقف اللي وصل لعنده وخبطه بس
ادهم وقفه .
ادهم مش قادر يوقفه فصرخ

ادهم: اكرم انت بتعمل ايه حرك مراتك مش هقدر امسكه كثير اتحركوا
هنا الكل اتحرك فعلا
ليلي: ماما بصي ادهم
ناديه: ماله اهو اتحرك هو
ليلي: بصي للحديده داخله في صدره ومعديه للناحيه الثانيه ركزي
عم محمد: فعلا داخله في صدره

التلاته واخدين بالهم بس الباقي مشغول

ادهم: بسرعه يا اكرم

اكرم اخيرا خرج مراته وشالها ومجد وعلاء واقفين مع ادهم ساندين السقف

ادهم بيحاول يخرج الحديده من صدره من غير ما حد ياخذ باله

علاء: احنا هنزقه ونسيبه ونجري اتفقنا

وفعلا زقوه التلاته فخرج من صدر ادهم اللي غمض عنيه للحظه

وجريوا وسابوه

ادهم جري علي ترايبزته بسرعه شد جاكته ولبسها بسرعه واخذ باله ان ليالي

بصاله

عم محمد: يا بنتي اهو كويس احنا كان متهيألنا؟؟

ليالي: لا يا بابا لبس الجاكت علشان محدش ياخذ باله

ادهم: اكرم خد مراتك وامشي من هنا

اكرم: لا انا لازم افهم

قاطعه ادهم: مش وقته... ما تسمحش لحد يضيع فرحتك... الليله دي

بتاعتكم عيشوها بقي... مني خدي جوزك وروحوا يالا... انا هنا هخلي بالي

وهعرف ايه اللي حصل وهبلغكم بس انتو روحوا يالا... اكرم امشي مفيش حد

اتأذي والكل اهو كويس امشي انت واحنا كلنا هنا

علاء روح وصلهم يالا خدهم وامشي

علاء ومجد: ادهم بيتكلم صح روحوا انتو... احنا هنا

اكرم اخد مني ومشيووا وعلاء راح يوصلهم

ادهم: محمد خد مراتك وامشي ...

محمد: لا انا هفضل معاك

ادهم: هو في ايه النهارده محدش بيسمع الكلام ليه؟

مراتك حامل وزمنها تعبانه خدها من هنا اتحرك
مجد مشي وهو ومراته
فريق ادهم مصطفى ومؤمن وهشام وخالد جوله
ادهم: انتو تخرجوا الناس من هنا وتقلوا القاعه وتحاولو تعرفوا ايه السبب
بسرعه اتحركوا
جربوا من قدامه وادهم كان هيقع سند علي التريزه وبيكح فشد فوطه وحطها
علي بوقه وبعد ما كح كانت مليانه دم وادهم انسحب بهدوء ومشى بالعافيه
ليلي: مجنون
جريت وراه وابوها وامها معرفوش يوقفوها ، مشيت ورا خط دم في الارض وهيا
رافعه فستانها ويتجري لحد ما لقت مخرج طوارئ، فتحت الباب لفته في
الارض
ليلي: ادهم ادهم فوق
رفعت راسه وحطتها علي رجليها واخذته في حضنها
ليلي: فوق علشان خاطري فوق
ادهم حس بيها: انتي جايه ورايا ليه؟ سيبيني
ليلي: هتصل باي حد

ادهم شد التليفون من ايدها: مش عايز حد يعرف وخصوصا اصحابي انتي
فاهمه؟؟ الليله دي اكرم مستنميا من سنين ولو عرف هيسيب الدنيا كلها
ويجيلي وانا مش عايز ده فاهمه؟

ادهم بيتكلم بالعافيه وليلي بتحاول تسكته
ليلي: مش هقول لحد هقول لمصطفى بس يجيب الاسعاف انا هتصرف انت
بس خليك معايا انت فاهم؟ لازم اوقف النزيف

حطته من حضنها وفتحت الجاكت صدره كان غرقان كله دم قطعت قميصه
ليلي بتعيط وايديها غرقانه دمه وبتترعش وكأنها عيله اول مره تشوف المنظر
ده... دموعها بتنزل ، ادهم باصصلها وابتسم وكأنه مش متصاب
ادهم: هششششش اهدي .

ايدو حاولت تمسح دموعها بس بدال ما يمسخهم وسخ وشها دم
غمض عنيه وابتسم: وشك اتهدل وفستانك كمان

ليلي: فداك عمري كله مش فستاني

ادهم مسك ايديها اللي بتترعش وبصلها

ادهم: مش عايز اكر من كده... كفايه عليا قوي ده... انا قلت جوه ان البنات

ممك يكونوا حلم وبالنسبالي وسيله انا كدبت لان انتي حلبي... انتي حلبي

البعيد.. انتي اجمل ما في حياتي بس للاسف الظاهر ان حياتي قصيره... لو

هموت عايز اموت في حضنك ضمني وقولي انك بتحبيني

ليلي ضمته: انا بحبك.. انا بتنفس حبك يا ادهم

ليلي حست انه ايديه اترخت حوالها بصتله لقت عنيه مقفوله

ليلي: ادهم.... ادهم

بايد بتترعش حطتها علي رقبتو ومكنش فيه نبض نهائي.... ادهم مات بين ايديها

وفي حضنها

حقق امنيته انه ما يموتش وحيد وانه يموت في حضن حبيبته

ليلي مش مصدقه ان ادهم مات بين ايديها ، هنا ابوها وامها دخلوا عليها وهيا

بتنادي عليه

ليلي: ادهم؟؟ ادهم ما تموتش ادهم؟؟

ادهم مش بيرد ولا بيتحرك واتصدموا هما الاتنين لان دي اول مره يشوفوا
منظر كده

عم محمد: ليلي فوقتي... انتي دكتوره... انعشيه... نشطي قلبه اعلمي اي حاجه...
انتي مش مجرد بنت انتي دكتوره ولو علمك مش هيفيدك في ظرف زي ده يبقي
قلته احسن انعشيه

ليلي فعلا لازم تفوقه لازم تعمل اي حاجه ، قعدت فوقه وبدأت تنعش قلبه
تاني وتعمل تنفس صناعي ودموعها نازله غصب عنها

مصطفى دخل يجري: الاسعاف علي وصول

اول ما شاف ليلي بتنعشه تنح وواقف مصدوم ، ليلي بتعمله تنفس صناعي
وتضغط علي قلبه وادهم مش مستجيب نهائي ، بتوع الاسعاف وصلوا واخذت
منهم جهاز الصدمات علشان تنشط قلبه . مره واتنين وتلاته وبرضه قلبه
واقف

دكتور الاسعاف: خلاص انتهي

ليلي بتبصله باستغراب: ايه اللي انتهي؟؟ مفيش حاجه انتهت

ليلي رمت جهاز الصدمات وتعمل بايديه تاني

ليلي: قوم مش هسمحلك تموت دلوقتي فاهم؟ مش هتموت بين ايديا

ليلي مش عارفه تعمل ايه فبدأت تضربه في صدره بغیظ وغضب وحب

ليلي: قوووووم

هنا ادهم كح وبيتنفس بالعافيه وفتح عينه وما شافش غير عين ليلي متعلقه

بيه ، بتوع الاسعاف حطوله جهاز تنفس وشالوه وهيا معاه ايديها علي صدره

علشان التزيف ، اخيرا وصلوا المستشفى ودخلوا العمليات

دكتور امين: ليلي غيري هدومك بسرعه عايزك معايا ___ ليلي؟

ليلي: اسفه مش هقدر... اسفه

امين بصلها بصبه طويله وسكت لانه لمح حب وخوف في عنيا وسابها ودخل
عملياته

ليلي بره مع اهله بتدعي بصمت انه يخرج
اخيرا خرج من العمليات عند الفجر
امين: الحمد لله قدرنا نسيطر علي النزيف بس قلبه وقف تاني مننا فالله اعلم
مقدار الضرر هيكون ايه؟ دكتوراه ليلي هتقدري تتابعيه ولا اشوف غيرك؟؟
ليلي: لا هقدر هغير هدومي واستلم ورديتي.. هتابعه
ناديه: ليلي هو قصده ايه بالضرر ده؟
ليلي: لما القلب بيوقف الدم بيقف وبالتالي الاكسجين ما بيوصلش للمخ
ناديه: وايه اللي يحصل؟؟
ليلي: المخ بيتضرر ...
ناديه: برضه يعني ايه؟
ليلي: يعني بني ادم من غير عقل تماما... العقل هو اللي بيحرك كل حاجه
والعقل مش موجود... يعني جثه فيها نفس وبس ولا بيتكلم ولا بيتحرك ولا
بيعمل اي حاجه
ناديه: ده كده بيبقي الموت ارحم؟؟
ليلي سكتت
عم محمد: يالا احنا نروح وانتي طمنينا عليه لما يفوق يالا بينا
اخذ مراته ومشي وليلي دخلت لادهم وقعدت جنبه بهدوء تفتكر ازاي اهتمته
انه مش مستعد يضحى بحياته علشان اصحابه؟؟؟ ازاي اهتمته بانانيتها؟؟
ادهم معندوش انانیه خالص؟؟؟ ده استكثر علي نفسه ان حد يعرف باصابته

لاحسن يبوظ ليلتهم؟؟؟

واحد عريس وواحد بيصارع الموت ، فضلت جنبه النهار كله ولو اتحركت بترجع
بسرعه ليه ، ناديه في البيت كل شويه تكلم بنتها تظمن عليه
اخر النهار وهي مع جوزها
ناديه: ابو ليلي؟؟

عم محمد: ما بتقوليش ابو ليلي الا لو عايزه حاجه
ناديه: امال انا بقولك ايه؟ لا عادي

عم محمد: بتقولي ابو مصطفى الا لو عايزه حاجه بتقولي ابو ليلي المهم قولي
ناديه: اطلب منك طلب بس خصيمك النبي ما ترفضه
عم محمد: يا وليه قولي

ناديه: عايزه اروح لادهم اتظمن عليه
عم محمد: بنتك هتظمنك

ناديه: لأ عايزاه يفوق وانا جنبه عايزاه ما يحسش انه لوحده ارجوك علشان
خاطري

عم محمد: للدرجه دي؟؟

ناديه: معلش ده وحداني والوحده صعبيه ... واصحابه محدش فيهم عرف
علشان يكونوا معاه

اخيرا وافق وراحتله ودخلتله

ادهم بدأ يفوق وليلي وامها وقفوا جنبه ادهم بصلهم الاتنين وكأنه مش شايف
ومره واحده وهو باصص لناديه ابتسم

ادهم: امي؟ كنت عارف اني مش ههون عليك وهترجعيلي؟؟

ابتسم وغمض عنيه تاني وغاب في دنيا تانيه

ليلي وامها بصوا لبعض

ناديه: يا عيني يا ابني بيحلم بامه الميته وبيتمناها جنبه؟ ده اليتيم فعلا حاله
يغم بس يا ليلي مش كده طالما اتكلم بيبقي كويس ومفيش ضرر عليه صح؟
ليلي: اه يا ماما كده مخه سليم وشغال وان شاء الله هيبقي كويس

تاني يوم ادهم فاق شويه اكرت وليلي برضه معاه ، ليلي بتروح تريح ساعتين
بالكتير في وقت هو نايم فيه وواحد ادويه وترجعله تاني بسرعة ، ادهم كلم
اكرم وباركله وفرح انهم سافروا لشهر عسلهم ، ومحدث عرف باصابتة غير
مصطفي بس اللي بياخد اوامرہ وينفذها وكأنه موجود
ناديه كل يوم تيجي لادهم تقعد معاه وترغي كتير تسنده! تحطله مخده تناوله
كوبايه ميه تناوله عصير تحاول تأكله وتفضل جنبه لحد ما ينام وطول الوقت
ادهم ساكت وما بيتكلمش معاها بس مستغرب هيا بتعمل معاه كده ليه؟
ليلي ما بتقعدش معاه كتير طول ما امها موجوده بتيجي بس تتطمئن عليه
وتمشي ، ام ليلي عملت اكل وجابته وحاولت تأكله وهو رافض
دخل دكتور امين ومعاه ليلي
ناديه: هو الاكل غلط عليه؟ يعني حبه فراخ مسلوقة وشوربه
دكتور امين: لا بالعكس المفروض بقي ياكل اتوصي بيه يا حجه
خرجوا وسابوهم وليلي كانت لسه واقفه
ناديه: ما تقولش لأ بقي... انا عملتهولك مخصوص وهأكلك بايدي... عارفه انك
تعبان بس معلش استحمل وان شاء الله هتخف وتبقي زي الاول واحسن
ادهم عايز يصرخ ويقولها ان هيا اكبر وجع ليه
ناديه: كل علشان خاطري بقي.. اعتبرني مامتك وكل من ايدي
ادهم دموعه عايزه تنزل وهو مانعها بالعافيه.. مش قادر يتكلم او يتنفس او

يقول حتي حرف واحد

بيتوجع بصمت وقلبه هيخرج من الوجع وصدره مخنوق جدا

ناديه: يالا كل بقي

ادهم شاور بدماعه انه موافق وهيا بدأت تأكله بايدها في بوقه وليلي اتطمنت

عليهم وسابهم وخرجت

لقمه واتنين وتلاته لحد ما خلاص وصل ادهم لقمه الوجع ومش قادر

يستحمل اكثر من كده فمسك ايدها

ادهم: ارجوكي كفايه مش قادر

ناديه: بس لقمتين كمان

ادهم: انا مش علي الاكل

ادهم الدموع لمعت في عنيه وبيتنفس بالعافيه

ناديه: امال انت قصدك علي ايه يا ابني

ادهم: تاني ابنك؟؟؟ انا مش ابنك وما احلمش اكون ابنك... بصي انا عارف ان

انتي نيتك كويسه وانك بتعملي خير بس انتي بتوجعيني قوي... انتي بتوجعيني

وجع محسيتوش قبل كده في حياتي فارجوكي كفايه

ناديه: انا بوجعك؟؟؟ ليه يا ابني؟؟؟

ادهم: علشان انا مش ابنك.... انا عشت عمري كله لوحدي عمري ما حسيت

بحنيه من حد او حب او خوف عليا... انا عارف ان الام شئ جميل وان ده

اجمل احساس في الدنيا وعارف اني مفتقده بس محسيتوش قبل كده فمقبل

حياتي... لكن دلوقتي انتي جايه تدويقيني حنيه الام وخوفها واهتمامها وانا مش

ابنك معني كده اني لو ابنك اكيد كل المشاعر دي هتزيد فانتي بتورييني انا

ناقصني ايه؟ انتي بتعيشيني الم عشرين سنه وانا من غير ام او حب او

اهتمام... انتي بتوجعيني قوي قوي... لانك وهم... وهم حبك هينتهي وهيدمر

لو مش النهارده هيبقي بكره وهيخلص الحب وهيفضلي الالم ومش هعرف
ارجع لوحدي تاني اللي راضي بيها لاني دقت حنيه الام (ادهم مد ايديه وكأنه
بيترجها) ارجوكي ارحميني ، ارجوكي انا مش حمل وجع تاني ارجوكي
دموعه نزلت وهيا كمان مدت ايديها ومسحت دموعه ، ارتبك فسحبت ايدها
بسرعه

ناديه: انا اسفه يا ابني مش قصدي اوجعك ابدأ... خلاص همشي ومش هجيلك
تاني

ادهم: ارجوكي ارجوكي.... وانا اسف... اسف مليون مره بس اعذريني
اخذت بعضها ومشيت وهو غمض عنيه بيحاول يسيطر علي اعصابه ويتملك
نفسه لانه راجل ولانه مش عايز يضعف ويعيط ، افتكر امه واتمني للحظات
انها تكون معاه ، صدره بيضيق ويضيق لدرجة انه مش قادر يتنفس ، مش
قادر ياخذ نفسه وبيتخنق... بيتخنق بجد ، بينهج بصوته كله بس مفيش
اكسجين داخل صدره

ليلي دخلت عليه لانها ملحقتش امها وهيا نازله فجايه تعرف منه هو امها
مشيت بسرعه ليه؟ لفته بيتخنق ومش بيتنفس... ضربت جرس وطلبت
الدكتور امين بسرعه

جه الدكتور بسرعه وحطوله جهاز التنفس وبرضه مفيش فايده ادهم زي
الغريق بيحاول يمسك اي حاجه لانه بيتخنق تماما والدكاتره جنبه مش
عارفين يعملوا ايه؟

فجأه دكتور امين: ليلى اقعدى وراه واحضنيه جامد
ليلى مذهوله: نعم؟؟

امين: كتفيه جامد علي قد ما تقدرى بسرعه
ليلى قعدت وراه وحطت ايديها حواليه وبتضغط علي قد ما تقدر

امين: اتنفس يا ادهم اتنفس... انت كويس اتنفس بس

ادهم بينهج جامد وبيسحب نفس بصوت عالي

ليلي: اهدي واتنفس

بتضغط عليه جامد بايدها وهو بدأ يهدي ويتنفس

ليلي مستغربه ايه اللي بيحصل؟ وادهم ازاي بيهدي وازاي بيتنفس؟

واحد واحد ادهم هدي خالص واسترخي وسند علي صدر ليلي لحد ما نام

الدكتور خرج وليلي شدت نفسها براحه وخرجت

ليلي:دكتور هو ايه اللي حصل ده؟ هو ماله؟

دكتور امين: اعتقد يا ليلي ان دي نوبه خوف؟؟؟ Panic attack بيسموها كده

بره ودي علاجها هو انك تمسكي الشخص جامد وتضغطي عليه وتفكره انه

يتنفس وهو هيتنفس

ليلي: بس واحد زي ادهم هيخاف من ايه كده؟ لدرجه ان تجيله نوبه ذعر او

خوف كده؟

دكتور امين: دي بقي حاجه في علم الغيب او هو بس يعرفها

ليلي: حضرتك متأكد؟؟؟

دكتور امين: هو استجاب لعلاجها صح ولا ايه؟

سامها ومشى وهيا عقلها هيتجنن من كتر التفكير ودخلت جنبه

اخيرا صحي تاني ولقاها جنبه

ليلي: صحيت اخيرا؟؟؟ قلقتنا عليك

ادهم: علي فكره انتي مش مضطره تقعدني جنبي؟؟؟ شوفي شغلك وشوفي وراكي

ايه؟

ليلي: هو انت خايف من ايه؟ ؟

ادهم: افندم؟؟؟

ليلي: ايه اللي يخلي راجل زيك تجيله نوبه ذعر؟؟؟ ايه اللي ممكن تكون بتخاف منه؟؟؟

ادهم: ايه نوبه ذعر دي؟ بتتكلمي عن ايه؟

ليلي: عنك وانت بتتخفق من شويه ومكنتش قادر تتنفس انت كنت خايف...
كنت خايف من ايه؟

ادهم افتكّر اللحظات دي وافتكّر ايه الاحساس اللي عاشه وافتكّر ذكريات قديمه بيجاول يدفنها بس للاسف كل شويه تطلع... بيجاول يفكر نفسه انها مجرد ماضي وانه معدش عيل صغير ومعدش بيخاف بس ساعات بيبقي الوجع والالم اكبر من انه يتحملة بس دي اول مره تجيله النوبه دي؟ يمكن لان ناديه صحت مشاعر واحاسيس كان فاكرها ميته؟ يمكن لان طيبتها وحنيتها وجعوه اكثر من قسوه الايام؟؟؟

ليلي: ايه؟؟؟ وصلت لفين؟ عرفت ايه اللي بيخوفك؟؟؟

ادهم: بطلي هبل خوف ايه ونوبه ايه؟ انتو اتهبلتو؟؟؟ انا كنت مخنوق ومش عارف اتنفس .

ليلي: واتنفست لوحداك من غير اي علاج... نوبه الذعر علاجها انك تضم الانسان جامد جدا وتحسسسه بالامان وبس وده اللي حصل معاك
ادهم: اه دي حجه جديده تقربي بيها مني صح؟ باختري مرض علاج الحضن صح؟

ليلي: تعرف؟؟؟ انا كان المفروض اسيبك علي السلم تزف لحد ما تموت

ادهم: ياريت... ياريتك كنتي سيبتيني.... ياريت

ليلي: ايه اللي حصلك خلاك كاره الدنيا واللي فيها ولا بس نظاره سودا كده؟
الدنيا جميله؟؟؟

ادهم: طيب عيشها بقي بعيد عني

ليلي: علي فكره وانت علي السلم وبتموت كنت انسان مختلف.. انسان يتحب
ادهم: اديكي قولت بموت؟؟ يعني مفيش عقل نهائي
ليلي: قصدك ايه؟ قصدك لما اتشعلقت فيا وقولتلي اضمك وافضل جنبك
وتفضل في حضني كنت بتخرف؟؟ ده اللي عايز تقوله؟؟؟؟
ادهم: ايوه كويس انك فاهمه وفاكره.... ودلوقتي بقي سيبيني ارتاح وشوفي
عيان غيري تقرفيه في عيشته
ليلي خرجت من عنده متغاضه جدا
تاني يوم ادهم اتفاجئ بناديه تاني عنده دخلتله وبصلها باستغراب
ناديه: انت ليه مفترض ان حبي وهم وانه هينتهي؟ ليه بترفض اي حد يقرب
منك؟؟؟ انت زي مصطفي وليلي ايه مشكلتك؟؟؟ ليه خايف تحب حد او حد
يحبك؟؟؟ ما تقلع النظاره السودا بنفسك؟؟؟
ادهم: طيب ماشي انا معاكي... انتي عيزاني ابقني زي واحد من عيالك... ازورك
واحي بيتكم وتعامليني زي مصطفي وليلي صح؟
ناديه: ايوه يا ابني
ادهم: جوزك هيوافق علي كلامك ده؟ هو ما تقبلش ان ابنك يشتغل قريب مني
عايزاه يتقبلني في بيته كمان؟ شوفي يا ست الكل انا لابس النظاره دي علشان
تحميني من النور لو ظهر لانه بيظهر ويختفي فانا مش عايزه لما يظهر علشان
ما افتقد هوش لما يختفي فهماني؟
ناديه: الحياه كلها مطبات يا ابني حبه كده وحبه كده وكلنا بنعيش في النور
والظلمه
ادهم: متوازنين لكن انا عشت في الظلمه اكر من النور واتعودت عليها وحاليا
النور بيأذيني
ناديه: بس يا ابني

ادهم كلمه ابني دي بتضايقه كثير فقاطعها : ما بلاش ابني ابني دي انا مش
ابنك وياريت بلاش كل لحظه تفكريني اني ماليش ام ...
ناديه: مش شرط القرابه تكون بالدم
ادهم اتخفق: انتي عايزه مني ايه؟ هو انا اشتكيتلك؟؟؟ انا بحب حياتي زي ما
هيا فارجوكي كفايه بقي؟؟؟ لو سمحتي انا محتاج ارتاح
ادهم سكت وبص لبعيد وهيا انسحبت بهدوء ومشيت وبعد ما مشيت دموعها
نزلت... احساس كبير قوي جواها ناحيته بالحب مش عارفه ليه؟ ليه نفسها
تضمه وتطيطب عليه وتقوله انها تعوضه عن سنين حرمانه؟؟؟ ليه عيازه
يفضل جنبها؟؟؟ ليه قلبها بيوجعها بوجعه؟؟

ادهم بعد ما طرد ناديه كان مخنوق جدا
ليه رافض اي حب من اي حد؟؟؟ ليه قافل قلبه بالشكل ده؟ دموعه عايزه
تنزل.... نفسه يصرخ بصوته كله ويعيط وينهار من العياط بس حتي ده مش
مسموحه...ليلي شافت امها ماشيه ويتعيط وعرفت ان ادهم زعلها فراحته
ادهم قام دخل الحمام يغسل وشه علشان محدش يلاحظ ضعفه.. وصل
بالعافيه للحمام وهو بينهج من التعب والوجع والالام
ليلي فتحت الباب ودخلت: انت زعلت امي ليه؟
ادهم مكنش قادر يتكلم اصلا فقفل باب الحمام يمكن تمشي وتسيبه
ليلي: انت ايه؟ بدال ما تشكرها علي وقفها جنبك ومعاك بتزعلها؟؟؟ وانا كنت
فاكره انك انسان لما ضحيت بنفسك علشان صاحبك بس رأيي كان صح؟ انت
بس بتحب تبان بطل
ليلي فضلت تتكلم كثير وادهم وري الباب دموعه نازله بصمت: محدش قادر

يفهمه؟؟ محدش قادر يحس بيه؟؟ محدش قادر يحس بوجعه؟؟؟

الرحمه يا ليلي شويه؟؟ ارحميني يا ليلي؟؟؟

ليلي بتتكلم وتتكلم وادهم يسمع في صمت وبيتمني انها تمشي بقي وتسيبه

ليلي: محدش فينا هيفرض نفسه عليك تاني لا انا ولا امي ولا حتي مصطفى...

ما تخافش مننا... احنا ما بنفرضش نفسنا علي حد بس للاسف بابا علمنا لما

حد يكون محتاج نساعده... وانت مش محتاج مساعده فاسفين للازعاج...

اطلع من الحمام ما تخافش مش هدخل اوضتك تاني واسفه يا سياده المقدم

لو حسيت اني فارضه نفسي عليك؟ اتمالك تخف بسرعه وتخرج بالسلامه

ليلي مشيت وقفلت الباب وهو خرج رقد مكانه ومسك تليفونه واتصل بعلاء

اللي جاله في دقائق

كان هيتجنن لما عرف اللي حصل بس ادهم طلب منه يفضل سر ما بينهم لحد

ما اكرم يرجع من شهر العسل

ادهم: يالا بقي روحي بيتي

علاء: ادهم انت تعبان

ادهم: علاء كلمه واحده هتروحي ولا اشوف غيرك؟ كلمه واحده اه ولا لأ؟؟؟

علاء عارف ادهم: هروحك يالا

ادهم فعلا روح بيته بعد ما كتب انه مروح علي مسؤوليته هو وان المستشفى

ملهاش دعوه بيه

ليلي راحت تاني يوم شغلها وهيا مصممه ما ترحلهوش ولا تشوفه بس وهيا

معيده قدام اوضته كان في مريض بيدخلوه

ليلي: ده هتدخلوه هنا ازاي؟

الممرضه: عادي ايه ازاي دي؟

ليلي: مش دي اوضه المقدم ادهم؟؟؟

الممرضة: اه بس ساها امبارح
 ليلى: ساها؟؟؟ راح انهي اوضه؟؟
 الممرضة: لا ساب المستشفى كلها وخرج
 ليلى: مين كتبله خروج وازاي يخرج اصلا؟
 الممرضة: لا معرفش يا افندم
 ليلى راحت لاستاذاها دكتور امين: هو ادهم مشي ازاي وازاي حضرتك تكتبله
 خروج وهو تعبان كده؟
 دكتور امين: انتي بتتكلمي كده ازاي؟؟؟
 ليلى: اسفه يا افندم جدا بس استغربت لما ملقيتوش
 دكتور امين: هو عايز يخرج هكتفه ولا ايه؟ هو حر كتب اقرار وخرج
 ليلى خرجت وهيا هتموت من القلق والخوف عليه.... كلامها كان جارح ليه....
 ادهم محتاج للحب ومحتاج لها بس مش عايز يعترف بده.... هو قالها لها وهو
 بينزف: قالها خليكي جنبي وضميني: دي مكنتش تخاريف دي كانت لحظه صدق
 وقالها من قلبه... دي لحظه كان عقله مش مسيطر عليه... هيا متأكده ان قلبه
 بيعجبها لكن عقله رافض اي حب... وهيا بغبائها بدال ما تقر به منها بعدته
 خالص عنها... خلت عقله ينجح يقنع قلبه انه يمشي بعيد
 لازم تسيطر على عقله وتخليه يقتنع بيها زي قلبه
 لازم تعمل صلح بين قلبه وعقله وترجحه من الحرب اللي علي طول جواه
 اخيرا اخدت قرارها المجنون واستاذنت من شغلها واخذت تاكسي ومشيت
 بيتهم الاول
 ناديه: ايه اللي جابك بدري كده؟ ادهم اخباره ايه؟
 ليلى: ساب المستشفى
 ناديه: بقي كويس يعني؟؟؟

ليلي: هرب مننا انا وانتي واهتمامنا وراح بيته

ناديه: طيب هو بقي بيتحرك يعني؟

ليلي: لا ده بيدخل الحمام بالعافيه... انا متأكده انه من امبارح للنهارده ولا اخد

علاج ولا اكل حتي.... ماما انا بفكر اروحله

ناديه: تروحيله؟؟؟ بس ده شاب واعزب وغلط وكل حاجه بتقول لأ

ليلي: بس تعبان وراقد وانتي شوفتية بنفسك كان يموت وبينزف وفضل يموت

لوحده وما يعرفش حد.. افرض انتكس في البيت لوحده ولا جتله ازمه؟؟ عارفه

اول امبارح بعد ما مشيتي وناديتك ما سمعتينيش دخلتله لفته بيطلع في

الروح ومش قادر يتنفس... كان زي اللي بيغرق ولولا دخلت بالصدفه كان مات

ومحدث حس بيه

ناديه: يا بنتي انتي بتقلقينني ليه؟ هو مش عايز حد

ليلي: ماهو فعلا مش عايز حد عايز يموت بهدوء لوحده وبيقولي مين قالك

تسعفيني؟؟؟

ناديه: طيب روحي وخديله اكل بس اوعي تتاخري عنده فاهمه وافتكري ديما انه

عازب ولوحده

ليلي ركبت وراحت بيت ادهم ، هو محتاجلها وهيا هتكون جنبه حتي لو انكر

احتياجه ده وحتى لو رفض وجودها هتساعده لحد ما يقدر يقف علي رجليه

من ثاني حتي لو هتيجي علي نفسها او تيجي علي كرامتها شويه هو بصلها وهو

بيقول انها لسه مقدرتش تقلعه النظاره هو كان بيقصدها هيا ...

حاليا حياته وصحته اهم منها....

وصلت شقته وفضلت ترن الجرس وطبعاً محدش فتحلها وده خلاها تقلق

اكثر ، بتفكر تعمل ايه وتتصرف ازاي؟ اخيرا نزلت للبواب .
بتحاول تقنعه يفتحها الباب وهو رافض تماما بناء علي اوامر ادهم ان مفيش
بنت تدخل بيته

وهما بيتكلموا علاء جه

البواب: اهو سي علاء جه هو مسؤل عنه في تعبته

علاء: في ايه يا عم لطفي؟؟

البواب: الهانم بتقول انها دكتوراه سي ادهم وعايظه تطلعله

ليلي: انا دكتورته وكنت متابعه حالته واتفاجئت انه مشي

علاء: مشي من امبارح الصبح واتفاجئت النهارده؟؟؟

ليلي: انا اللي اسعفته في الفرح وانعشته وجبته المستشفى انتو كنتو فين؟

محدث فيكم فكر يسأل عليه وهو ثلاث ايام في المستشفى

علاء: ا....

قاطعته ليلي: ما تحاولش تبرر... وبعدين مين هنا بيديله ادويته؟؟ مين

بيأكله؟؟؟ اكل ايه من امبارح للنهارده؟؟

علاء: انا وعمي لطفي واه اكل ساندوتش او حته من سندوتش

علاء بيوطي صوته لانه مش مقتنع ان صاحبه اكل اصلا

ليلي: طيب انا جيباله ادويته ومحاليل واكل وانت معايا اهو وراقبني لو هو

اتضايق مني انت اتدخل واطردني ايه رأيك؟ اعتقد ده حل مناسب؟؟

علاء: اوك كلامك منطقي ياللا

دخلوا شقته وليلي دخلت عنده كان نايم او مغمي عليه ، اول ما لمست لفته

سخن مولع .

ليلي: علاء الحقني بسرعه

علاء دخل يجري عندها: في ايه؟

ليلي: حرارته مرتفعه جدا انزل بسرعه هاتلي الحقن دي بسرعه
كتبته كام حقنه وهو نزل بسرعه يجيهم وساب عم لطفي معاها
ليلي: شوفلي لو سمحت اي حاجه نعمله كمادات لحد ما يجي
جابها فوطه وبدأت نعمله كمادات وتكلم فيه

ادهم بيفوق ويغيب تاني

ادهم: انتي هنا ولا انا بيتهياي

ليلي: انا هنا جنبك

ادهم: ما تسيبينيش وتروحي تاني خليكي معايا

علاء دخل وسمعه واستغرب ان ادهم ممكن يكون متعلق بجد

علاء: الحقن اهي

ليلي طلعت المحاليل اللي معاها وبدأت تركب الكانوله في ايده

علاء: انتي دكتوراه بجد صح؟

ليلي: شنطتي هناك علي الكرسي فيها الكارنيه بتاعي اتأكد

علاء: الصيدي قالي ان الحقن دي مضاد حيوي وللسخونه وده بيقول انك

بتفهمني انا مصدقك

ليلي ركبتله الكانوله وعطته الحقن وركبتله المحاليل واستمرت في الكمادات

علاء: هو انا شفتك قبل كده؟ شكلك مألوف وانا نادرا ما بنسي حد شوفته

بس في نفس الوقت ما اعرفكيش

ليلي: كنت موجوده في فرح اكرم صاحبكم ممكن تكون شوفتني وعلشان كده

حاسس انك شوفتني بس مش عارفني

علاء: انتي تبع اكرم ولا مني!؟

ليلي: ولا ده ولا ده

علاء: امال؟؟؟

ليلي: انا اخت واحد من الطباط الصغيرين الي بتدربوهم

علاء: هو انتي اخت مصطفي المتطفله الغلسه؟؟؟

ليلي بصتله باستغراب وعرفت ان ادهم حكا لهم عنها

علاء: سوري مش اقصد

ليلي: هو قال اني متطفله؟؟؟ علي العموم انا كنت اخدت قرار امبارح اني

ماليش دعوه بيه نهائي بس اتفاجئت النهارده انه ساب المستشفى وقلقت عليه

(مسحت دمعته نزلت غصب عنها) انا ما اتعمدتش افرض نفسي عليه ابدا....

انا بس حاولت اساعده... اول ما السخونه تنزل همشي

علاء: علي فكره انا اسف ما اقصدش اضايك هو مقالش كده بالطبط... هو

بس قال انك جبتي تدوري علي اخوكي هنا عنده وان والدك وانتي تاني برضه

جيتو تدوروا هنا وانكم لمتوه هو...وانه لما خلاه يمشي من عنده اترجيتوه

يرجعه بس مقالش اكر من كده وعلشان كده احنا افترضنا انكم غلسين لكن

هو ابدا ما نطقش وقال كلمه غلط في حقكم وانا اول مره اعرف انكم اتقابلتوا

تاني

ليلي سكتت وفضلت تعمله كمادات وهو بيفوق ويغيب

اتصلت بمامتها وبلغتها حالته

الحراره نزلت وهيا سابت علاء معاه ومشيت وطلبت منه لما يفوق يحاول يأكله

راحت بالليل نبطشيه علشان تعرف تقضي النهار مع ادهم باتفاق مع امها

وراحتله الصبح ولقت علاء جنبه نايم صحته

علاء: كويس انك جبتي هو ما صحيش غير دقايق ونام بسرعه وغيرت المحلول

زي ما قولتي والمضاد اخده في معاده وسخن تاني وعطيته المحلول بتاع

السخونه وكمادات لحد ما نزلت انا لازم اروح الشغل وانتي استلمي اوك

ليلي: طيب كويس روح انت وانا هفضل جنبه

علاء: رقي معاكي لو في اي حاجه كلميني اولك؟
ليلي حطت ايدها علي ادهم تشوف حرارته وهو حس بيها فتح عنيه
ادهم: انتي تاني هنا؟
ليلي: ماهو انت متعب نعملك ايه؟
علاء: حمدلله علي سلامتك جننت امنا
ادهم: ليه؟
علاء: سخن طول النهار والليل ونايم وعملين ورديات عليك هيا فضلت طول
النهار جنبك وانا طول الليل
ادهم: انتي طول النهار هنا؟؟؟
ليلي: معلش بقي استحملني
ادهم: اه
ليلي: مالك؟ ايه اللي تاعبك؟؟
ادهم: ايه اللي مش تاعبني؟؟ تقريبا مفيش حاجه مش تعباني
ليلي: معلش يومين وهتبقي كويس ان شاءالله
ادهم: انتي ايه اللي جابك اصلا وعرفتي منين اني تعبان؟
ليلي: جيت اتأكد انك اخدت ادويتك ومعرفتش انك تعبان غير لما دخلت
علاء: وما سابتكش غير لما بقيت كويس وراحت علي شغلها
ادهم: متشكر يا ليلي.. خلاص انا كويس ممكن تروحي ترتاحي
ليلي: ممكن تركز في صححتك انت شويه؟؟ انا نفسي اعرف انت ليه مشيت
اصلا من المستشفى؟
ادهم: بتخفق منها بسرعه
علاء: انا اتأخرت علي الشغل ولازم امشي لو احتجتو حاجه كلموني
ليلي: انا هروح المطبخ اعمله حاجه ياكلها بسرعه قبل ما تمشي انت

ليلي خرجت وسابتهم لوحدهم

علاء: مقولتس ان الدكتورة موزه كده؟ ومقولتس ان في بينكم حاجة؟

ادهم: لان مفيش بينا حاجة بيتهيقلك... ولو في مش هيكون من ناحيتي

علاء: ليه؟ قولي عيب واحد فيها

ادهم: هيا بيرفكت وده عيبها.. ده غير اني معنديش استعداد للارتباط اصلا

فياريت لو عرفت تمشيها توصلها في طريقك وتخلصني منها لاني مهما امشيها

بترجع تاني... انا هربت من المستشفى بسببها

علاء: يا ادهم بس

قاطعه: ما بسش مشيها بالذوق بدال ما انا اتصرف

ليلي كانت واقفه علي الباب وسامعاهم

ليلي: وعلي ايه كل ده انا همشي لوحدي من غير ما انت تمشيني ولا هو يوصلني

انت الحمد لله احسن

اتفضل حاول تاكل اي حاجة وادويتك عارف مواعيدها والى سلامه عليك

سابتهم وجريت ودموعها سابها... ادهم حاول يقوم وراها لانه ندم بس

للاسف صحته ما اسعفتوش

علاء: ليه كده؟

ادهم: روح شغلك وسيبني في حالي روح

ادهم فضل يقنع نفسه ان كده احسن وانه افضل من غيرها وانه مش عايزها

في حياته بس للاسف كل جزء في جسمه وكيانه بيعارضه هو محتاجها وعايزها

وللاسف بيعحبها كمان

في البيت عم محمد كان تعبان ورجع من شغله بدري وسأل علي ليلى علشان
تقيسه الضغط

عم محمد: هيا مش كانت نبطشيه بالليل وطول النهار كمان؟ ايه هتواصل ليل
ونهار؟؟ كلمها تيجي ولا ايه النظام ده؟

ناديه مش عارفه تقوله ايه؟ لانها عمرها ما كدبت عليه ابدا ويدوب
هتقوله الباب اتفتح وليلى دخلت

ناديه: كويس انك جيتي ده ابوكي كان هيكلمك تعالي قيسيله الضغط
ليلى ساكنه قاست لابوها الضغط وكان عالي شويه وعطته العلاج بتاعه
وسابتهم ودخلت تنام ، امها وراها عايزه تعرف ليه جت بدري ومالها
ناديه: ايه اللي حصل؟ ومالك ضاربه بوز ليه؟

ليلى مجاوبتش امها بس فضلت تعيط في حضنها
ليلى: ما بيحبنيش يا ماما

وفضلت تعيط كتير وابوها كان هيدخل يطمئن بس سمعها بتعيط فسابههم
لوحدهم مع بعض ، بعد ما ناديه خرجت جوزها كان مستنيا
عم محمد: بنتك مالها وايه اللي قلب كيانها كده؟ طول عمرها رافعه راسها فوق
وبتبص للناس من فوق ايه اللي جرالها؟؟

مراته ساكنه ومش عارفه تقوله ايه؟

عم محمد: بتحبه صح؟ ده اللي كنت خايف منه؟

ناديه: لا ما تخافش هو مش عايز حياها ده ولا عايزها اصلا
عم محمد: طيب الحمد لله انها جت منه لانه لو اخر راجل عمري ما هوافق عليه
ابدا

ناديه: ليه ماله؟ عيبه ايه؟

عم محمد: انتي شايفه ايه فيه اصلا؟ انتي ولا هيا؟؟ امور حبتين؟ ايه اللي عدل

فيه؟ عايزه تجوزي بنتك لواحد كل يوم بينام مع واحده؟؟؟ ترضيها دي
لبنتك؟؟ لراجل بيسكر لحد ما يوقع من طولها؟؟؟ تأمني علي بنتك معاه
ازاي؟؟

ناديه: هو بيعمل كده من وحدته لو عنده عيله

قاطعها: هيعمل ايه؟ هيبطل ستات وشرب؟؟؟ تضميني منين؟ ومين

يضمنهولك؟؟؟ مستعدي تخاطري بحياه بنتك؟؟؟ في مره سكران ضريها ولا
قتلها عملي ايه؟ تجيبي حقك منين؟ واديكي شوفتي اهوه قتل الراجل وخنقه
وكل رجالته قالو دفاع عن النفس ومحدث قاله كلمه وفي الاخر اعتذروه
عارفه ليه؟ لانه قاتل.... كل ما يحتاجوا يقتلوا حد يبعتهوه... بيقتل بدم بارد...
والنوعيه دي قليله قوي فمتمسكين بيه ويوم ما يحب يسيب شغله يقتلوه
هو....

ناديه: انت مين قالك كل ده؟

عم محمد: ابنك وفي المحكمه قالوله مش هتسيينا علي رجلك ابدأ لانك خطير...
يعني حتي لو كويس وحتى لو هيبطل كل حاجه وحشه يغور بشغله ده... ده انا
نفسى ابعده مصطفى تقومي تدخلي ليلي معاه ، اعقلي وعقلي بنتك

ناديه: ربح بالك هو طردها اصلا

عم محمد: طردها منين؟ قولي انطقي

ناديه اتوترت : من حالته... مش هيا كانت الدكتورة بتاعته؟؟ طردها وقالها

مش عايزك وسابلها المستشفى كلها علشان ما يشوفهاش >

عم محمد: وعلشان كده كانت ما بتفارقش المستشفى واول ما مشي رجعت

البيت... يارب انت بايدك كل الخير ابعده عنها الشر وارزقها ديما بالخير

ادهم بيحاول كل شويه يقنع نفسه انه احسن وهيا بعيد وانها مش وحشاه ابدأ
ابدا ، بس كل كلمه نطقها... كل حركه عملتها... شكلها يوم الفرح مش فارقه...
وشها.. ابتسامتها... شعرها... عايز يفكر في ماضيه علشان يتدخل ويبعدا من
ذكرياته بس للأسف هيا بتطرد ذكريات ماضيه

اكرم رجع من شهر العسل وعرفوا اللي حصل لادهم وراحوله بسرعه
لوم وعتاب كتير بين الاصحاب وفي الاخر اتصالحوا وكلهم متجمعين مع بعض
اكرم ومي اتغيروا كتير... اكرم بقي اوسم واشيك وبيضحك كتير ومي بقت
جميله جدا وانوثتها طاغيه وطول الوقت هيا واكرم بيتكلموا او بيتهماسوا او
بيضحكوا .. للدرجه دي الحب بيغير؟؟؟

كل شويه ادهم يتخيل لو ليلي موجوده معاه ويحط نفسه مكان اكرم وهيا
مكان مي
علاء ملاحظ وساكت وفاهم لحد ما بقوا لوحدهم وكل واحد اخذ مراته اكرم
ومجد

علاء: وفضيت علينا الدار والغربه زي النار
ادهم: صوتك وحش ما تغنيش وبعدين هيا مش ناقصه غم اصلا
علاء: انت ما شفتهاش من ساعت ما طردتها؟؟؟
ادهم: انا ما طردتهاش
علاء: نعم؟ ده انت كان ناقص لو فيك صبحه تفتح الباب وترمها... قال ما
طردتهاش؟؟؟ ...

ادهم: علاء انا مش ناقصك
علاء: انا عايز اعرف هو مش انت اللي قولت لاكرم ومي لو فاضل في عمري
ساعه هقضيها في حزن حبيبي؟؟؟ ولا هو ننصح غيرنا لكن نفسنا الكلام
كخه؟؟؟ فين نصايحك لاكرم ومي؟؟؟ ما تطبقها علي نفسك؟؟ ما تروح

لحببيتك وترمي نفسك في حضنها وعيش بقي؟؟ ما زهقتش من الوحده؟؟ ما ملتش؟؟ هي بتحبك وانت بتحبها فين المشكله؟؟

ادهم: ما تعديش كلامي مع اكرم ومني هما وضعهم مختلف عني
علاء: نفس الوضع غياب في غياب هيا بتحبك وده واضح قوي وانت بتحبها وده
برضه واضح

ادهم: لا مبجهاش

علاء: صح وعلشان كده كل ما كنت تفوق تنادي عليها وكل ما تخرف وانت
سخن تخرف باسمها وكل ما تفتح عنيك تقولها خليكي جني ولما طردتها كنت
عايز تروح وراها ودلوقتي عينك ما نزلتتش من علي اكرم ومني ومحمد ورقيه
وطول الوقت سرحان وتخييل نفسك معاها صح ولا انا غلطان؟ ولو سمحت
ما تكذبش علي نفسك؟؟ هقولك كلمه انت قولتها لمني.. الحياه ما بتديش كتير
بس بتدي فخد اللي بتديهولك قبل ما تاخده تاني منك... خدها يا ادهم قبل ما
تطير وتندم ، بكره الصبح روح غير علي الجرح هاجي اوديك المستشفى وانت
قرر الليله دي هتعمل ايه؟
سابه في حرب جواه استمرت الليل كله ومش قادر ياخد قرار بس عنهما وحشاه
جدا .

الصبح علاء جاله كان لابس فابتسم اول ما شافه وصله المستشفى
علاء: هستناك هنا؟ اوك لو في جديد كلمني؟؟

ادهم دخل المستشفى وعند الريسبشن

ادهم: انا كنت عامل عمليه هنا وحاليا عايز اغير علي الجرح فعايز دكتور

جراحه

البننت: دكتور مين عملك العمليه؟؟

ادهم: دكتور امين

البننت: هو متاح حاليا اتفضل الدور الثالث

ادهم: لو سمحتي دكتوراه ليلي موجوده؟؟ لو ينفع هدخلها هيا لان هيا اللي

كانت متابعه حالتي؟؟

البننت: بس دي لسه تحت التدريب ودكتور امين موجود

ادهم: هو انتي علي طول بتعارضني وبس؟؟ دكتوراه ليلي موجوده ولا لأ؟ سؤال

بسيط

البننت: موجوده الدور الثالث اوضه كشف ٤ في عيادات الجراحه

ادهم: بس شكرا

سامها وطلع لحد ما وصل قدام عيادتها واتردد يدخل ولا يمشي ، اخيرا خبط

وقرر يدخل والي يحصل يحصل

ليلي: ادخل

ادهم دخل وهيا باصه في الكمبيوتر قدامها وشاورتله يقعد

ليلي: لحظه وهفضالك اتفضل

ادهم فضل واقف مكانه لحد ما هيا اخدت بالها ان محدش قعد قدامها

ليلي: اتفض.....

مكملتش الكلمه اول ما شافته

ادهم: عايز اغير علي الجرح ينفع ولا امشي؟؟؟

ليلي عايزه تقوله يمشي بس مش قادره تنطقها

ليلي: اتفضل علي السرير

ادهم: علي السرير علي طول كده؟

ادهم كان بهزر بس هيا حاليا عايزه تضربه مش تهزر

ليلي: اتفضل واقلع

ادهم: اقلع كمان؟ من غير مقدمات؟؟

ليلي استنتت دقيقتين وراحتله وهيا بتحاول تتماسك قدامه وقدام جسمه

العريان ، ليلي متوتره بتحاول تدور علي جلفز تلبسه مش لاقيه والعلبه

فاضيه .

ليلي: هتصل باي ممرضه تجيب جلفز

ادهم: مش ضروري يا ليلي

ليلي: ما ينفعش المس مريض بايديا عريانه علشان جرحه ما يتلوثش

ادهم: ليلي!!! انجزي سيبك من الشكليات دي

ليلي مسكت مقص وقصت الشاش اللي علي صدره وكشفت الجرح وهيا

بتكشفه اتألم للحظات وهيا رفعت عنيا لعنيه اللي كانت مشتاقه لعنما قوي

اتقابلت عنيم للحظه طوويله شويه وبعدها ركزت علي الجرح.. طهرته... بصت

كمان للجرح اللي في ظهره وطهرته هو كمان، حاله صمت مسيطره عليهم تماما

ليلي: الجرح اللي في ظهرك تقريبا خف

ادهم: عارف

ليلي: واللي في صدرك ملتهب وهيحتاج مضاد اقوي وتغير عليه كل يوم علشان

المضاعفات

ادهم: برضه عارف

ليلي: عارف انه ملتهب؟؟

ادهم: ايوه المه مكنش طبيعي

ليلي: واما انت عارف ما عالجتوش ليه وسايبه ليه؟

ادهم: ما انا جيتلك اهوه وبين ايديكي؟؟؟

وانتي ضاربه بوز ما شاء الله عليه

ليلي: انت عايز ايه دلوقتي؟

ادهم: افردى وشك ده

ليلي: وشي وانا حره فيه مالکش فيه

ليلي بتتعامل بعنف شويه معاه

ادهم: علي فكره انتي بتوجعيني؟؟

ليلي: بوجعك صرخ

ادهم: يعني انتي عايزاني اتوجع؟؟؟

ليلي بصتلله وما ردتش عليه

ادهم: انا اسف يا ليلي

ليلي: علي ايه؟

ادهم: اللي حصل اخر مره كنتي عندي في البيت مكنتش اقصد... كنت تعبنا

ومخنوق ومكنتش عارف بقول ايه فاعذريني

ليلي: لا يا سياده المقدم ما تعتذرش ولو في حد المفروض يعتذر فهيبقي انا... انا

جيتلك البيت ودقيت بابك انا وابويا وقرفناك في عشتك ومن ساعتها تخلص

من واحد يطلعلك واحد ده حتي امي ما رحمتكش فاحنا اللي اسفين مش انت

ادهم اتضايق: يووه يا ليلي بقي خلاص بقي

ليلي: خلاص ايه يا سياده المقدم... انا قربت اخلص اهو

ادهم: ليلي بطلي برود وبطلي سياده المقدم دي طالعه سم منك

ليلي: هو مش انا المتطفله الغلسه؟ عايز ايه بقي؟ مستغرب ليه؟ مش انت

حاكي لاصحابك عني؟ واسمي عندهم المتطفله الغلسه؟ خلاص انا لا هتطفل

ولا هغلس.. جرحك بقي نظيف... بكره في نفس المعاد تغير عليه وهكتبك

مضاد تمشي عليه

سابتة وماشيه وهو شدها من دراعها جامد

ادهم: انا ما بتكلمش عنك مع اصحابي وما اعرفش انتي جبتي اللقب ده منين؟
ممکن اكون قولتلهم في الاول خالص علي البنت اللي دقت بابي لكن غير كده لأ
فاتعدلي بقي

ليلي: اتعدل اعمل ايه؟ انت عايز مني ايه؟ انا مش فاهمه انت عايز ايه اصلا؟
ادهم شد قميصه ولبسه بنرفزه: مش عايز حاجه انا غلطان اني جيتلك اصلا
سابها ومشي وبعد ما رزع الباب هيا عيطت وهو نزل لصاحبه ودخل العربيه
وقعد

علاء: يا ساتر استر مش هسأل

علاء يدوب هيدور العربيه بس لقي حاجه خبطته في وشه
ادهم: متطفله غلسه؟؟؟ انا قلت انها متطفله غلسه؟؟ والله ما في اغلس منك
في الدنيا دي كلها اطلع يا بارد
علاء سكت ومش عارف يقوله ايه؟

علاء: طلعت غصب عني مكنتش اعرف انك بتحيا

ادهم: انا ما بتنيلش احبها انا بس كنت بعذر علي قلبه ذوقني مش اكر
ادهم فضل اليوم كله يأنب نفسه ويلومها ويشجعها ومشاعره عماله تتقلب
من الاعذار للي اللوم.... شويه يلومها وشويه يعذرها
ليلي كمان نفس الحاله بس الندم مسيطر عليها تماما
تاني يوم في نفس المعاد ادهم لقي نفسه قدام باب عيادتها بحجه انه سمع
كلامها وهيغير علي جرحه
خبط ودخلها وما اتكلمش

هيا احساس جواها طول يوم امبارح بتأنيب الضمير انها مشته من عندها
زعلان وفي نفس الوقت مش عايزه تتقبل اسفه لانها عارفه انه بعد شويه

هيرجع لعجرفته تاني... فرحه جوي قلبها انه رجع تاني
ادهم: بتبصيلي كده ليه؟ مش قولتي احي اغير علي الجرح ولا انا كان
بيتهيألي؟؟؟

ليلي: لا قولت فعلا بس مستغربه لانك مش من النوعيه اللي بتسمع اي كلام
وخصوصا كلام الدكاتره
ادهم: الوجع وحش بعيد عنك

ليلي وقفت: انت تعبان؟ الجرح واجعك طيب تعال اقعد
لهفه وخوف بانوا في صوتها وهو لاحظهم وقرر يلعب بالنقطه دي
ادهم: صدري وجعني مش الجرح بره ..

ليلي: الجرح ما بيوجعكش خلاص؟؟

ادهم: لا طبعا بيوجعني بس مش ده اللي جابني... صدري مخنوق وما تقوليش
الكلام الفاضي بتاع نوبه الخوف والتخايف دي
ليلي ضحكت وادهم لاحظ انه بيعشق ضحكتها واتمني لو الضحكه دي تفضل
علي طول

ليلي: طيب اطلع علي السرير واقلع
ادهم ابتسم

ليلي: انت بتضحك ليه؟ ماهو انت لازم تطلع علي السرير ولازم تطلع القميص
علشان اقدر اشوف الجرح

ادهم: عارف عارف بس انك تقولي لراجل اطلع السرير واقلع مش حلوه....
مليانه ايجاءات ..

ليلي: المفروض اقول ايه؟

ادهم: معرفش بس مش متخيل ان كل راجل يجيلك هنا تقويله اطلع واقلع؟؟
ليلي: مش كل راجل طبعا... انت عامل عمليه في صدرك وظهرك وهغير علي

الجرح فلازم تقلع غيرك بيبقي مثلا جرح بسيط او مش محتاج يقلع يعني
بتختلف من حاله للتانيه

ادهم: ولو حد زني؟؟؟ بيطلع ويقلع؟؟؟

ليلي: عاده بتكون في ممرضه وبتغطيه وبتكشف بس مكان جرحه

ادهم: وهيا فين الممرضه دي؟ دي تاني مره احي وتبقي لوحدهك؟

ليلي: حظك... لكن عاده ما بكشفش غير وهيا موجوده .. لحظه وهناديلها

عدت من قدامه علشان تناديلها وهو مسك ايديها

ادهم: ما تناديش لحد

ليلي: ليه؟ مش انت خايف لاحسن اتطفل عليك؟؟

ليلي كانت مدياله ظهرها

فهو لفها ليه ورفع راسها علشان تبصله

ادهم: انا مقولتش انك اتطفتي عليا دي ابدأ ...

ليلي: انت قلت خدها من هنا ومشها ده معناه ايه؟

ادهم: الف معني ليه افترضتي اني مش طايقك وعائز اخلص منك؟؟

ليلي: وهيا لها معني تاني؟؟؟ فارضه نفسي عليك وبتقول لصاحبك يخلصك

مني؟؟!

ادهم: او خايف من وجودك معايا وخايف اضعف وخايف قلبي يحن ويدق

وانا مش عايزو يدق... بهرب منك ومن قلبك... خايف من الضعف يا ليلي

ليلي: انت ما بتضعفش ولا بتحن ولا عندك قلب من اساسه ...

ادهم: ما هيا دي المشكله ان الكل ديما بيفترض ان معنديش قلب

ليلي: انت بتوصل اللي قدامك للافتراضات دي بقسوتك وجبروتك

ادهم: قسوتي وجبروتي؟؟ فين قسوتي دي يا ليلي؟ انا ضعفت قدام شويه

حنيه من مامتك؟؟؟ وحسيت اني عيل صغير عايز يعيط في حضنها؟؟

وضعت قدام حبه اهتمام منك؟ اهتمام من دكتوره عيله لسه حتي ما
اخذتش شهادتها ممكن تكون بتهم بحاله مريض مش اكثر؟؟؟ انا ضعفت
قدامك واكثر من مره وفي الاخر جايبه تقولي قسوتي؟؟؟
ليلي: فين الضعف ده يا ادهم؟؟؟ بدليل ايه؟ كل شويه تتردني وكأني بتهمج
عليك؟

ادهم: عايزه دليل يا ليلي؟؟ هروبي من المستشفى اكبر دليل علي ضعفي....
نوبه الخوف زي ما انتي مسمياها.... طردي ليكي اول ما فقت ولقيتك قدامي
معرفتش اعلم ايه او اقول ايه فكان اسلم حل اني اقولك انتي تمشي
ليلي: انت لازم ما تكونش في وعيك علشان تحن او تنطق كلمه كويسه ...
ادهم: ما اتعودتش... ولا اتعودت علي الاهتمام ولا الحنيه من حد
ليلي: انت جاي ليه دلوقتي يا ادهم؟؟؟

ادهم: ما قولتلك صدري وجعني

ادهم بيقرها ليه وهيا بتقرب معاها لحد ما لزقت فيه وعنهم متعلقه ببعض
وبيقرب اكثر

ادهم اول مره في حياته قلبه يدق بالطريقه دي.. عايز يخرج من مكانه... اول
مره يتمني يلمس شفايف واحده قدامه... اول مره يحلم بقرب واحده منه
ليلي عقلها بيورها كل لحظه ادهم قسي عليها فيها... وتخيلت نفسها هيقر
منها وبعدها يزقها ويرمها ويقولها بترمي نفسك في حضني ليه؟

ليلي لقت نفسها بتحط ايدها علي شفايفه اللي قربت قوي منها
ادهم رفع عينه لهما واتقابلت عنهم وللحظه ليلي عايزه تدفن نفسها في حضنه
بس هيا متأكده انه هيرمها بعد كده

ليلي: انا زي ما قلت دكتوره تحت التدريب... هنادي دكتور امين يطمن علي
صدرك بعد اذنك

ليلي سابتة ومشيت وهو فضل واقف مكانه شويه مش عارف يعمل ايه؟ افتكر
كلمه علاء وهو بيقوله اتصرف قبل ما تبص ما تلاقمهاش وتضيع منك؟؟؟
واهو فعلا شكله ضيعها منه؟؟؟
ليلي راحت لدكتور امين تجيبه ور جعت اوضه كشفها بس لقتها فاضيه ولقت
الممرضة موجوده
ليلي: فين الليي كان هنا؟
الممرضة: مقدم ادهم؟
ليلي: ايوه
الممرضة: مشي قالي اعتذرلك و مشي
دكتور امين: هو قالك ايه بالظبط؟
ليلي: مقالش غير ان صدره بيوجعه

ادهم روح بيته وجواه احساس انه خسرها وندم وفرح، ندمان لانه جزء منه
كان عايز يحب ويتحب ، فرحان لانه مش عايز الارتباط او الحب او ان واحده
تدخل حياته ومش مستعد لده اصلا

ليلي مش عارفه تعمل ايه؟ خايفه يكون تعبان بجد ويكابرو ويوقع تاني؟ خايفه
تروحله وتطمئن عليه بيبقي بتفرض نفسها تاني؟ حيره جواها وحرب بين عقلها
اللي رافضه اصلا وقلبها اللي هي موت من الخوف والقلق عليه؟ وكالعادة
انتصر قلبها علي عقلها وقررت بس تطمئن عليه مش اكثر
ليلي: دكتور امين ممكن استأذن بدري النهارده؟
دكتور امين: ماشي بس خدي الحقن دي (كتب اسمها في ورقه)
ليلي: اعمل بيهم ايه؟

دكتور امين: اديهم لي انتي رايحاله

ليلي اتوترت: اللي انا ریحاله؟؟؟

دكتور امين: انا مش ابن امبارح وملاحظ خوفك وقلقك عليه من اول ما اتصاب وجبتيه هنا ، المهم ٩٠% تعب صدره نتيجة ان الجروح الداخليه لسه محتاجه لوقت علشان تلتئم وهفضل فتره مش اقل من شهر توجعه.. الحقن دي مضاد علشان تساعد معاه شويه... بس رايا الشخصى ان مش وجع صدره اللي جابه... لا هو وجع صدره اللي جابه بس مش جروحه هو حاجه تانيه وجعاه واعتقد ان انتي اللي هتداويها بعيد عن الادويه

ليلي معرفتش ترد وتقوله ايه؟

دكتور امين: روجي مستنيه ايه اتطمني وابقي طميني ...

ليلي قعدت قدام استاذها وسكتت

ليلي: احنا ما بناش العلاقه اللي حضرتك فاكرها

دكتور امين: هيبقي بينكم ...

ليلي: هو مش عايز اي علاقات في حياته

دكتور امين: ليلي طول عمري بعترك زي بنتي ومش هكذب عليكى او هجاملك

مثلا ... ادهم انتي بالنسباله حاجه مهمه جدا

ليلي: لا طبعا

دكتور امين: ما سألتيش نفسك ليه انتي بالذات ساعه نوبه الخوف اللي جاتله

طلبت منك انتي اللي تضميه كده.؟؟؟ كنا كذا دكتور وانا كان ممكن اعملها

بنفسى وكان هيحقق نفس النتيجة بس هو كان محتاجك انتي وكان عايز يظمن

في حضنك انتي... كان المفروض اول ما يهدي خلاص تقومي بس انتي فضلتى

وهو نام في حضنك ده لان انتي كنتي الامان بتاعه... ما تحاوليش تقنعى نفسك

انك مش مهمه بالنسباله... انتي مهمه ومهمه جدا كمان حتى لو هو نفسه مش

عارف ده انتي عرفيه... روحيله وما تتخليش عنه في ازمته... اللي اعرفه عنه انه وحداني جدا وببجي كثير هنا ودي اول مره يفضل الفتره دي في المستشفى كان مجرد ما بيفوق بيمشي مهما يكون تعبان لكن المره دي فضل كذا يوم وجه يغير علي جرحه مره واتنين .. هو مش عارف يعمل ايه؟ هو زي طفل صغير بيخبط في الضلمه ومحتاج حد يمسك ايده ويطلعاه بر الامان وفي الاول والاخر انتي حره دي حياتك ..

ليلي مشيت من عنده وافكار جواها كثير متلخبطه .. شويه تحس انها صح وشويه تحس انها غلط .. راحت لقدام بيته ومسكت مفتاح شقته اللي علاء عطاهاولها ومتردده تدخل ولا لأ

اخيرا دخلت والجو كان هادي نادت ومحدث رد .. دخلت اوضه نومه بس فاضيه ومفيهاش حد كانت هتمشي بس لمحت موبيله ومفاتيحه ونظارتها علي التسريحه يبقي هو هنا .. خافت يكون اغمي عليه او جراه حاجه فتحت البلكونه ملقتش حد وهيا خارجه بره الاوضه فكرت انه ممكن يكون في الحمام لان بابه مقفول

خبطت: ادهم انت هنا؟؟ ادهم؟؟ ادهم.؟؟

فتحت الباب مفيش حد خرجت وماشيه بس سمعت كركبه في المطبخ بصت وهيا في الصاله مفيش حد

راحت تشوف ايه وتخيلت انها ممكن تكون قطه ولا حاجه دخلت وهيا سايبه الباب مفتوح .. لفت ودخلت ولقته في الارض وحواليه قزايز كثير فاضيه ليلي: ادهم ادهم ادهم

ادهم: ايه ايه ايه

زقها بعيد

ادهم: هو شويه تيجي وشويه تمشي؟؟ ارسني علي بر

ادهم: واديكي عرفتي

ليلي: لما انت فايق مرديتش ليه عليا؟

ادهم: فضول!! كنت عايز اشوف هتعملي ايه؟ لو انا مغمي عليا او سكران فعلا!!

ليلي: واديك شفت عجبك اللي شفته؟؟؟

ادهم بيصلها من فوق لتحت يهدومها اللازقه عليها

ليلي بتلقاينه حطت ايديها علي صدرها

ادهم: جدا

ليلي: مش قصدي علي ده؟

وبتداري جسمها وبصت حوالها فهو شد فوطه من درج فتحه ورماها لها

ادهم: وانا كمان مكنش قصدي علي ده... قصدي محاولتك انك تفوقيني

وتسنديني لحد هنا واصرارك

ليلي: طيب اعمل ايه انا دلوقتي واروح ازاي؟ كل مره بجيلك بندم فيها واخذ

عهد علي نفسي انها اخر مره وبرضه احن واجيلك تاني

ادهم قرب منها وهيا بترجع لورا لحد ما خبطت في الباب فاتقفل

ادهم: انتي بتخافي مني ليه؟ وكل ما اقرب بتبعدي ليه؟

ليلي: علشان مش عارفه دماغك فيها ايه؟ وعلشان اللي عملته معايا قبل كده

ولا نسيت؟

ادهم: ايه اللي عملته معاكي؟ لمستك؟؟ بوستك؟؟ حضنتك؟؟ عملت ايه؟؟

ليلي: لا معملتش كل ده بس كتفتيني وخطيتني علي السرير وقطعت هدومي

ادهم: كنت عايز اخوفك مني ساعتها مش اكر

ليلي: واديكي بقيت بخاف منك اهوه وحققت اللي انت عايزه

ادهم: وانتي تعرفي انا عايز ايه علشان تقولي حقيقته؟؟

ليلي: انت عايز ايه؟؟؟

قالتها بالهمس وانفاسها عاليه لانه قريب قوي منها
ادهم: عايزك انتي... عمري ما اتمنيت واحده قبلك انتي.... عمري ما ضعفت
ابدا قدام واحده زي دلوقتي... انا مش عارف ايه المختلف فيكي بس انتي
بتجنني... بتبسطيني بتزعليني بترفعيني لسابع سما بضحكه وبتزليني لسابع
ارض بكلمه.... انا مش عارف انتي بتعملي فيا ايه؟ بس اللي عارفه اني عايزك
علي طول... ولو اقدر احبسك هنا وما اخرجكيش ابدا
ليلي: وايه اللي مانعك؟؟؟

ادهم: يوووو كثير

ليلي بتهمس وهيا بتتكلم وباصه لتحت ورفعت عينها لعنيه وشافت حب
صادق جواه... اول مره تلمح الحب جوي عينه ...

ليلي: ادهم ...

ادهم: شاوري

ليلي: بطل تخليني اندم

ادهم: يبقي اخرجي بره بيتي وانسي انك عرفتيني في يوم من الايام وانسي اسمي
ليلي: مقدرش

ادهم: معرفتك ليا في حد ذاتها ندم يبقي ازاي ما اخلكيش تندمي؟؟؟

مسكت قميصه بايدمها الاتنين

ليلي: طيب بطل تبعدني خليني قريبه

ادهم: انا عايزك قريبه بس انتي اللي بتبعدي ديما... مش قادره تفهميني

وبتبعدي عني مع اني طلبت منك كثير تفضلي بس انتي بتشوفي الظاهر بس ما
بتحسبش بيا

ليلي: ولا انت بتحس بيا

ادهم: جيتلك ومشيتيني من عندك.... ودلوقت جيتي انتي ليا؟؟ فهميني انتي
عايزه ايه مني؟

ليلي: انا مش عايزه منك حاجه

ادهم يدوب هيبعد فكملت جملتها

ليلي: انا عيزاك انت كلك علي بعضك

ادهم شد ايديها من علي قميصه وحطها حوالين رقبتة وضمها.... ضمها جامد

جدا لدرجة انها حسست انه عايز يدخلها جواه ، كانت واقفه علي أطراف

صوابعها علشان تبقي في مستواه فهو رفعها من علي الارضه وشه في رقبتها

وهيا ايديها حواليه بتشده جامد ليها اكرت واكرت ، شوق ولهفه طال انتظارهم

نزلها براحه وهيا بصتله وابتسمتله ووشه ماسكاه بايديها ، مسك ايديها ونزلها

ورجع خطوه لوري

ادهم: اقلعي هدومك

ليلي خافت واتوترت: ايه؟ اقلع ليه؟

ادهم: ليلي لو عايزه يكون في مستقبل بينا لازم تثقي فيا شويه... لا مش شويه

لازم تثقي فيا كتير... اقلعي هدومك وانا هنشفها لك بسرعه وانا هخرج بره

الحمام الثاني وهغير هدومي انا كمان لاني مش قادر.. الجرح مولع نار

ليلي: لازم يولع بكميه الميه اللي دخلتله هغيرلك عليه بس الاول هلبس ايه لحد

ما هدومي تنشف

ادهم: دولابي قدامك اختاري اي حاجه... صح فين التيشرت اللي اخدتيه قبل

كده ولا نمتي عليه؟

ليلي: نمت عليه عندك مانع؟

ادهم ابتسم: لا معنديش انا هخرج بره الاوضه وانتي براحتك الاوضه بالحمام

بالدولاب

يدوب هيخرج

ليلي: استني

ادهم: ايه؟

ليلي: افتحلي البتاع ده قبل ما تخرج

ادهم ضحك جامد عليها: تعالي هوريكي

وراها ازاي تفتحه وفتحه وخرج وحطلمها مفتاح باب الاوضه من جوه علشان

تقفل علي نفسها

راحت وراه وكانت هتقفل بالمفتاح بس قررت انها تثق فيه وهو فضل بره

علشان يشوف هتقفل بالمفتاح ولا هتثق فيه وابتسم لما ما قفلتس

ليلي فتحت دولابه ومش عارفه تلبس ايه؟

وفي الاخر اختارت بنطلون قصير كده زي البرمودا اسود وتيشرت اسود

بحمالات.... تقريبا كده بادي عليه هو

دخلت الحمام واعجبت جدا بيه وبشامبوهاتة والشاور بتاعه وبرفانه وحاجته

الشخصيه كلها .. واتمنت لو هو موجود معاها .. اخدت شاور ولبست هدومه

ونوعا ما كانت جميله فيها .. ماسكه فوطه وبتحاول تنشف شعرها وخرجت بره

كان هو في المطبخ واول ما شافها ابتسم

ادهم: دي هدومي انا؟؟؟

ليلي: جيباهم من دولابك

ادهم: شكلهم حلو عليكي ...

ليلي: انا حلوه في اي حاجه

ادهم: وهتبقي احلي لو من غير حاجه

كانت هتخبطه وهو ضحك جامد

ليلي: علي فكره انت بتبقي امور قوي لما بتضحك

ادهم: عارف ورافه بالناس ما بضحكش كثير

ليلي: ورخم جدا

ادهم: برضه عارف... ما تعمليلنا قهوه زي اول يوم عملتها فيه

ليلي: عجبتك؟؟

ادهم: جدا

ليلي: هعملك قهوه

وقفت عملها وهو واقف بيتفرج عليها ومبسوط وعمل هو كمان ساندوتشات

لهم

ادهم: شعرك شكله مغري وهو مبلول

ليلي بصتله وضحكت: عارفه وعلشان كده ما نشفتوش

ادهم: ما بلاش

ليلي: وليه بلاش؟؟؟ هيجري ايه لو اغريتك؟؟؟

ادهم: واحده جميله ومعاها واحد وفي شقه لوحدهم وتالتهم الشيطان عمال

يخلق فوقهم (هيا بتضحك) وهيا بتغريه متخيله يجري ايه؟

ليلي: لو هو بيخاف عليها يبقي مش هيجري اي حاجه؟

ادهم: هو بيخاف عليها بس هو بشر

ليلي: هو ظابط مخابرات وما بتغريهوش اي واحده مهما تعمل ولا ايه يا سياده

المقدم؟؟؟

ادهم: هو فعلا ما بتغريهوش اي واحده مهما تعمل الا دي... بتجننه بنظره....

بتلغي عقله تماما ...

ليلي: بجد يا ادهم؟

ادهم: بجد... والجد بقي ان القهوه بتفور وانا عايزها بوش

ليلي حاولت تلحقها بس فارت

ليلي: اشربها من غير وش

ادهم: هههه حاضر اشربها من غير وش.... كفايه انها من ايديكي
قعدوا اكلوا وضحكوا هزروا وهو حط هدومها في المجفف ونشفها لها خالص
وطبعا غيرتله علي جرحه .. قعدوا قدام التلفزيون بيرغوا في اي كلام
ليلي شافت في ادهم انسان مختلف عن الكئييب اللي تعرفه... انسان جميل
يتحب ...

ليلي: علي فكره انا اتأخرت جدا

ادهم: علي فكره انا مش عايزك تمشي

ليلي: بس لازم امشي

ادهم: هشوفك ازاي وامتي؟

ليلي: انا عندي شغل علي فكره

ادهم: وانا في اجازة

ليلي: خلاص يبقي انت تجيلي المهم انا لازم امشي وبيننا تليفون ماشي؟

ادهم: ماشي... هدومك علي السرير جوه ناشفه

ليلي: ماشي

دخلت لبست هدومها وقلعت هدومه وفكرت انها تاخدهم معاها بس معرفتش

تقولهم ايه لو سألوها علي الهدوم دي؟؟

خرجت لادهم

ليلي: انا همشي سلام المضاد تاخده بعد ساعتين ماشي؟

ادهم: ماشي يا دكتوراه... يالا بينا

ليلي: انت رايع فين؟

ادهم: هوصلك

ليلي: انت تعبان والمفروض ترتاح

قاطعها ادهم: هوصلك فبلاش رغي كثير
نزل وفتحها باب عربيته وبصتله وضحكوا الاتنين
ادهم: اركبي ياللي متركبيش عربيات حد اركبي
ليلي: هركب اهوه
ركب واتحرك

ليلي: انت كنت معترض علي ايه ساعتها؟؟ معمريش ركبت عربيه حد قبل كده
ايه الغريب في ده؟

ادهم: مش حكايه غريب حكايه الموقف كله علي بعضه.. احنا رايجين ندور علي
حد هنلف وري بعض ولا هتعملي ايه؟ وبعدين ايه اللي تصحيني من النوم
ادورلها علي اخوها وتشدني من السرير وبعدها تقولي ما اركبش
ليلي: المهم فاكر عنوان بيتنا ولا هتوهنا؟

ادهم: هتوهك

وصلوا بيتها بسرعه

ادهم: اقرب شويه ولا هنا كفايه؟

ليلي: هنا كفايه

ادهم ماسك ايد ليلي ومش عايز يسيبها

ليلي: ادهم المفروض انزل

ادهم: انزلي

ليلي: طيب سيب ايدي

ساب ايدها

ادهم: كلميني اول ما تكون ظروفك مناسبه

ليلي نزلت سعادته الدنيا كلها في عنمها

ودخلت تغني وترقص والكل لاحظ تغيرها ده..

آخر الليل كلمت ادهم وقفل واتصل بيها هو

ليلي: صحيتك؟؟

ادهم: لأ كنت مستنيكي

ليلي: معرفتش انام من غير ما اكلمك

ادهم: طيب كويس

ليلي: ممكن اسألك سؤال؟؟

ادهم: اممم اسألي

ليلي: ايه الي غيرك كده مره واحده؟ من يومين كنت عايز تخلص مني؟

ادهم: برضه اخلص منك؟ ما علينا انا ما اتغيرتش انا بس استسلمت

ليلي: استسلمت ليه؟

ادهم: افكرت نصيحه قلتها لمي واكرم

ليلي: نصيحه ايه انت قولت نصايح كتير كان نفسي ساعتها اقولك قول

لنفسك والنبي

ادهم ضحك: ان لما الدنيا تدي الواحد ياخذ الي بتديه وما يفكرش كتير... وان

الحياه اقصر من ان الواحد يضيع كتير في البعد والحرمان وانا اتحرمت كتير

وعايز اخذ بقي

ليلي: تاخذ ايه؟

ادهم: اخذك انتي كلك علي بعضك...

ادهم وليلي بيسرقوا كل اللحظات الي يقدروا عليها ، آخر الليل كان في بيته

وليلي اتصلت بيه

ليلي: صاحي؟؟

ادهم: ما انتي عارفه انا ما بنامش كثير

ليلي: يا بختك انا نفسي انام لحد ما ازهق واشبع كده من النوم

ادهم: وايه اللي مانعك؟

ليلي: ماهو لو انا نمت مش هشوفك في اليوم ده وانا معرفش يعدي يوم ما

اشوفكش فيه

ادهم: النهارده ما شفتكيش؟؟؟

ليلي: طيب ما هو انا بتصل بيبك علشان كده.... الجو هادي ومفيش حالات

والكل نام والمفروض انا كمان انام بس بصراحه عايزه اشوفك تقدر تدخل من

غير ما حد يشوفك وتطلعلي الدور التالت وتخترع مكان نشوف بعض فيه من

غير ما حد يشوفنا؟؟؟ تقدر؟؟

ادهم: من جهه اقدر فهو اقدر بس لو حد شافنا مستعده تواجهيه؟؟

ليلي: طول ما انت معايا مستعده اواجه الدنيا كلها

ادهم: يبقي خمس دقائق وهكون عندك وهكلمك

ليلي متحمسه ومتوتره ومنتظره ، وبعد حوالي عشر دقائق تليفونها رن

ادهم:تعالى في الطرقة عند العيادات الخارجيه بعد اوضه الكشف بتاعتك

ليلي: لحظه..... هو انت فين مفيش حد..... ادهم الدنيا ظلمه وانا ما بحبش

الظلمه

ادهم: كملي لقدام امشي.... تعالى بتبصي وراكي ليه؟

ليلي: انت شايفتي؟

ادهم: ايوه كملي لقدام

مره واحده حد شدها

ليلي: خضتني قلبي كان هيقف

ادهم: خضيتك؟؟؟ انا معاكي علي التليفون وبقولك شايفك وكملي لقدام

ادهم: وحشتك ايه بقى بعد الموشح ده كله ...

ليلي: ب ق و ل ك وحشتي

ادهم بصلها: ايه؟ المفروض اقول حاجه معينه!؟

ليلي: المفروض تقولي وانتي كمان

ادهم: مين فرض كده؟ مش شرط علشان انا واحشك تبقي انتي واحشاني،؟؟؟

ليلي: تصدق فعلا؟؟؟ طيب لما انا مش واحشاك جاي ليه؟

ادهم: انت زعلتي ليه؟ انتي فعلا مش واحشاني

ليلي: طيب خلاص هو انا قلتك حاجه؟

ليلي بعدت وسندت علي الحيطه وادهم بيبصلها

ادهم: بس كده؟ زعلتي وخلاص من غير ما تسألني ليه مش وحشاني؟

ليلي: في حاجات ما ينفعش تطلب او ينفع نسأل فيها ليه؟ ما ينفعش تقول لحد

ليه مش واحشك او ليه مش بتحبني؟؟ كده يعني

ادهم: طيب ماشي انا هقول ليه مش واحشاني ، النهارده الصبح شفتك وقعدنا

مع بعض ساعتين وفطرنا ، الظهر كلمتك ورغيت معاكي واستنيتك وانتي

مروحه بس لقيت مصطفى عدي عليكي واخذك ، العصر كنتي في البلكونه انتي

ومامتك بترغوا وتضحكوا وسيرتي جت في الكلام وبعدها ابوكي طلع قعد معاكم

ودخلتي عملي شاي وشربته ، المغرب نزلتي مع صحباتك واتمشيتي وجيتي علي

هنا ، الساعه حاليا ٢ بالليل وانتي معايا اهو ، هتوحشيني امتي؟؟

ليلي انا يومي كله بيبقي ليكي وحواليكي .. مش عايزك توحشيني!!! ومش عايز

ادي لنفسني فرصه توحشيني ، فطول الوقت بحاول اشوفك... مجنون بقى

تعملي ايه؟

ليلي: انت بتراقبني؟؟ ولا معين حد يراقبني؟؟ ولا حاططلي كاميرا مراقبه؟؟؟

ادهم: انا مجنون اه بس مش لدرجه اني اعين حد يراقبك او انا اراقبك

ليلي سندات علي صدره بدماعها

ليلي: طيب اعمل ايه يعني؟ عايزه اشوفك كثير... مش بلحق اشبع منك

خالص

ادهم: وانا كمان بس ده مش حل.... بقولك ايه

ليلي: قول.

ادهم وقفها: بصيلي بس وابعدي شويه اصلا المكان ضيق لوحده والشيطان

بيرفرف فوقتي .

ليلي بتضحك: خليه يرفرف المهم قول

ادهم: عايزك تفضيلي نفسك يوم كامل... من الصبح لبليل علي بعضه كده

ليلي: يوم كامل؟؟؟ صعب جدا... طيب حتي لو اخدت اجازة هقولهم في البيت

ايه؟

ادهم: اتصرفي هخليكي تقضي يوم وهم

ليلي: انت بتغيريني!؟؟ وبعدين من غير اغراء فكرة اني اقضي يوم معاك دي في

حد ذاتها اغراء.. بس هنعمل ايه؟ هتودييني فين؟

ادهم: انتي عايزه تروحي فين؟ او بتحيي ايه؟

ليلي: اممم انا بحب ابقى طفله اجري والعب واطننطط

ادهم: والله شاكك فيكي من الاول انك طفله اصلا

ليلي: عندك اعتراض؟؟

ادهم: لا يا قمر وانا اقدر اصلا... المهم يوم السبت ايه رايك؟

ليلي: وليه مثلا مش الخميس او الجمعة؟؟

ادهم: كل الايام سيان بالنسبالي بس محبش اخرج في ايام اجازات مش اكثر

وبعدين بكره الاربع فاقرب فرصه هو السبت بحيث تلحقي تجهزي نفسك

وترتبي امور بيتكم وشغلك

ليلي: هحاول... علي فكره انا رجليا وجعتني من الوقفه

ادهم بص حواليه وقعد علي الارض

ادهم: الارض حلوه اقعدي

ليلي: مجنون

ليلي قعدت وفضلوا يدردشوا للفجر لحد ما ليلي جالها تليفون انهم عايزينها

ادهم: همشي انا بقي

ليلي: هشوفه وارجع بسرعه استني

ادهم: الساعه ٥ الفجر والدنيا هتنور همشي ازاي كده؟ وبعدين شوفي شغلك

بقي وشوفي عيانينك

ادهم مشي وهيا كملت شغلها وبتدور علي حاجه تقولها تخرج بيها يوم السبت

علشان تقضيه مع ادهم

صاحبها الاء كانت معاها وهيا سرحانه تماما

الاء: هو انتي كنتي فين؟ محدش شافك خالص طول السهره؟؟

ليلي: كنت نايمه... بت عايزه اخرج يوم السبت ومش عارفه اقولهم ايه في

البيت

الاء: قوليلهم رايحه فين ما طول عمرك ما بتخبيش... حتي ايام الجامعه كنا

نخرج ونخبي الا انتي كنتي علي طول فاضحانا

ليلي: طيب انا المره دي عايزه اخبي

الاء اتعدلت: طالما هتخبي يبقي الموضوع فيه مز... مين المره ده اعرفه؟؟

ليلي: هقولك بس مش دلوقتي المهم اخرج ازاي؟ كنتوا بتقولو ايه لاهاليكم؟؟

الاء: بنذاكر! عند فلانه! خارجه مع صحبتي!! صاحبتني عيانه!! اي هري من ده

ليلي: كل الهري ده ما ينفعش دلوقتي... شوفي حاجه تنفع

الاء: قوليلي الاول هو مين؟

ليلي: يوه يا الاء بقي قوليلي الاول اعمل ايه؟
الاء: اخص عليك يا ليلي انا لما حبيت عمر انتي اول واحده عرفتي... احنا
اصحاب من اول يوم في الكليه من يجي ٨ سنين اهو
ليلي: طيب وعد ما تقوليش لمخلوق
الاء: وعد قولي بقي
ليلي: ادهم
الاء: ادهم مين؟
ليلي: ادهم محمود احمد السيد
الاء: عرفته انا كده؟ ادهم مين يا بت
ليلي: المقدم ادهم عرفتيه دلوقتي؟
الاء شهقت: يا لهووووووي المز يا بت.... يا بنت المحظوظه.... ازاي؟ امتي؟
فين؟ لا انتي تحكي لي من طقطع لسلام عليكم ماليش دعوه
ليلي: طيب الاول يوم السبت اعمل ايه؟
الاء: هتروحو فين؟
ليلي: معرفش قالي مفاجاه... السبت يا بارده
الاء: هتقضي اليوم عندي عمر مسافر وهنخرج من المستشفى علي عندي
ليلي: اشمعني يعني؟ احي ليه عندك؟
الاء: هدربك الشقه وعايزه حد معايا ايه رأيك؟
ليلي: طيب لو اتصلوا بيا؟؟ او كلموكي وحبوا يكلموني
الاء: مش عارفه ...
ليلي: استني
مسكت تليفونها
الاء: بتكلمي مين؟ هو؟؟

ليلى شاورتلها اه
 ليلى: نمت ولا؟
 الاء بتمس: افتحي السبيكر افتحي
 ليلى بتشاورلها لأ
 الاء: مش هساعدك
 ليلى فتحت السبيكر
 ادهم: في ايه مالك؟ في حد جنبك؟
 ليلى: لا لا مفيش
 ادهم: المهم يا قمر عرفتي هتعملي ايه السبت؟
 ليلى: الاء صاحبتى هنقول اني عندها بس في مشكله بسيطه
 ادهم: اللي هيا؟؟
 ليلى: لو اتصلوا بيها وحبوا يكلموني او العكس
 ادهم: لا دي بسيطه يا قلبي... هتكلمني وهتعمل كونفرنس وتدخلي معاها علي
 الخط
 الاء بتمس: تليفوني عادي مفهوش الكلام ده
 ليلى: تليفونها عادي ما بيعملش كونفرنس او مكالمات جماعيه
 ادهم: برضه بسيطه انا هتصرف خلاص؟
 ليلى: اه هشوف بقي في البيت هيقولو ايه وهرد عليك بس احنا هنروح فين؟
 ادهم: ما قولتلك خليها مفاجاة ...
 ليلى: ماشي اوك يالا بقي عايز حاجه؟؟
 ادهم: تسلمي يا قمر و سلميلي علي الاء صاحبتك
 ليلى: ماشي هبقي اسلمك عليها
 ادهم: هتبقي؟؟؟ علي اساس انها مش جنبك؟؟ والسبيكر مفتوح

الاتنين تنحو

ادهم: انتي ليه بتنسي اني ظابط وعلي مستوي عالي جدا وبركز قوي في التفاصيل

ليلي: عرفت منين؟ تفاصيل ايه؟

ادهم: في الاول الدرېكه وهيا بتقولك افتحي السبيكر وبعدها وانتي بتحاولي تداري وبعدها التليفون وهيا بتقولك ان تليفونها عادي وبعدين صوتها عالي اصلا ولما السبيكر بيتفتح الاصوات اللي جنبك بتبقي اوضح ، ثاني مره ما تفتحيش الاسبيكر وانا بكلمك

ليلي: حاضر يا لالا سلام

ادهم: سلام وسلام يا الاء ومتشكر مقدما

ليلي قالت لما تمها وعرضت عليها خروجتها مع الاء بس امها ما اقتنعش وفي الاخر قالتها علي علاقتها بادهم وامها فرحت جدا لان من جواها هيا بتحب ادهم ومعجبه بيه واتمنته لبيتها امها قالت لجوزها علي خروج ليلي مع صحبتها وهو وافق.

وجه يوم السبت

ادهم اخذ ليلي وهيا طول الطريق بتسأله هنروح فين وهو مش بيرد لحد ما وصلوا وهيا فتحت بوقها من الدهشه والاستغراب

ليلي: انت مجنون جدا

ادهم: عارف... {مد ايده} تشاركييني جنوني؟؟

ليلي مسكت ايده: اشاركك طبعا

ليلي اتفاجئت انها قدام طياره صغيره خاصه

ليلي: بس يا ادهم هنرجع اخر النهار؟؟؟
ادهم: امال انا جايب طياره ليه؟ ماهو علشان الحق ارجعك اخر النهار يالا
بيننا .. ادهم طلعتها وكان فيها مضيفه
ليلي: فين الطيار؟؟؟
ادهم: انا عندك مانع؟
ليلي: بجد؟ انت بتعرف تسوق طياره؟؟ سوري ضابط مخبرات... طيب هنروح
فيين بقي؟
ادهم: هتشوفي؟؟ تحي تقعدني جنبي؟
ليلي: طبعا انت بتهرز؟
ليلي كانت مبسوطه جدا وهيا جنبه.. خافت شويه في الاول بس بعدها عادي
ليلي: هو انت غني قوي لدرجه طياره خاصه؟
ادهم: لا طبعا مش للدرجه دي بس تقدرني تقولي كده اني النهارده خرقت كل
القوانين... النهارده اول مره استغل منصبني في مصالح شخصيه... يعني لو
اتقفشت المره دي مش هلاقي حد يشهد معايا وهلبس
ليلي: انا ماليش دعوه... وبعدين انا مقلتلكش تفرقع دماغ الراجل
ادهم: ما استحملتش.... ما استحملتش حد يلمسك غصب عنك واسيبه
عائش
ليلي بصتله بحب واعجاب .. اخيرا وصلوا وهو نزل بالطياره ونزلها وكانت في
عربيه مستنياه اخدها ومشيو
ليلي: احنا فين؟ الغردقه؟؟
ادهم: لا شرم الشيخ.
وقفوا قدام قريه ونزلها واول ما دخلت صرخت
ليلي: بجد انا صاحيه ولا بحلم؟؟؟ انا بموت فيك

نطت واتشعبطت في رقبته
ادهم: قولتي عايزه تلعي وتتنططي.. اليوم كله لعب وتنطيط في الميه
ادهم اخدها علي ملاهي مائيه وكانت فعلا وهم
ليلي: بس في مشكله انا معيش حاجه انزل بيها الميه
ادهم: وهيا دي مشكله؟؟؟ تعالي
راحو لمكان جوه القرية بببيع مايوهات وادهم دخل بس كل المايوهات قطعتين
ليلي: في ايه مش عاجبك حاجه ليه؟
ادهم: كله قطعتين
ليلي: فيها ايه؟
ادهم بصلها من تحت النظاره
ليلي: بتبصيلي ليه من تحت النظاره كده.. كل الموجودين هنا اجانب ولا بسين
كده؟؟؟
ادهم: في منهم بينزل بقطعه واحده من الاتنين دول عملي زهم؟؟؟
ليلي: لا مش للدرجه دي
ادهم: لا والني.... فرقت والني الفتل اللي بيلبسوها دي... يالا من هنا
اخدها وخرج بره وماسك ايدها بيشدها وراه
ليلي: مالك كده؟ فيها ايه يعني لما البس زهم؟؟
ادهم: لما ابقني قرني ابقني البسي زهم؟؟
ليلي بتضحك جامد: حبيبي انت وانت غيران كده؟
ادهم: مش حكايه غيره بس ما ينفعش... ما ينفعش تبقي واحده عريانه كده
غير في اوضت نومها وبس
اصلا اللي بيلبسوا كده يا معندهمش دين يا معندهمش اخلاق...
ليلي: علي فكره انا عارفه ده كويس وعمري ما البس كده ابدا انا بس كنت

عايزه اشوف رد فعلك ده

ادهم: وعلي فكره انتي لو كنتي بتلبسي ده كنت هقضي معاكي اليوم النهارده

بس في اوضه

ليلي: يعني ايه مش فاهمه؟

ادهم: مش فاهمه ايه؟ هاخذ اوضه نقضي فيها وقت لذيذ واروحك اخر النهار

واقولك باي باي متشكرين

ليلي: بجد؟ تنام معايا وتسييني؟؟

ادهم: لو انتي من النوعيه دي اه طبعا هسييك

ادهم خرجوا بره اشتراها ما يوه محترم جدا وشيك في نفس الوقت وجاب واقي

للبشرة، وإداه لها تحط منه ، لبسوا وخرجوا واول ما شافها كانت رافعه

شعرها

ليلي: يالا بينا

يدوب هتمشي شدها

ادهم: استني هنا فين الظهر

ليلي: بقولك ايه بقي احنا مش هنقضي اليوم كده

ادهم: طيب حظيتي الصن بلوك علي ظهرك العريان ده ولا سيباه للشمس

ليلي: سيباه للشمس

ادهم: وهتقوليلهم ايه لما يقولوك ظهرك الشمس لفحته كده منين؟

ليلي: يووه مش هعرف احط في ظهري

دخلت جابت الكريم وأعطته له وأعطته ظهرها ومستنيه وهو واقف ايديه في

وسطه وهيا واقفه ولما طول بصتله

ليلي: ما تنجز يا راجل انت

ادهم: انتي عايزاني انا ادهنلك ظهرك؟؟؟

ليلي: لأ... استني في واحد بعيد هناك اهو هناديله.. اكابتن
ادهم: تعالي هنا انتي اتجننتي ولا ايه؟ هاتي... انا اللي جبته لنفسني

ادهم دلكلها ظهرها والاتنين واقفين والموضوع طول ولا هيا ماشيه ولا هو
خلص

ادهم: وبعدين؟

ادهم بيتكلم في رقبتهما

ليلي: مش عارفه

ادهم: اللهم اخزيك يا شوشو... يالا يا بنتي... راعي شويه اني بشر... بت استني

ليلي: ايه تاني بقي؟

ادهم: افردني شعرك

ليلي: ليه بقي؟

ادهم: طويل وهيغطي ظهرك ده

ليلي: وهيبتل وهيکش وهيبيكي زي ديل الفار

ادهم ضحك: ديل الفار؟؟؟ معلش برضه افرديه

وهما ماشين

ادهم: نفسي اعرف بتجيبني الالفاظ دي منين؟ ديل الفار! سلعهه !!

ليلي: والنبي ما تفكرني بالسلعهه اللي كنت هتموت عليها دي؟

ادهم: انا مكنتش هموت عليها

ليلي: ادهم انا عايزه اتبسط

ليلي غيرت الموضوع: علي فكره يا عم الغيران لو المفروض حد يغير انا هغير

عليك

ادهم: تغيري عليا انا؟؟ ليه ان شاءالله؟

ليلي: انت ما شفتش نفسك في المرايه قبل ما تطلع... هو انت محدش قالك

قبل كده انك مز

ادهم: مز.... لا باللفظ كده لأ.... وبعدين انا راجل عادي

ليلي: بجسمك ده؟ وعضلاتك دي؟؟ وطولك ده وعرضك ده؟ هو انت ما

بتشوفش الكروش التي تتحرك علي الارض ولا ايه؟

ادهم ضحك: رياضي وبلعب رياضه كثير وبتدرب كارتيه وكونغفو وتايكوندو

وكل اساليب القتال فطبيعي ان ده يكون جسيمي

ليلي: وكل ده خلاك مز

قضوا الوقت لعب وضحك وجري وليلي مش بتبطل ضحك ولعب وكل شويه

تنط فوق ادهم او ترشه ميه او تعاكسه وهو كان فرحان جدا لفرحتها دي

اول مره يدوق طعام السعاده والحب والفرح ، حاسس انه مستعد يعمل اي

حاجه مهما كانت المهم الفرحة دي تفضل علي وش ليلي ، الجو بقي حر

والالعب وقفت وقت الغدا ، راحو اتغدوا وقعدوا قدام امواج صناعيه علي

شيزلونج نفرين

ليلي: تصدق عايزه انام

ادهم: في اوض احجزلك اوضه تريحي فيها ساعتين؟

ليلي: لا لا هنا الجو حلو وقدام الميه وانت جنبي مش عايزه حاجه تاني.. ممكن

انام علي كتفك؟؟؟

ادهم: انتي بتسأليني؟؟؟

ليلي ضحكت ونامت فعلا علي كتفه ودي كانت قمه السعاده.

ساعه كده وصحيت شعرها ناشف منفوش بشكل جميل ومغري

ليلي: نمت كثير؟

ادهم: لا يدوب ساعه

ليلي اتعدلت وشعرها نازل علي وشها وكله في جنب واحد وادهم بيشيله من علي

وشها

ادهم: هو انا قلتلك قبل كده اني بحبك؟؟

ليلي تنحت لان دي اول مره يقولها

ليلي: لا مقولتهاش قبل كده

ادهم اتعدل هو كمان واتقابلت عنيمم في نظره صافيه

ادهم: انا بحبك وبحبك قوي كمان... انتي خليتيني اعيش يا ليلي... دوقتيني

لاول مره طعم الحب والسعاده... خليتيني اعيش.... وانا عمري ما عشت قبل

كده ولا فرحت

ليلي: وانا كمان بحبك يا ادهم.. بحبك قوي.. فوق ما تتخيل

ادهم: وانا مش عايز من الدنيا غير حبك انتي وبس... انتي تعويض لكل حاجه

حصلت قبل كده

ليلي: بس كان نفسي اكون انا اول حد في حياتك

ادهم: انتي فعلا اول حد في حياتي

ليلي: وريفانا وغيرها وغيرها كثير

ادهم: ريفانا علي فكره انا ما لمستهاش هيا كانت سكرانه وانا اقنعتها اني نمت

معاها لكن انا ما لمستهاش ووقفتي جنبها في المستشفى كان رد جميل مش اكثر

ولما سألتيني كدبت عليكي لاني كنت خايف احبك وكنت عايزك تبعدني ... ليلي

انا من يوم ما دقيتي بابي ما شفتش غيرك واوعدك اني مش هشوف غيرك ابدا

ولو الزمن يرجع كنت هستني حبك ده ومش هلمس اي واحده بس مش

بايدي... ارجوكي حاسبيني من يوم ما عرفتك لان حياتي فعلا بدأت من اليوم

ده... انا كنت ميت مش عايش

ليلي: طيب والشرب؟؟؟

ادهم: ليلي اللي بيشرب ده بيبقي في حاجه وجعاه مش عارف يواجها او

يتعامل معها... وجع اكبر من انه يتحمله فبيحاول يهرب منه بالشرب وانتي

عالجتي الوجع ده بوجودك في حياتي فهشرب ليه؟؟؟

ليلي: وايه اللي واجعك يا ادهم؟ لسه ما وثقتش فيا تقولي وجعك ايه؟

ادهم: مش موضوع ثقه ابدأ... انا سلمتك قلبي فازاي مش هثق فيكي !!!

ليلي: طيب احكي لي بتشرب ليه؟ وبتعرف بنات ليه؟

ادهم: بكرههم... بحب انام معاهم وبعدها اطردهم... عايز اذلهم او اكد

لنفسي انهم حاجات رخيصه دي بس فايدتهم... متعه رخيصه وتنتهي بسرعه...

نوع من انواع الانتقام ...

ليلي: وليه طيب؟ ليه بتكره الستات وليه عايز تنتقم منهم مين اساس الكره ده؟

ادهم افتحلي قلبك

ادهم.....:

ليلي: افتحلي قلبك يا ادهم وقولي ايه وجعك

ادهم سكت كتير ومردش عليها

ليلي: ادهم حبيبي

ادهم بصلها: مش وقته... لسه مش مستعد اتكلم في الموضوع ده.... في وقت

هتلاقيني انا بحكيك ومن غير ما تطلبي انتي مني.... اتفقنا؟

ليلي: براحتك مش هضغط عليك وقت ما تكون مستعد هسمعك

كملوا باقي يومهم وروحوا اخر النهار... ادهم وصلها لحد بيتها وواقفين مش

عايز يسيبها

ادهم: ليلي مش عايز اسيبك

ليلي: ولا انا بس لازم

ادهم: تتجوزيني يا ليلي؟

ليلي سكتت ومردتش

ادهم: ساكنه ليه؟ ردي

ليلي: انت بجد عايز تتجوزني؟؟؟

ادهم: امال بهزار ايوه طبعاً.... مالك اتفاجئي ليه؟ طبيعي اي علاقه جاده

بيكون مصيرها الجواز

ليلي: بس انا متخيلتش انك عايز تتجوز... انت طول عمرك بتقول انك مش

بتاع جواز؟؟؟

ادهم: انا مش فاهم؟ يعني انتي مش عايزه تتجوزيني؟ طيب علاقتك بيا دي

ايه؟ عايزانا نفضل كده؟

ليلي: مش كده ...

ادهم: امال ايه يا ليلي؟ تحبيني بس ما تتجوزينيش؟؟

ليلي: انت مش بتاع جواز يا ادهم

ادهم: انا قدامك اهو بطلب منك الجواز!!! الا اذا كنتي انتي مش عايزه

تتجوزيني انا؟؟؟ ترتبطيني بيا؟ تحبيني لكن تشيلي اسمي لأ؟؟؟ انا علي رأي ابوكي

تربيه ملاحئ وسكري وخمرجي صح؟

ليلي: ادهم انت عارف اني ما بفكرش كده؟

ادهم: امال انتي بتفكري ازاي؟؟؟ اول مره اشوف واحده عايزه علاقه تستمر في

السر؟؟؟

ليلي: محتاجه وقت

ادهم كان مصدوم من ليلي تماما وقلبه بينغص عليه وواجعه ما تخيلش انها

ممكن تتردد لانه هو ما تترددش ، ما تخيلش انها ممكن تقول لأ!!! ما تخيلش

انها ممكن تسببه!! وما استعدادش انه ممكن يعيش لوحده تاني؟ اخدها امر

مسلم بيه في حياته وده غلط

ليلي: ادهم اسمعني

ليلي كانت هتمد ايدها تلمسه فرجع لوري

ليلي: ادهم

ادهم: اسف بس ما عملتش حسابي

ليلي: حساب ايه؟

ادهم: انك تكوني وجع جديد... خدي قرارك علي مهلك بعد اذتك

ادهم ساها ومشى من غير ما يديها فرصه ترد عليه

ليلي حكمت لامها كل حاجه بس امها قالتلها ان دي اخر مره تخرج معاه ولو هو

عايزها يجي البيت

ليلي: هو فعلا طلب مني اتجوزه

ناديه: طيب كويس وهيي امتي؟

ليلي: انا مقولتلوش اني موافقه علشان يجي

ناديه: انتي بتستعبطي صح؟ امال بتخرجي معاه ليه؟ لما مش عايزه

تتجوزيه؟؟؟

ليلي: انا عايزه اتجوزه

ناديه: امال ما قولتيلوش يجي ليه؟

ليلي: علشان هو مش عايز يتجوز

ناديه: اللهم طولك يا روح... يا بنتي مش بتقولي طلب يتجوزك امال ازاي مش

عايز يتجوز؟؟؟؟

ليلي: هو مش عايز يتجوز بس عايز يتجوزني علشان بيحبني لكن الجواز في

حد ذاته مش عايزه

ناديه: لا حول ولا قوة الا بالله البت ضربت... هو عايز يتجوز بس مش عايز

يتجوز؟؟؟ انتي هبله؟؟؟ ولا اتجننتي علي كبر ولا ايه؟

ليلي: ماما مصطفي من سنين بيحكي عن ادهم وانا بسمعه... راجل بيعشق

شغله وحریتته وبتنطط من بلد لبلد وضد اي علاقه جدیه... وانا قابلتته ایوه
هو حبني بس اعتقد انه عایز یتجوزني لمجرد ان ده الطریق لیا وشویه وهیزهق
وهیرمینی وده انا خایفه منه... عایزه اتأكد الاول هو عایز یتستقر ویبني بیت ولا
مجرد وسیله یوصلني بیها... ادهم عرف بنات کثیره قبلي ودي حقیقه مش
هننکرها وممكن اکون انا اول واحده یعرفها وما ینامش معاها فیمكن یکون ده
سبب انه عایز یتجوزني

نادیه: وهتأكدی ازای؟

لیلی: ادهم ما بیثقیش فیما ودلیل کده انا معرفش ای حاجه عن ماضیه وطول
ماهو مش واثق یشارکني فیہ یبقي مش ناوی یتستقر معایا.... لما احس انه وثق
فیما وفتحلي قلبه ساعتها اوافق اتجوزه

نادیه: مش عارفه اقولک ایہ یا بنتي بس حطي فی اعتبارک برضه ان ابوکي ما
بیحبوش ومش هیوافق علیه هو کمان بالساهل
لیلی: عارفه وعلشان کده لازم اکون مالیه ایدي قوی من ادهم قبل ما اقف
قصاڊ بابا

ادهم روح البیت ودخل وقفل بابہ وقعد یفکر هو ممکن یرجع لوحدته
تانی؟؟؟ هو ممکن لیلی تسیبه؟ لیہ ما وافقتش علیه؟ لیہ؟ لیہ؟ لیہ؟
لیلی اخر اللیل اتصلت بادهم مسک التلیفون وشاف رقمها بس ما ردش
علیها... ماعرفش یقولها ایہ؟ تانی یوم الصبح راحلها یشوفها وهیا داخله
شغلها کفایه علیه یشوفها من بعید لبعید ، یومین عدوا کاملین وادهم مش
بیرد علی اتصالاتها ، بیحاول یجرب الحیاه من غیرها هتبقی ازای؟
للاسف الحیاه من غیرها اسوأ بملیون مره من وحدته قبل کده؟؟؟ عمره ما

داق طعم السعاده ومحدث بيفتقد حاجه ما يعرفهاش.... لكن دلوقتي جرهما وعاشها وكل لحظه بتعدي بيفتقدها اكثر من اللي قبلها

ليلي بطلت تتصل بادهم وتخيلت انه خلاص نسيمها وانها كانت صح ان الجواز كان مجرد وسيله ينام معاها مش اكثر وعلي رأي ابوها معندوش كبير... ولا بيعمل اعتبار لحد ولا بيهمه حد ...

ادهم اتأكد انه خسر ليلي بطلبه الجواز منها وعرف ان ماضيه وصمه عار هتفضل علي طول ملازماه ومفيش واحده هتقبل واحد بمواصفاته

اسبوع عدي وهما الاتنين بعيد عن بعض كل واحد في افكاره الخاصه ادهم نايم في شقته علي كنبته المعهوده وصحي علي جرس الباب بص في ساعته كانت ٧ الصبح ، قلبه دق... ممكن تكون هيا؟؟؟ عمر ما حد جاله في الوقت ده غيرها... هيا او ابوها... اي حاجه من ريحتها قام فتح بسرعه وفعلا كانت هيا قدامه

ليلي: فاكرني ولا نسيتي؟؟؟ كل ده علشان قولتلك افكر... ما سألتنيش عايزه تفكري في ايه؟ او خايفه من ايه؟ افترضت افتراضاتك وسيبتيني ومشيت... ونسيتي صح؟ نسيتني

ادهم ما سمعش ولا كلمه وما ردش عليها بس شالها وحضنها حاول يسيطر علي اعصابه او يسمعها او يتكلم معاها الاول بس كانت وحشاه قوي... كل جزء جواه كان بيطلبها هيا وبس فضل شالها وحاضنها كتير وهيا بتعيط في حضنه وضماه قوي وكانها لو سابته ممكن يختفي او يضيع من قدامها ادهم: بس بقي كفايه عياط كفايه يا ليلي ليلي: سيبتني ليه؟

ادهم: کنتي عايزه وقت تقرر في فيه بتحبيني ولا لأ؟؟ وانا عطيتك الوقت ده

ليلي: انا بعشقتك مش بحبك

ادهم: لو بتعشقينني زي ما بتقولي مش هتترددني توافقي تعيشي معايا؟؟؟ بس

انتي عايزه تفكري... تفكري اذا كنتي بتحبيني كفايه ولا لأ؟؟

ليلي: لا طبعا يا غبي انا بعشقتك وبموت فيك انا بس خايفه... خايفه تكون انت

ما بتحبينيش... خايفه يكون الجواز مجرد طريقه توصلي بها مش اكثر... خايفه

يكون مجرد انهيار او طريقه او وسيله تقضي معايا وقت وتسيبني بعدها وانت

لو سيبتيني محدش هيقدر يوصلك او يلومك

ادهم رجع لوري: فهمتك خلاص ...

ليلي: رجعت لوري ليه؟ وفهمت ايه؟

ادهم: فهمت خايفه من ايه؟ بس للاسف يا ليلي خوفك ده مش بايدني امنعه

او انهيه؟؟

ليلي: ادهم فهمت ايه؟ قولي؟؟

ادهم: خايفه من الماضي بتاعي... راجل مالوش حد.. متربي في ملجأ.. مالوش

كبير.. عرف بنات كتير ونام مع اكثر... وانا ظهرتله ومختلفه فمممكن يبقي عايز

يتجوزني لمجرد انه يوصلي مش اكثر.. يومين يقضيم يتبسط ويمشي ولو مشي؟

مالوش كبير نقدر نجيبه بيه ولا له حد نلومه... وبشغله ومكانته محدش

هيقدر يجيب حق ولا باطل معاه... هعمل ايه لو زهق ومشي؟؟ هروح لمين

واشتكيه لمين وهو لا اهل ولا كبير؟؟ مين يضمنلي حقوقي معاه وهو راجل

محدش يقدر يقف قصاده؟؟؟ صح كده يا ليلي؟؟ مش انا فاهم صح؟؟ نفس

منطق ابوكي؟؟؟ علشان كده قولتلك مش بايدني اعالج خوفك ده؟

ليلي: لا بايدك يا ادهم

ادهم: ازاي؟ لا اقدر اغير ماضيا ولا اقدر اشتري اهل ولا اشتري كبير ولا اقدر

اغير حقيقه اني عشت في ملجأ ...

ليلي: وانا كل ده ما يهمنيش

ادهم: امال ايه اللي يهملك يا ليلي؟؟؟ معنديش غير قلبي وسلمتهولك.... ايه

الضمان اللي اقدر اقدمهولك؟؟؟

ليلي: ثقتك فيا.... مش عايزه غيرها.... ثقتك بس

ادهم: انا قولتلك اني بثق فيكي والا مكنتش هطلب اعيش معاكي

ليلي: مش كفايه... ثقتك اني ابقى شريكك في كل حاجه... كل حاجه يا ادهم..

ماضيك وحاضرك ومستقبلك

ادهم: انتي صعبه ليه كده؟

ليلي: انا بحبك اكثر من روجي حتي وعارفه ان خوفي منك واجعك لانه واجعني

انا كمان... والماضي مش بايدينا نغيره يبقي نتعايش معاه... لازم تبقي كتاب

مفتوح قدامي

ادهم: عشت في ملجأ ده ماضيا

ليلي: وقبل الملجأ كنت فين؟ ليه بتكره الستات؟؟ مين كرهك فيهم؟؟ ليه علامه

الاستفهام الكبيره قوي دي؟؟

ادهم: اقبليني زي ما انا

ليلي: قبلاك زي ما انت... بس لازم ابقى عارفه انا بقبل ايه؟

ادهم: هعمل زيك واقولك محتاج وقت

ليلي قامت ومسكت شنطتها

ليلي: خد الوقت اللي محتاجه وتعال لما تكون مستعد

ادهم: هتسيبيني تاني يا ليلي؟

ليلي: انت مش مستعد لحد يشاركك

ادهم قعد مكانه وحط راسه بين ايديه واستسلم انها تمشي وتسيبه وهيا فعلا

مشيت خطوتين ورجعت مهانش عليها تسببه كده... هيا حساه بيتوجع وحاسه
 بألمه ومش قادره تسببه كده؟؟؟؟ رجعت تاني
 ليلى: ليه مش عايز تفتحي قلبك؟؟ ليه مش عايز تشاركني اسرارك؟؟ ليه يا
 ادهم؟ مش واثق فيا ليه؟
 ادهم: الموضوع مالوش دعوه بالثقه... عايزاني اقولك ايه يا ليلى.... اقولك ان
 امي كانت عايره!!!
 ليلى اتصدمت وبصته
 ادهم: اتصدمتي؟؟ كانت بتخون ابويا... كانت بتجيب عشيقها البيت كل ما
 ابويا يسافر....
 ليلى: وعلشانها كرهت الستات كلهم؟؟
 ادهم: كرهت كل الستات وعلشان كده بنتقم من كل واحده اشوفها... هيا
 باعث ابنها او قتلته علشان متعتها وعلشان كده بتمتع بكل واحده وارمها
 بعدها
 عمري ما نمت مع واحده مرتين ابداء... وعمري ما بوست واحده ابداء... ابداء....
 ليلى: ازاي بتنام معاهم من غير ما تبوسهم
 ادهم: ليلى انا كنت بمارس معاهم متعه رخيصه فاهمه؟ ولو بوست واحده
 يبقي لازم يكون في مشاعر او احساسيس.... لكن مفيش فهبوسها ليه؟ مفيش
 واحده تستاهل اني ابوسها....
 ليلى: وبعدين كامل عملت ايه؟
 ادهم: وبعد ما ابويا مات.. قررت ان انا كمان لازم اموت معاه
 ليلى مسكت ايده وبصته بحب ومسكت وشه بايدها الاتنين
 ليلى: انت كنت خايف تقولي اعايرك؟؟؟ انا بحبك انت.. وماضيك ده مش فارق
 معايا ابداء بس محتاجه اشاركك فيه مش اكثر

ادهم: كنا بيت جميل عايش فيه ابويا وامي واخواتي
ليلي: انت عندك اخوات؟

ادهم: ولد و بنت اصغر مني الاتنين انا كنت الكبير
كنت انا وابويا علاقتنا خاصه جدا كنا اتنين اصحاب مش اب وابنه
ولاحظت انه لما بيسافر امي بتغيب كثير وبتسيبنا مع الخدم وبعدها بقت
تجيب عشيقها البيت وتاخده معاها اوضه النوم وكذا مره اشوفهم مع بعض
هددتها اني هقول لابويا وبعدها بطلت تجيبه لانها لاحظت اني كبرت وبقيت
بفهم فوعدتني انها مش هتجيبه تاني
وفي يوم قالت ابوك مات عمل حادثه ومات واتعملت جنازه كبيره
وبعدها بفره بسيطه عشيقها رجع تاني وبقي موجود علي طول وبقي يضايقني
ليلي: كان عندك كام سنه؟؟

ادهم: ١١ سنه... طلب مني اني اتقبل وجوده وانه هيكونلي اب بس انا ما
تقبلتوش ابدًا ، بس بعدها امي كمان هددتني... بعدت عنه خالص وبطلت
اضايقه وتقبلت وجوده في البيت بس امي ما تقبلتنيش ابدًا ، ركزت مع اخواتي
وبس وفي مدرستي
وفي يوم
ادهم سكت واتنهد

ليلي: ادهم ده مجرد ماضي مش حاضر... ماضي وانتهي... كمل ايه اللي
حصل؟؟

ادهم: امي طلبت مني اروح معاها نزور قبر ابويا ورحنا مع بعض... طول
الطريق وهيا ساكنه وبتبصلي... كنت حاسس انها ناويه علي حاجه بس ما
تخيلتس ابدًا انها تعمل اللي عملته ده
ليلي: عملت ايه؟

ادهم سكت وليلي اخدته في حضنها وضمته لانها حست انه خايف... وانه لسه
عايش في الماضي

ادهم: روحنا المقابر نزوره والراجل اللي هناك فتحلنا اوضه فيها مقابر كثير
ودخلنا وبعد ما دخلنا لمحتها بتديله فلوس.. رزمه كبيره... عرفت بعد كده
الفلوس دي ليه؟؟؟ وقفنا جنب قبر قالتلي ان ده بتاع ابويا وقالتلي اقراله
الفاتحه وقربتها وبعدها لاحظت انها بتبعد وواقفه جنب الباب... فجزيت
علشان الحقمها بس ملحقتش ...

ليلي: عملت ايه؟ اوعي تكون قفلت عليك؟؟؟

ادهم: قفلت عليا وسابتني ومشيت

ليلي: وبعدين؟ عملت ايه؟ انت كنت مجرد عيل

ادهم: انا كنت مجرد عيل.... خفت.. صرخت.. بكيت... خوف مالوش اول من
اخر.... الليل جه والدنيا كانت ظلمه وفي وسط مقابر.... مكنش بايدني حاجه
اعملها كنت بعيط وبس.... يوم اتنين وخلص بطلت اعيط وبطلت اصرخ
وروح للقبر اللي قالت عليه انه بتاع ابويا ونمت عليه واستسلمت اني اموت
معاه ، الوقت اللي قضيته هناك لسه فاكره لحظه لحظه وثانيه ثانيه.... نوبه
الخوف اللي انتي قولتي عليها كنت عايش في القبر ده... حسيت انه اتقفل عليا
فيه تاني... مكنتش قادر اتنفس... مكنش في هوا اتنفسه اصلا.... امك بحنيتها
فكرتني بامي وجبروتها... امي حبستني في قبر علشان اموت مع ابويا... حرمتني
من ابسط حقوقني وهو مجرد اني اعيش

ليلي: وبعدين خرجت ازاي؟؟

ادهم: ناس كانوا جاين يدفنوا حد واتفاجؤا بيا كان مغبي عليا طبعا ودوني
مستشفي وفضلت هناك يومين مش بتكلم نهائي ، حاولو يعرفوا مني انا مين؟
او مين حبسني؟ او اسمي ايه؟ هدومي شكلها نظيف وشكلي ابن ناس فاهتموا

راحت مش هترجع تاني... دخلت كليه الشرطه واتخرجت ولاني مكنتش بخاف
من اي حاجه رشحوني ادخل الكوماندوز ورحت ومنها للمخابرات ..
كنت كاره كل حاجه حواليا جوايا غيظ وكره حركوني.. اتعلمت اقتل وقتلت
وبدم بارد زي ما بيقولوا واكتشفت ساعتها اني لو مكنتش ظابط كنت هبقي
مجرم ومجرم سفاح محدش هيقدر عليه... وهما كمان عرفوا كده وعلشان
كده اي مهمه مستحيله او محدش يقبل بيها كانوا بيدهوالي انا لانهم عارفين ان
الموت بيخاف من اللي يتمناه ومن مهمه للتانيه عملت اسمي ده اللي اخوكي
حالك عنه.... بس يا ليلي كده انتي عرفتي كل حاجه عني.... محدش في الدنيا
دي كلها يعرف اي حاجه عني غيرك

ليلي: واصحابك؟؟ اكرم وعلاء ومحمد؟؟؟

ادهم: ليلي محدش في الكون كله يعرف حاجه عني غيرك..... واتمني ان الوضع
يفضل كده... مش عايز حد يعرف حاجه عني.... انتي طلبتي دليل لثقتي وانا
ادتهولك اعتقد كده انا بقيت كتاب مفتوح قدامك مفيش كبيره او صغيره ما
تعرفهاش عني

ليلي: طيب بابا وماما؟؟؟؟

ادهم: ليلي!!! انتي طلبتي وانا نفذت طلبك بس ده بيني وبينك انتي.... انتي
هتشاركيني حياتي ده لو وافقتي مش هما؟؟؟ ارجوكي ما تخلينيش اندم اني
فتحتلك قلبي؟؟؟؟

ليلي: محدش هيعرف حاجه عنك انت في امان معايا
ادهم فضل في حضنها كتير وهيا بتحاول ما تعيطش قدامه بس اللي حصله
فوق طاقه اي بشر يقدر يتحملة

ليلي: ادهم حبيبي انا لازم امشي انا اتأخرت قوي؟؟

ادهم اتعدل: روجي

ليلي: هجيلك الصبح ان شاءالله بعد النبطشيه وقبل ما اروح زي النهارده
ادهم: هستناكي

ليلي روجت وطول الطريق تعيط من قسوه امه
راحت بيتها وقالت لامها انها موافقه تتجوز ادهم بس الموضوع وقت مش اكرت
في مره ليلي بتكلم ادهم كان بره
ليلي: ما تعدي عليا؟
ادهم: لا مش هينفع معزوم علي العشا
ليلي: مع مين؟
ادهم: وانتي مالك؟
ليلي: بقي كده ماشي طب انا زعلانه
ادهم: زعلانه علشان معزوم علي العشا!!! خلاص يا ستي مش هروح
ليلي: لا مش علشان معزوم علشان مش عايز تقولي مع مين هتتعشي؟؟
ادهم: ماهو هيكون مين يعني؟ اكيد زمايلي؟ اكرم ومحمد وعلاء... دي اول مره
هنتجمع بعد ما اتجوزوا
ليلي: طيب احي معاكم ايه رأيك؟
ادهم: ياريت اعدي عليكي... هاه؟
ليلي: لا مش هينفع انا بهزر عندي عمليه بعد نص ساعه.... هيا زايد بسيله
بس هعملها سولو... ودي اول مره ادخل عمليه سولو
ادهم: طيب كويس... طيب مش المفروض تذاكري؟ تراجعني؟ عملي اي منظر
كده؟
ليلي: ماهو انا بعمل كده بس كنت متوتره فقلت اكلمك واسمع صوتك

ادهم: متوتره ليه ما انتي اكيد شفتي العمليه دي كتير قبل كده... ما تتردديش
وما تخافيش وما تفكرينش هتعملي ايه سيبك عقلك يسترجع اللي شافه وانتي
هتلاقي نفسك ماشيه مضبوط المهم خليكي واثقه من نفسك ومن قدراتك
ليلي: خلاص ماشي هكلمك اول ما اخلص ماشي؟

ادهم: مستني تليفونك يا قمر
ادهم راح لاصحابه كانوا متجمعين وكله بهزر اتعشوا وقاعدين في قعده
ضحك هزار، علاء الوحيد اللي يعرف بوجود ليلي بس برضه ما يعرفش انهم
كملوا مع بعض

ادهم: هو انتي مش هتولدي بقي يا رقيه حاسس انك من زمان قوي حامل...
انتي داخله علي السنه اهوه؟؟

رقيه: صح؟ انا عندي نفس الاحساس ده وبقول لمحمد اروح اولد مش راضي
يقولي نستني

محمد: يعني ما يחדش حقه ليه وينزل براحته؟؟ يعني ننزله ناقص ونجري علي
الحضانات؟؟؟

علاء: خدي رأي كذا دكتور وشوفي يقولولك ايه؟
(بص لادهم) ما تسألها ليلي؟

كلهم بصوا لادهم وعلاء نسي ان محدش يعرف بليلي
ادهم بيبصله

علاء: سوري يا ادهم طلعت مني تلقائيه
ادهم: انت علي طول الكلام بيطلع بتلقائيه... زي المتطفله الغلسه صح؟ انت
الكلام بيقع من بوقك

مني: مين بقي المتطفله الغلسه؟

محمد: اوعي يكون قصدكم علي البت اللي دقت بابك الصبح تدور على اخوها؟؟

اكرم: هيا دي يا ادهم؟؟ اخوها اسمه مصطفى تقريبا وادهم طرده ورجعوا
يستسمحوه يرجعه...

رقية: بجد وبعدين ايه اللي حصل؟

علاء: هيا الدكتوراه اللي خميس كان بيهدد ادهم بيها فاكرين؟؟

اكرم: علشان كده بقي فرقعت رقبه الراجل؟؟

رقية: ما استحملش بقي يا جماعه

علاء: ولما اتعور في فرحك يا اكرم... هيا اللي عرفت بيه ولحقته واخذته

المستشفى وفضلت جنبه وحتى لما ساب المستشفى فضلت برضه جنبه...

وصاحبك كان بيسخن ويخرف واول ما يخرف يفضل ينادي عليها ينادي عليها

وبعدها يقولك مبحهاش عادي؟

ادهم قاعد في كرسية ومربع ايديه وبيتفرج علي الحوار اللي داير بينهم كلهم

وساكت تماما

علاء اخد باله ان ادهم ساكت فبصله

علاء: هو انا زودتها حبتين؟؟؟؟ زودتها صح؟ طيب يا جماعه انا افتكرت

مشوار مهم ويدوب

جه يقوم ادهم مسكه من قفاه

ادهم: اترزع اقعده رايح فين؟ انا عارف اصلا ان انت بالذات ما بتعرفش تسكت

وبعدين كده كده كنت ناوي اقولهم لاني عايز اعرفها بيكم

رقية: يبقي الموضوع جدي بقي؟

ادهم: هو انتي شوفتيني قبل كده في اي علاقه؟ جديه او مش جديه؟؟؟

رقية اتلخبطت: مش علاقه بس يعني.... يعني انت معروف انك

ادهم: اني بسهر في الكباريات كتير وليا علاقات نسائية كتير... مش ده اللي

انتي عايزه تقوليه؟؟؟ سوري في الكلمه بس ده كانت علاقات ليله مش اكر

مفيش واحده حتي عرفت اسمها يعني ما تتسماش علاقه اصلا

مني: وليلي عارفه ده يا ادهم؟

ادهم: ليلي عارفه كل حاجه عني ايوه

علاء: انتو علي كده بقي اتصالحتو وكملتو؟؟؟

ادهم: ايوه اتصالحنا وكملنا

رقيه: طيب ما كنت جبتها النهارده نتعرف عليها؟؟؟

ادهم: عندها نبطشيه الليله والنهارده اول مره تدخل العمليات لوحدها... اول

عمليه لها سولو... والمفروض لما تخلص تكلمني وما كلمتنيش لسه فات

ساعتين اهوه

مني: علشان كده بتبص في الساعه كل شويه.... طيب اتصل بيها انت

ادهم: لا مش عايز اوترها او اتصل في وقت ما يبقاش مناسب... هيا اول ما

تلاقي فرصه هتكلمني

علاء: انت علي كده ناوي تتجوزها؟؟؟

ادهم: لأ ناوي العب معاها كوتشينه

كلهم بيضحكوا عليه وتليفون ادهم رن فالكل بيصله

ادهم: هيا بعد اذنكم

قام وقف وبعد

علاء: طيب انت بتقوم بعيد ليه ما تتكلم هنا؟

ادهم: وانت مال اهلك انت... انت بارد صح؟

ليلي طمنت ادهم وكانت الفرحة مش سايعاها وبتتكلم كثير جدا وادهم

مبسوط بفرحتها دي ومتحمس معاها

وحاسس انه فخور بيها جدا

ادهم بيتكلم لاحظ ان رقيه جايه عليه واستغرب

ادهم: في حاجه؟

رقيه: عايزه اكلها ينفع؟؟

ادهم: تقوليلها ايه؟

ليلي: مين دي اللي عايزه تكلمني؟

ادهم: استني انتي لحظه

رقيه: ما تجيب التليفون اكلها ايه؟ هاكلها؟

رقيه شددت من ادهم التليفون

رقيه: سلام عليكم ازيك يا جميل انا رقيه مرات محمد

ليلي: اه اهلا بيكي عارفاكي طبعا... عارفاكم كلكم بالاسم

رقيه: لحظه يا ليلي كده (بصت لادهم) انت هتفضل واقفلي كده؟ ما تروح كده

ولا كده عايزه اتكلم معاها براحتي... هيا مش هتطير ابقلي كلمها تاني بعدين

ليلي بتضحك وادهم راح لاصحابه

ادهم: ما تلم مراتك جنبك

محمد: ما قولتلهاش لأ ليه؟

ادهم: هيا اديتني فرصه اصلا؟ انا مره واحده ملقتش التليفون في ايدي

محمد: وعايزني انا اجيبلك تليفونك صح؟ انسي

ادهم: مش مراتك؟

محمد: بقولك ايه بلا مراتي بلا مش مراتي عايز تليفونك قوم جيبه.... مراتي

حامل وروحها في مناخيرها اصلا

ادهم: مش قد النيله بتتنيلوا ليه؟

محمد: بكره تتنيل زينا ...

ادهم: لا انا مش هتنيل زيكم

محمد: مش حبيت يبقي هتنيل قوله حاجه يا اكرم

اكرم: مستعجل ليه؟ بكره يتنيل ويعرف لوحده
 ادهم: مهبهههه هو انت لحقت تتنيل... مراتك راحت فين؟
 اكرم: بتكلم في ليلي اعتقد
 ادهم: كده يبقي انا لازم اقوم اجيب التليفون بعد اذنكم
 ادهم قام ومن غير مقدمات شد التليفون واخده
 ادهم: كل واحده تشوف جوزها فين يالا.... رقمها هديهولكم ابقوا كلموها
 بعدين يالا انصرفوا
 ادهم اخذ التليفون وببتمشي يكلمها لحد ما خلص
 لمح فستان في فاترينه عجبه قوي راح داخل المحل
 وطلب الفستان وكان غالي بس عاجبه قوي
 اتفاجئ ادهم بالشله كلها وراه
 رقيه: واو تحفه يا ادهم... بس مش ضيق قوي؟
 ادهم: تفتكري؟؟؟ بس هيا مش مليانه هيا رقيه
 مني: هيا ارفع مني؟؟ الفستان ده ما يلبسنيش
 ادهم: هو انتي بتعتبري نفسك رقيه؟؟
 اكرم ضحك ومراته بصتله فسكت
 ادهم: يا لهووووووي نظره سكتته هو ايه اللي بيجري يا جدعان!!؟؟
 ادهم: هاخده لو سمحتي لفيه بطريقه شيك
 رقيه: انا عايزه زيه ماليش دعوه
 محمد: اولدي بس الاول وانا اجيبلك احلي منه
 اكرم: ربنا يسامحك
 ادهم: حد قالكم تعالوا ورايا

ادهم رَوَّح وكلم ليلى واتقابلوا الصبح
 ادهم: انا جايبلك هديه ممكن تقبلها؟؟
 ليلى: بجد ايه؟
 ادهم: اهي اتفضلي
 ليلى: فيها ايه العلبه دي؟
 ادهم: افتحها
 ليلى فتحتها وعجبا جدا الفستان: تحفه تحفه تحفه
 بجد حلو قوي
 ادهم: كويس انه عجبك يارب بقي يطلع مضبوط
 ليلى: اعتقد اه ده مقاسي بس
 ادهم: بس ايه؟
 ليلى: الفستان شكله غالي قوي
 ادهم: وايه المشكله؟
 ليلى: هقولهم جبت فلوسه منين؟ وما اقدرش اطلب مبلغ زي ده من بابا علشان
 فستان
 ادهم: وبعدين؟ ايه الحل؟ مش عيزاه؟؟
 ليلى: لا طبعا عيزاه... طيب انا عندي فكره
 ادهم: قولي
 ليلى: انت اديه لمصطفي
 ادهم: نعم؟؟؟ ا قوله ايه؟ خد ده لاختك؟؟ ا قوله ايه؟ انتي اتهيلتي؟؟؟
 ليلى: لا ما اتهيلتش... هتقوله اه خد ده لاختك
 ادهم: بمناسبه ايه بقي؟
 ليلى: رد جميل

ادهم: جميل ايه بقي؟

ليلي: اللي حصل في الفرح.... فستاني باظ بسببك وانا اللي لحقتك واخذتك
المستشفى وفضلت معاك لحد ما وقفت علي رجلك وده تقدير منك

ادهم: انتي شايفه ان كلامك ده منطقي؟؟؟

ليلي: اه جرب بس

ادهم: اجرب؟؟؟

ليلي: علشان خاطري عايزه الفستان ده وعايزه البسه واقول للكل ان انت
جايهولي علشان خاطري

ادهم: حاضر يا ليلي علشان خاطرك

ادهم راح شغله ومعاه الفستان ومش عارف كلام ليلي منطقي ولا مجنون
وفي الاخرقرر يجرب فاستدعي مصطفى في مكتبه

سلم عليه وفضل يسأله اسئله كتير ملهاش علاقه ببعض
مصطفى: هو حضرتك عايز حاجه مني؟

ادهم اخيرا خرج عليه الفستان

ادهم: اتفضل

مصطفى باستغراب: ايه ده؟

ادهم: فستان

مصطفى: افندم؟ ليا؟؟؟

ادهم: انت اهيل ولا ايه؟ لا مش ليك؟ انا هجيبلك فستان ليه؟ لاختك
الدكتورة

مصطفى: ليه؟؟؟

ادهم: في فرح اكرم اختك كانت لابسه فستان جميل وشكله غالي وطبعاً
الفستان باظ واتهدل وهيا قطعته علشان توقف التزيف بتاعي ده غير وقفها

جنبي هيا ووالدتك وده اقل شئ ممكن اقدمهولها... وبعدين ساعتها انا فاكر
 اني قتلها ان فستانها باظ وهيا قالت لما افوق اجيبها غيره بس
 مصطفى: هيا مكنتش تقصد ان حضرتك تجيب بجد
 ادهم: بقولك ايه انا جبته وخلص اتفضله بقي... انا ما بحبش حد يكون له
 جمایل عليا... فستانها باظ ده غيره اتفضل بقي وروح يالا علي شغلك
 ادهم زعقله ومصطفي اخده وجري بره
 كلم ليلى وبلغها انه عطى الفستان لاخوها
 مصطفى روح بيتهم وعطى الفستان لامه وابوه وليلى وحكالهم اللي حصل
 ناديه: واد بيفهم
 ليلى ما اتكلمتش بس فتحت العلبه وطلعت الفستان
 ليلى: زوقه مش بطلال
 ناديه: يا بنتي الفستان تحفه قسيه
 عم محمد: تقيس ايه؟ وهو يجيبها فستان ليه؟ دي دكتوراه وقامت بشغلها وبس
 ولا اكثر ولا اقل
 لفيه في علبته
 ليلى: حضرتك ناوي علي ايه؟
 عم محمد: هرجعهوله طبعا
 ليلى: بس عاجبني
 عم محمد: خدي فلوس وروحي اشترى غيره
 مصطفى: انت عارف تمنه؟؟ مكتوب عليه ١٠٥٠٠ عشره الاف جنيه
 عم محمد: وفيها ايه؟ هو هيشترينا بفلوسه؟؟ لفي الفستان زي ما كان
 ليلى زعلت وابوها ما قبلش اي كلام منها او من امها
 كلمت ادهم وقالتله اللي حصل وقالها انه كان متوقع ده من ابوها بس سابها

براحتها تجرب

ادهم الصبح بابه خبط وقام يفتح وهو عارف مين

عم محمد: ممكن ادخل؟

ادهم: طبعا اتفضل

عم محمد: انا جاي بخصوص ده

طلع الفستان بعلبته وحطه علي التريزه

ادهم: حضرتك مرجعه ليه؟

عم محمد: ونقبله ليه؟ ليلي دكتوراه وده شغلها ولا اكرت ولا اقل وبعدين احنا ما

بنقبلش العوض

ادهم: ده مش عوض

عم محمد: امال ده ايه؟ مش فستان بدل الفستان اللي باظ؟؟ يبقي اسمه ايه

ده؟ روح رجع الفستان او اديه لحد يهيمك لكن احنا لأ....

عم محمد كان قايم يمشي بس وقف وبص لادهم

عم محمد: مش معني انا جيتلك وطلبت منك ترجع ابني معاك انا متقبلك؟ لا انا

رأيي فيك زي ماهو ولو اقدر مش هخليلك اي وجود في حياتنا فلو سمحت

خليلك بعيد ومش معني ان مراتي زارتك في المستشفى او بنتي عالجتك ان احنا

نبقي متقبلينك لأ

انت مجرد واحد يتيم صععب علي مراتي فحبت تقوم بالواجب مش اكرت وبنتي

ده شغلها... وبعدين متنساش دي عالجت المجرم اللي انت قبضت عليه

وصععب عليها

ادهم: انت عايز تقول ايه؟

عم محمد: ما تديش لنفسك حجم اكبر من حجمك

ادهم: طول عمري عارف حجم نفسي كويس واسف لو ده ضايقك... اهوه

ادهم مسك الفستان ورماه في الزباله
ادهم: اسف مره تانيه ومنتشكر انك عرفتي حجم نفسي
ابو ليلى مشي وندم علي كلامه... عمره ما كان كده ابدأ... عمره ما كان قليل
الذوق ابدأ بس دي بنته ولازم يحمها باي ثمن
ليلى راحت لادهم وهيا متوقعه حالته
ليلى: اسفه لو كان بابا ضايقك
ادهم: ليلى ابوكي مش هيوافق علي ارتباطنا ابدأ
ليلى: سيب ابويا ليا المهم انت خليك بس معايا وما تسيبنيش
ادهم: وهو انا اقدر اسيبك اصلاً
ليلى مش عارفه ازاي تفتح ابوها واستمرت علاقتها بادهم في السر
ادهم كان بيستني معادها بالعافيه وفي مره جهز فطار ومستنيها وهيا جت
وفطروا مع بعض
ادهم: اعمليلنا قهوه بقي
ليلى: لأ هعمل نسكافيه نشربه مع بعض
ادهم: قهوه
ليلى: نسكافيه علشان خاطري
ادهم: طالما خاطرک يبقي نمشها نسكافيه
ليلى عملته وديما من عاداتها ترسم قلب علي وش الكوبايه بطريقه معينه
ادهم: اممم شكله وريحته حلوه... تسلم ايدك
ادهم وليلى بهزروا ويدوب ادهم هيشرب الباب خبط واستغرب لان محدش
بيجيله بدري
ادهم: غريبه... انتي وهنا
ليلى: تلاقي حد من البنات اللي بتعرفهم

ادهم: نعم؟؟؟ قولتلك مفيش بنت دخلت هنا قبلك نهائي... ثواني هشوف مين
ادهم قام والكوبايه في ايده وفتح الباب واتفاجئ بمصطفي قدامه
ادهم: مصطفي؟؟؟؟

ادهم فتح الباب لقي مصطفي في وشه

ادهم: مصطفي؟؟؟ خير؟

ليلي اول ما سمعت اسم اخوها قعدت في الارض وقلبيها هيقف من الخوف
ومش عارفه تعمل ايه او تتصرف ازاي او هاتقول لاخوها ايه؟

مصطفي: انا كنت جاي اعتذر لحضرتك علي اللي بابا عمله او قاله... احنا
مغلسين عليك جدا فانا جاي اتأسفلك

ادهم واقف في الباب وقافله بحيث انه ما يشفش اللي جوه ومصطفي لاحظ
انه واقف في الباب ومتوتر

ادهم: لا عادي الموضوع مش في بالي

مصطفي لمح كوبايه النسكافيه في ايده

مصطفي: حضرتك ما بتشربش نسكافيه حضرتك بتشرب قهوه

ادهم: انت مالك بشرب وما بشربش ايه؟ انت عايز حاجه تاني؟

مصطفي: هو في حد مع حضرتك هنا؟؟؟

مصطفي بيحاول يبص جوه فادهم قفل الباب وهو واقف معاه وايده حاططها
في الباب

ادهم: اعتقد ان ده شئ ما يخصكش ولا ايه؟ انت جاي تعتذر ولا تطفل؟؟؟

مصطفي: لا اسف بعد اذنك

مصطفي نزل وادهم دخل بسرعه بيلم حاجه ليلي

ليلي: في ايه؟ شك في حاجه؟

ادهم: ايوه قومي بسرعه

ليلي: طيب هننزل ازاي؟

ادهم: من الباب الوراني يالا بسرعه

ليلي: هو في باب وراني؟؟؟

ادهم اخدها ونزلوا جري ووقف تاكسي وركبها

ليلي: انت مش جاي؟؟

ادهم: لأ لانه هيرجع تاني ومش بعيد يكون فوق دلوقتي هكلمك سلام

ادهم طلع جري شقته بنظره سريعه للمكان

اخذ كوبايه ليلي وغسلها ومحي اي اثر لهما وكأنه هو بيغفر لوحده ولحظات

والباب رن تاني وفتح لقاءه مصطفي

ادهم: نعم

مصطفي: ليلي اختي هنا صح؟

ادهم: هو انا تقريبا كده ما ورايش غير عيلتكم صح؟ لمجرد اني مرضيتش

ادخلك يبقي اختك هنا صح؟

مصطفي: لا مش لمجرد انك ما دخلتنيش.... انت علمتنا نجمع واحد زائد واحد

ادهم: وجمعت؟؟؟ جمعت ايه بقي؟

مصطفي: علمتنا في نظره واحده نلاحظ كل حاجه... انت بتشرب قهوه... معاك

نسكافيه.... عليه رسمه من فوق ديما اختي بتعملهاالي.... قافل الباب.... مش

عايزني ادخل... كل ده بيقول ان في حد معاك والحد ده اختي صح؟

ادهم: برافو عليك... كويس انك اتعلمت كل ده... اتفضل هات اختك من جوه

ادهم فتحله الباب ومصطفي دخل زي المجنون

الصاله مفيش.... المطبخ فاضي... دخل اوضه النوم جري بس السيرير مترتب

ومحدث لمسه... فتح الحمام مفيش...

خرج بره كان ادهم قاعد بيكمل فطاره ويشرب النسكافيه ولغي ملامح الرسمه

اللي علي الوش

ادهم: اقعد افطر

مصطفى: حضرتك عامل الفطار ده بنفسك والنسكافيه؟؟؟

ادهم: لأ اختك حضرتهولي وطارت من السقف

مصطفى: انا اسف بس دي اختي

ادهم: عارف ان دي اختك وعلشان كده لما لقيتك مجنون قوي قلتك ادخل

بنفسك... واه يا سيدي انا بعمل الاكل بنفسي... لما تعيش لوحدهك سنين طويله

لازم تتعلم تعمل كل حاجه لنفسك... طبعاً انت ما تعرفش تعمل حاجه

لنفسك لانك معتمد علي والدتك واختك؟؟؟

بس بما انك فتحت موضوع اختك.... انا عايز اتكلم معاك اقعد ...

مصطفى: خير اتفضل

ادهم: الاول تشرب ايه؟

مصطفى: نفس اللي بتشربه بنفس الرسمه

ادهم بصله وهو رد بصته بتحدي

ادهم: ماشي وماله

ادهم قام ودخل المطبخ وبدا يعمل النسكافيه بنفس الطريقه اللي ليلي كانت

بتعملها ومصطفى مراقبه وقعد علي البار قصاده يتابعه

ادهم: سكرك ايه؟

مصطفى: معلقتين

ادهم عمله النسكافيه وعطاهوله

مصطفى: نسيت الرسمه

ادهم بصله: سوري هات

ادهم اخده وطلع الوش اللي ليلي حطت بيه مرسوم عليه القلب ورش شويه

نسكافيه علي وش الكوبايه وطبع القلب

ادهم: اتفضل يا حبيبي

مصطفي بصله: حبيبي؟؟؟

ادهم: مش عاملك نسكافيه وعليه قلب تبقي حبيبي ولا ايه؟

مصطفي: المهم حضرتك كنت عايز تكلمني بخصوص اختي؟

ادهم: ناولني الاول كوبايتي اللي بردت دي

مصطفي ناولهاله: لو عايز كوبايتي معنديش مانع؟

ادهم: لا طبعا بعد ما رسمتلك القلب!!! انت بتقول ايه؟

المهم بما اني ما بحبش اللف والدوران فهدخل في الموضوع دايركت علي طول

مصطفي: اتفضل

ادهم: انا عايز اتجوز اختك ...

مصطفي: افندم؟؟؟

ادهم: انت اكيد سمعت كويس... افندم دي بقي معناها ايه؟

مصطفي: اصل حضرتك ما تعرفهاش ده غير فرق السن بينكم غير اعتبارات

تانيه كتير

ادهم: واحده واحده.... انا اعرف اختك من ساعت ما عرفتك انت... تعاملت

معها كتير جدا وانت عارف ده كويس... سواء لما بنت الوزير كانت مخطوفه

او لما خميس كان محبوس او ريفانا او انا نفسي لما اتعورت... فمن جهه المعرفه

فانا اعرفها كفايه... اما بقي من جهه السن فامعتقدش ان الفرق بينا كتير...

اختك مخلصه طب يعني علي الاقل خلصته ٢٥ سنه ومنتخرجه من سنه يعني

حاليا هيا ٢٦ سنه وانا عندي ٣٢ فما اعتقدش ان ٦ سنين فرق كبير اعتقد انه

مثالي

مصطفي: انت عندك ٣٢ سنه؟؟؟

ادهم: اه تخيل.... مالك مستغرب ليه؟

مصطفي: ووصلت لمستواك ده ازاي وانت صغير كده؟؟؟

ادهم: ظروف وترقيات استثنائية

مصطفي: اصحابك عدوا ال ٣٥

ادهم: انا عايز افهم ايه علاقه اصحابي باني عايز اتجوز اختك؟؟؟

مصطفي: مالوش بس مجرد فضول... المهم هشوف العيله واختي وارد علي

حضرتك... متشكر علي النسكافيه واسف علي الازعاج نهارك ابيض

مصطفي مشي وادهم كلم ليلي يظمن عليا انها وصلت وبلغها بالي حصل

وقالها انه قال لاخوها انه عايز يتجوزها

ليلي: ليه يا ادهم قولتله ليه؟

ادهم: معدش ينفع نخبي يا ليلي اكر من كده.... مش هينفع يا ليلي نستمر

كده.... الوضع ده غلط وغلط جدا كمان.... ولو اخوكي كان شافك النهارده

كانت هتكون مصيبه وعمره ما كان هيصدق ان علاقتنا بريئه وكان هيضمك

لي كنت اعرفهم قبل كده وبعدين هو مش مصدق اصلا انك مكنتيش هنا...

ليلي ده طلب مني اعمله نسكافيه وبنفس الرسمه.... ليلي اخوكي مش غبي

وبعدين ده تلميذي يعني انا علمته ازاي يربط الخيوط ببعض ...

ليلي: ودلوقتي؟؟؟

ادهم: دلوقتي هيتجاهل موضوع ان انتي هنا ولا لأ وهيركز في موضوع الجواز...

وبعدين هنفضل لامتي مخبيين.. الا اذا كنتي لسه مش واخده قرار ولسه

محتاجه وقت؟؟؟؟

ليلي: لا طبعا يا ادهم... انت بتقول ايه؟

ادهم: انتي لسه لحد دلوقتي ما رديتيش عليا لما قولتلك اني عايز اتجوزك...

واخر مره قولتيلي انك محتاجه وقت

ليلي: وانت ما سألتنيش تاني من ساعتها وقولتلك عايزه ثقتك فيا وخلص

ادهم: خلاص ايه يا ليلي؟

ليلي: خلاص بقينا واحد انا وانت

ادهم: يعني موافقه تتجوزيني؟؟؟

ليلي: انت لسه بتسأل يا ادهم ايوه طبعا عايزه اتجوزك وبتمني اتجوزك اصلا

ادهم: خلاص بيبقي نشوف ايه اللي هيحصل؟ روي انتي وكلميني طمني اول

باول

ليلي: انا خلاص داخله البيت اهوه

ادهم: طيب يالا سلام بقي هتوحشيني

ليلي طلعت بيتهم ودخلت اوضتها وبتفكر ازاي هتقنع عيلتها بادهم

اخوها بعدها بشويه دخل زي المجنون وبينادي عليها بصوته كله

ايوه وامه خرجوا علي صوته

عم محمد: في ايه بتنادي كده ليه وصوتك عالي ليه؟

مصطفي: هيا فين اصلا؟

ليلي خرجت: في ايه انا اهوه

مصطفي: ايه اللي بينك وبين ادهم؟

عم محمد: وهيكون بينها وبينه ايه؟ ده مجرد مريض واستاذك مالها هيا بيه؟

مصطفي: كنتي عنده الصبح بتعملي ايه؟ كنتي بايته عنده؟؟

مصطفي بيتكلم وهو ماسكها من ذراعها جامد

ناديه امه وقفت بيتهم وبتحاول تشد بنتها منه

عم محمد: انت اتجننت ولا ايه؟ مين دي اللي بايته عنده؟؟؟

ردي علي اخوكي وقوليله انك متريبه احسن تريبه !!!

مصطفي : كنتي عنده وعملاله فطار وعملاله نسكافيه صح؟

ليلي: انا كنت بايته في المستشفى بطل هبل وكنت في العمليات لحد الساعه ٤
الفجر وممكن تتأكد من ده بسهولة ولا ايه يا سياده الطابط؟؟؟ وبعدين
نسكافيه ايه وفطار ايه اللي هعملهوله وانا من امتي بدخل المطبخ اعمل لنفسى
فطار علشان اعملهوله
ناديه: يا ابني انت جايب الكلام ده منين بس؟؟؟
مصطفى: كنت عنده ورفض يدخلي في الاول وكانت في ايده كوبايه النسكافيه
نفس اللي انتي بتعمليه.... ورفض يدخلي
ليلي: وما وقفتش تحت ليه واستنتني لما انزل؟؟ ولا ما دخلتش ليه غصب
واخذتني
عم محمد: ايوه ما دخلتش ليه؟ تشك ان اختك جوه بيت راجل وما تدخلش؟؟؟
ولا انت مش راجل هناك وجاي تعمل راجل هنا؟
مصطفى: لا طبعا انا دخلت
ناديه: ولقيتها هناك؟؟؟
مصطفى: لا ملقتش حد
ناديه: امال جاي تزعق ليه؟
مصطفى: ادهم طلب يتجوزها
عم محمد: يتجوزها؟؟؟ وانت قلتله ايه؟
مصطفى: قولتلته هبلغ العيله وارد عليه
عم محمد: ومردتش عليه ليه علي طول وقولتلته ان معندناش بنات للجواز ليه؟
ليلي: وليه يقوله كده؟
عم محمد: كده لان احنا معندناش بنات ليه؟
ليلي: بس انا موافقه عليه يا بابا
عم محمد: نعم؟ انتي ايه؟ ؟

ليلي: موافقه عليه وعيزاه كمان

مصطفي: ايه اللي بينك وبينه؟؟؟

ليلي: مش العلاقه اللي انت متخيلها في دماغك... بس انا بحبه وعيزاه

مصطفي كان هيمد ايده علي اخته بس ابوه مسكه

عم محمد: انت هتمد ايدك عليها وانا واقف ولا ايه؟ المواضيع دي ما تتحلش كده

مصطفي: امال تتحل ازاي؟ لما تبقي مجنونه ومتخلفه وعايظه تتجوز واحد كل

يوم بينام مع واحده شكل وكل يوم سهران في كباريه شكل والله اعلم هيا

انضمت لحريره ولا لسه؟

ليلي: لحد هنا واخرس بقي انا ما اسمحكش تغلط فيا اكثر من كده ومش

معني انا بحبه ابقي بنام معاه وبعدين لو انا بنام معاه مكنش هيبقي عايز

يتجوزني ولا ايه؟ وبعدين مش ده مثلك الاعلي في الحياه؟

مصطفي: مثلي الاعلي في الشغل مش يتجوز اخي

ليلي: ده شئ ما يخصصك انا اللي هتجوزه مش انت

مصطفي: ده علي جتني اصلا

عم محمد: بس انت وهيا... انتو مش عاملين لنا اعتبار انا ولا امك ايه؟

عم محمد: تعالي نتكلم انا وانتي بالعقل... ايه اللي عاجبك في ادهم؟ ايه الميزات

اللي شفتمها فيه؟ طول عمرك بتحلمي بحد مميز مختلف عن الكل؟ حد يكون

له وجود وله مكانته بين الكل ويجبر الكل علي احترامه

ليلي: وادهم مش كده؟ ادهم فيه كل اللي بحلم فيه واكثر

عم محمد: انا واحد من الناس اهو ما يحترموش

ليلي: لانك ما تعرفوش

عم محمد: وانتي تعرفيه؟؟؟

ليلي: اعرفه

عم محمد: تعرفي ايه عنه؟ مين اهله؟؟ ايه اللي وداه الملجأ؟؟ اصله؟ فصله؟ اي حاجه عنه

ليلي: اعرف كل حاجه عنه وكفايه انه عمل نفسه بنفسه وبدراعه ولا حد جابله وسطه ولا حد دفعله رشوه

مصطفي: شايف بتلقح بالكلام ازاي؟ وهو دخل بدراعه؟؟ تلاقيه نام مع واحده وابوها دخله

ليلي: نام مع واحده وهو عنده ١٥ سنه وابوها كافؤه ودخله شرطه صح؟
عم محمد: تعرفي ايه عنه؟؟؟ كلميني انا

ليلي: اعرف كل حاجه عنه واللي اعرفه راضيه بيه ومقتنعه بيه
مصطفي: اقوم الطشها قلمين دي يمكن تفوق؟؟

عم محمد: يا تقعد ساكت يا تمشي من هنا... اللي تعرفيه عنه عرفتيه ازاي وفيين وامتى؟

ليلي: هو قابليني وحكالي كل حاجه عنه وطلب ايدي وانا طلبت منه فرصه افكر وكان المفروض ارد عليه انا الاول قبل ما ندخل حد فيكم

عم محمد: طالما حكاالك قصه حياته تبقي دي قصه حب مش مجرد عرض وطلب ليلي: اه يا بابا بحبه وبيحبني فين المشكله؟ طالما عارفه حدودي وبادبي بيبقي فين المشكله؟

عم محمد: طالما خرجتي وروحتي وجيتي معاه بيبقي فين الادب وفيين الحدود؟؟؟

ليلي: بابا كان لازم نعرف بعض الاول وكان لازم يعرف انا هقبله الاول قبل ما يجي هنا... انا مش عارفه انت رافضه ليه؟ لمجرد ان عيلته ماتت وهو دخلوه ملجأ؟؟ هو ده ذنبه يا بابا؟

عم محمد: لا طبعا مش ده ذنبه ابدًا لو هو فعلا ده بس عيبه كنت فتحته بيتي وكنت هبقاله له اب وامك تبقي ام ليه وفتحت بيتي ودراعاتي واخذته في حضني

لكن هو مش كده... هو اختار يشرب ويسكر ويزني وده ذنبه
ليلي: مش يمكن عنده عذره؟؟؟ مش يمكن موجوع؟ وعنده جرح في حياته
معرفش يعالجه فبيحاول يتعاشش معاه بالشرب وبمجرد ما جرحه يختفي
بيطل كل ده؟

عم محمد: انتي بجد مصدقه كلامك ده؟

ليلي: طبعا كل كلمه فيه

عم محمد: وايه جرحه ده؟ ايه هو

ليلي: دي حاجه تخصه هو... هو يختار ان كان يقولكم عليها او لا...

مصطفى: واشمعني شاركك انتي فيها؟

ليلي: لان انا اللي هشاركه حياته فكان لازم يقولي

عم محمد: يا بنتي اللي فيه داء ما بيبطلوش... لا هيبتل شرب ولا هيبتل سكر

ولا هيبتل بنات هتقبلي تعيشي معاه كده؟

ليلي: يا بابا لأ ادهم اصلا بطل كل ده... انا عالجت جرحه وخليته يحب الدنيا

هيشرب ليه بقي؟

عم محمد: انا معاكي وعلي افتراض ان كلامك ده صح؟ هيبتل شرب ويبطل بنات

وهيعيش معاكي سنه اتنين وهيزهق... هيمل منك لانه اتعود علي الكثير يا بنتي

افهمك ازاي؟ في حاجات ما ينفعش اقولها

ليلي: بابا ادهم انتو ما تعرفهوش

مصطفى اتنرفز: وانتي اللي تعرفيه يا متخلفه؟؟؟؟ انتي عارفه ايه اول درس

علمهولنا؟ ازاي نوقع اي بنت مهما كانت!!! ازاي اقنعها ان انا قديس حتي لو

كنت شيطان!!! ازاي اخليها تبقي عجينه سهله وطريه اشكلها زي ما احب....

وهو ده اللي ادهم عمله.... شكلك زي ما هو يحب واقنعك بقصه وهميه خلاكي

تعيطي وتقولي اه يا عيني ده مجروح... ادهم كان ديما يقولنا اهم حاجه انك

تعرف كل بنت دخلتها ايه وتدخلها صح؟ وهو دخلك صح... عرف ازاي يقنعك بقصه حياته الوهميه وخلاكي تحطيله ألف عذر كمان... لو هو بجد صادق يعي هنا يحكيلنا عن جرحه ده ويسيبنا احنا نحكم عليه... لكن لأ هو اختارك انتي وقالك ده سري ودي حياتي وخاصه بينا صح؟ ومش هيرضي يعي هنا يكلمنا هنا ابدًا حتي لو كان التمن انه يخسرك واتحداكي تخليه يعي ليلي: خلاص اتفقنا... انا هخليه يعي هنا ويحكيلكم بنفسه وساعتها مش هيكون من حق اي حد فيكم يعترض عليه ليلي سابتهم ومشيت ومصطفي قام مصطفي: لو ادهم سألني ارد عليه بايه؟ عم محمد: مش هيسألك دلوقتي ولو سأل قوله لسه مقولتلناش سابهم ومشيت وفضل ناديه وعم محمد عم محمد: ما نطقتيش ولا حرف يعني؟ ناديه: ما هو ماشاء الله عليك انت وابنك وبعدين رأيتي مش هيعجبكم عم محمد: انتي موافقه عليه صح؟ ناديه: ايوه... انت ما حاولتش تشوفه انت بس حكمت عليه... انا شففته في المستشفى... شفت وجعه اللي بنتك بتتكلم عنه وحسيت بيه... كان مغهي عليه مكنش بيمثل كان بيخرف بامه الميتة وبيتمني... شاف في بنتك انسانه كويسه وشافني ام ليه وحبني... لما كنت بروحله المستشفى اترجاني ابطل اروحله علشان عارف ان علاقتي بيه دي مش هتستمر ومع اني كنت بعامله زي مصطفي الا انه اتوجع مني واطرجاني ما اوجعوش... الواد ده نفسه يتحب وبس... نفسه في عيله وبنتك قدمته ده... حلم تبقي هيا مراته وانا امه وانت بخوفك علي ابنك اب ليه... حلم هو حرام الحلم؟؟ عم محمد: اضمنيلي انه يبطل كل اللي بيعمله دلوقتي

ناديه: دي مخاطره لابد منها
عم محمد: وايه اللي يجبرني اخاطر ببنتي... يا ناديه ده راجل لف ودار كتير قوي
ونام مع عاهرات ازاي هيقبل ببنتك بعد كده؟ ازاي بنتك هتجاري مستوي
العاهرات اللي عرفهم؟؟ مش هتعرف وهيزهق وهيمل منها وهيرمها
ناديه: مين قالك؟؟ مش يمكن يحبها ويحترمها ويحطها فوق راسه
عم محمد: اللي فيه الخير يقدمه ربنا

شويه وليلي لابسه وخارج
عم محمد: انتي رايجه فين؟
ليلي: هقابل ادهم وهتكلم معاه ممكن؟؟
عم محمد: روجي وقابليه بس في علمك انا مش موافق عليه ومهما يقول عمره ما
هيقنعي اني الاقي عذر ليه فاهمه؟
ليلي سابتة وراحت تقابل ادهم في كافيه
ادهم: خير؟؟ الدنيا ولعت عندك؟؟ عملو فيكي ايه؟
ليلي: انا عيزاك توعدي ان مهما يحصل مش هتسييني...
ادهم: اوعدك يا ليلي اني مش هبطل احبك ابدأ ده وعد مني
ليلي: الكل رافض... بس عندهم شرط
ادهم: ايه هو شرطهم؟؟
ليلي: انك تروحلهم بنفسك
ادهم: ماشي هروحلهم
ليلي: وتحكيلهم كل حاجه عنك
ادهم بصلها: انتي حكيتلهم عني يا ليلي؟

ليلي: لا طبعا بس قولتلهم ان عندك عذرك اللي خلاك تشرب وتسكر وهما

عايزين يسمعوا العذر ده منك

ادهم: حياتي الخاصه محدش له دعوه بيها

ليلي: بس انت قولتلي

ادهم: علشان انتي حياتي دي... انا وانتي كيان واحد.. لكن هما لأ

ليلي: مصطفى قال كده

ادهم: قال ايه؟

ليلي: قال انك هترفض وقال انك علمتهم ازاي يعرفوا كل بنت ويعلقوها بيهم

ويقنعوها باي حاجه... وهو مقتنع انك عملت كده معايا؟ الفت قصه علشان

تصعب عليا واحطلك عذر

ادهم: وانتي صدقتيه؟؟

ليلي: قالي ان حتي لو كان التمن هو اننا نخسر بعض برضه هترفض

ادهم: طيب

ليلي: طيب ايه؟

ادهم: انتي مصدقه اخوكي وكدبتيني انا فخلاص هقولك ايه؟

ليلي: انا مش بكذبك بس ايه المانع انك تقول لبابا وتقنعه يوافق

ادهم: اروح لابوكي واحكيه مأساتي فاصعب عليه فيجوزني بنته صح؟ انتي

متخيله اني لو روجت وحكيته هيوافق عليا؟؟؟

ليلي: ايوه هيوافق

ادهم: هو انتي متخيله اني حكيتلك حكايتي دي علشان اصعب عليكي؟؟؟ ليلي

انا حكيتلك علشان انا وانتي نبقي واحد مفيش اسرار بينا نهائي مجيش في يوم

من الايام يظهر حد من اهلي فتقوليلي اني كدبت عليكي... لكن عمري ابدأ ما

هروح لابوكي واعيطله علشان اصعب عليه حتي لو كان ده الطريق الوحيد

ليكي

ليلي: وفيها ايه يا ادهم؟

ادهم: انا فعلا كنت غلطان لما حكيتلك... انا عارف ان لو السر خرج ما يبقاش

سر... ليلي دي حياتي ومش عايز اشارك حد فيها

ليلي: انت شاركتني

ادهم: انتي حبيبتني.... ابوكي لأ واخوكي ألف لأ... مش هسمح لحد يعايرني بأمي

في يوم من الايام انتي فاهمه؟؟؟ ابوكي يقتنع بيا زي ما انا لكن اروح استصعبه

فلأ... حدديلي معاد معاه

ليلي: ولو حكايئنا وقفت علي انك تقوله؟؟؟ هتسيبيني؟؟

ادهم: هنلاقي حل ان شاءالله ما تسبيقيش الاحداث

ليلي حددت لادهم معاد مع ابوها وجه المعاد والكل في البيت مستنيه

والكل متوتر والكل علي اعصابه

دق الباب ومصطفي فتح ودخل ادهم وقعد وطلع عم محمد يسمعه

ادهم: انا جاي اطلب ايد بنتك يا عمي

عم محمد: جاي تطلب ايد بنتي !! انت متخيل ان انا هوافق؟؟

ايه اللي ممكن يخلييني اوافق عليك؟؟

ادهم: انا بحبها وبحترمها وبقدرها ومش عايز غير انها تكون مبسوطه وسعيده

في حياتها

عم محمد: وشريك وشهرك في الكباريهات؟؟؟

ادهم: دي فتره وعدت وكان لهما. اسبابها

عم محمد: وايه الاسباب اللي تخليك تشرب وتسكر وتنام مع بنات؟؟؟. انتي ازاي

متخيل ان انا ممكن اوافق علي واحد بينام كل يوم مع واحده شكل؟؟؟

ادهم: زي ما قلت لحضرتك دي فتره وعدت

عم محمد: وايه اللي يضمني انها فتره وعدت؟؟
 ادهم: شوف حضرتك عايز ضمانات ايه وانا مستعد
 عم محمد: انت بتتكلم عن ضمانات ماديه صح؟؟
 ادهم: انا بتكلم عن اي نوع ضمانات حضرتك محتاجها
 عم محمد: زي ايه؟؟ ضمانات ماديه زي ايه مثلا؟؟
 ادهم: معرفش يا عمي بس اللي حضرتك عايزه انا مستعد ليه مهما يكون
 عم محمد: مهما يكون؟؟ ده انت بتحبها بقي؟؟
 ادهم: ايوه بحبها واعتقد ان ده شئ مش جديد لحضرتك؟؟
 عم محمد: مستعد مثلا تجيبها شبكه غاليه؟؟
 ادهم: اللي تختاره ويعجبها
 عم محمد: تكتبها الشقه باسمها؟؟؟
 ادهم عارف ان ابوها بيتريق بس برضه مجاريه
 ادهم: وايه المشكله اكتبها باسمها واحطها حساب في البنك ... عمي اي
 طلب هتطلبه وانا اقدر عليه مش هتأخر
 عم محمد: ولو قلتك عايز بنتي تبقي اول واحده في حياتك؟؟
 ادهم: هقولك ان بنتك فعلا هيا اول واحده في حياتي وما عمري كان ليا علاقه
 قبل كده بغيرها
 عم محمد: امال اللي كنت بتنام معاهم دول بتسميم ايه؟ لما هما مش علاقات
 وبنتي اول علاقه دول اسمهم ايه؟
 ادهم: حضرتك عايز توصل لايه؟ عايز تسمع مني ايه؟
 عم محمد: بتسمي علاقاتك ايه لما هما مش علاقه؟؟
 ادهم: مفيش واحده فيهم قعدت معايا اكر من ساعتين او شفتها مرتين او
 حتي عرفت اسمها فدي ما بيبقاش اسمها علاقه

عم محمد: اقولك انا اسمها... ده بيبيقي اسمه زنا... او انتو بتسمه جنس مش
اكثر صح؟ انت بقي متخيل ان انا هسلم بنتي ليك؟ بتاريخك ده؟
ادهم: تاريخي ده ماضي وانتبي واخذت عهد علي نفسي اني مش هرجهله تاني
مهما يحصل سواء كملت مع ليلي او لأ...

عم محمد: وانا ايه اللي يضملي انه فعلا ماضي؟؟ مين يضمنك؟؟
ادهم: معنديش حد اجيب متين؟ حضرتك بتعجزني ليه؟ لو اعرف اني ممكن
احب في يوم من الايام كنت عملت حساب اليوم ده؟ انا كنت واحد ميت مش
عايش... بنفذ مهمات بتطلب مني وخلص... اقتل ده؟ اسجن ده؟ هات قرار
ده؟؟؟ حياتي كلها كانت عباره عن شغل وبس؟ وألم كبير كنت بحاول اهرب منه
بالشرب والبنات... بنتك دخلت حياتي نورتها... فكرتني ان انا انسان ومن حقه
يعيش فماتنكرش عليا الحق ده ...

عم محمد: كلامك حلو وجميل بس ده مجرد كلام والكلام مش بفلوس
ادهم: حضرتك عايز ايه دلوقتي؟

عم محمد: تخرج من حياه بنتي
ليلي دخلت: بابا لو سمحت

عم محمد: سمعته وما اقتنعتش بكلامه... انا مش موافق عليه عايزه تتجوزيه
اتفضلي اهو قدامك واهو ظابط وله كلمته وانا مش هقدر اقف قصاده لا انا
ولا اخوكي وطبعاً كلنا عارفين ده كويس ...

ادهم: اديني فرصه اثبتلك اني انسان كويس

عم محمد: انا شوفت تصرفاتك بعيني وبسمع عنك من زمان قوي... من ساعه ما
ابني دخل كليه الشرطه وانا بسمع عن مغامراتك سواء في شغلك او مع بنات...
ازاي بتعلق البنات في ثواني وازاي تسحبها علي اوضه النوم والمفروض دلوقتي
اشكرك انك علمت ابني كمان ازاي يعمل ده؟ لو هو ده شغل المخبرات فده

شغل قدر ووسخ وانا مش عايز ابني فيه
انا كده خلصت كلامي... انت وهيا حريين
ادهم مشي وليلي بتجري وراه تناديله وخرجت وراه
ليلي: ارجوك استني... ادهم اقف استني استني
ادهم وقف من غير ما يبصلها
ليلي: قولهم علي اللي جراك بابا هيصلك بطريقه تانيه؟
ادهم: حتي لو قتلته باباكي خلاص اخذ القرار وحكم ومش هيرجع في كلامه...
كلامي ولا هياخر ولا هيقدم بالعكس هيقولو اني شها... انا اسف
ليلي: انت هتسيبني؟
ادهم: لا مش هسيبك بس نتكلم بعدين
ادهم مشي وهيا دخلت اوضتها وقفلت علي نفسها تعيط

الايام بتعدي وليلي حابسه نفسها في اوضتها ، خرجت مره واحده بالليل والكل
نايم وراحت لادهم ، ادهم اتفاجئ بيها في بيته في نص الليل
ادهم: انتي مجنونه؟؟؟
ليلي رمت نفسها في حضنه وبتعيط وهو ضمها وسكت
ليلي: وحشتني وما بتردش عليا اعمل ايه؟
ادهم: تقومي تيجي في نص الليل كده وتثبتيلهم اني فعلا وحش؟؟؟ ليلي ده غلط
ليلي: ابويا مش هيوافق عليك
ادهم: وكده هيوافق يعني؟
ليلي: تعال نتجوز انا وانت دلوقتي... يالا بينا
ادهم: انتي بتهزري صح؟

ليلي لا طبعا انا بتكلم بجد هحطه في امر واقع... هيزعل شويه وبعدها
هيتقبلك غصب عنه

ادهم: انتي هتسيبي اهلك علشاني؟؟؟ ولو طلع كلامهم صح؟ ولو طلعت انا
بلعب بيكي لمجرد اني اوصلك؟؟؟ وان طلعت انا ابن ستين كلب واطي هتعملي
ايه؟ انتي مجنونه ما بتفكريش؟؟

ليلي: انت مش كده وده انا متأكده منه

ادهم: لو عملت اللي انتي بتقترحيه هبقي كده وابو كده كمان.... هثبتلهم فعلا
اني انسان واطي وخاين وانا سبق وقلتلك الا الخيانه.... وقولتلك انا عملت كل
حاجه في الدنيا دي الا الخيانه... عمري ما اخون ابدا ولو علي جثتي.... ليلي انا
بحبك... عايز اتجوزك في النور... عايز اعمل فرح زي اكرم واحسن منه
كمان... عايزك تلبسيلي فستان ابيض وتبقي ملكه جمال... عايزه تحرميني من
كل ده؟ وبعدين ابوكي بيحبك وخايف عليك وده حقه عايزه في الاخر بعد ما
كبرك وبقيتي دكتوراه احي انا اخذك كده بكل سهوله... لا يا ليلي ابوكي ما
يستاهلش منك كده

ليلي: وبعدين اسيبك يعني؟ ننهي حبنا ده؟

ادهم: هنلاقي طريقه نبقي فيها مع بعض بس مش دي يالا هوصلك
ادهم اخدها بيتها وطول الطريق ساكتين بس ماسكه ايده وساكته
ليلي: هشوفك تاني امتي؟

ادهم: مش عارف... ليلي خليكي واثقه من حبي ليكي

ليلي نزلت ودخلت البيت كان الكل صاحي ونازلين يدوروا عليها
مصطفي: انتي كنتي فين؟

ليلي: رحته وطلبت منه نتجوز ونحطكم في الامر الواقع بس للاسف رفض
وعنده امل يقنعكم

سابتهم ودخلت اوضتها

ناديه: انا عايزه افهم رافضينه ليه؟ كل يوم الواد ده بيثبتلي انه بيعبها انتو ليه
عمي عن الحقيقه دي... ادهم بيعحب ليلي

هيا كمان سابتهم ودخلت اوضتها ومصطفي دخل اوضته وفضل عم محمد اللي
بيفكر في طريقه يبعدهم عن بعض ومش لاقى ، ليلي بطلت تروح شغلها وكل
شويه بيعتولها وهيا مطمئنه.

عم محمد: وبعدين شغلك؟؟؟

ليلي: مش عايزاه.... خليم يرفدونى

عم محمد: وسنين عمرك اللي ضيعتها كلها؟؟؟ هتسيبها تروح كده؟

ليلي: اللي اغلي منها راح مش هسيب دول يروحوا.... في داهيه كل حاجه

عم محمد: كل ده علشان؟؟؟ مش بعيد هو يكون قاعد بيتسرمح ومقضيها

بالطول والعرض وانتي قاعده كده تندبي حظك

ليلي: ادهم بيعبني انت ليه مش قادر تقبل الحقيقه دي؟؟؟

عم محمد: لان الطبع يغلب التطبع ولان من شب علي شئ شاب عليه.... حتى لو

اخلك يومين هيخونك في الثالث

ليلي: عمره ابدأ

عم محمد: تراهنياني انه اكيد بيخونك ومن دلوقتي

ليلي: اراهنك بحياتي كلها

عم محمد: ولو كان بيخونك؟؟؟ تشيليه من دماغك وترجعي شغلك وتقلبي

صفحته دي خالص

ليلي: وانا موافقه

عم محمد: مصطفى يا مصطفى ...

مصطفى: ابوه يا بابا

عم محمد: تقدر تعرف ادهم سهران فين وتجيبي قراره

مصطفى: الاماكن اللي بيسهر فيها معروفه

عم محمد: شوفه سهران فيه ولما تلاقيه تعال خد اختك تشوفه

مصطفى: ولو لاقيته في بيته؟؟؟

عم محمد: هنتابعه كام يوم ونشوفه بيسهر فين

ليلى: هتشوفو بيسهر فين

مصطفى بعد ما خرج يدور علي ادهم رجع بعد ساعه يجري وينهج

مصطفى: بابا... ليلى

الاتنين خرجوا: في ايه؟

مصطفى: لقيته

ليلى: في شقته صح؟

مصطفى: هههه لا طبعا سهران في شارع الهرم في كباريه الليل وبيرقص مع

الرقاصه وبيشرب وهايص

ليلى: انت كداب علي فكره

مصطفى: لا طبعا انتي هبله ولا ايه؟ تعالي شوفيه بنفسك

ليلى: طبعا هاجي اشوفه يالا بينا

مصطفى اخذ ليلى وراحوا يشوفوا ادهم

وصلوا ودخلها ووقفوا بعيد

مصطفى: شيفاه ولا اجيبلك عدسه مكبره؟؟؟ شيفاه ولا بكذب عليكي

ليلي مصدومه ومش قادره تنطق او تتكلم ، ادهم قدامها بيشرب والكاس في ايده والرقاصه بترقص معاه بطريقه رخيصه مقززة، ادهم طلع باكو وفضل يرش عليها والرقاصه خلصت ومسكت ادهم واخذته معاهما جوه وهو داخل سحب بنت تانيه في ايده وبيضحك وسكران علي الاخر ، وداخل بالبنت جوه وبيحضن فمين. ماسك سيجاره في بوقه والكاس في ايده والرقاصه وبنت تانيه في حضنه وصوته عالي وبيضحك جامد .

الرقاصه: الا انت كنت فين الفتره اللي فاتت دي؟

ادهم: كان عندي شغل.... مهمه كده بس ما سلكتش وما مشيتش زي ما انا عايز

الرقاصه: تعال هنا وانا اديك كل اللي عايزه

وضحك مايصه طويله

ادهم: اموت انا في المياصه دي بقولك ايه؟

الرقاصه: قول يا قلبي

ادهم: ما تيجي نقول كلمتين جوه ولا في اي مكان تاني؟

الرقاصه: تعال نقول وماله يالا بينا

ادهم سحبا وواحد تانيه مسكت فيه فشدها معاه

ادهم: ما يضرش وماله؟

ادهم ماسك بنتين كل واحد في ايد واخدهم ودخل

مصطفي: هاه شوفتي بنفسك؟؟؟ اکتفيتي ولا لأ؟ ليلي انت توأمي فاهمه؟ انتي

توأمي مش مجرد اخت. انتي اکتز حد انا بحبه في الدنيا دي ولو ادهم كان

بيحبك بجد انا اول واحد هقف لبابا... انا مصطفي يا ليلي... مصطفي اخوكي

وصاحبك وحببيك بعدتي عني ليه وخبيتي عني ليه؟ يالا بينا من هنا

مصطفي اخذ اخته في حضنه ومشي وركبوا عربيته ومشوا

ادهم كان واقف بعيد وبقرايمهم واول ما اختفوا دمعهم نزلت غصبا عنه مسحها
بسرعه ، ليلي بعدت عنه وهو اللي بعدها ومش هترجعه تاني
كانت حلم جميل بس كان لازم يفوق منه
الرقاصه: هتيجي ولا هتفضل في الشباك كده؟
ادهم: اخدت عهد علي نفسي ان مفيش بعدها... سلام

سايهم ومشي وروح بيته... مهموم وحيد مجروح ، قعد مسك كاس في ايده
وشربه ، رجع بذكرياته وافتكر الصبح اول ما صحي من النوم علي دقه بابيه
فلاش باك

ادهم: ايوه جاي
فتح الباب لقي عم محمد قصاده
ادهم: كنت متأكد ان حد من عيلتك... محدش بيدق بابي بدري غيركم
عم محمد: ادخل ولا هتطردي؟؟؟
ادهم: اتفضل طبعا.... تشرب ايه؟
عم محمد: انا مش جاي اتضايف اقعد كلمتين اسمعهم مني وهمشي بعدها
ادهم: اتفضل قول
عم محمد: بنتي انا ربيتها هيا واخوها وعلمتهم وكبرتهم والحمد لله هيا دكتوراه وهو
ظابط... معنديش اغلي منهم في الدنيا دي كلها... وطبيعي لو لقيت واحد فيهم
ماشى علي حرف جبل وممكن رجله تقع لازم اقف وانبيه... ليلي ماشيه علي
حرف الجبل ده والله اعلم هتعرف تمشي ولا هتقع... لو انت مكاني هتعمل
ايه؟

ادهم: هنيا او هشدها بعيد عن الحرف
عم محمد: وده اللي انا بعمله نهيتها مره واتنين وللاسف هيا بعدت قوي ومعدتش
سمعاني... فانا بجري ولازم اشدها بعيد... المشكله ان انت واقف تحت
وبتساورلها تنزلك وهيا مش شايفه غيرك وعايظه تنزلك... ومش هتنزل براحه لأ
دي هترمي نفسها من فوق... انت عايزاني اقف اتفرج عليها؟؟؟ واقول يمكن
تنزل عايشه؟؟؟ يمكن هو يلحقها؟؟؟

ادهم: انت ليه مفترض ان انا واقف تحت وعايظ انزلها... مش يمكن اكون
بطلعها وهيا بس بتمد ايدها وتشدني معاها؟؟؟
عم محمد: ولو هيا مقدرتش تشدك وانت اللي شدتها ساعتها اعمل ايه انا؟؟
ادهم بصوت مخنوق: ما تعتبرني زيبا وتمسك ايدي انت كمان وتشدني
معاها.... شدنا احنا الاتنين

عم محمد: يمكن اقدر وممكن ما اقدرش بس اللي انا متأكد منه اني اقدر اشد
بنتي وده اللي انا هعمله... يا ابني انت عشت عمرك كله لوحده وانت اهو
كويس ومستواك ما شاء الله عليه والى مين تتمناك ابعد عن بنتي وشوف
غيرها

ادهم: بس انا بحب بنتك وعايظها هيا مش عايظ غيرها
عم محمد: ادهم فوق... انت وجودك بيدمر بنتي... اهملت شغلها وحلمها... دي
مش بنتي... كانت بتقابلك امي وبتقعد معاك امي؟ جاتلك كام مره هنا؟؟؟
اخذتها كام مره في حضنك؟؟؟ خرجت معاها ومسكت ايديها كام مره؟؟؟ دي
مش بنتي ولا دي اخلاقها لكن دي اخلاقك انت وزى ما بقولك انت بتسحبها
لتحت... بنتي من صغرها انسانه مجتمده شاطره مش واحده حتي شغلها مش
عيزاه.. كام سنه بتدرس علشان تبقي جراحه دلوقتي مش عايظه ده انت
وتأثيرك.... بنتي ما تخرجش في نص الليل وتروح لراجل بيته وتقوله اتجوزني

من وري ابويا ويولع هو وبيته... دي مش بنتي ابدأ... ده شيطان مسيطر عليها
ويحركها وانت الشيطان ده
ادهم: لو انا شيطان كنت وافقتها... كنت اخدت منها كل اللي انا عايزو واقولك
اشرب من البحر... لو انا شيطان كنت عملت كتير قوي بس انا حافظت
عليها... عارف ليه؟ لاني حبتها بجد
عم محمد: لو بتحها بجد يبقى سيمها... سيمها ترجع شغلها وحياتها... سيمها
تشوف مستقبلها وتتجوز انسان نظيف يستاهلها ويستاهل تعب السنين اللي
فاتوا دول... انا تعبت قوي لحد ما ربتهم ومش عايز غير اني اشوفها كويسه...
عايز اتطمئن عليها وطول ما هيا معاك هفضل علي طول شايفها علي حرف
الجيل ، ارجوك لو بتحها بجد رجعها لي؟؟؟ رجعي بنتي .. رجعي ضحكتها
وحياتها... خد الانسانه الغريبه اللي في بيتي وسبيلي بنتي... ارجوك ابوس ايدك
سبيلي بنتي... انت ممكن تكون كويس بس انا مش مستعد اخاطر بحياتها
ادهم: انت عايزني اعمل ايه؟ اروح اقولها سبيني انا ما انفعكيش... مش
هتسبيني وهتمسك بيا اكثر
عم محمد: يبقى تعمل اللي متوقع منك
ادهم: قصدك ايه؟
عم محمد: ايه اكثر حاجه بتوقع؟؟؟
ادهم: الخيانه من حد قريب
عم محمد: اديك قولتها بنفسك
ادهم: انت عايزني اخونها؟؟؟
عم محمد: لا ما تحملنيش ذنب... تخونها او ماتخونهاش دي حاجه ترجعلك انا
بس عايزها تصدق انك بتخونها وبكده
قاطععه ادهم: وبكده هتبعد عني وصورتني وحي هيتشوهوا قدامها وهتلعن

اليوم اللي حبتني فيه وترجع لحضن ابوها اللي حذرها من الشيطان وهيا ما سمعتش كلامه... ده اللي انت عايزو متي؟؟؟

عم محمد: بالظبط كده.... ممكن ساعتها احترمك واصدق انك بتحبها بجد وادعيلك في ركعه بصلحها ان ربنا يعوضك باحسن منها

ادهم: لا متشكر مش عايز دعواتك احتفظ بيها لبيتك ولعيالك... هسهبر النهارده في الكباريه اللي بسهر فيه علي طول بطريقتك خليها تيجي وانا اوعدك اني اخليها تمشي كارهه حتي اسمي... عندك اي طلبات تانيه؟ بس انا ليا طلب عندك

عم محمد: قول طلبك

ادهم:.. بنتك انا فتححتها قلبي وشاركتها اللي ما شاركتوش مع حد فلو كانت قالتلكم حاجه اتمني انها تفضل بينكم وما تخرجش بره... عايز افضل محتفظ بحياتي خاصه ...

عم محمد: محدش فينا يعرف حاجه عنك وما اعتقدش ان حد هيعرف... سررك في امان جوه بيتنا .. النهارده هخلي مصطفى يجيبها عندك

ادهم نفذ دوره باتقان وليلي شافته وصدقت عنهما ، ما شفتش عنيه اللي كانت بتدمع عليها ولا شافته ملامحه اللي بتصرخ وبتقول حد يلحقني .. ماشفتش وجعه وألمه وانهاره .. شافت بس حبيبها بيخونها....

روحت بيتها منهاره من العياط وابوها شافها ومن جواه حس انه ارتكب غلطه كبيره قوي في حق بنته وحق ادهم اللي استكتر عليه انه يعيش ناديه: مالك؟ زعلان ليه؟ كنت فاكرايه؟ انها اول ما هتشوفه هتكسر وراه قله وتقول كلب وراح؟؟؟ مبسوط كده؟ اهي سابته.... بس مش عارفه ليه مش

مصدقه ان ادهم يخونها... مش مصدقه ابدا

طول الليل ليلي تعيط ورافضه اي حد يدخلها سواء ابوها او امها او اخوها
عدي يومين وليلي نفس الحال... عياط مستمر ومره واحده قامت لبست
وخرجت كان الصبح بدري، مصطفى اخوها شافها وسألها رايحه فين؟
ليلي: تعال وصلني

مصطفي: علي فين؟

ليلي: وديني بيت ادهم لازم اتكلم معاه

مصطفي: ليلي انتي شوفتي بنفسك عايزه ايه تاني؟

ليلي: عايزه اعرف ليه؟ وهو بيخوني علي طول ولا علشان بابا رفضه؟؟؟

مصطفي وصلها وطلبت منه يستناها تحت وهيا طلعتله وخبطت عليه

ادهم سمع تخبيطها وقرر انه ما يفتحش الباب ويسيبها تخبط وتمشي لانه مش
هيقدر يواجها

ليلي معاها مفتاح طلعتله وفتحت الباب ودخلته

كان قاعد علي كنبته ومستنيها تدخل واول ما دخلت وقف يقابلها كعادته

ادهم: ازيك يا قمر وحشاني... عامله ايه؟

ليلي: انت بتتكلم بجد ولا بتهزر؟؟؟

ادهم: في ايه مالك؟

ليلي: كنت فين امبارح بالليل؟؟؟

ادهم: ايه السؤال ده؟ كان عندي شغل هكون فين؟

ليلي: يعني ما رحتش الكباريه؟؟؟

ادهم عارف انه ماشي في سكه اللي يروح ما يرجعش بس كذب كدبه ولازم
يكملها للاخر

ادهم: كباريه ايه؟ انا من ساعت ما عرفتك ما دخلتوش

ليلي: هو للدرجه دي انا كنت عاميه ولا للدرجه دي انت شاطر؟؟؟ انهي فهم
قولي؟

ادهم: مالك بس يا جميل

ليلي: انا شفتك امبارح في الكباريه بترقص وبترمي فلوس علي الرقاصه
ادهم كانت ملامحه كلها لامبالاه

ادهم: انتي عايزه ايه؟

ليلي: انت امبارح كنت في الكباريه؟؟؟

ادهم: ايوه كنت في الكباريه عايزه ايه بقي؟؟؟ مش ابوكي رفضني!!؟ فكك بقي
من حوار الجواز ده... صدقيني كده احلي بكتير تعالي جوه وانا امتعك متعه ما
عشتهاش قبل كده

ليلي: انت بتقول ايه؟ ادهم فين؟؟؟ انت عملت فيه ايه؟؟؟

ادهم ::: يووووه..... بقولك ايه الحكايه مش ناقصه خنقه... شوفي بقي انتي جيتي
هنا وفضلتي ترمي نفسك عليا.. شويه انتي وشويه امك.. وبصراحه انتي حلوه
بس خنقه ومحباها قوي... قلت خليني وراكي واهو نتجوز شويه بس ابوكي جه
ووقف البيعه عايزه مني ايه بقي؟ عايزه علاقه كده معنديش اي مانع لكن
تجيلي ونهرب ونتجوز والحوارات دي لا مش فاضيلها... العبي بعيد بقي
شوفيلك حد عنده نفس طويل انا بحب الحاجات الوقتيه واللحظيه.... متعه
تنتهي بانتهاء العلاقه وخلص كده.... عايزه ده معنديش اي مانع السرير جوه
اهوه

ليلي متنحه ودموعها نازله غصب عنها قدامه وهو عطاها ظهره لانه مش قادر
يستحمل صدمتها فيه

ومش يستحمل انه يوجعها بايدته؟؟؟

ليلي: انا حاسه اني في كابوس

ادهم زقه بعيد مره واحده لانه ما استحملش نظرات الصدمه اللي في عينين ليالي

ادهم: خد اختك وامشي من هنا.... لو دخلتي البيت ده تاني مش هتخرجي زي ما دخلتي.... اعتقد فاهماني؟؟
اتفضلوا بره ورايا شغل

مصطفي اخد اخته ونزل بيها وهما الاتنين مصدومين ، مصطفي متوقعش ابدا انه ممكن يكون واطي للدرجه دي وليالي في حاله صدمه ليالي: انا بكرهه قوي يا مصطفي بكرهه... انا مش عارفه انا ازاي حبيته؟؟؟ مش عارفه ازاي وقفت قصاد بابا علشان؟؟؟ ازاي اتمنيت في يوم اني ابقي مراته؟؟؟

مصطفي: ما انا قلتلك ان هو علمنا ازاي نقنع اللي قدمنا باللي عايزينه ليالي: تخيل كنت بحبه قوي وكان صعبان عليا قوي خريج الملاجئ ده... ضحك عليا... تصدق انه قالي ان مامته كانت عاهره وبتخون ابوه كل شويه وبتجيب عشيقها البيت؟؟؟؟

مصطفي: مش بعيد يكون صح لان هو اهو طالع زيبا... الخيانه في دمه ليالي: لا ومش كده وبس ده قالي ان بعد موت ابوه حاولت تقتله... اخدته قبر ابوه وحبسته علشان يموت ، انا عيطت عليه واخذته في حضني علشان اطبطب عليه.... مصطفي انا كنت غبيه قوي قوي

ليالي حكك لاخوها كل كلمه ادهم استأمنها عليها
مصطفي وصلها البيت وطلعها فوق وهيا النار والعهه جواها ومش عارفه تعمل ايه

ليالي: انا لازم اوجعه يا مصطفي... لازم انتقم منه... لازم اعمل فيه اي حاجه مصطفي: وهنعمل ايه؟ ماهو ده اللي بابا كان عامل حساباه.. علشان كده كان

رافضه... خاف انه يعمل حاجه ومحدثش فينا يقدر يجيبلك حقك... ليلى لو
ادهم قرر يعملك حاجه النهارده مكنتش هقدر امنعه وكنت هتفرج عليكي
وبعدها اموت نفسي اني معرفتش ادافع عنك... عرفتي كنا خايفين من ايه؟
انا اسف علي صدمتك بس النهارده احسن من بكره
ليلى: الحمد لله بس انا عايزه اوجعه يا مصطفى
زي ماهو وجعني قوي كده

مصطفى: ومين قال انك هتعرف في توجعيه؟؟ او اي حد ممكن يوجعه اصلا؟؟
ليلى: ادهم كان مهتم قوي ان محدش يعرف انه جاي من ملجأ
مصطفى: ومين قالك انه جاي من ملجأ؟ مش يمكن دي يكون كله تخطيط
منه؟؟؟ عمرك سمعتي عن واحد جاي من ملجأ وبقي في المركز ده؟؟؟ عمرها ما
حصلت ولا هتحصل

ليلى: بس هو وحيد فعلا ومالوش حد
مصطفى: مش كفايه... بس العيار اللي ما يصبش يدوش
ليلى: قصدك ايه؟

مصطفى: قصدي ان سمعته غامضه قوي ومحدثش عارف عنه حاجه... لو
حكينا حكايته كامله مش هيعرف يكديها كلها وحتى لو كديها مش الكل
هيصدق ومش هيعرف يمشي رافع راسه كده قوي وهيحط وشه في الارض
وخصوصا لو حد عايره بامه وادهم اعدائه كتير والمتغاضين منه اكرت واولهم
القائد بتاعه ما هيصدق يمسك غلظه عليه... بس انتي متأكده انك عايزه
تفضحيه كده؟؟؟ دي مفيش منها رجعه

ليلى اترددت لحظات وافتكرت لما قالها ان دي حياته الخاصه ولانها هيا حياتها
شاركها فيها لكن مش عايز ابدأ حد يعرف ده عنه... وبعد ما كانت هترفض
افتكرته وسط الرقصات ولما كتفها هيا واخوها

ليلى: واثقه... مش عيزاه يرفع راسه من الارض... عيزاه يفضل موطي علي

طول... عيزاه يفضل موجوع علي طول

مصطفى: خلاص انا هبرد نارك

مصطفى مشي وليلى قامت وراحت شغلها اللي اهملته كثير بس حيره جواها مليانه .. ادهم كثير قوي حست بحبه وحست ان في مشاعر ما ينفعش تتريف ابدا .. كانت حاسه بوجعه لما حكاها عن امه .. مش يمكن كان مغصوب يعمل كده؟؟؟ مش يمكن زي الافلام حد جيره او خاف عليها من حاجه فحب يبعتها الفتره دي؟ سبق وقالها ان ظابط المخابرات مش ديما بتكون تصرفاته بإرادته في حاجات كثيره بيعملها غصب مش يمكن بعده عنها غصب... في ألف يمكن ظهرت جواها .. وفي وعد هيا وعدتهوله ان مهما يحصل سره بأمان.... مهما يحصل.... مهما يحصل ،من اول حاجه حصلت هيا رمت وعدها ونقضته وفضحته هل هو ده الحب؟؟

كان المفروض ما تخونش ابدا الوعد بتاعها ابدا ...مفيش حد بيضحك علي حد ويحافظ عليه .. ادهم حافظ عليها قوي... يكفي انه ما لمسش شعره واحده منها علي الرغم انه لو حاول مكنتش هتعارضه .. ازاي واحد ما بيحبش واحده وبسمعه دي وما يلمسههاش؟؟؟ في حاجه غلط... في علامه استفهام وهي لما هديت شافتها .. اتصلت بأخوها بسرعه

ليلى: مصطفى

قالها بلهفه عايزه توقفه

مصطفى: اتطمني كل المبني حاليا ما وراهوش سيره غير ادهم... ادهم مش هيعرف يمشي رافع وشه تاني ابدا... الكل هيقله يا ابن..... (لفظ خارج) لا وحظك النهارده في اجتماع لكل الضباط والاداره كلها علشان في كام مشكله كده وهو هيكون موجود والقائد مستحلفه... هصورلك كل اللي يحصل

وهبتهولك

ليلي قفلت التليفون والنار اللي جواها للاسف ما بردتش... بالعكس دي
تضاعفت وزاد عليها ندم رهيب .. من امتي بتحب الفضيحة؟؟؟ من امتي
ترضي تعابير حد بأمه اللي بعدت عنه وهو عيل؟؟؟ مش يمكن يكون كلامه
صح؟ مش يمكن امه فعلا كانت انسانه سيئه وده له اثر عليه؟ مش يمكن هو
غصب عنه بعدها عنه لانه متعقد من امه؟؟ مش يمكن كان ناوي ينام معاها
ويرميها زي ما امه رمته ولانه حياها عمل كده علشان يحميا من نفسه؟؟
ليه ما فكرتش كده قبل ما تفضحه كده؟

ادهم راح شغله وعرف بالاجتماع ورايحه الكل بيخرج من مكتبه يبصله...
الكل بيتهامس ويضحك... الكل يبصله بنظرات غريبه مش عارف يفسرها..
احتقار.. شماته... شفقه.. مش فاهم النظرات دي ليه؟ قابل اكرم واصحابه
كانوا متجمعين واول ما شافوه سكتوا
ادهم: في ايه النهارده؟ الكل يبصلي ليه كده؟؟ هو انا لابس هدومي مقلوبه ولا
ايه؟

اكرم: ما تشغلش بالك انت

محمد: تصدق يا ادهم انا اكتشفت النهارده اني معرفش اي حاجه عنك ...

ادهم: انت عايز تعرف ايه عني وماتعرفوش اصلا؟؟؟

محمد: ماضيك مثلا

ادهم سكت وبصله باستغراب مش فاهم ليه صاحبه بيكلمه كده؟

هنا دخل عسكري

العسكري: الاجتماع بدأ والكل متجمع وعايزينكم

اكرم: جاين خلاص.... ياللا بينا

كلهم مشيوا مع بعض وعلامه استفهام جوه ادهم؟ هو ممكن؟؟؟؟ لا لا ليلي
بتحبه مش ممكن ابدا

دخل ادهم واصحابه والكل بيصلهم وادهم الشك بيكبر جواه... بييص
حواليه للكل وفعلا الكل بيتكلم عنه... بدأ يركز علشان يقري حركه شفاهم
ويقهم بيتكلموا عن ايه بالضبط .. ادهم لقط كلمات مختلفه... ملجأ... امه...
عاهره... قبر .. الكلمات دي كانت كفايه قوي لادهم انه يفهم ان سيرته بقت
علي كل لسان ...

- اهلا اهلا اهلا بالضابط المبجل المحترم

الكل سكت وبصوا للقائد اللي داخل عليهم وادهم بص له

ادهم: سياده القائد اهلا بحضرتك

القائد: اهلا بالضابط الكبير اللي ماشي وبهد الارض تحت رجليه وهو جاي من
ملجأ...

ادهم سكت وما ردش

لانه كان متأكد ان السر لو صاحبه ما صانوش يبقي ما يستاهلش يتصان

ادهم قلبه بيوجعه قوي... متخيلش ابدا ان ليلي مش هتصون سره... كل

الستات خاينه... مهما تبقي محترمه مهما تكون كويسه لكن الخيانه في دمهم

القائد: بقي عاملي نفسك ياما هنا ياما هناك وانت في الاخر حته عيل جاي من

ملجأ؟ حاله خيريه؟ ايه شايف نفسك ليه؟ ده انت يا واد ما تسواش تعريفه

وعاملي فيها غامض

ادهم اتمني ان ليلي تكون قالت بس علي الملجأ ومجابتش سيره امه

ادهم: غامض ولا مش غامض... جاي من ملجأ ولا جاي من الشارع ولا من

امريكا حتي... ده يفرق في ايه؟ انا عملت نفسي بنفسي وده شئ مش هيتغير؟؟

جاي منين بقى ده شئ يخصني ما يخصص حد

القائد: لا يخص... لما تبقي ابن عاهره فده يخص
ادهم غمض عنيه... ليلي قالت كل حاجه
القائد: سمعة الظابط مهمه جدا.... لان لو امه عاهره وخاينه هيبقي هو كمان
زيها خاين وده ما ينفعش في مجالنا وشغلنا بس انا مش عارف احنا ازاي كنا
عمي للدرجه دي؟ ماهو انت نسخه منها... سكر وكباريهات ونسوان وقرف...
ياريتك كنت مت لما امك حبستك في قبر ابوك علشان تموت معاه وهيا تتسرح
مع عشيقها كنت ربحتنا منك دلوقتي
ادهم للحظات مش عارف يتكلم او ينطق او يقول ايه؟ او يدافع عن نفسه
بايه؟؟ وجعه اكبر من خيانه امه ليه؟ ليلي خانته
ادهم: قبر ايه اللي بتتكلم عنه؟ انا ماعرفش بتتكلم عن ايه؟
القائد: قبر ابوك... نسيته؟؟ ولا كنت نانوس صغير؟؟ خرجت ازاي منه؟ ما
تقولنا .

ادهم: انا مش عارف انت جايب التخاريف دي مينين عاده النسوان اللي بتحب
تألف مش الرجاله
القائد: انا اتأكدت من الملجأ اللي كنت فيه والمستشفي اللي دخلتها بعد ما
خرجت من القبر... فدي مش تخاريف نسوان... دي حقايق وبأدله
ادهم: انا كنت في المستشفى نتيجته حادثه حصلت وانا مع عيلتي وهما ماتوا في
الحادثه دي وانا اللي فضلت عايش وبسهوله لو رحلت في سجلات المستشفى
هتجيب شهاده وفاه لابويا وامي واعتقد ان ظابط عيل هيعرف يجيب
السجلات دي وفعلا خرجت علي الملجأ ووصلت لهننا.... (ادهم علي صوته) حد
عنده اعتراض علي ده؟
كلكم هنا داخلين كلياتكم بالوسطه والرشوه ووصلتوا لهننا برضه بالرشوه انا
وصلت هنا بدراعي ووصلت لمستوايا ده اللي كلكم بتتمنوا تبقوا زيه بنفسي

فاوعي تتخيل انك هتخليني اوطني راسي او امشي مكسوف اني جاي من ملجأ لأ
فوق.... انا المقدم ادهم وهفضل علي طول كده ومحدث هيوطني راسي ابدأ
القائد: انت موقوف عن شغلك لحد ما يبانلك اصل يا ابن العاهره
ادهم للحظه وقف وبعدها هجم علي القائد عايز يضربه بس اصحابه التلاته
مسكوه

القائد: ايه الكلمه وجعتك قوي... اللي علي راسه بطحه
هنا مدير المخبرات دخل

المدير: ايه اللي بيحصل هنا؟ عيال بتتخانقوا ولا ايه؟
ادهم امسك اعصابك شويه... اتفضل علي مكتي
الاجتماع هيتأجل لوقت تاني كل واحد يروح يشوف شغله

في مكتب المدير

المدير: ايه اللي صح في الشائعات اللي ماليه الاداره دي؟ انت فعلا والدتك
كانت كده؟

ادهم: لو انا موقوف عن الشغل يبقي بعد اذنك همشي وهستقيل؟؟؟

المدير: رد علي سؤالي يا سياده المقدم

ادهم: كل كلمه اتقالت صح وبعدين؟ رد انت كمان علي سؤالي

المدير: المثل بيقولك اذا بليتم فاستتروا... قولت لمن سرك وفضحك كده؟

انت شغال اهو من اكثر من ٨ سنين ومحدث يعرف حاجه عنك ليه فضحت
نفسك كده؟

ادهم: انا موقوف ولا لأ؟؟؟

المدير: ادهم انت اكفأ ظابط اشتغل هنا وماضيك ده ما يعنيليش اي شئ

ادهم : انا موقوف ولا لأ؟؟؟

المدير: لو وقفك هتثبت عليك الاشاعات دي... لا مش موقوف الاجتماع
هيبي بكره وهأكد كلامك ان اهلك اتوفوا في حادثه وانت اتنقلت مستشفى
ومنها الملجأ وشويه والكل هيسكت بس لو سمحت سيطر علي اعصابك وما
تتخانقش مع حد اتفضل

ادهم خرج والكل مستني يشوفه راح علي مكتبه ورجالته لحقوه كلهم علشان
القضيه اللي شغالين عليها كلهم دخلوا عليه ووراهم مصطفى اللي دخل ورزق
الباب وراه وكلهم بصوله باستغراب ، نظره طويله جمعته هو وادهم وهو
بيقول لادهم تستاهل بعنيه ، ادهم اتكلم مع رجالته عادي وكلف كل واحد
بمهمه يعملها الا مصطفى

مصطفى: وانا هعمل ايه؟

ادهم: ولا حاجه

مصطفى: يعني ايه ولا حاجه دي؟

ادهم: يعني ولا حاجه تتفرج وتتعلم وتسكت وبس

مصطفى: يعني ايه بقي ان شاء الله؟

ادهم: مش عاجبك شوف غيري

مصطفى: لا مش عاجبني ولا مش هشوف غيرك

ادهم: اهم حاجه في الفريق الثقه وانت ما بثقش فيك نهائي وعلشان كده مش

هخلي حياه اي حد تكون معتمده عليك ولحد ما تسترد ثقتي هتفضل تتفرج

مصطفى: كلامك مش عاجبني

ادهم: معنديش غيره

مصطفى: كل ده علشان الكلام اللي اتقال عليك النهارده وجعك صح؟ انك

تكون عريان قدام الكل بيوجع صح؟

ادهم: مصطفي انا لو عايز اوقفك هوقفك وهطعلك لسانك ده خالص وهخلي
رقتك دي في الارض بس انا سايبك بمزاجي... اطلعوا بره كلكم وسيبوننا
كلهم طلغوا بره

ادهم: انا ممكن ببساطه اقول ان اختك واحده من العاهرات بتوعي ولما رميتها
بره انت جاي تطلع اشاعات عني واعتقد ان كتير هيصدق... ده غير اني ممكن
اجي اخدها من وسط بيتكم واغتصبها قدامكم واصورها لك واعلقك صورها
هنا... تحب اعملك كده؟ وتشوف مين فينا هيقول أي الاول؟؟؟ انت مش قدي
فمتقفش قصادي لاني لحد دلوقتي عامل اعتبار لوالدك اللي دخل بيتي وامك
اللي جاتلي المستشفى وحطت لقمه في بوقي... ودلوقتي اطلع بره
مصطفي خرج وراح بيتهم وهو مبسوط ان ادهم اتفضح بالمنظر ده

مصطفي: ليلي.. لولي... ليلي تعالي

ليلي خرجت تجري وابوها وامها كمان

ليلي: في ايه؟

مصطفي: لا انتي تشوفي بعينك... كلكم تعالو اتفرجوا

مصطفي وصل تليفونه بالشاشه وعرض لهم اللي حصل بين القائد وادهم

ولحد ما المدير دخل وبعث ادهم لمكتبه

ليلي طول الوقت مركزه علي ادهم وحست بوجعه وحست بمدي غلطها

وبشاعتها.. دموعها نزلت وافتكرت

"اوعي يا ليلي تكوني وجع جديد... اوعي تخلي حد يعرف حاجه عن امي ويعايرني

بيها... انت روجي وعلشان كده شاركتك" ...

كل كلامه بيرن في دماغها وفاقته علي صوت ابوها

عم محمد: لا حول ولا قوة الا بالله... انتو عملتو ايه؟ انتو عملتو ايه؟ من امتي

بنفضح الناس كده؟ هيا دي تربيتي ليكم؟؟ هيا دي اخلاقكم... تعايروا واحد

كده؟ ما ممكن تكونوا مكانه؟ واحد عيلته ماتت نعايره بده؟ استأمنك علي سره تخونيه كده؟

ناديه: علشان كده كان بيترجاني ما اوجعوش علشان امه وجعته قوي...
علشان كده حنيه اي ام بيشوفها بتوجهه... حرام يا ليلي ليه يا بنتي كده؟
ليه تخليه يكره امه اكثر ماهو بيكرهها؟؟ يعني حاولت تقتله ورمته ودخلته
ملجأ وحتى وهو كبير يتعاير بها؟؟ هو جالك هنا واتقدملك ما سابكيش... هو
جالك البيت وابوكي رفضه... بتعاقبيه علي رفض ابوكي ليه؟ ده جزاته انه
حافظ عليكي؟؟؟ امك علي سره تقومي تفضحيه انتي واخوكي كده؟
ليلي: هو خاني قبل ما انا اخونه... انتو بتلوموني ليه؟
انا مش غلطانه

عم محمد: غلطانه وستين غلطانه

ليلي: انا حبيته وهو خاني وراح يرقص وسط الرقصات ولما واجهته جرحني
وهاني انا ومصطفي... قولهم يا مصطفي عمل ايه قولهم
مصطفي: ايوه هو بدأ الحرب دي يستحمل بقي
عم محمد: اسكتوا انتو الاتنين انتو مش فاهمين حاجه اسكتوا
ليلي: لا يا بابا مش هسكت هو بدأ بالخيانة... وجزات الخيانة خيانه
عم محمد: هو مخانكيش يا متخلفه مخانكيش ابدأ
ليلي: انا شوفته بعيني انا شوفته

عم محمد: شوفتي ايه؟ شوفتيه في السرير؟ شوفتي ايه بس؟؟ لا حول ولا قوة الا
بالله

مصطفي: مالك يا بابا... انت اكثر واحد كنت رافضه بتدافع عنه ليه؟
عم محمد: علشان يا ابني ربنا ما يرضاش بالظلم ابدأ... يا بنتي من ستر مسلما
ستره الله يوم القيامة

ليلي: انا مش فاهمه؟ انت بتدافع عنه ليه كده؟
 عم محمد: علشان هو مخانكيش... هو بيحبك يا ليلي وبيحبك قوي كمان
 ليلي بعياط: ادهم ما بيحبنيش لو بيحبني مكنش خاني
 عم محمد: ما خانكيش... هو بس نفذ اللي انا طلبته منه... انا رفضته وطلبت منه
 يبعد عنك وماعرفش يبعد ازاي لانك هتتمسكي بيه وانا اللي قتلته يعمل كده
 انا اللي قتلته انه لو خانك هتسيبيه؟ انا قتلته يروح الكباريه علشان تشوفيه
 هناك... انا بعث اخوكي هناك لاني عارف انه هيجي بسرعه ياخدك تشوفيه...
 كلمته وقولته انكم رايعين وهو مثل انه وسطهم علشان تبعدي عنه علشان
 ما تخسرنيش عيلتك بسببه... وانا اللي اتصلت بيه الصبح بدري وقولته انك
 رايحاله وهتواجهيه ووعدني انه مش هيجيكي تروحيله تاني ابدًا .. ادهم
 بيحبك ونفذ كل اللي طلبته منه ما خانكيش انتي اللي خنتيه وخنيت سره
 وفضحتيه . ادهم طلب مني حاجه واحده بس مني... طلب ان سره يفضل في
 امان وانا وعدته لاني كنت واثق في تربيتي ليكي... وعدته ان سره يفضل في
 امان... انتي يا ليلي اللي خونتيه... زي ما امه خانته قبل كده واتسببت في جرحه
 كده انتي جيتي وزودتي الجرح ده قوي... امه وحببيته .. انتي دمرتيه يا ليلي
 ليلي قعدت مكانها وافتكرت كل كلمه بينها وبين حبيبها وافتكرت كل لحظه
 اتوجعها في حضنها وكل لحظه فرح وعرفت انها خسرت ادهم للنهايه

ادهم روح بيته مليان غيظ وقهر من ليلي .. مفيش حاجه اسمها حب... ليلي
 بس كانت مهموره بيه او معجبه او بس لمجرد انه رفضها... هو حياها بكل
 جوارحه وقلبه وبكل غباء راح قالها علي سره اللي محافظ عليه سنين طويله...
 ما تعلمش الدرس من اول قلم... اذا كان امه خانته ورمته مش هتخونه واحده

عاديہ لمجرد انه بيحبها؟؟؟ ما هو حب امه عملت ايه فيه؟ حاولت تقتله؟؟
واهو بيحب تاني لانه غبي قوي؟؟؟ كان متوقع ايه؟ كان مستني ايه؟
الوجع جواه كبير قوي... مش عارف يعمل ايه؟ مش عارف يروح فين؟ ليه حبيها
كده؟ ليه موجه قوي كده... رمي الكاس اللي في ايده كسره ومره واحده قام
يكسر كل حاجه حواليه .. التريزه... المرايات.. الفاضات... كل حاجه حواليه
بيكسرها... جواه نار عايزه تحرق كل حاجه... كلمه واحده بترن جواه... ابن
العاهره... مش عارف ازاى يسكت الكلمه دي... بيصرخ ويكسر كل حاجه
كسر الصاله كلها والمطيخ.. كسر كل حاجه جواه... كل حاجه بيفتكر ان ليلي
لمستها بيكسرها .. ادهم بص حواليه كل حاجه مكسره بس برضه مش راضي
عايز يعمل اكر من كده

جرس الباب ضرب تجاهله بس الباب اتفتح

ودخل ابو ليلي وامها واخوها وهي

العيله كلها جت علشان يصلحوا اللي اتكسر .. اول ما شافوا المنظر عرفوا ان
اللي اتكسر مش هيتصلح .

ادهم: عايزين مني ايه؟ جاين ليه؟ عايزين تشمتوا؟؟ اشمتموا انا اهوہ قدامكم
مجنون متخلف... مصطفي لو عايز تطلع موبيلك طلعه وصورني تاني مش
كنت بتصور والقائد بيعايرني بماضيا صور تاني؟؟؟ نزل صورني علي الفيس
وانشرهالي .. انتو عايزين مني ايه؟

عم محمد: انا جاي اتأسفلك علي اللي حصل انا السبب

ادهم: ليه هو انت اللي كنت غبي ورحت فضحت نفسك... انا ما حفظتش علي
سري؟ انا فضحت نفسي؟ انت واحد خايف علي بنته وما غلطش؟؟ انت
شايف اني واطي وما استاهلش بنتك انت حر... قبلك امي اللي ولدتي شافت
اني ما استاهلش اعيش عادي يعني؟؟؟ انا اللي ما اتعلمتش كويس... ما

استوعبتش الدرس فكان لازم يتعاد تاني... ما استوعبتش انه مش لازم تثق في حد ابدأ؟؟ ما استوعبتش ان اي ست في الدنيا مهما كانت هتخونك... بسبب او من غير سبب هتخونك فكان لازم اجره الخيانه تاني علشان افضل فاكر بقي؟

ليلي: انا اسفه سامحي كنت موجوعه منك اسفه

ادهم: اسفه؟؟؟ اعمل بيه ايه اسفك ده؟؟ بس انتي مش غلطانه... ده كان غلطي ما تتأسفيش

عم محمد: يا ابني معلش اعذرها

ادهم: ابنك؟؟؟ دلوقتي بتقولي ابنك؟؟ ما انا اترجيتك وقولتلك امسك ايدي قولتلي لأ همسك ايد بنتي بس... وانا ما اعترضتش امسك ايد بنتك بس مش لازم توقعوني انا.. انا ما صدقت طلعت ل فوق بتزلوني تاني تحت سابع ارض... انا عملتلكم ايه؟

قولتلي ابعده عن ابني بعدت... قولتلي رجعه! رجعته... قولتلي ابعده عن مراتي بعدت وقولتها ما تجيليش تاني المستشفي ... ابعده عن بنتي بعدت... قولتلي مثل عليها انك بتخونها مثلت؟؟ قولتلي خلمها تكرهك خلمتها... اعمل ايه

تاني؟؟؟ سيبوني في حالي بقي؟ ابوس ايديكم سيبوني في حالي

ليلي بتعيط: سامحي علشان خاطري

ادهم بزعيق: مالكيش خاطر عندي انتي فاهمه... مالكيش خاطر ابدأ... انا سلمتك روجي... انا حظيت قلبي بين ايديكي... ما حسيتش بده؟ ما حسيتش بحبي ليكي؟! لمجرد كلمه قولتها لك علي طول رميتي حبي ده؟ مسكتي قلبي وجيتي سكينه بارده وغرزتها فيه؟ ملقيتيش اي عذر تلتمسهمولي؟؟ ما فكرتيش مثلا اني ممكن اكون في مهمه وده تمثيل؟؟ ما عرفتيش تلاقي جواكي اي ذره حب ليا تحافظي بيها عليا؟؟؟ ما عرفتيش اكرهيني بس حافظي ولو علي جزء بسيط

مني؟؟؟

ليلي: انا اسفه اسفه... انا بحبك

ادهم: نعم؟ بتحبيني؟؟؟ بتحبيني؟؟؟ بتحبي ايه في ابن (لفظ خارج) بتحبي ايه فيه؟ انا مش عارف اروح شغلي.... اصحابي ببصولوا بنظرات غريبه... مابالك الغريب... انا كنت عيل ميت وعشت عمري كله ابني في مستقبلي ده واحط طوبه وري طوبه لحد ما وصلت لده... ما املكش غير شغلي واسمي وانتي يا اللي بتحبيني دمرتيم ...

ناديه: يا ابني معلش حرك عليا انا... سامحهم علشان خاطري انا

ادهم دموعه نزلت ولاول مره قدام حد

اول مره يضعف قدام حد

ادهم: ارجوكي... ارجوك انت كمان (بص لعم محمد)

ارجوكم انتو الاتنين خدوا عيالكم وابعدوا عني... انت كل طلباتك نفذتها لك

فارجوك انا سبق وطلبت ووعدتني واخليتوا بوعدكم فارجوكم ابعدوا عني...

سيبوني في حالي... سيبوني ألملم نفسي بنفسي... ارجوكم سيبوني في حالي

ادهم قعد في الارض وهو بيتراجهم ويبطلب منهم يمشوا

عم محمد اخذ عيلته وشدهم وسابوه وقفلوا بابه عليه

ادهم عيط لوحده بطريقه معيظهاش قبل كده

عيط علي ابوه اللي مات... علي امه واللي عملته.. علي اخواته اللي اتحرم

منهم... واخيرا علي حب حياته.... قرر انه هيعيط بكل اللي جواه بس هيقوم

علي رجليه تاني وهيقف تاني والمره دي هيلغي كلمه مشاعر من قاموسه...

هيلغي سكينه ليلي مغروزه جوه قلبه مش هيشيلها ابدًا علشان لو بس فكر

يدق هتوجعه فيلغي دقائقه.... وتوجعه السكينه... عايز الوجع يفضل علي

طول جواه مش عايزه يروح ابدًا...

ليلي بتعييط جامد قوي وبحرقه قوي... ندمت بس خلاص الندم معدش ينفع
واللي اتكسر مش هيتصلح . ادهم وثق فيما وهيا كسرت الثقة دي مليون حته...
عمره ما هيثق في اي حد تاني ابدا وده بسببها هي.

ادهم قام الصبح تاني يوم لبس ونزل وكلم البواب

ادهم: عمي لطفي

عم لطفي: ايوه يا باشا خير؟

ادهم: معلش يا عم لطفي شوف كام واحد ثقه واطلع معلش اتعبوا ونظفولي

الشقه لو سمحت هتعبك

عم لطفي: لا يا باشا لا تعب ولا حاجه ده انت علي طول خيرك سباق... هتيجي

تلاقيها فله

ادهم نزل انسان جديد.... بارد... معدوم المشاعر تماما .. راح شغله وحضر

الاجتماع... داخل بملامح جامده مفهاس اي شئ... القائد بتاعه دخل وراح

ناحيته كان ادهم قاعد وحاطط رجل علي رجل والقائد قدومه ومستني ادهم

يقف بس تجاهله كأنه مش موجود

القائد: هو انت مش شايفني ولا ايه؟ قوم اقف

ادهم: _____ :

القائد: بقولك قوم اقف

ادهم: _____ :

القائد: انا قلتلك امبارح انك موقوف ايه اللي جابك؟؟؟؟ لسه بنحقق في

ماضيك يا ابن الع

ملحشش يكمل الكلمه لان ادهم قام ومسكه من رقبته ورجعه لورا لحد ما

زنقه في الحيطله

رفعه بايد واحده حاططها علي رقبتة ورافعه عن الارض وبيتنخنق في ايده
ادهم: كلمه زياده عن امي او هتقول ابن كذا وكذا قسما بالله لاوريك ازاي
الواحد بيقتل بدم بارد

وهتكون انت اول واحد اقتله بدم بارد فعلا

ادهم سابه واول ما سابه وقع في الارض مش قادر يتنفس... رجع مكانه وقعد
وحط رجل علي رجل تاني

الكل سكت تماما ومحدث عنده الجراه يفتح بوقه لان ادهم اتحول لوحش
كاسر مجروح واي حد هيقرب هيقنتله من غير تفكير

مصطفي قاعد عايز يقوم يعتذرله قدام الكل بس معندوش جراه وبعدين مش
عارف ممكن يقول ايه؟ ويجيب سيره اخته ولا كده هيضرها؟؟؟

المدير دخل وبدأ الاجتماع بانه يبرأ ادهم ويمنع اي حد يتكلم تاني في الموضوع...
ليلي رجعت شغلها بس بقت عايشه وخلاص من غير حياه..بتفتكر وتعيط

وتندم وتعوض ايدها من اللي عملته .. كل شويه تفتكر وهو بيقولها سلمتكم
روحي حافظي علمها وهيا ضيعته من ايديها .. نظرات اتهام بتوجهها لابوها من

غير كلام وابوها بيتوجع علي بنته .. متخيلش ابدأ انه هيدمر بنته وقلبيها
كده؟؟ متخيلش ابدأ انها بتحبه كده؟؟ متخيلش ابدأ انه يجي يوم وهو يكون

السبب في تعاسه بنته؟؟

ناديه برضه بتتهم جوزها علي اللي عمله وبتحملة المسؤليه لكل اللي حصل

ناديه: مش عارفه كان هيجري ايه لو بدال اللي عملته ده كنت فتحت ايديك

ليه وخذته في حضنك واعتبرته واحد من عيالك؟؟؟ ليه ما حسيتش انه صادق
في حبه؟؟ ليه معرفتش تحس بيه؟

عم محمد: اهو اللي حصل... انا اصلا ما تخيلتتش ان كل ده ممكن يحصل اصلا...

عمري ما تخيلت ان في ام بالقسوه دي وممكن تعمل كده في ابنها... وعمري ما تخيلت ان ليلي تفضحه كده؟؟؟

ناديه: اللي بيكون مجروح بيعمل اي حاجه... عقله بيكون ملغي... وهيا ساعتها كانت موجوعه ومصدومه فحبت تنتقم... انت السبب وانت لازم تصلح اللي حصل كله ...

عم محمد: ما اعرفش ان كل ده هيحصل.... اول مره احس اني ظالم ووحش قوي كده... الواد ده انا ظلمته وظلمت بنتي قبله ولو بايدني حاجه مش هتأخر ابدا ناديه: روحه يا محمد روح واستسمحه.. انت ظلمته قوي وانت وبنتك... ظلمتوه جامد ...

عم محمد قرر يروحله وقال لمصطفي بس مصطفي قاله ان ادهم اتغير جامد جدا والافضل انه ما يروحش ، اصر وراحله بيته الصبح كالعاده بس خبط كتير ومحدث فتح وطلعله البواب وقاله ان ادهم مش موجود اصلا عم محمد كان مروح البيت بس طلعت في دماغه يروحله الشغل وفعلا راح ابنه قابله

مصطفي: بابا خير؟ انت بتعمل ايه هنا؟؟

عم محمد: جاي لادهم هو فين مكتبه؟؟

مصطفي: ما بلاش ليقولك كلمه كده ولا كده تضايقك؟؟ ادهم مبقاش انسان زينا ده اتحول لحاجه مخيفه كده والكل بيتجنبه

عم محمد: واحنا السبب في ده ولازم ارجعه انسان تاني وديني مكتبه ومالكش دعوه انت

مصطفي ودي ابوه لمكتب ادهم وانسحب راح لشغله

ابوه خبط واول ما سمع ادخل دخل

عم محمد: سلام عليكم يا ابني

دي فعل ماضي... ماضي وانتهي ...

عم محمد: يعني ايه؟ بطلت تحبها؟؟؟

ادهم: ما اعتقدش

قاطعه عم محمد: وطالما ما تعتقدش يبقي ترجعوا لبعض

ادهم: اسمعني للاخر.... الشخص اللي كان بيعحبها مات... ادهم اللي كان بيعحب

ليلي ده مات..امي من سنين طويله حاولت تقتله وفعلا قتلت جزء كبير قوي

منه بس قاوم وعاش ووقف وجت بنتك واستولت علي كل جوارحه قلبه وعقله

وروحه ووجدانه رحمت انت ضربته وجرحته وقتلته مش من حقه يعيش وبعدين

جت بنتك ضربت ضربتها القاضيه وكملت عليه وقضيتوا عليه تماما... مات

خلاص وانتهي... ومعدلوش اي وجود... اخذ جزاء غباؤه ومات واتدفن

عم محمد: انت اهو قدامي؟؟

ادهم: انا اهو قدامك فعلا بس شبيه ليه... نفس الشكل والهيئه لكن من غير

قلب او مشاعر او احساس... اله بتنفذ الاوامر وبس... بتقتل وبس.. كل

المهمات حاليا اللي بتطلب مني عباره عن قتل وبس ودي وظيفتي

معنديش حاجه بقي احب بيها والكلام ده خلاص

عم محمد: يا ابني

قاطعه ادهم: وقتك خلص

عم محمد: يا ابني بس اسمعني

ادهم: وقتك خلص اتفضل احمد ربنا اني سمعتك الحبه دول... شوف

طريقك... وشوف لبنتك حد يناسيها... يحبها وتحبه... اتفضل بقي من هنا...

ادهم قام وقف وعم محمد معرفش يقنعه بحاجه او ياخذ معاه حق ولا باطل

فمشي بيته

بتعدي الايام وادهم ما بيديش لنفسه فرصه يفكر اصلا او يتألم او يتوجع
بيشتغل زي المجنون... بيتعور كثير... بيتمرن اكثر واكثر... ديما وقته مشغول
بحاجه... ديما عايز يحس بألم جسدي علشان يشغله عن الألم الاصعب وهو
ألم القلوب... لانه لا له مسكن ولا له علاج .. علاقته باصحابه بقت سطحيه
مش عميقه زي الاول .. ادهم عرف ان مرات محمد رقيه ولدت وراح المستشفى
يزورها .. وهو رايع كان متردد لانه مش مستعد نهائي يشوف ليلي او يتكلم
معاها خايف تكون موجوده .. خايف قلبه يحن او يضعف... طول الطريق
بيفكر نفسه انها محافظتش علي سره وانها ما تستاهلش حتي مجرد التفكير
فيها .

وصل المستشفى وعرف مكان رقيه وطلع خبط ودخل .. كان اكرم ومني هناك
ومحمد قاعد جنب مراته كانوا بيضحكوا وبهزروا واول ما ادهم دخل سكتوا
ادهم دخل سلم عليهم وسلم علي رقيه وهيا متعوده انه يبسلم عليها ديما زي
اخوها .. بيحضنها كأخ... ادهم كان هيقرب بس لمح نظره في عين محمد وكأنه
عدو لهم مش صاحب .. قلبه وجعه للحظه ان اقرب الناس ليه نظرتهم
اتغيرت .. سلم عليها عادي وقعد دقيقتين .. كان الجو ثقيل كده وصمت
مسيطر علي المكان .. والكل متوتر وادهم عرف ان وجوده مش مرغوب
وعرف ان اصحابه كمان اتخلوا عنه وانه مالوش مكان وسطهم
يدوب هيقف فالباب خبط ودخلت ليلي.

ليلي: حمدالله علي السلامه عامله ايه يا جميل حاليا؟

ادهم وقف كان مدي ظهره للباب وبصلها .. ليلي قلبها دق جامد اول ما شافته
هيا ما ربطتش بين اسماؤهم واصحابه .. كانت عايزه ترمي نفسها في حضنه
كانت عايزه تتأسفله لحد ما يرضي .. كانت عايزه تقوله ان الحياه من غيره

صعبه او مستحيله .. كانت وكانت و كانت ...

ادهم: طيب حمدالله علي السلامه يا رقيه وتخرجوا بالسلامه من هنا... بعد اذنكم

ادهم خرج بسرعه من الاوضه ومشي بسرعه قبل ما ليلي تخرج وراه .. مشي ويدوب هيدخل الاسانسير بيحط ايده في جيبه ملقاش مفاتيح عربيته دور في جيوبه ملقاهوش وهو كان طالع بيه عرف انه اكيد وقع منه لما قعد في الاوضه فرجع يجيبه .. ادهم اول ما خرج من الاوضه

محمد: بقولك ايه يا رقيه انتي ما تسلميش عليه كده تاني فاهمه ولا لا؟

رقيه: ده ادهم يا محمد... ادهم

محمد: انتي سمعاني ولا لا؟؟؟ كام سنه معشرينه وما نعرفش عنه حاجه؟؟ طبعا لانه عارف ان محدش هيقبل بيه لو عرف ماضيه وماضي امه القدر ده انا مش عارف احنا ازاي كنا بنتق فيه!؟؟؟ ده راجل مش مضبوط واكيد بيبيص لمراتاتنا بطريقه مش كويسه والله اعلم بي فكر ازاي فهم؟

اكرم: لا ما اعتقدش انه ممكن يبصلهم ادهم مالوش في جو الخيانه ده محمد: ليه؟ ما احنا كلنا كنا بنسهر مع بعض في الكباريهات بس اخر الليل بنروح هو كان بيروح فين؟ كام واحده نام معاها وخالها تخون اهلها او جوزها انا مش عارف اصلا احنا ليه كنا مغمضين عيننا!؟؟؟ وبعدين بكره يتهجم علي مرات اي واحد فينا

مني: لا طبعا ما يعملهاش

محمد: ليه؟ مكنتيش بتقولي انتي ان المهمه اللي تطلعي فيها مع ادهم ما بتناميش فيها؟ ولا نسيتي؟

اكرم: بس برضه ما يخونش

محمد: اكرم الخيانه دي بتبقي وراثه وجينات وانت شفت امه كانت ايه والله اعلم

ابوه كان ايه؟ وهو نسخه منهم... انت ممكن تطمن لما مراتك تبقي معاه؟؟؟
مكنتش بتخاف علي متي لما تطلع معاه؟؟؟ اكذب وقول لأ؟؟؟ مستعد دلوقتي
ان متي تطلع مع ادهم وتسافر معاه في اي شغل؟؟؟ هتنام بالليل وهيا معاه؟؟
هتثق فيه؟ رد يا اكرم

طبعا كل الحوار ده وادهم واقف بره الباب سامع كل حرف وكل كلمه ومستني
رد اكرم لانه اكرت واحد قريب منه

محمد: رد يا اكرم ممكن تأمن علي متي مع ادهم؟

اكرم: لا يا محمد مش هآمن عليها معاه... وفعلا لو طلعت معاه ما بنامش الليل
من الخوف والقلق انه يغويها خلاص ارتحت كده؟

محمد: طيب انا مش عايزه يخرج معنا تاني او يعي بيتي او يكلم مراتي اعمل ايه؟

اكرم: يعني هتعمل ايه؟ هتروح تقوله ما تجيش تكلم مراتي؟

ليلي سامعه الحوار ده وهما ما يعرفوش ان دي ليلى اللي سبق وكلموها ودي
ليلى حبيبه ادهم

ليلى كانت عايزه توقفهم وتقولهم ان ادهم ما يستاهلش كل ده؟ بس معرفتش
تنطق.... هي السبب في كل اللي بيحصل ده لحبيبهها .. ادهم بره الباب ساند

راسه علي الباب ومش قادر يتحرك او يمشي او يدخل يجيب مفاتيحه

كان متخيل ان بعد ضربه ليلى مفيش حاجه تاني ممكن توجهه بس برضه لسه
بيتوجع .. اصحابه دول ياما كان مستعد يضحي بحياته علشانهم... ياما اتعرض

لضرب النار علشان يحميمهم.... ياما عمل المستحيل علشان هما ما يواجهوش
الخطر.. اعتبرهم زي اخواته الصغيرين مع ان هو اصغر عنهم.. ولمجرد انهم

عرفوا ماضيهم بعدوا وكأنه وباء وهيعدمهم .. كل ده نتيجة غلظه واحده ارتكبها
ثقتة في ليلى.... ده اكبر غلط ارتكبه في حياته

محمد: اكرم انا مش عايزه يشوف مراتي تاني؟ يا تتصرف انت يا اما انا هقولها له صريحه ..

اكرم: بص احنا نخرج من وراه مره وري مره ونتكلم قدامه عن الخروجه وهو هيفهم ان احنا خلاص مش عايزينه وسطنا ادهم وصل للقمه مش قادر يسمع اكر من كده .. خبط علي الباب واستني يقولو ادخل ودخل .. كلهم اتفاجؤا بيه

ادهم: مفاتيح عربيتي وقعت متي هنا الكل يببص عليها وليلي لمحتها واقعه جنب السرير فجابتها ليلى: اتفضل اهي

ادهم: متشكر بعد اذنكم

مشي خطوه ووقف اتكلم من غير ما يبصلهم

ادهم: علي فكره انا عمري ما بصيت لمرات واحد فيكم ابدا... اعتبرتهم اخواتي البنات واعتبرتكم انتو اخواتي وعاملتكم بالاساس ده

اكرم: ادهم

قاطعه: عمري ابدا

سابهم ومشي ومأعظاهم مش فرصه يتكلموا

اكرم: الظاهر انه سمع كل كلمه قلناها

محمد: احسن

ليلى خرجت تجري وراه علشان تلحقه وفعلا لحقته .. وقفته ومسكته من دراعه علشان يقف لانه مش بيرد عليها ووقت قدامه بدموعها النازله...

معرفتش تقوله ايه ...

ليلى: انا اسفه... انا اسفه

بتعيط بحرقه

ليلي: سامحني يا ادهم

ادهم: انا اعرفهم من اكثر من عشر سنين... اعتبرتهم بدل اخواتي اللي اتحرمت منهم... وانت في لحظه.. مجرد لحظه دمرتي كل حاجه املكها... دمرتيني.. دمرتي قلبي.. روعي.. اسمي.. سمعتي.. اصحابي.. كل حاجه املكها دمرتها... وكل ده لان انا ضعفت وحببتك لاني وثقت فيكي..... ياه درسك كان اصعب من امي... عارفه انا ممكن في يوم من الايام اسامح امي لانها عملت ده بدافع الحب..... حبيبها قالها اقتلي ابنك.. وهيا وافقت.... لكن انتي دافعتك كان ايه؟ مجرد انك اتضايقتي مني فقلتي خليني اهد كل حاجه فوق دماغه؟؟ ما علينا خلاص بقي

ليلي: اسفه سامحني

ادهم جواه برود في نظراته وكأنه معدش بيتوجع او يتألم
ادهم: عادي بقي اللي اغلي منهم راح فهما مش هيفرقوا كثير... كله بقي عادي ...

ليلي: سامحني وارجلي ارجوك

ليلي هتقرب من ادهم اكثر فزقها بعيد عنه
ادهم: ادهم المتخلف اللي بيسامح ويحب مات ودفنته واخر حاجه كانت تربطه بعالم البشر كانت اصحابه دول والحمد لله راحوا هما كمان.... ادهم اللي قدامك ده ولا يبحب ولا بيسامح فريحي بالك

ادهم بعد اصحابه عنه قساه اكثر واكثر وزود كرهه لليلي.... وليلي اتكسرت اكثر واكثر وعرفت انها قتلت فعلا ادهم الانسان.... في مهمه ادهم كلفها لرجالته بس المره دي ساهم تماما من غير ما يتابعهم .. ساهم يتعاملوا مع العالم الخارجي ويتحملوا مسؤوليه اختياراتهم .. في اخر مهمتهم اتعرضوا لضرب

نار كثير واتفتحت عليهم ابواب جهنم ومعرفوش يعملوا ايه؟ مؤمن صاحبهم
 اتصاب جامد ووقع منهم وبيترف .. وكلهم تقريبا اللي متعور واللي مكسور
 طلبوا نجده تجيلهم والنجده دي اتجسدت في رجل المهمات الصعبه ادهم
 ادهم راحلهم وشافهم وقيم حالتهم بسرعة
 ادهم: مصطفى خد مؤمن انت وهشام وانقلوه المستشفى بسرعه وانت يا خالد
 امنهم وروح معاهم واطلبوا نجده تجيلنا
 مصطفى: احنا ما ينفعش نسيبك كلنا
 ادهم: انت تنفذ الاوامر وانت ساكت... اتحركوا يالا... انا هأمنلكم الطريق
 علشان تعرفوا تخرجوا
 وفعلا ادهم اتحرك وهما بيتحركوا تحت ضرب النار بتاعه والطريق اتفتح
 قصادهم وجربوا وخالد قدامهم بيضرب اي حد يظهر في طريقه وادهم وراهم
 مانع اي حد يحصلهم
 ادهم عالج الموقف بس بطريقه متوحشه لانه ما سابش اي حد عايش نهائي
 الاول لو موقف زي ده كان بس بيصيبهم مش بيقتل ، لكن دلوقتي بيقتل من
 غير ما يدي حتي فرصه يستسلموا بيقتل وبس .. فريق النجده وصل وكان
 بقياده اكرم وصلوا بس متأخر لان ادهم خلص علي الكل
 اكرم: علي فكره اللي انت بتعمله ده غلط... انت المفروض تديهم فرصه
 يستسلموا
 ادهم: مش انت اللي هتقولي ايه الصح وايه الغلط؟؟؟ وبعدين انا اديتهم فرصه
 وهما رفضوها اعمل ايه؟ اطبب عليهم؟؟؟ سيبتلكم الجثث اتعاملوا معاها
 ادهم ركب عربيته ومشى ومقدرش يروح غير لما يطمئن علي مؤمن
 وصل المستشفى واول ما وصل ام مؤمن وابوه جربوا عليه واتفاجئ بابو
 مصطفى وامه كمان وباقي العائلات .. الكل موجود وللحظه ندم انه راح

مكنش المفروض يجي يطمن علي مؤمن لانه المفروض انه مش انسان

ابوه مؤمن : متشكرين يا ابني... ربنا يحميك ويحرسك

ادهم: انت بتشكرني علي ايه؟

ام مؤمن: العيال قالولنا ان انت اللي خرجتهم وانت اللي انقذتهم كلهم ولو

اتأخرت حبه كمان كان كلهم لا قدر الله ماتوا

ادهم: ده شغلي... انا ما عملتش غير شغلي وبس

ابو مؤمن: برضه احنا مديونينلك بحياه ابننا كلنا مديونين ليك ...

عم محمد: انت استاذهم وقائدهم وحامهم

ادهم بصله: انتو عايزين تشوفوا الوضع كده انتو حريين بس ده شغلي بعد

اذنكم

ادهم وقف بعيد عنهم ومستني مؤمن يخرج من العمليات يطمن عليه ويمشي

شويه وحس بحد بيقترب منه رفع وشه ولقي ناديه قصاده وماسكه في ايدها

فوطه مبلوله .. ادهم بيوصلها ويبص لايديها مش فاهم هيا عايزه ايه؟

ناديه: دي علشان تمسح وشك... في دم كتير في وشك وفي ايديك فلو متعور

نعالج جرحك؟؟؟

ادهم سكت كتير وجامد مكانه مش عايزه يحس ولو بلحظه حنيه من اي حد

ادهم بيروود: متعور او لأ ده شئ ما يخصكيش.. والحمام موجود اغسل وشي

وايديا.. بعد اذنك ..

سايهم وتحت نظرات الكل راح لاقرب حمام .. غسل ايديه ووشه وهو داخل لمح

ليلي بتراقبه من بعيد لبعيد .. كانت دبلانه مطفيه... روح الحياه والشقاوه

والعند اختفوا من ملامحها .. للحظه هيندم بس قلبه وجعه من السكينه اللي

سايها مغروزه فغمض عينيه واسترد قسوته وجبروته غسل وشه وخرج .. وقف

نفس مكانه وراقب ليلي من بعيد.

وبدأت كلمات اغنية أجنبية تتردد في سمعه:
كأنك لم تتركي يدي ابدا
وفي غيابك صادقت وحدتي وتحملت الكثير
كنت اقنع نفسي بانه ليس هناك قصص ذات نهايه سيئه
كنت اقنع نفسي بان نهايتنا ستكون سعيده لكن كنت اكذب علي نفسي
الطقس بدأ يصبح بارد واتوقع بانك ستبردين
احذري وتذكرينا
ارجوكي كل فتره واخري ابعتي لي اخبارك
لا تجعليني انتظر امام النوافذ
بكل تأكيد سيدخل شخص ما حياتك
كوني سعيده ولا تهمليه
انتي قاسيه. متمرده.. متقلبه.. منافقه.. عديمه الوفاء
بريئه ومذنبه في الوقت ذاته.... مثل الحياه بالظبط
مثل الحياه بالظبط

ادهم واقف متابع كل حاجه من غير ما حد ياخذ باله ، ناديه جاتله تاني
وبصلها باستفسار
ناديه: وشك لسه فيه دم انت متعور
ادهم: ما تشغليش بالك
كلهم اتموا عليه
ابو مؤمن: مصطفي مش انت اختك دكتوراه هنا وموجوده خلمها تيجي
مصطفي: لحظه.... ليلي
ادهم: انا مش عارف انتو شاغلين بالكم بيا ليه خليكم مع مؤمن وتجاهلوني
تماما

ام مؤمن: ان شاء الله هيبقي كويس بس انت كمان ما ينفعش تنزف كده... تعالي
يا بنتي شو في جرحه بينزف ليه كده عاجيه
ليلي: تسمجلي؟؟؟

ادهم مردش عليها بس استسلم قدام الكل ، ليلي شافت جرحه بايدين بتترعش
وعنين مشوشه من الدموع وادهم رافض يبصلها نهائي لانه مش ضامن ايه اللي
ممکن يحصل

ليلي: الجرح محتاج غرزتين او تلاته بالكثير ممكن تيجي معايا؟
ادهم: نظمن علي مؤمن الاول ، هنا دكتور خرج وطمنهم علي مؤمن
ام مؤمن: يا ابني ادينا اطمنا اهو روح معاها يا ابني عالج جرحك

ادهم راح معاها وطلبت منه يقعد وهو يقعد اتألم

ليلي: في ايه مالك؟ ايه اللي بيوجعك؟؟؟

ادهم: مالكيش دعوه باللي يوجعني وانجزي علشان امشي من هنا
ليلي مسحت جرحه براحه... كان هو قاعد وهيا واقفه جنبه... شم ريحتها اللي
اشتاق لها قوي... كان نفسه يريح راسه علي صدرها وتضمه .. ادهم فوق
لنفسك.. هتحن للي خانتك ولا ايه؟ ايه محتاج درس جديد؟ محرمتش؟؟
ليلي لاحظت ان ادهم غمض عنيه وانه تعبان وهو قاعد وحست انه في حاجه
تانيه غير الجرح ده

ليلي: معلىش ممكن تنام علي الشيزلونج علشان اقدر اخيط كويس وبعدين
النور هناك افضل

ادهم بصلها بنفاذ صبر .. قام وقعد علي الشيزلونج بس لاحظت انه رقد
بالعافيه وانه اتألم جامد واتأكدت انه متصاب غير جرحه السطحي ده

ادهم غمض عنيه من الألم وهيا واقفه مش عارفه تعمل ايه؟

ادهم: لو انتي فاضيه او مش عارفه تعملي ايه قولي لاني مش فاضيلك؟؟؟ يا

تنجزي يا تبعدي؟؟؟

ليلي: لحظه هديك بنج موضعي

ادهم: خيطي وانجزي مش عايز بنج

ليلي: لحظه بس

ليلي مسكت حقنه البنج وادهم شدها من ايدها ورماها بعيد

ادهم: انجزي وخيطي

ادهم بيستمع بألمه علشان يلهيه عن ألمه الداخلي .. ليلي بتخييط وادهم

ملاحظ ان اديها بتترعش شويه .. كان نفسه يهديه بس مقدرش .. ليلي خييطت

جرحه بس لاحظت انه بياخد نفسه بألم .. بتغطي جرحه واول ما خلصت وهو

بيقوم وهيا بتحاول تخليه مكانه وايديها علي صدره بتزقه براحه يفضل مرتاح

ليلي: ايه ده؟

ايدها علي صدره لاحظت حاجه غريبه

ادهم زق ايديها بعيد وحمل علي نفسه ووقف وهي وقفت قصاده

ليلي: مش هتمشي من هنا... انت عندك علي الاقل ضلعين مكسورين

ادهم: وريني هتمنعيني ازاي؟

ليلي قفلت الباب بالمفتاح ووقفت قصاده

ليلي: مش هتخرج من هنا غير لما تتعالج غير كده مش هتخرج

ادهم استغرب وضحك

ادهم: انتي متخيله انك علشان قفلتي الباب هتمنعيني؟ انتي عبيطه ولا ايه؟

ليلي: عبيطه متخلفه المهم مش هتخرج.... ارقد علي السرير اللي وراك واقلع

قميصك وانا هستدعي دكتور العظام هنا يشوفك

ادهم قرب منها: هاتي المفتاح بدال ما اكسرلك الباب

ليلي: مش هديك المفتاح يا ادهم

جامد ، ليلى أعطته فوطه وهو بيكح ولقتها مليانه دم ، ادهم وليلى بصوا
لبعض .

ليلى: ده معناه ان سيادتك عندك نزيه داخلي... وان الضلع المكسور ممكن
يكون اخترق الرئه مش ضاغط بس.... انا نفسي اعرف انت بتكابر ليه؟
ادهم: عايزه تعرفي ليه؟ (بيكح وبيتنفس بالعافيه وبينهج) لان الوجع ده
بيلهيني عن الوجع الحقيقي... عن وجعك انتي عرفتي بقي بكابر ليه؟؟؟
ليلى فتحت الباب و الدكتور دخل واول زما شافه قال انه محتاج يدخل
العمليات علي طول وفعلا دخلوه بسرعة

ادهم المره دي فاق كان فيه وشوش كتيره حواليه ، كل اللي كان مستني مؤمن
امبارح موجود ، ادهم اتعدل وكلهم حاولو يرجعوه مكانه
ليلى اتدخلت.: احنا عالجننا الرئه وضلوعك رجعت مكانها بس الحركه غلط
لانها ممكن تخليهم يتحركوا تاني فلانهم راحه تامه... خليك مكانك
ادهم فعلا مش قادر يتحرك بس مخنوق ومخنوق قوي كمان ، الدكتور جه
وكشف عليه وخرج الكل من الاوضه وفضلت ليلى وممرضه والدكتور
ادهم: انا عايز اخرج من هنا

الدكتور: سياده المقدم اي حركه ممكن تعرضك ان الضلعين يتحركوا من
مكانهم تاني وده هيدخلك اوضه العمليات تاني ومش بعيد نركبلك شرايح فيهم
يثبتوهم محتاج علي الاقل يومين بس يثبتوا شويه والرئه تلتئم شويه
ادهم: خلاص هفضل بس لو سمحت مش عايز الاوضه دي... مش عايز زيارات
نهائي

الدكتور: تمام بس دول بيحبوك وعايزين يطمنوا

ادهم: طمنهم بس مش عايز حد يدخلي... قولهم اني مشيت اتصرف

الدكتور: خلاص مفيش مشكله

ادهم: وطلب كمان لو سمحت

الدكتور: اتفضل

ادهم: مش عايز دكاتره بنات ولا ممرضات

الدكتور والممرضه وليلي بصوله

ادهم: مش عايز اي بنت تدخل هنا ولا دكتوراه ولا ممرضه ولا حتي واحده

تنظف الاوضه ينفع ولا ما ينفعش!؟؟؟

الدكتور: ينفع بس ليه؟

ادهم: مش عايز بنات انا حر ... ينفع ولا تجيبي اقرار اخلي مسؤوليتك بيه

وامشي من هنا

الدكتور: لا ينفع دي راحتك انت... اتفضلوا من هنا

ادهم فضل ٣ ايام في المستشفى وفعلا كلامه اتنفذ

تاني يوم بالليل ليلى دخلته وكان نايم ومفيش حد معاه .. فضلت تبصله وهو

نايم وتعيط بصمت .. بس لو يسامحها؟؟؟ بس لو يسمعها؟؟؟ عمرها ما حبت

قبله ولا هتحب بعده كان نفسها يبقي هو جوزها وحببيها وعشيقها وابو

عيالها... كان نفسها يكون هو شريك حياتها .. فضلت كتير جنبه وهو نايم

قربت منه قوي واخذت نفس طويل علشان تاخذ نفسه اللي خارج منه

جواها... عايزه تتنفس انفاسه هو .. ادهم حس بيها او كان حاسس بيها من

ساعت ما دخلت اوضته .. لمست خده براحه... يااااه وحشها قوي.... وحشتها

كل حاجه فيه... دقنه اللي بتشوكتها... ضحكته لما يتريق عليها... حنيتها لما

يضمها ... بس عمره ما باسها ابدأ ولا حاول يبوسها نهائي

كانت علي طول تتفرج علي اي فيلم في التلفزيون وتحس ان الممثلين بيبالغوا في

تمثيلهم وان البوسه دي شئ مقزز اكثر من انه حلو... عمرها ما تخيلت ابدا
انها ممكن تتمني تلمس شفایف حد زي اللحظة دي .. عمرها ما تخيلت انها
ممكن تشتاق لده ابدا .. غمضت عنيا ولمست شفایفه بشفايفها
طبعا ادهم معدش ينفع يمثّل انه نايم اكثر من كده.

فتح عنيه وبعدها عنه براحه واتقابلت عنيم في نظره طووووويله
عنيا كانت مليانه حب ولهفه وشوق وجوع .. ادهم لو حجر كان نطق واتكسر
بس هو مش حجر ده انسان ودي حبيبتة قدامه ومقدرش يقاومها اكثر من
كده .. مره واحده شدها بعنف عليه..... باسها بغل... بعنف... بكره....
بحقد... بغیظ... واهم من كل ده.. بحب ليلي معرفتش تبعد عنه وهو
معرفش يبعدها عنه

شدها عليه قوي وهيا طلعت علي سريره وقعدت علي رجليه ولما تعب من
القعهده نام واخذها فوقه وهيا حاولت ما تحملش علي صدره .. كان واحشها
قوي قوي... اخيرا بعدت للحظه تاخذ نفسها وبصتلها وابتسمت .. ادهم كانت
وحشاه ابتسامتها قوي .

ادهم: شعبي ولا لسه عايزه اكثر... لو عايزه معنديش اي مانع... بس للاسف
حركتي مش زي الاول فهتضطري تقودي انتي... هاه ايه رأيك؟ نكمل؟؟
ادهم كان بيتكلم بمنتهي البرود اللي في الدنيا ويلي للحظه افتكرت انه سامحها
وانه ببوسها بحب مش برغبه
ليلي: انت بتقول ايه؟

ادهم: انتي داخله اوضه راجل في نص الليل وبتبوسيه يبقي عايزه منه ايه؟ وانا
معنديش مانع اشبع جوعك ده؟

ليلي: انا داخله اوضه حبيبي مش اوضه راجل

ادهم: انتي بتضحكي علي نفسك بده؟ طيب خلاص موافق معنديش مانع

اكمل معاكي للاخر بالمسي ده!! عايزه تسميني حبيبك لحد ما نخلص مفيش
مشكله خالص وماله؟؟؟

ليلي: ادهم انت ازاي بقيت كده؟

ادهم: ما انا سبق وقتلك ادهم اللي انتي بتتكلمي عنه ده مات وانتهي انتي بقي
عايزه تفضلي تضحكي علي نفسك دي مشكلتك مش مشكلتي... وما اعتقدش
ان الطب وصل عندكم لمرحله انه يصحي الميت ولا ايه؟ المهم لو عايزه علاقه
عابره انا معدنيش مانع مش عايزه يبقي اطلعي بره علشان عايز انام؟؟؟؟ هاه
اختاري

ليلي مش مصدقه ودانها ابداء... كان عندها امل ان حبيبها يكون لسه موجود
بس الشخص اللي قدامها ده مفهبوش حتي ريحه ادهم

ليلي: انت فعلا مش هو نهائي... انت مش هو ابداء

ليلي خرجت تعييط وهو غمض عنيه واخذ نفس طويل واكتفي بذكريات اجمل
لحظات عاشها من شويه .. دي كانت اول مره يبوس واحده واخر مره
مش عايز اي حد يلمس شفايفه ابداء بعدها هي .. هي حبيبته قلبه وعمره وبس

ادهم خرج من المستشفى والايام بتعدي وهو كل شويه بتزداد قسوته وجبروته
في شغله .. وبقوا بيسلموه مهمات تطلب القتل وبس لانهم عارفين ان الرحمه
اتشالت تماما من قلبه

كل محاولات عم محمد وناديه انهم يتكلموا معاه فشلت تماما.... مفيش اي حد
قدر يقتحم السور اللي ادهم حاوط نفسه بيه

الايام بتثبت لاصحاب ادهم انهم خسروا صاحبهم اللي كان بيدافع عنهم

وبيحهم

محمد ابنه اتخطف منه وطبعاً معرفش يرجعه وجري هو ورقيه علي ادهم يساعدهم وقبل يساعدهم وخلال ٢٤ ساعه عرف يرجعه .. بس ما تقبلش اعتذارهم او محاولاتهم انهم يقربولوا تاني .. قفل بابيه في وشهم الايام بتثبت لاصحابه انهم غدروا بصاحبهم وانهم خسروا كثير قوي من غيره مني طلعت مهمه واتحبست فيها... واكرم معرفش يقتحم المكان اللي هيا فيه... محمد وعلاء جوله وفريق كامل بس برضه معرفوش يقتحموا المكان واضطروا يستدعوا ادهم اللي مجرد وجوده بيفرق في اي مكان .. ادهم لانه مش خايف من الموت ويبدخل بصدره فده بيخوف اللي قدامه منه .. ادهم دخل وكلهم وراه وعرف يطلع مني

اكرم: انا متشكر قوي يا ادهم متشكر... كنت متأكد انك هتعرف ترجعهمالي ادهم: بجد!؟؟ كنت فاكرك ما بتآمنش عليها معايا وما بتتقش فيا؟؟؟ علي العموم مراتك معاك سلام

ادهم ما بينساش ابدأ اي كلمه .. اصحابه بعدوا عنه وندموا وهو مقبلش ولا ندمهم ولا اسفهم .. في يوم مؤمن دخل لادهم مكتبه ادهم: خير في حاجه؟

مؤمن: كنت عايز اخد رأي حضرتك في حاجه كده

ادهم: انجز واتكلم علي طول

مؤمن: هو انت ما بتحبش مصطفى ليه؟ في حاجه بينكم؟؟

ادهم: كنت بحبه وخلي بيا

مؤمن: مش قصدي يا باشا... بس اصل انتو بتعاملوا بحزازيه رهيبه وانتم

ديما بتخلي مسافه بينكم... هو مثلا انسان وحش فانتم ما بتحبوش ولا ايه؟

ادهم: مصطفى زيه زيكم كلكم سيان بالنسبالي... وبعدين انا ما بحبكمش

كلكم.... عادي.... الاسئله دي بقي لهما اخر وليها غرض؟؟؟ ولا سيادتك فاضي
فقلت تيحي تدردش معايا؟

مؤمن: لا يا فندم لهما اخر وليها غرض.... اصل انا كنت عايز اتجوز دكتوره
ليلي اخت مصطفى فايه رأي حضرتك؟؟؟ هيا انسانه كويسه؟؟ انا حبتها قوي
وانا في المستشفى لدرجه اني بعشق اصابتي دي...

ادهم كل يوم بيعدي بيثبتله ان ديما في وجع اقوي وانه مهما يوصل للقمه فدي
مش القمه لان في فوقها تاني ...

مؤمن: طبعا بما ان حضرتك لك وزنك وقيمتك عند كل الابهات فأنا عايزك
تيحي معايا اطلب ايديها .. مش قلتلكم ان كل قمه لهما قمه

ادهم كل يوم بيعدي بيثبتله ان ديما في وجع اقوي وانه مهما يوصل للقمه فدي
مش القمه لان في فوقها تاني قمه ...

مؤمن: طبعا بما ان حضرتك لك وزنك وقيمتك عند كل الابهات فأنا عايزك
تيحي معايا اطلب ايديها .. مش قلتلكم ان كل قمه لهما قمه

ادهم فضل شويه مش عارف يرد او مش مستوعب او مش مصدق!!!! مش
عارف يقول ايه؟

ادهم: انت عايزني احي اخطبلك؟؟؟

مؤمن: لما كنت في المستشفى لاحظت ان ابو ليلي وامها بيعبوا حضرتك
وبيعملوك اعتبار جامد فقلت ان لو حضرتك جيت معايا وتقولهم اني انسان
كويس اكيد هيوافقوا

ادهم: ما انت والدك ممكن يروح معاك ويقول انك انسان كويس؟؟؟

مؤمن: ده ابويا وطبيعي انه يشكر فيا لكن حضرتك معروف انك ما بتجاملش
حد ولو قلت اني كويس هيصدقوك

ادهم: مين قالك اني شايفك كويس وتستاها ليلي؟؟؟

مؤمن: افندم؟

ادهم تدارك نفسه قبل ما يفضح نفسه تاني

ادهم: ما اعتقدش اني هبقي فاضي اجي معاك... بلغني بالمعاد ولو فضيت

هقولك... ودلوقتي سيبي علشان ورايا شغل

مؤمن: متشكر قوي يا افندم... بعد اذنك

ادهم بعد ماهو خرج فضل قاعد مكانه وببسال نفسه هو امتي بقي الدنيا

هتسيبه في حاله شويه؟؟ امتي هيعيش زي باقي الناس؟؟ ياما نفسه يسيب

الدنيا دي كلها ويعيش في اي مكان لوحده

مؤمن بلغ ادهم بالمعاد اللي حدده علشان يزور مصطفى في بيته

مصطفى كان فاكر انها مجرد زياره عاديه لانه قاله انه هيجي هو وعيلته وسبق

والعيلتين اتعرفوا علي بعض ما تخيلش ابدا انه هيجي يطلب اخته !!!!

مؤمن خلي ابوه يكلم ادهم ويطلب بنفسه من ادهم يروح معاهم ، ادهم قدام

الحاحهم وحب منه في الانتقام من ليلي قرر يروح معاهم ، اتقابلوا كلهم قدام

بيت ليلي وطلعوا مع بعض ، ادهم كان وسيم جدا في بدلته لدرجه ان ام مؤمن

سالته :

ام مؤمن: هو انت ليه مش متجوز؟

ادهم: من غير ليه بس ما لقيتش واحده تستحمل جنوني ده... حضرتك بتسألني

ليه؟

ام مؤمن: اصل انت ما شاءالله عليك طول بعرض بحلاوه يعني اي واحده

تتمناك

ادهم: يعني انتي لو عندك بنت تجوزيها لي؟؟

ام مؤمن: هو احنا نطول يا ابني.... انا عندي بنت بس في ثانوي... صغيره شويه

بس تمشي ايه رايك؟

ادهم: لا مش للدرجه دي ده انا عمري هيبقي قدها مرتين... بس علي العموم
متشكر

ام مؤمن: ربنا يرزقك ببنت الحلال

ادهم ابتسم وسكت وصلوا وخبطوا ومصطفي فتحلهم .. واتفاجئ بوجود ادهم
معاهم .. زي ما باقي عيلته اتفاجئت كمان وكلهم ببسألوا نفسهم ليه جاي
معاهم .. الكل متجمع وليلي كمان رجعت من شغلها تعبانة مهدوده بس اول ما
عرفت ان ادهم موجود دخلت تسلم علي الضيوف وعليه هو بالذات
وبعد سلامات وتحيات ورغي كتير وحيره ظاهره.

ادهم: طبعا اكيد كلكم مستغربين انا ليه جاي مع مؤمن وعيلته؟؟؟

عم محمد: يا ابني انت تشرف في اي وقت ...

ادهم: متشكر....(بص لليلي) مؤمن طلب مني اجي معاه علشان نطلب ايد
الدكتور ليلي ليه

الكلام نزل زي الصاعقه علي الكل وليلي في حاله صدمه من اللي بيحصل .. بس
المره دي خايفه قوي علي ادهم اللي كل حاجه ماشيه ضده

ادهم: علشان كده انا جاي اطلب ايدها لمؤمن لانه انسان كويس ويستاهل
واكيد مصطفي طبعا يعرفه اكثر مني وهو يقولكم علي اخلاقه اعتقد كده
انا قمت بدوري كامل؟ صح يا مؤمن ولا ايه؟ انتو كملو بقي مع بعضكم...

اسمحو لي انا بقي

ادهم قام وقف وسط دهشه الكل.... كلهم معقود لسانهم تماما لدرجه ان
محدث فيهم استوعب ان ادهم قام ومشى .. صمت مسيطر علي الكل وفجأه
ليلي وقفت واعتذرت ومشيت .. طبعا ليلي طلعت تجري وري ادهم نزلت وراه
السالام جري ولحقته في مدخل البيت ووقفته غصب.

ليلي: انت بتعمل ايه هاه؟ جاي تخطبني لراجل تاني؟ انت اتجننت ولا انت بتتمتع بالعذاب ولا ايه بالضبط؟ انت ايه؟ ماهو انت ما تحاولش تقنعني ابدًا انك بطلت تحبني؟؟

ادهم: انتي برضه مصره تخلطي بيبي وبين ادهم المتخلف الثاني وده الله يرحمه.... يابنتي اقولك ايه بس... انا مش هو افهمي بقي.... انا مش ادهم اللي انتي حبيته ده... خلاص؟

ادهم زقها من قدامه وخرج بره البيت وبيعدي الشارع علشان يركب عربيته ووصلها وفتح الباب ليلي من الناحيه الثانيه

ليلي: يعني انت عايز تقنعني ان ادهم حبيبي معدلوش اثر جواك!؟؟؟
ادهم بصلها باستهتار وركب عربيته.

ليلي: خلاص براحتك.... بس طالما ادهم اللي بحبه ميت يبقي انا كمان اموت زيه واعيش معاه

ادهم للحظه اتوتر وقلق وبصلها وبيحاول يقنع نفسه ان ليلي عاقله مره واحده لمح في مرايه عربيته عربيه جايه وراه بسرعه وليلي بصالها وفهم هيا ناويه علي ايه نزل جري من عربيته بس للأسف ملحقهاش ، ليلي جريت قدام العربيه اللي ملحقته تفرمل وخبطتها ، ادهم طلع زي المجنون عليها ادهم: يا مجنوووونه.... عملي ايه يا مجنونه

ادهم رفعها من الارض... دم كتير نازل من دماغها.... خدها في حضنه ومش عارف يعمل ايه؟

ادهم: ليه كده؟ ليه كده؟

ليلي حست بيه: انا بحبك ولو دي الطريقه اللي هكون بيها معاك موافقه عليها قالتها وراحت من الدنيا تماما

ادهم : ليلي... ليلي... ما تسيبينيش يا ليلي... انا عايش علشان بس متطمئن انك
انتي كويسه... ارجوكي ما تسيبينيش
ادهم طلع تليفونه وكلم مصطفى
ادهم: اختك خبطتها عربيه تحت البيت انزل بسرعه
قال الجملة دي وقفل ، الراجل اللي كان سايق العربيه واقف جنب ادهم
مصدوم
الراجل: انا معرفش ايه اللي حصل؟؟ هيا كانت واقفه علي الرصيف وفجأه
لقيتها فوق العربيه انا مش فاهم ايه اللي حصل والله ما اقصد
مصطفى اخذ نزل يجري ووراه مؤمن ووراهم الكل .. ليلي في الارض وادهم
شايل دماغها وحاضنها .. المنظر كان غني عن اي كلام
ادهم: انتو هتفضلو تتفرجوا عليا... مصطفى لازم ننقلها المستشفى بسرعه
مش هنستني الاسعاف اتحركوا .. ادهم شالها وراح عربيته وطلب من
مصطفى يسوق هو... مؤمن ركب جنب مصطفى وادهم شايل ليلي وقاعد وري
وهيتجنن .. اخيرا وصلوا المستشفى اللي كانوا مستنيينها علي الباب
الكل طلع وراها .. مؤمن احساس جواه ان في حاجه مش طبيعيه ابدأ
ادهم واقف علي جنب .. اخيرا مؤمن قرب وسأل ادهم والكل انتبه
مؤمن: هيا العربيه خبطتها ازاي؟ وايه اللي نزلها الشارع اصلا وراك؟؟
ادهم: ابقى اسألها هيا لما تفوق
مؤمن: طيب ايه اللي نزلها كانت عايزه ايه منك؟
ادهم: انت مش ملاحظ انك بتسأل اسئله المفروض تسألها لليالي مش ليا انا....
معرفش ايه اللي نزلها
مؤمن: طيب العربيه خبطتها ازاي؟ وهيا واقفه معاك؟؟
ادهم: اكيد لو واقفه معايا مكنتش هتخبطها... انا كنت ركبت عربيتي وهيا

كانت هتعدى الشارع وبتجري وبس وفي لحظه كل حاجه انتهت.... وبعدين لو

سيادتك بتحقق معايا عرفني الاول؟

مؤمن: لا طبعا العفو يا افندم

اخيرا الدكتور خرج و طمنهم عليها كان دكتور امين استاذها

دكتور امين: احنا عملنالها اشعه علي المخ بس الحمد لله سليم حاليا بس طبعا

لازم يمر ٢٤ ساعه علي الحادثه علشان نجزم ان المخ سليم غير كده كدمات

وجروح بسيطه ان شاء الله هتعدى... هيا بس محتاجالكم

آخر جمله كان بيوجها لادهم ومؤمن لاحظ ده كويس هو ومصطفى لان ادهم

علمهم ازاي يلاحظوا الحاجات البسيطة دي

ادهم: ينفع نطمئن عليها؟

دكتور امين: هي لسه مفاقتش بس ينفع اتفضل

ادهم مشي معاه وابوها وامها راحو وراهم علشان ينقذوا الموقف ده وبالتالي

الكل راح .. ادهم دخلها وشافها... شكلها الضعيف المستسلم ده وجعه قوي...

الجروح اللي في وشها وايديها ودماعها الملفوفه

رفع راسه لفوق: يا الله هو مفيش نهايه واخر للوجع ده؟

جمله قالها جواه

دكتور امين: ما تخافش كلها حاجات هتروح ملهاش اثر دايم ودكتور التجميل

خيط الجروح دي بحيث ما تسببش اثر

ادهم يببصله باستغراب

دكتور امين بصوت واطي : انا عارف اللي بينكم

ادهم: مفيش حاجه بينا

دكتور امين: هو انت لسه بعنادك ده؟ الخوف والقلق اللي في عنيك بيقول غير

كده

ادهم: بما اني اطمنت عليها فوجودي مالوش لازمه بعد اذتك
خرج بره ووجه كلامه لناديه ومحمد: حمدالله علي سلامه بئنتكم... مصطفى لو
احتجتم حاجه بلغني .. سايهم ومشي والكل ساكت
مصطفى: لحظه يا سياده المقدم اللي خبطها اكيد هيتحقق معاه فمممكن
نحتاج لشهادتك
ادهم: لو احتجتني انا موجود بس ما اعتقدش هتحتاجني وبعدين شوف اختك
هتقول ايه الاول قبل ما تحققوا مع الراجل
مصطفى: قصدك ايه؟
ادهم: قصدي اسمع اختك الاول ... سايهم ومشي

ليلى بتفوق: ادهم... ادهم فين؟ ... ادهم؟
ليلى بتعيط وعايظه تقوم وهيا اصلا مش فايقه بس بتخرف فعطوها مهدئ
مؤمن الشك راح وبقي يقين فجري يلحق ادهم
ادهم كان في عربيته ساند براسه علي دركسيون العربيه
عايز يسيطر علي اعصابه... عايز يمنع نفسه انه يطلع فوق ويفضل جنبها...
عايز يمحي صورتها وهيا بتجري للعربيه علشان تنهي حياتها... عايز يقنع نفسه
انه مالوش ذنب ابدًا .. اتفاجئ بحد بيخبط علي قزاز العربيه وبص لقاء مؤمن
ادهم: عايز ايه تاني؟
مؤمن: انتو بتحبوا بعض صح؟ طيب ليه؟ ليه جيت معايا؟ ليه مقولتليش؟
ادهم: احنا مفيش بينا حاجه ولو في مكنتش فعلا حاجي معاك
مؤمن: هي بتحبك... تعرف انها فاقت وفضلت تصرخ باسمك؟؟؟
ادهم: يمكن لان اخر حاجه شافتها هو انا مش شرط علشان قالت اسمي تبقي

بتحبني !!!

مؤمن: يعني اه احنا مش اذكيه زي حضرتك بس بلاش تهين ذكائي للدرجه دي...

ده لو اعني هيشوف الحب اللي بينكم

ادهم نزل من عربيته ووقف قصاده

ادهم: شوف يا مؤمن... علشان بس ابقى صريح معاك لان انا عمري في حياتي

ماكدبت... كان في يوم من الايام بينا وانتهي... انتهي تماما... ليلي ما تعنيليش

اي شئ

مؤمن: خوفك علمها وشيلك وضمك لها بيقول غير كده

ادهم: عارف لو قطه خبطتها عربيه في الشارع كنت هعمل كده

مؤمن: انت بتنهي حياه انسان في لحظه من غير ما ترمش... انت مش انسان

عاطفي

ادهم: ده فعلا بس لو حد بيحتاج مساعدتي ما بتأخرش واعتقد ده معروف

عني وبعدين انا اه بقتل اي مجرم من غير ما ارمش بس انا مش يهودي لدرجه

اني اشوف واحده عربيه خبطتها واسيها وامشي... انا مش يهودي

مؤمن: انا مش قصدي يا سياده المقدم بس هيا بتحبك

ادهم: هريح قلبك وهقولك كلمتين ابرك من عشره زي ما بيقولو.... مفيش

حاجه بيبي وبينها ولو في من ناحيتها فاطمن ان من ناحيتي الباب مقفول تماما

اصلا انا شيلت الباب وبنيت حيطة مكانه مفيش باب اصلا وبعدين انت

سألتي ايه سبب الحزازيه اللي بيبي وبين مصطفي انا هقولك علي الرغم من

اني عارف اني هندم بس برضه هقولك... ليلي انا كنت هرتبط بيها وبناءا عليه

حسيت ان من حقها تعرف الماضي بتاعي وقولتها ولما ما حصلش نصيب بينا

انت شفت ايه اللي حصل

مؤمن: مصطفي اللي جي قالنا علي ماضيك

ادهم: ومصطفي عرف منين؟

مؤمن: من اخته

ادهم: ادبك فهمت اهوه.... شيلني من دماغك تماما... واعتبر اللي حصل ده هديه

مؤمن: ازاي؟

ادهم بوجع: انت قلت انك لما اتصبت هيا وقفت معاك وانت حبيتها الوضع اتعكس... هيا محتاجه حد ومحتاجه كتف تعيط عليه خليك انت الكتف ده... حسسها بحبك والستات صدقني بتنسي بسرعه وبتقلب الصفحه بسرعه مؤمن: انت متخيل ان انا ممكن انافسك؟؟ او ليا فرصه قدامك؟؟؟

ادهم: يا ابني افهم... مفيش منافسه اصلا... انت هتفوز من كل النواحي... انت عندك كتير قوي مش عندي

مؤمن: زي ايه؟ انت مش شايف نفسك ولا ايه؟ ايه اللي ممكن يميزني عنك؟؟؟ ايه اللي ممكن يكون عندي مش عندك؟

ادهم: كتير... كتير قوي كمان.... عندك اهل وعيله واب وام واخوات... عايز ايه تاني؟ انا اللي كنت واخذني معاك علشان اكلمك ابوها سبق وابوها ده رفضني علشان معنديش اللي عندك... معنديش اصل ولا فصل ولا كبير يرجعوله او يضميني... عرفت بقي ان اللي عندك ما يتقدرش!!! اللي عندك فلوس الدنيا كلها ما تشتريهوش.... بص يا مؤمن انا صفحه واتقفلت... ما تعمليش حساب قوي وتفكر فيا.... روح لليلي واقعد جنبها بدال ما انت ما بتضيع وقتك معايا.... ولو سمحت ياريت الموضوع ده يفضل بينا... ادهم سابه ومشى ومؤمن طلع لليلي

ادهم روح بيته وفضل فيه مخنوق وبعدها طلع لشغله وراح لقاعه التدريب
يطلع غله كله فيها .. التدريب العنيف هو منفس ادهم الوحيد
كان نفسه يطمئن علي ليلي بس مش عارف ازاي؟ وما يقدرش يسأل حد عليها
لان سؤاله ده هيتفهم غلط

خرج وركب عربيته وفضل يلف بيها لحدما لقي نفسه قدام المستشفى فضل
واقف كتير مش عارف يعمل ايه؟ واخيرا العاطفه تغلبت علي صوت العقل
اللي يعرف يقتحم المنشآت السريه يعرف يدخل مستشفى في مصر معلهاش
حتي حراسه .. دخل بهدوء وبصمت لحد ما وصل لاوضتها
كانت امها موجوده بس نايمه وليلي كمان نايمه
"اهو اتطمنت عليها امشي بقي !! لا ادخلها شوفها من قريب !!! لا ده انت
كده بتستعبط بقي؟ !! ندخل ونمشي علي طول... لحظه واحده ونمشي....

وفعلا دخلها ووقف قصادها... مد ايده يلمس وشها وافتكر لما جتله وهو نايم
في اوضته وباسها .. مجرد الذكري بتخلي قلبه يدق بعنف.... حاول يفكر اي
حاجه تقسيه عليها بس مفيش.... مفيش غير انها متصابه وبتألم قدامه
وبس... قرب منها وباسها علي شفايفها برقه جدا ومشي بهدوء زي ما دخل
بهدوء .. اول ماخرج ليلي فتحت عنيا ونادت عليه
ليلي: ادهم.... ادهم انت هنا؟؟ ادهم رد عليها لو انت هنا ارجوك... ادهم
فضلت تعيط وهو واقف بره الباب بيحاول يسيطر علي نفسه علشان ما
يدخلهاش

سمع صوت حد جاي فمشي بسرعه

ناديه: يا بنتي محدش هنا... لا حول ولا قوه الا بالله

الممرضه دخلت

الممرضه: دكتوراه ليلي اخبارك ايه؟ هو في ايه مالها؟ انتي تعبانه يا دكتوراه

اجيب لحضرتك ابره مسكن؟؟

ليلي: انتي ما لمحتيش حد هنا او في الطرقة بره؟

الممرضة: بصراحه مش عارفه لمحت حد في اخر الطرقة كان ماشي وناديت بس

ماردش ومشي بسرعه

ليلي: قولتلك يا ماما هو كان هنا

ليلي رقدت تاني وغمضت عنيا ونامت.... طالما جه يبقي لسه ادهم اللي بيعجها

لسه موجود.... هو مدفون جوه ادهم القاسي بس موجود... وده المهم

يومين عدوا ومؤمن تقريبا ما بيفارقش ليلى وهيا ساكتة بس قالتله علي علاقتها

بأدهم وانها لسه بتحبه .. وهو تقبل كلامها وكل اللي عايزه انها تسمحلها يكون

قريب حتي ولو كصديق مش اكثر .. مؤمن عنده امل ان الصداقه شويه شويه

تتحول لحب بس شويه وقت ...

مصطفى راح لادهم قاعه التدريب اللي تقريبا لو مش في مهمه يبقي فيها

مصطفى: علي فكره ليلى هتخرج النهارده الساعة ٥ العصر

ادهم بيروود : حمدالله علي سلامتيا ابقى سلملي عليها

مصطفى: ما تيجي انت تسلم عليها

ادهم وقف الجهاز اللي كان بيشتغل عليه وقام بص لمصطفى

ادهم: مش هرد عليك

مصطفى: علي فكره ليلى بتحبك وبتحبك قوي كمان

ادهم: بجد دلوقتي بقت بتحبني؟ ولما اتفقت انت وهيا انكم تفضحوني كانت

بتحبني برضه؟؟

مصطفى: كانت مجروحه منك علي فكره اللي بيعحب بيسامح المفروض تعذرها!

ادهم: بالظبط اللي بيعحب بيسامح مش يروح يدور علي كل حاجه تجرح حبيبه

ويعملها.... ليلى كانت عارفه فين المنطقه اللي هتوجعني واياه اللي هيوجعني

ووجهت ضربتها.... وما اعتقدش الحب كده... ولو هو الحب كده مش عايزو...
مصطفى: ادهم... ليلى غلطت واعترفت بغلطها ده سامح انت بقي
ادهم: وانا مين انا علشان اسامح.... مصطفى.. صفحه اختك قفلتها ومش
هفتحتها تاني ربح نفسك... مؤمن كويس وانت تعرفه اكثر مني وبيحبها وهي يعرف
يسعدها لو بتحب اختك ساعده يقرب منها وساعدها تقفل هيا كمان
صفحتي.... وتاني مره اسمي المقدم ادهم مش ادهم
سابه ومشى ودخل الحمامات ياخذ شاور ويلبس هدومه... وقف تحت الدش
كثير يفكر في كل اللي بيحصل ويسأل ليه كل ده بيحصله؟؟؟؟
ادهم خرج ولبس ولقي الساعه قربت علي ٥ ركب عربيته وقرر يشوفها من بعيد

وصل ووقف قدام المستشفى يفكر ينزل يقابلها ولا لأ؟ متردد وبيفتكر كلام
مصطفى: ليلى بتحبك.... هو كمان بيحبها.... الجنه قدامه ما يدخل!!! ليه مانع
نفسه!؟؟؟ ليه ما يدخلش وياخد كل اللي يقدر عليه من حب وسعاده وفرح
ادهم روحلها يالا.... نزل من عربيته ومشى خطوتين ولمحها نازله.....
ليلى كانت نازله ومعها مصطفى اخوها ساندها لانها مخبوطه في رجلها ومش
قادره تمشي

- لو سمحت... دكتور

ليلى: استني مصطفى في حد بينادي

مصطفى وقف يشوف في ايه؟

الممرضة: معلش يا دكتور هنعطلك لحظه... في كام ورقه محتاجين امضائك

قبل ما تمشوا علشان ورق الخروج يكمل

مصطفى: طيب هوصلها العربيه واجيلك

مؤمن: طيب انا هوصلها وانت خلص بسرعه علشان ما نوقف كثير

مصطفى متردد بس قال يدي لمؤمن فرصه

ليلي: روح يا مصطفى وما تقلقش عليا

مؤمن مسك ايديها ومسندها لحد ما خرجوا علي الباب ومجرد ما ليلي خرجت ومع نور الشمس حست انها دايقه وكانت هتقع فمؤمن مسكها جامد وسندت علي كتفه وايده في ايدها والتانيه علي كتفها ، ، ادهم واقف شايفها في حضنه فوقف مكانه ورجع الخطوتين وركب عربيته ومشي من غير ما يبص وراه ، ليلي وصلت للعربيه

ليلي: خلاص يا مؤمن انا كويسه متشكره قوي

ادهم اخذ جنب تماما من كل حاجه حواليه حتي الشغل بطل يروحه علشان ما يشوفش حد ومديره لما كلمه قاله اي مهمه يبيلغه بيها ومش هيتأخر

عدي حوالي اسبوع وكان في الشغل عاملين حفله للخريجين الجداد لانهم حاليا مستعدين يستلموا اشغالهم وخلصوا كل تدريباتهم ، ، فريق ادهم كلموه كتير علشان يجي يحضر الحفله وهو رافض بس مع الحاحهم قرر يروح يحضر ويقعد شويه ويمشي .. مصطفى بيطلب من توأمه تروح معاه حفلته وهيا رافضه تماما

ليلي: مصطفى لو سمحت انا تعبانه ومش قادره ده غير شكلي ده

مصطفى: ماله شكلك ما انتي زي القمر والجروح اغلبها مالوش اثر وبعدين

الميك اب بيعمل سحر .. علشان خاطري طول عمرك بتكوني معايا

ليلي: بابا وماما هيكونوا معاك

مصطفى اخص عليكي بقي هزعل منك... وبعدين ادهم هيكون موجود

ليلي: ادهم هيجي؟؟؟

مصطفى: كل كابتن فريق هيكون موجود فلان هو كمان يجي

مصطفى اتأكد ان اخته كده هتيجي علشان تشوف ادهم .. الكل اتجمع في الحفله وليلي لبست وراحت وكانت جميله فوق العاده علي الرغم من التعب والارهاق فضلت طول الوقت عنيا بتدور علي ادهم

ليلي: هو انت مش قلت ان ادهم جاي؟؟

مصطفى: هيجي انتي عارفه انه في الحفلات ما بيعيش بدري ابوها وامها ومتابعين عنيا الزايغه اللي بتدور علي ادهم وكأنه غريق بيدور علي قشه يتعلق بيها .. اخيرا ادهم دخل الحفله وكل رجالاته اتلموا عليه ودخلوا معاه وهيا اخيرا ارتاحت اول ما شافته واتقابلت عنيم في نظره طويله ادهم راح ناحيه البار وطلب كاس وبيشرب وبيراقب ليلي من غير ما تاخذ بالها بس مؤمن اخذ باله

ليلي مع صحبتها ولاء اللي جت معاه الحفله

ولاء: نفسي اعرف كان عقلك فين ساعت ما سيبتيه؟؟؟ ده راجل يتساب؟؟

ليلي: كنت غيبه... مش عايز يرجعلي يا ولاء اعمل ايه

ولاء: اعتذرله

ليلي: كلنا اعتذرنا له كلنا وبرضه رافض وقافل قلبه تماما

ولاء: طيب ما تلعي بورقه الغيره... مؤمن اهو قربي منه ووريه وهو مش

هيستحمل..... الغيره اكثر حاجه بتوجع

ليلي: ولو بعد خالص؟؟؟

ولاء: ماهو يا يبعد يا هيقترب انتي وحظك

ليلي راحت لمؤمن ووقفت معاه ومش عارفه تقوله ايه؟

مؤمن: انا موافق يا ليلي

ليلي: ايه؟؟ موافق علي ايه؟

مؤمن: انك تستغليني علشان ادهم يغير
 ليلى بتبصله باستغراب
 مؤمن: استاذي كان رائع وعلمنا ازاي نقري حركه الشفايف وسوري لاني كنت
 مراقبك.... علي العموم انا معنديش مانع
 ليلى: هتساعدني؟؟؟
 مؤمن: هساعدك بس ما اعتقدش ان واحد زي ادهم الغيره هتحرکه.... علي
 العموم نجرب تعالي نرقص
 مؤمن مسك ايدها واخذها يرقصوا
 مؤمن: علي فكره ادهم متابعنا وعينه مش نازله من عليكي وبيشرب جامد
 ادهم واقف ومراقب ليلى ومؤمن ونار الغيره بتقيد جواه وتشعلل نار .. شويه
 وجه اكرم ومني وقعدوا جنبه وشويه ورقيه ومحمد جم كمان وببتكلموا معاه
 عادي وكأن مفيش اي حاجه حصلت وادهم ساكت بيتفرج عليهم
 اكرم: ايه يا ادهم مالك؟
 رقيه: انت واكل سد الحنك ولا ايه؟
 محمد: تلاقية لسه واخذ علي خاطره مننا؟؟؟ ده كان مجرد سوء تفاهم يا ادهم
 خلي قلبك ابيض
 ادهم: سوء تفاهم؟؟؟ امممم واخلي قلبي ابيض؟؟؟؟ انتو عارفين؟؟؟ انا
 اكتشفت مؤخرا ان قلبي مش ابيض او اني معنديش قلب اصلا....
 اكرم: كده تبقي لسه زعلان يا عم حقك علينا فكها بقي.
 ادهم: انتو بتتكلمو جد بقي؟؟؟ وفعلا قاعدين جنبي؟؟؟ ايه في ايه؟ عايزين
 ايه؟ لو عايزين حاجه اطلبوها من غير الفيلم ده؟؟؟
 محمد: احنا مش عايزين حاجه احنا بس بنتصافي معاك
 ادهم: انت بتتصافي معايا ياللي قلت شوفلكم حل انا مش عايز اشوفه تاني...

انا مش عايز مراتي تسلم حتي عليه؟؟؟ انت بتستعبط ولا ايه؟

اكرم: يا ادهم

قاطعه ادهم: نعم؟؟؟؟ نعم يا اكرم؟؟؟ انا اعرفكم من اكثر من عشر سنين

وطول السنين دي بعمل كل اللي اقدر عليه علشان احميكم او اساعدكم...

ياما اتصبت بسببكم ياما.... ياما غلطتم وغطيت عليكم.... انت يا اكرم سرقت

قبل كده فاكر ولا ناسي؟؟؟ في المهمه اللي اتحفظنا فيها علي ملايين سرقت منها

ولا لا؟؟؟ وقلت محدش هيعرف.. محكمتش عليك ساعتها وغطيت عليك صح

ولا لا؟؟؟؟ وانت يا سي محمد باشا لما اتعرض عليك انك تشتغل في سويسرا وكنت

هتوافق لمجرد ان العائد المادي اعلي انا رحلتك و رجعتك بالعافيه مقلتش

عليك خاين علي الرغم من انك خاين ولو كنت قلت كنت هتتحاكم ومش بعيد

تتجسس... بس انا وقفت جنبك... انا عمال اقلب سنين عمري اللي فاتت كلها

وبفتكر كل موقف عدي وقفت جنبكم فيه غلط او صح.... عمري ما حكمت

عليكم ابداء... عمري ما قلت ده غلط او صح بس بشوف ايه اللي محتاجينه

وبعمله وهو ده الصديق يقف جنب صاحبه لما يحتاجه... علي الحلوه وعلي

المره... ودلوقتي وقفت وبصيت لوري ومفتكرتش موقف واحد حد وقف فيكم

جنبي علي الرغم من اني اتعرضت لكثير بس كنتوا بتقفوا تتفرجوا لحد ما انا

بنفسي اخرج من الموقف ده... ودلوقتي انا وقعت في مشكله واحده... مشكله

حتي ما تخصصيش مشكله ماضي عدي عملتوا ايه؟ فجأه بقيت انا وحش

وبقيت ببص لمراتكم وبقيت ما أوتمنش وبقيت وبقيت... وتوصل انكم

تخططوا ازاي تتخلصوا مني.... لا انت وهو فوقوا لنفسكم فوقوا....

انا مش محتاجكم في حياتي لاني اكتشفت ان عدم وجودكم شال حمل كبير

قوي من علي اكتافي .. ودلوقتي بعد اذنكم

سأبهم ومشي ويدوب خطوتين دخلوا جماعه كثير مقنعين وباسلحه وضربوا نار
للترهيب :

##كل واحد يقعد في الارض علشان محدش يتأذي لو سمعتم الكلام محدش
هيتأذي....

الكل في الارض ماعدا ادهم واقف في النص
##انت مش سامع كله يقعد في الارض؟؟؟

ادهم: انا سامع كويس....

##طيب اقعد في الارض

ادهم بابتسامه وفرحه: عارف انت جيت في وقتك تمام
##جيت في وقتي؟؟

#شكله سكران اباشا

ادهم: انا فعلا شارب وشارب كثير قوي كمان وكنت محتاج لكم قوي ...

الراجل رفع في وش ادهم السلاح وادهم بكل استهتار قلع جاكته البدله ورماه
ادهم: انتو قولتو عايزين ايه؟

##احنا لسه مقلناش بس احنا عايزين سياده المدير بتاعكم... مدير

المخابرات

مدير المخابرات لرجالته ورا: ارفعوا حاله الاستنفار واعلنوا حاله الطوارئ ...
عايز الكل يجي بسرعة.

ادهم: امم عايز مدير المخابرات؟؟ تعمل بيه ايه؟

##وانت مال اهلك

ادهم: لا لا كده غلط.... انا بكلمك براحه ترد عليا براحه
##اقتلوه وخلصوني من بروده

هنا اتنين قربوا من ادهم ورفعوا رشاشتهم في وشه ودي كانت البدايه
في لحظه ادهم كان ماسك الرشاشين من ايديهم وضاربهم وقرب اتنين كمان
ضربهم وطاح فيهم زي المجنون والكل بيتفرج عليه
ادهم بيقتل من غير تفاهم... واحد قرب عليه بسكينه طويله (سنجه) ادهم
لوي ذراعه وسحبها منه ودخلها في صدره... منتهي الوحشيه ومنتهي الهمجيه ...
وبعدا رماها في الارض... خلال دقائق كان الموضوع انتهى وكان ماسك القائد
بتاعهم اللي كان بيكلموا

ماسكه من ذراعه وماسك رقبته

المدير: ادهم ما تقتلوش محتاجين نعرف مين باعته وجاي ليه وعايذ ايه
ادهم فضل يبصله شويه وكأنه مش قادر يسببه وكأنه لما بيقتل بيعيش هو
ساب رقبته بس ايده اللي ماسكه بيها كسر ذراعه وصوت فرقه العظم كان
مسموع في حاله الصمت دي

ورماه من ايده

ادهم : سيبتهملك اهو... حقق معاه.... مش بقولك جيت في وقتك؟؟ لموا انتو
بقي الجثث دي... حفله سعيده وتصبحوا علي خير
ادهم سابهم ومشي والكل فضلوا كثير متنحين بعد ماهو مشي....

ابو ادهم زعل جدا واخذ مراته وبنته وروحوا

ناديه: مالك يا ابو ليلى في ايه؟ من ساعت ما رجعنا وانت شكلك غريب كده؟

عم محمد: شوفتية بقي عامل ازاي؟؟

ناديه: مين ده اللي عامل ازاي؟؟

عم محمد: ادهم.... بقي وحش بجده.... شوفتية بينهي حياه بني ادم بمنتهي

السهوله... من غير تردد من غير تفكير... من غير ما يرمشله جفن

ناديه: مش شغله!! ماهو لو معملش كده كانوا الله اعلم هيعملوا ايه؟

عم محمد: لا يا ام ليلى لا.... مش بالشكل ده ولا الطريقه دي... ده كان مبتسم اول
ما شافهم... كان فرحان انه هيقتل.... انا وصلته بغبائي للحاله دي
ناديه: يووه بقي.... كل واحد بيشيل مسؤوليه نفسه
عم محمد: وهو شال مسؤوليه نفسه ووقف علي رجليه وكان راجل... انا ليه كنت
اعمي وما شفتش ده ليه؟
ناديه: كان زمانه في حضننا ومتجوز بنتنا بدال الكآبه اللي هما الاتنين عايشين
فيها دي.... يالا الحمد لله

النهار طلوع وادهم راح لمديره اللي كان مستدعيه وفضل معاه اكر من ساعه
وبعدها خرج ومشى

وشويه ومصطفي قاعد مع اصحابه جتلهم الاخبار اللي هزت كيانه وجري علي
البيت بسرعه

مصطفي: ليلى يا ليلى تعالي بسرعه

ناديه: انت علي طول متسريع كده وصوتك عالي

عم محمد: صوتك عالي ليه؟ اهدي كده الاول

ليلى: مالك يا مصطفي؟؟؟

مصطفي: ادهم يا ليلى ادهم

ليلى: ماله ادهم؟ ايه اللي حصله؟؟؟ قول بسرعه يا مصطفي

مصطفي: مشي

ليلى: مشي فين؟؟؟

مصطفي: طلب نقله ومشى

ليلى: مشي فين يا مصطفي؟؟؟

مصطفي: في قلق حاصل علي الحدود وهو طلب يروح هناك ويشغل هناك

علي طول ولو في اي مهمه خارجيه يسافر من هناك بحيث ما يرجعش هنا
تاني... ادهم مش هيرجع هنا تاني يا ليلي
ليلي سمعت الكلام واخذت بعضها وراحت اوضتها تضرب نفسها علي تفریطها
في حبييها
الغيره كانت غلط وجابت نتيجة عكسيه.... ادهم سابلها البلد خالص ليها
علشان تكون براحتها
ادهم سافر وحس انه اخيرا بقي حر
لا قيود... لا اهل... لا اصحاب... ولا حبيب
اخيرا لوحده.... كان كل يوم بالليل يفضل ماشي كتير في الصحرا لوحده
كان له وضعه المهيب.... صمته وسكوته مخلي الكل خايف منه
في ليله كان بيتمشي تحت النجوم وقعد في الارض وبعدها رقد يتفرج علي
النجوم كان شكلها غريب وراح في النوم وصحي علي ألم شديد في ذراعه وبص
لقاه تعبان قرصه ومشى
قام يرجع لرجالته بس مشي خطوتين ووقع في الارض
فضل كتير يفوق وينام ويغيب ويرجع وفي حد جنبه
بيطبطب عليه ويداويه بس هو مش قادر يركز مين ده او هو ده صحيح ولا
بيحلم؟؟؟ ساعات يفتح عنيه يلاقي ليلي جنبه ايدها علي راسه بتهمس اسمه
وتبتسم..... فضل كتير مش عارف هو فين؟؟ او مين معاه؟؟؟ او ليلي موجوده
فعلا ولا دي تهبواته؟؟؟؟
اخيرا فاق واتعدل كان نهار وفي فوطه علي راسه شاله وبص حواليه كان جوه
خيمه.... سامع صوت حد بيقرى قرآن وسامع صوت غنم
قام وحس بدوخه بس قام وخرج كان فعلا في واحد كبير بدقن بيقرى قرآن وكان
في غنم بيرعى

فضل واقف شويه وبعدها قعد وري الراجل ده يسمع صوته المؤثر.... سرح مع
كلمات القرآن اللي تقريبا اول مره يسمعها او يركز فيها
الراجل اخد باله من ادهم وصدق وسكت وبصله
الراجل: اخيرا فقت؟؟ فلققتي عليك؟؟
ادهم: انا فين؟ وبقالي قد ايه نايم؟؟
الراجل: انت هنا قريب من حدود سينا وده بيتي وبقالك تقريبا ٣ ايام بليالها
نايم
ادهم: جيت هنا ازاي؟؟
الراجل: كنت طالع بدري ارعي غنماتي لقيتك في الارض وعرفت ان قرصك
تعبان من الاثر اللي في ايدك
ادهم بص لايده وشاف الاثر ده وافتكر الليله دي
ادهم: محدش عرف ان انا هنا؟؟
الراجل: لا يا ابني.... انا حتي ملقيتش معاك بطاقه اعرف بيها حاجه عنك او
تليفون اكلم مثلا اخر رقم
فانت هنا من ساعتها كل اللي كان معاك هيا السلسله اللي في رقبتك ومكتوب
فيها حاجه بالانجليزي وعرفت منها انك تبع حاجه في الجيش لاني بشوف ظباط
كتير لابسينها
ادهم: الانجليزي ده اسمي ورتبتي وفصيله دمي تقريبا كل المعلومات المهمه عني
وكل ظباط بيلبسها علشان في وضع زي ده يتعرف
الراجل: اعذرني بقي يا ابني.... المهم اكيد جعان تعال افطر معايا
قام الراجل وحط فطار بسيط وادهم اول ما شاف الاكل اكتشف انه جعان
جدا
الاكل كان جبنه وبيض وعسل نحل مش اكر بس ادهم اكل كتير جدا

الراجل: علي فكره انت لسه ما قولتليش اسمك انا عمك ابراهيم

ادهم: ادهم

ابراهيم: انت تبع قوات الجيش اللي علي الحدود صح؟

ادهم: فعلا

ابراهيم: تشرب شاي؟؟

ادهم: مفيش قهوه؟؟

ابراهيم: لا للاسف

ادهم: خلاص اشرب شاي

ابراهيم عمل الشاي وشربوه وفضلوا ساكتين وعلشان يقطع الصمت فضل

يحكيه تاريخ حياته

ازاي كان متجوز وخلف وابنه كبر وسافر بره ومرجعش وان مراته ماتت وهو

عايش لوحده بعيد عن عالم البشر تماما وادهم بيسمعه وساكت

ورجع الصمت تاني

ابراهيم: انت كلامك قليل صح؟

ادهم: يعني... بس معنديش قصه طويله كده زيك

ابراهيم: مش متجوز؟

ادهم: لأ

ابراهيم: عيله؟ اب وام واخوات؟؟

ادهم: لأ... لو تسمجلي انا تعبت وعايز ارتاح ممكن ولا عايزني امشي؟؟؟

ابراهيم: لا لا ابد اهو ونس معايا ارتاح براحتك ومعلش لو ضايقتك باسئلتني

ادهم: لا ما ضايقتنيش

ادهم سابه ونام فاق بعدها راح بلغ وحدته انه كويس وقالهم اللي حصله

وقالهم انه هيرجع لما يتحسن تماما ورجع لعم ابراهيم تاني

ادهم: لو مش يضايقك انا حابب اقعد معاك كام يوم؟؟

ابراهيم: لا طبعا ما يضايقنيش ده انت تونسني

ادهم فضل مراقب عم ابراهيم ببساطه حياته وغنماته وعبادته لربه
كان بيطلع معاه مع الغنم ويرجع معاه ويتفرج عليه بيصلي ويقيم الليل

ابراهيم: ما أنش الاوان بقي تقوم تصلي معايا؟؟؟

ادهم: اصلي؟؟؟ انا؟؟؟

ابراهيم: هو انت مش مسلم ولا ايه؟ انت مسيحي؟؟

ادهم: لو انا مسيحي هتطردي من عندك؟؟؟

ابراهيم: لا طبعا بس بسأل... سواء مسلم او مسيحي الاتنين بيعبدوا ربنا ...

ادهم: علي العموم انا مش مسيحي وما تقدرش تقول عليا مسلم

ابراهيم: الانسان بيتولد علي فطره الاسلام.... ابوك كان ايه ديانته؟؟؟

ادهم: كان مسلم ...

ابراهيم: تبقي انت مسلم كمان

ادهم: ويفيد بيايه اذا كنت مسلم او لأ؟

ابراهيم: يفيد طبعا.... لانك المفروض تعبدته وتؤدي فروضه وتجتنب محرّماته

ادهم: ليه؟

ابراهيم: لانه هو خلقك

ادهم: ولمجرد انه خلقتي المفروض اعبدته؟؟؟

ابراهيم: يا ابني نعم ربنا لاتعد ولا تحصي

ادهم: ربنا اللي نعمه لا تعد ولا تحصي خلقتي ورماني...وما عطانيش اي نعم

اللي انت بتتكلم عنها دي ...

ابراهيم: بجد ربنا معطالكش نعم؟؟؟

ادهم: ايوه خلقتي في بيت و أخده مني واتدفنت في قبر وانا عايش واتمرط
وتعبت كثير قوي و و و

ادهم حكاله حكايته كلها لحد ما لقاه في الصحرا

ادهم: وجاي دلوقتي تقولي نعم؟؟؟ هيا فين النعم دي؟؟؟

ابراهيم ضحك: نعمه كثيره وكثيره قوي كمان بس انت مش واخذ بالك... عمال
تعيط علي اللي بيروح لحد ما الي في ايديك بيروح كمان وتعيط عليه وتضيع
اكثر واكثر.... يا ابني ربنا عطاك كثير قوي قوي بس انت ما بتشكرش فيببتليك
يمكن ترجع وما بترجعش ويديك تاني وما تشكرش ويببتليك وما بترجعش لحد
امتي؟ فوق لنفسك؟؟؟

ادهم: انت بتتكلم عن ايه؟ اداني ايه؟ واشكره علي ايه؟ انا اترميت وانا عيل في
قبر مش في الشارع؟؟ عارف يعني ايه تحبس عيل في قبر؟؟؟

ابراهيم: عارف بس بعترك اللي يطلعك... موتلك حد علشان يجوا يدفنوه
علشان يطلعوك وودوك مستشفى واتعالجت ورحت ملجأ وحمالك من الشارع
وبعترك وزير لحد عندك علشان يحققك امانيك ومن عيل ابن ملجأ لضابط
طول بعرض بصره وقوه باسم زي ما قلت يهز الابدان... بتقول عملت لنفسك
اسم مين اللي وقفك علي رجلك علشان تعمله؟؟؟ مين اللي الهمك الذكاء
علشان تفكر؟؟؟ مين اللي بيحميك من الموت في كل مهماتك؟؟؟ مين اللي
عطالك الصحة والقوه والنظر والحركه مين هاه؟؟؟ وفي المقابل عملت ايه؟
شكرته؟؟؟ لأ بارزته بالمعاصي وبدال ما تسجد وتشكر بتسكر وتزني وغرقت
نفسك في بحور الفجور

ربنا قال (ولئن شكرتم لازيدنكم) وانت ما شكرتش لأ ده انت عصيته وجامد
قوي وبرضه فضل يرزقك ويرزقك وبعترك بنت تدق بابك وتحبك وتحبها وربنا
يقولك اهوه هعوضك وبرضه ما شكرتوش فاخدها منك تاني وانت بتقول انها

رجعتك وبتحاول تصالحك وانت رافض مع ان العقل يقول انك توافق بس ده
بقي ربنا مش راضي ينعم عليك بالتفكير السليم وبرضه بتصر علي عصيانه
ربك زي ماقال غفور ورحيم
قال (ومن اعرض عن ذكري فإن له معيشه ضنكا)
وانت بتعرض عن ذكره

ادهم: انت كلامك مش مضبوط.... هو بس بيوريني الحلو وياخده علشان
يفضل يعذبني

ابراهيم: علشان ترجع وتسجد وترفع ايدك وتقول يا رب... امتي سجدت
وشكرته؟؟؟ عمرك صح؟؟ جربت كل الطرق ما تجرب الطريق ده مش يمكن
يكون صح؟ واشكره وشوف هيعمل ايه وهيرزقك بايه؟ جرب مش هتخسر
حاجة.

ادهم سابه ومشي لان الكلام ما عجبوش او لانه مش عايز يعترف لنفسه
بغلطه ، اخر الليل لقيه بيصلي وراح وقعد جنبه لحد ما خلص
خلص وسكت وما رضيش يكلمه او يضغط عليه وفضل ساكت لحد ما ادهم
نطق لوحده

ادهم: هو ربنا بيسامح؟؟ يعني زي ما قلتك انا عملت كثير قوي فمممكن
يسامحني؟؟؟

ابراهيم: {قُلْ يَا عِبَادِيَ الَّذِينَ أَسْرَفُوا عَلَىٰ أَنفُسِهِمْ لَا تَقْنَطُوا مِن رَّحْمَةِ اللَّهِ إِنَّ
اللَّهَ يَغْفِرُ الذُّنُوبَ جَمِيعًا إِنَّهُ هُوَ الْغَفُورُ الرَّحِيمُ } ربنا قال جميعا محدش
حاجه وحاجه وقال انه غفور رحيم

ادهم: المفروض اعمل ايه؟

ابراهيم: ولا اي حاجه... مش مطلوب منك غير انك تندم علي اللي فات وتطلب
منه يسامحك وتشكره علي نعمه وتطلب منه زياده... وتحسن الظن بيه... ربنا

قال انا عند حسن ظن عبدي بي.... قوم اغتسل وتعال نصلي الفجر مع بعض
ادهم: انا ما قولتلكش اني هصلي انا بس بستفسر
ادهم سابه وقام وبرضه مصلاش الفجر بس دماغه هتنفجر من التفكير....
عمره ما فكر ابدأ بالمنطق ده .. او محدش علمه ده.. او ما تعاملش مع اي حد
زي عم ابراهيم قبل كده

كان صايح الجمعه وادهم لقي عم ابراهيم رايح الجامع يصلي كان بعيد شويتين
وراح مشي جنبه في صمت وعم ابراهيم احترم صمته ده لحد ما وصلوا الجامع
البسيط وكل اللي فيه كبار في السن او شباب وكلهم باين عليهم الرضا
ادهم اتردد وخاف فعم ابراهيم مسك ايده من غير ما يتكلم وشده دخله
وقعدوا جنب بعض

ادهم: المفروض اعمل ايه؟

ابراهيم: تسمع الخطبه وبعدها هنصلي ركعتين

ادهم: مش الظهر اربع ركعات؟؟؟

ابراهيم: هو فعلا كده بس الجمعه ركعتين طالما هتصلي في الجامع بعد
الخطبة

ادهم سمع الخطبه بكل جوارحه وزي ما يكون ربنا بيحبه كانت الخطبه بتتكلم
عن التوبه وان ديما باب التوبه مفتوح ما بيتقفلس الا بنهايه الحياه وبس
خلصت الخطبه والكل وقف

ابراهيم: اعمل زي الامام وانا هعلمك بالتفصيل بعدين

صلوا وخرجوا والكل بعد الصلاه يبسلم علي كله مع انهم ما يعرفوش بعض
ادهم فضل فتره طويله مع عم ابراهيم اللي علمه كل حاجه واداله اسماء كتب
يجيها ويثقف نفسه

ادهم لاحظ ان الغيظ والكره اللي ماليه اختفي ، حاجات كثيره اختلفت في شخصيته ، رجع للكمين بتاعه واتصاحب علي العساكر والظباط اللي اتفاجؤا انه شخصيه جميله محبوبه.

وفي يوم ادهم وسط رجالته شايف حد جاي عليهم يجري الكل وقف يستقبله وجهزوا مسدساتهم لانه بيقترب علي منطقه ممنوعه ، كانوا هيضربوا نار بس ادهم وقفهم يستنوا ، واتفاجئ بمصطفي بيجري وبينهج وبيقع ويقوم ادهم:هاتوه بسرعه

مصطفي بينهج: ادهم انت لازم تلحقني... الحقني يا ادهم الحقني.... انا... انا ووقع من طولته بين ايديه

ادهم: مصطفي؟ مصطفي؟ هاتو دكتور بسرعه

ادهم الخوف والقلق ملوه وخوف سيطر علي كل ذره فيه لان مصطفي مش هيجله هو الا اذا..... الا اذا الموضوع بخصوص ليلي..... ولاول مره يدعي من قلبه ان ربنا يحميها ويحفظها.....

ادهم فضل جنب مصطفي بعد الدكتور ما مشي وطمنهم انه ارهاق بس مش اكر ، بسبب انه مشي مسافه طويله مع عدم اكل او شرب وانها مجرد وقت وهيفوق ، ادهم استناه لحد مافاق والقلق هيמותه... حاول يتصل بليلي بس ما ردتش واتصل بمديره بس الوضع طبيعي طيب مصطفي ماله؟ وايه اللي حصله؟ اخيرا فاق واول ما فتح عنيه نادي علي ادهم ادهم: انا جنبك اهوه قولي ايه اللي حصل؟؟؟ مصطفي: عيلتي كلها راحت مني عيلتي كلها

ادهم: مصطفى اهدي وفهمني تقصد ايه؟

مصطفى: عيلتي كلها اتخطفوا بابا وماما وليلي كمان

ادهم: ازاي؟ وانت جيت هنا بس علشان تقولي؟؟؟ مصطفى فهمني

مصطفى: كنت في مهمه في شرم والعيله كانوا بيصيفوا او انا جيتهم هنا بحيث

نبي عيله ومحدث يشك فيا بس اتكشفت واخدوا عيلتي وحاليا بيهددوني

يقتلوهم انا خسرت يا ادهم خسرت وهيموتوا بسبي

حكاه مصطفى الحكايه من اولها وازاي اقنع اهله يطلعوا مصيف وازاي اقنع

ليلي واخدهم وراحوا شرم

ادهم: انت عايز تفهمني انك استعملت عيلتك الحقيقه كغطا ليك وتستخبي

فيهم... انت اتجننت ولا ايه؟

مصطفى: ادهم بترجاك لازم تساعدني لازم

ادهم: هاجي معاك وفي الطريق اشرحلي كل حاجه ياللا بس الاول هروح مشوار

صغير .

ادهم راح لعم ابراهيم

ادهم: كنت سايب عندك شنطه كبيره الظاهر اني هحتاجها

عم ابراهيم جابله الشنطه: انت متأكد انك هتحتاجها

ادهم: مضطر... مضطر يا راجل يا طيب.... الظاهر انه مكتوب عليا اقتل

باستمرار !!!

عم ابراهيم: يا ابني انك تحمي بلدك من المجرمين او تقتلهم دفاع عن نفسك او

بلدك ده مش حرام ابدًا بس بلاش الوحشيه وبلاش تقتل غير لما ما يكونش فيه

بدیل ابدأ فهمت؟؟؟ وربنا یوفقك

ادهم سلم علي الراجل اللي غيرله مجري حياته ومشي مع مصطفى وطول الطريق مصطفى عرفه تفاصيل مهمته.... ادهم كان هيتجنن من مصطفى ادهم: انا عايز افهم عقلك كان فين؟ انت متخلف؟؟ ولا انت غبي؟؟؟ في حد عاقل في الدنيا يستخدم اخته طعام؟؟! انت اهل يا مصطفى اختك؟؟؟ انت مش طبيعي

مصطفى: ارجوك لو اختي جرالها حاجه مش هسامح نفسي ابدأ ادهم: بجد خايف عليها؟؟؟ تستخدمها طعام لعصابه بيتاجروا في كل حاجه ممنوعه ورئيسها بيعشق البنات وبيتاجر فيهم وتقولي لو جرالها حاجه؟ انت مش واخذ بالك انت عملت ايه؟

مصطفى: هو اخد كمان ابويا وامي وقال انه هيسيهم اول ما يخرج بره البلد ادهم: وانت اهل وصدفته صح؟ خساره الوقت اللي ضيعته عليك خساره ادهم وصل القرية اللي كانوا فيها وفضل ماشي وري كل خيط لحد ما عرف المقر الجديد لهم وراح هو ومصطفى وفرقه كامله واقتحموا المكان ادهم فتح شنتطته اللي جاها من عند ابراهيم كانت مليانه اسلحته الخاصه لبس هدومه الخاصه ولبس الاسلحه كمان واتحرك ووراه رجالته والمره دي لبس واقي رصاص ودي كانت اول مره يعملها ، دخلوا وبيدورا علي عيله مصطفى ، انضرب عليهم نار وهما ردوا... مصطفى كان ماشي وري ادهم تماما اتقابلوا مع كام واحد وبيضربوهم

ادهم لقي مصطفي ماسك سكينه ونازل علي قلب واحد من المجرمين هيقتله
بس لحقه ومسك ايده وضرب هو المجرم علي دماغه بحيث يغي عليه بس

مصطفي: ليه مخلتنيش اقتله؟؟؟ انا عايز اقتلهم كلهم

ادهم: علشان انت مفكر ان القتل ده حاجه سهله

مصطفي: انت بتقتل بسهوله

ادهم: من ١٠ سنين مكنش بسهوله ابدأ.... صعب جدا ان دم انسان يكون علي

ايدك... وخلي بالك الدم ما بيتغسلش بسهوله من ايدك

مصطفي: انت اخر واحد يتكلم عن القتل.... انت سفاح

ادهم وقف وبصله.: وانا مش عايزك تبقي زي يا اخي... مش عايز اي حد في

الدنيا دي كلها يبقي زي... ما تقتلش الا لو مفيش حل تاني قدامك فاهم؟

ادهم سابه وكمل طريقه ودخلوا فيلا كبيره بيدورا علي عيله مصطفي ، اوضه

ورا اوضه بيفتحوها والي بيقابلهم بيضربوه والكل لاحظ ان ادهم بيضرب في

دراع او رجل لكن ما بيقتلش ، اخيرا ادهم فتح اوضه لقي فيها ناديه وعم

ابراهيم متربطين فدخل بسرعه عليهم حط مسدسه من ايده وبيحاول يفكهم

بس قبل ما يفكهم دخل وراه اربعه يضربوه... بيستغلوا ان ادهم معهوش سلاح

وما يعرفوش ان وجود السلاح مع ادهم مايفرقش عن عدم وجوده اصلا

ادهم ضربهم كلهم لحد ما اغي عليهم وراح لناديه يفكها... طلع مطواه من

جيبه وقطع الحبل بتاعها

ناديه: كنت عارفه انك هتيجي ، ادهم بصلها وابتسملها وراح لعم محمد وفكه

عم محمد: انت لازم تلحق ليلي كمان... اخدوها من هنا الصبح وما اعرفش ودوها

فين؟ انت لازم تلحقها؟؟

ادهم: ياذن الله هلحقها بس الاول اخرجكم من هنا

ادهم اخدهم وببيخرجهم وهما وراه وكالعادة محدش بيوقف في طريقه ، طلب
 من مصطفى يروحهم لمقر امن ليهم وهو راح معاهم يفهم ايه اللي حصل
 ادهم: ليلي اخدوها ليه؟ سمعتوا ايه انتو او تعرفوا ايه؟
 عم محمد: كل اللي حصل ان الصبح جم واخدوها وبس وما سمعناش حاجه
 ادهم: طيب مين كان بيدي الاوامر؟؟ لو ورتكم صور الرجاله اللي اتقبض عليها
 تقدرنا تحددوا مين فيهم اللي كلامه مسموع
 نادية: ايوه كان فيه واحد بيتكلم وهما بينفندوا
 ادهم جابلها صور المقبوض عليهم وهيا فعلا اتعرفت علي واحد وعم محمد اكد
 كلامها ، قام يخرج بس مصطفى وقفه
 مصطفى: خدني معاك
 ادهم: انت اقعد هنا مع والدك ووالدتك محتاجينلك
 مصطفى: ادهم انا لازم احي معاك انت فاهم؟؟
 ادهم كان في قمه غيظه من مصطفى ولما هو علي صوته كده ادهم راح بصله
 ومسكه من رقبتة ولزقه في الحيطه اللي وراه ورفعته عن الارض وابوه وامه
 وقفوا
 ادهم: انت ليك عين تتكلم وتعلي صوتك؟؟؟؟ انت تقعد هنا جنب امك وتوطي
 علي رجلها وتبوسها وتسيبني انا اقوم بشغلك اللي انت معرفتش تعمله
 فاهم ولا مش فاهم؟؟
 ادهم سابه وخرج من غير ولا كلمه ، مصطفى عيط وامه جريت عليه وحضنته
 ومصطفى عياطه زاد وحكاهم علي اللي حصل وانه استغلهم في شغله ، استني
 منهم يلوموه او يصرخوا فيه بس الاتنين سكتوا تماما
 مصطفى: بابا قول اي حاجه؟ اضربني؟ زعقلي؟! اشتمني؟ يهدلني؟ اعمل اي
 حاجه؟

عم محمد: وعسي ان تكرهوا شيئا ويجعل الله فيه خيرا كثيرا.... اكيد ربنا له حكمه في اللي حصل؟ وحكمته هتبان بس احنا نصبر ونشكره علي اي حاجه تيجي منه وندعي انه ديما يلهمنا الصبر والرضا بقضاؤه
ادهم: استدعي فريقه لانه حاليا محتاج الكل ، اكرم و محمد وعلاء وفهمهم الوضع
ادهم: حد عنده اي سؤال؟

اكرم: هيا ليلي اللي هندور عليها دي تبقي مين؟
ادهم: تبقي دكتوراه واخت الرائد مصطفى
اكرم: وبس؟؟

ادهم: اه وبس انا مش فاهم انت عايز توصل لايه؟
اكرم: مش دي البنات اللي انت كنت مرتبط بيها؟؟؟
ادهم: كنت.... الموضوع ده انتهى من اكثر من سنه
اكرم: بطلت تحبها؟ طيب ليه؟؟

ادهم: هو انت مش فاكرايه اللي حصل ولا جاتلك غيبوبه... ومش فاكرا انا
خسرت ايه بسببها؟؟؟ انتو اول ناس انا خسرتهم

محمد: احنا اتأسفناك وبنحاول نصلح علاقتنا بيك وانت اللي رافض
ادهم: لانكم احتجتولي مش لانك عرفتوا انكم غلظتوا في حقي... احتجتولي
واحتجتوا اللي كنت بعمله معاكم وعلشان كده قولتوا لما نصالحه واهو
بينفعنا... وانا حاليا مش عايز اي علاقات قايمة علي المصلحه .. ودلوقتي
عندكم اي اسئله في الشغل؟؟؟

الكل اتحرك يحققوا مع المقبوض عليهم وادهم راح للراس الكبيره بره... كان
واحد داخل البلد سياحه بس له وزنه... ده اللي كان مطلوب من مصطفى انه
يعرف جاي مصر ليه وعايز يعمل ايه؟ ومصطفى الغبي استعمل عيلته كغطا
ليه انه يدخل القرية ويصيف عادي ومنها يتعرف عليه هو واخته ويتصاحبوا

عليه ، وطبعاً الراجل ما بيصاحبش حد غير لما يعرف ماضيه كله ومصطفي
اتكشفت وعقابا ليه اخد عيلته ، ادهم عرف ان افضل طريقه ديما للدفاع هيا
الهجوم ، راحله جناحه وخبط والبودي جارد فتحوله وطلب يقابل مستر البرت
ورفضوا يدخلوه فضرب الاتنين اللي علي الباب ودخل ، كان قاعد البرت ومعاه
كذا واحد تاني من البودي جارد ومعاه اتنين بنات حواليه.

البودي جارد طلعا اسلحتهم وبدأ الحوار بالإنجليزية.

ادهم: عايز اتكلم معاك (طلع شارته يعرف نفسه انه مخايرات)

البرت شاور لرجالته وشاور لادهم يقعد

ادهم: مبدئيا كده انت دخلت البلد وسمحنالك تدخل وتقعد بس انك تمد

ايدك لحاجه فيها تاخذها غصب هقطعلك ايدك

البرت ضحك جامد وادهم ضحك معاه

كان فيه طبق فاكهه كبير علي التريزه بين ادهم والبرت ومن غير مقدمات ادهم

شد ايد البرت ودخل فيها السكينه وشده وطلع مسدسه وحطه علي دماغه

ورجالته اصلا ما استوعبوش ايه اللي حصل

ادهم: قول لرجالتك ينزلوا مسدساتهم بدال ما اخليهم يقعدوا يلماو فتافيت

دماغك من علي الحيطه وانا اوعدك اني مش هلمسك لو اتعاونت معايا

البرت: انا ممكن اخلي رجالي يقتلوك

ادهم: خليهم بس هل يا تري هما هيقتلونني الاول ولا انا هقتلك انت الاول؟

مستعد تخاطر ونعرف اجابه السؤال ده؟؟ معنديش مانع نجرب بس انت

شوفت سرعتي انا وسرعه استجاب رجالتك ، البرت شاور لرجالته يسيبوه

ويطلعوا بره

ادهم: برفو... نتكلم بقي.... كان في ظابط صغير اليومين اللي فاتو حاول يقرب

منك وانت عاقبته بانك اخدت عيلته

البرت: اعتقد انهم رجعوا

ادهم: ماعدا واحده.... هيا فين؟

البرت: هما كانوا اتنين بس

ادهم مسك السكينه اللي علي التريزه

البرت: انت وعدت

ادهم: الظاهر انك ما بتسمعش كويس انا وعدتك اني مش هلمسك لو

اتعاونت لكن لو استهبلت هقطعك واوعي تتخيل ان رجالتك اللي بره

هيخلصوك مني انت الظاهر انك ما سمعتش عني قبل كده

البرت: انا معرفش انت بتتكلم عن ايه؟

ادهم مسك ايده وهو صرخ: صدقي ما اعرفش انت بتتكلم عن ايه؟

ادهم ضربه بالسكينه تاني: برضه ما اعرفش... المسؤل عن اللي حصل فرناندو

وده دراعي اليمين هو اللي اخد عيلة الضابط وهو اللي بيعمل كل حاجه

ومابلغنيش انه اخد حد تالت... صدقي ما اعرفش حاجه عن اللي انت بتتكلم

عنها

ادهم: هصدقك نادي علي فرناندو

البرت دخل رجالته وطلب منهم يجيبوا فرناندو باي طريقه وادهم قاعد

وحاطط رجل علي رجل ومسدسه في ايده ومستنهم

البرت: محدش عارف هو فين؟

ادهم: اممم كده هتخليني اتصرف معاك تصرف مش حلو

البرت: بص انا ما اعرفش هو فين حاليا بس اعرف هيكون فين بالليل

ادهم: سامعك

البرت: في مزاد هيتعمل بالليل هنا... معرفش مكانه فين بالضبط... بس

المفروض ان انا هحضره وفرناندو هيوصله المكان وهيحي يودي بي ...

ادهم: والمفروض اني افضل جنبك لحد بالليل اتفرج عليك ولا ايه؟

البرت: قدامك حل تاني؟

ادهم فكر وما وصلش لحلول ، طلب اكرم وطلب منه يسحب رجالته من القرية علشان فرناندو ما يخافش ويدخل عادي ، ادهم اتفق مع البرت انه يروح معاه المزاد وسابه يعالج جروحه اللي في ايديه وحرص علي رجالته انه محدش يقول حاجه لفرناندو .

وفعلا بالليل الساعة ١٠ فرناندو وصل وكان البرت وادهم جاهزين يتحركوا

فرناندو: مين ده؟

البرت: صديق قديم قابلته النهارده بالصدفه

فرناندو: انا اعرف كل اصحابك

ادهم: اكيد مش كلهم طالما ما تعرفنيش

فرناندو اتكلم بالاسبانيه: انت هتاخذو معاك المزاد؟؟ المزاد ده سري وسري

جدا

ادهم رد عليه بالاسبانيه: انا عارف بالمزاد وعارف انه سري... انا مش فاهم مين

فيكم هنا بيدي الاوامر مين؟؟

البرت: فرناندو يالا بينا وكفايه كلام... عايز الحق المزاد من اوله

اتحركوا التلاته مع بعض ووراهم البودي جارد

فرناندو كان عايز يركب جنب البرت بس ادهم معطالوش فرصه وركب هو

جنب البرت بحيث يبقي علي طول تحت تهديده

وصلوا للمزاد ودخلوه... كانت قاعه كبيره في النص وحوالها قزاز وكل واحد

بيدخل زي كيشك صغير فيه ترايبزه وكراسي ومتقفل وبيطل علي القاعه

بحيث اللي هيحضروا المزاد محدش فيهم يشوف حد وبكده شخصياتهم سريه

والقاعه حوالها قزاز فكلهم يشوفوها

المزاد بدأ وأول حاجه كانت عربيه قديمه من الستينيات.... بعدها كانت صفقه
اثار وهكذا ، ادهم حاسس انه بيضيع وقت وعاييز يقوم يبلغ عن المزاد ده
ويقبض علي الكل ويربح نفسه ، ومستغرب ازاي مزاد زي ده بيتم ومحدش
عارف حاجه عنه ...

ادهم هيقف بس سمع اللي بيقدم المزاد

##ودلوقتي مع مفاجأة مزادنا... كلكم جهزوا فلوسكم لان عرضنا هتخانقوا

عليه... الكل بيعشق الجمال المصري

ادهم قلبه دق وقعد مكانه وهو متوتر

دخلوا كرسي ومتغطي وحد قاعد عليه بس النور مطفي

##جمال طبيعي ميه بالميه... مهارات عاليه... والمفاجاه بقي

هنا كشفوا الكرسي وكانت ليلى عليه.... ادهم وقف وكان عاييز يكسر القزاز ده

ويطبق المكان كله بس لو عمل حاجه هيتقتل وهياخدوها برضه لازم يهدي

##مفاجئتنا هيا انها عذراء.... هنبداً مزادنا بمليون دولار.... هاه مين يزود؟؟؟

الكل بيزايد وبيتخانق عليها... ليلى كانت زي مخدره لانها بتتحرك وبتمايل وكأنها

مش في وعيها... كانت لابسه فستان عريان جدا يعرض كل مفاتها وادهم

مراقب وهيتجنن زي الاسد المحبوس جوه قفص

ادهم لالبرت: اشترىها

البرت دخل في المزاد وفرناندو لاحظ ان رئيسه بيتصرف تحت ضغط وعلشان

كده انسحب هو يهدوء

ادهم كان مركز قوي مع ليلى وانه البرت يفوز في المزاد ده لان حاليا مش عاييز

يدخل في حرب عصابات لو ليلى اتباعت لحد ثاني

اخيرا المزاد رسي علي البرت

ادهم: يالا علشان تستلمها

#ليه؟

ادهم: علشان متديلوش فرصه يخطط هيخرج ازاي ويقتلك انت زي انا كده؟

#وانت هتقتلني ازاي بقي؟

ادهم: بسهوله كده

ادهم رفع رجليه ومسكه من رقبته وكسرهما وقلب نفسه واتشعبط في الخطاف

ورفع نفسه لحد ما خرج الكلبشات بره ونط علي الارض وبسهوله فك

الكلبشات ورماها وخرج بره ، راح لمكان البرت واول ما دخل لقي كذا جنه وفهم

الي حصل وشاف البرت بيطلع في الروح

ادهم: فرناندو صح؟

البرت: خاني واخدها ومشي

ادهم: هيروح فين؟

البرت: هيروح بلده... اقتله... اقتله علشاني

ادهم: هيروح فين؟

البرت: ا.ا. المطار

ادهم: بلده ايه؟ هيروح فين؟

البرت مات وادهم معرفش منه حاجه فطلع يجري علي المطار وبلغ رجالته

يبلغوا المطار انهم يوقفوا اي طياره عن الاقلاع

ادهم وصل المطار ورجالته كلها ومصطفي كمان كان هناك وبيفتشوا عن

فرناندو ومالوش اثر

ادهم: اكيد في طيارات مشيت قبل ما احنا نبلغ... عايز سجل الطيارات الي

اقلعت في الساعتين الي فاتوا دول وبسرعه

ادهم لقي طيارتين واحده رايعه لوس انجلوس وواحد رايعه اسبانيا

وقرار واقف قدامه لازم ياخده لانه لازم يتحرك بسرعه قبل ما يخسر ليلي

مش عارف ممكن يكون فين؟؟ بس افكر البرت وهو بيقول راح بلده وافتكرو
فرناندو وهو بيتكلم اسباني، حتى الانجليزي بتاعه مكنش حلو.

قرر انه يروح اسبانيا وراها وفعلا راح هناك

بلغ قبل ما يسافر رجائه يستنوا الطياره هناك ولو عرفوا ياخدوا ليلي منه
ياخدوها او يراقبوه لحد ما ادهم يوصل وطبعاً بعثلهم صور ليلي ادهم اخيرا
وصل اسبانيا وعرف مكان فرناندو ، رجائه قالو انه معاه حراسه كتير من
الشرطه ومقدروش يقربوا منه ، ادهم فضل مراقب الوضع بحيث يلاقي نقطه
يدخل منها بيته الكبير المتحاط بالبودي جارد ، اخيرا عرف يدخل جوه من
غير ما حد يشوفه ، واخيرا وصل لفرناندو في اوضه نومه وهو لوحده ومسكه
من رقبته وسكينه عليها

ادهم: في خلال دقيقه لو ما نطقتش هيا فين هذبك

فرناندو: انا كنت مستنيك

ادهم: هيا فين؟ مش هعيد السؤال تاني

فرناندو: موجوده وسليمه

ادهم: الدقيقه قربت تخلص

فرناندو بعد السكينه عن رقبته باستهتار وقام صب كاس وعرض علي ادهم

واحد بس رفض

فرناندو: شوف انا راجل بسينزس مان وشغلي كله صفقات.. انا محتاج حاجه

وانت محتاج حاجه تجيبلي اللي انا عايزه وانا اديك اللي انت عايزه وبس كده

انا عرفت انها حبيبتك وانك مستعد تعمل اي حاجه ليها قولت ايه؟

ادهم: انا عمري ما هخون بلدي حتي لو كان التمن موتها او موتي

فرناندو: لا الموضوع مالوش علاقه ببلدك نهائي

ادهم: سامعك

فرناندو: في مايكرو فيلم عايزه وهقولك مكانه بالضبط وانت تجيبه

ادهم: ولما انت عارف مكانه ما تجيبوش انت ليه؟

فرناندو: المكان محصن والحراسه شديده وسمعت انه في ظابط مخبرات

واحد ما بيعسرش وبيعمل حاجات مستحيله... تخيل انا نزلتلك مصر

مخصوص، وبعدها الحظ يوقعني في العيله دي وتعجبي البت دي وادخلها

المزاد ده وبعدها اكتشف انها حبيبه الضابط اللي انا جايله اصلا فكان لازم

اخدها تاني؟؟؟؟ كان لازم استغل الفرصه دي واجيبك هنا

ادهم: ولو رفضت

فرناندو: هسلمهالك بس مش علي بعضها

ادهم: وانا موافق بس لو حد لمس شعره واحده منها هدك المكان ده علي راسك

طوبه طوبه

فرناندو: لا ما تقلقش محدش هيلمسها وهسلمهالك بفستان فرحها لو حبيت

ادهم وافق يساعد فرناندو واخذ عنوان مبني الامن الي المفروض هيقتمه

علشان يجيب الميكرو فيلم

المكان زي القلعه المحصنه بس ادهم عرف يدخل ويجيب الميكرو فيلم وتعب

جامد لحد ما قدر يخرج بيه ودي كان اصعب مهمه يقوم بها، ادهم شغل

الميكرو فيلم وعرف انه في قائمه باسماء الجواسيس الاجانب الموجودين في

البلاد العربيه كلها وحش انه لو سلم الميكرو فيلم ده هتبيخيانه عظمي طبعا

لبلده ولنفسه، كلم فرناندو يقابله ويجيب ليلي، يسلم ويستلم فرناندو عطاله

عنوان يروحله يستلم ليلي

ادهم راح العنوان كانت عربيه مستنياه ركبها واول ما ركب عطوله فزازه صغيره

وطلبوا منه يشربها علشان ياخدوه مكان ليلي، ادهم شربها وكانت مخدر....

فاق علي وجع في وشه وخصوصا مناخيرته..... كانت بتنزف و كان مربوط علي

كرسي... مربوط بلزق كل ايد مع ايد الكرسي وقدامه فرناندو

ادهم: فين ليلي؟

فرناندو: فين الميكروفيلم؟؟

ادهم: كان في جيبي

فرناندو: انت بتستعبط؟؟ مفيش اي حاجه في هدومك

ادهم: كان معايا وانا راكب العربيه

فرناندو: فين الميكروفيلم انا مش بهزر

ادهم: ولا انا بهزر كان معايا

فرناندو: الظاهر انك فاكرني بهزر... هاتوها

اتنين دخلوا بواحد علي كرسي متربطه وكشفوها وكانت ليلي وفرناندو قام

وحط مسدس علي دماغها

ادهم: انت بتعمل ايه؟ سييها؟؟

فرناندو: الميكروفيلم

ادهم: معرفش صدقني معرفش

فرناندو: الميكروفيلم

ادهم: معرفش انا جيبتة وكان معايا اكيد حد من رجالتك اخده

فرناندو: هعد لعشره وبعدها هموتها لك

فرناندو بيعد وادهم بيصرخ ويقول ما يعرفش بالميكروفيلم

ادهم: صدقني انا معرفش.. ٣.... اسمعني بس... ٤.... افهم انا مستعد اعملك

اي حاجه بس سييها

ليلي مربوطه وبوقها لازقينه وبتحاول تصرخ بس مش عارفه نهائي وبتحاول تشد

ايديها وعنينا متعلقه بادهم

ادهم: اسمع انا مستعد اعملك اي حاجه انا سبق وجيبتة وهجيه هولك تاني؟

دي مكنتش ليلي حبيبته ، ادهم دموعه نزلت ومش عارف يتنفس اصلا

ادهم: ليلي ما ماتتش

فرناندو: هيا ما ماتتش انت اللي هتموت وعذاب اخير ليك هسمعك صوتها

مسك تليفون. واحد من رجالته واتصل وطلب يكلمها وحط التليفون علي وذن

ادهم

ادهم: ليلي ده انتي؟؟ انتي كويسه؟

ليلي: انا كويسه يا ادهم كويسه

ادهم: ليلي اول يوم جيتيلي فيه البيت عملتيلي ايه اشربه؟؟

ليلي: قهوه... عملتلك قهوه وشربتها في العربيه

ادهم: استنيني هجيلك ما تخافيش

فرناندو شد التليفون

فرناندو: اقتله وحصلني... فرصه سعيده ادهم وشكرا علي الميكروفيلم؟؟؟

ادهم: انا ما بموتش بسهولة واوعدك اني هقتلك

فرناندو: في انتظارك حبيبي

فرناندو خرج وساب الراجل اللي اخذ تليفونه وكلم ليلي بيه مع ادهم يقتله

وكالعاده الكل بيستهتر بقدرات ادهم

الراجل طلع مسدس هيقتل ادهم

ادهم بيتكلم بهمس والراجل فضوله يعرف هو بيقول ايه؟ ويبسأل ادهم وهو

برضه بيرد بهمس فالراجل قرب من ادهم وقرب وقرب قوي لحد ما ودنه عند

بوق ادهم اللي في لحظه شد القلم اللي في جيب الراجل ببوقه وضربه في رقبته

قتله في لحظه ، وبالقلم فضل يقطع في اللزق اللي في ايده لحد ما فك ايد

وبعدها فك نفسه ، اخذ المسدس من الراجل المقتول واخذ تليفونه كمان

وخرج وكل اللي بيقابله بيقتله من غير تفاهم.

المره دي حياه حبيبتيه اللي عايز ينقذها ومعندوش اغلي منها ، اتصل بمكتبه او بالتحديد بخبير كومبيوتر وطلب منه يحدد مكان اخر رقم اتطلب من التلفون ده وعطاه الرقم اللي كلمو فيه ليلى علشان يقدر يحدد مكان ليلى ، الخبير فضل يحرك ادهم لحد ما وصل لمبني وقاله انها موجوده هنا قفل التلفون ودخل وكل اللي يقابله يقتله لحد ما فتح باب لقي ليلى علي كرسي مربوطه وجنيتها فرناندو اللي اول ما شافه ضحك فرناندو: كنت متأكد انك هتيجي وعلشان كده عملت حسابي فرناندو طلع جهاز صغير فيه زرار واحد وشكله زي المفجر عن بعد وادهم استغرب ايه ده؟

فرناندو: ما تستغربش ده فعلا مفجر بس يا تري فين القنبله اللي هي فجرها؟؟؟ انا اقولك.... مش انت اول ما فقت حسيت بألم في مناخيرك اقولك انا بقي سبب الالم ايه؟ ده كان قنبله صغيره زرعاها والقنبله دي وصلت حاليا في دماغك واكيد هتعملك صداع رهيب ، ادهم للحظه مش مصدقه فرناندو: هتحس بالصداع دلوقتي لانك اول ما دخلت انا فعلت القنبله ههههههههه ، ادهم صرخ وقعد في الارض وماسك دماغه بايديه الاتنين وليلى بتصرخ وخايفه عليه

فرناندو: قدامك عشر دقائق ودماغك هتعمل بوووووم

ادهم: تعرف انك غلطان قوي ومحسبتهاش صح؟

فرناندو: غلطان ليه؟ القنبله مش هتقف لانها مرتبطه بدقات قلبك طول ما

قلبك بينبض هيا متفعله وده كله هينتهي في عشر دقائق اصلا بقوا ٩

ادهم: انا الثواني بتفرق معايا فما بالك بعشر دقائق!؟؟ وانا وعدتلك اني

هقتلك وانا ما برجعش في كلمه قولتها

ادهم هجم عليه واتخانقوا مع بعض... كل شويه ادهم يقعد في الارض ويمسك

دماغه من الالم الشديد وفرناندو بيستغل الفرصه دي ويضربه وليلي بتصرخ جنيم... ادهم عارف انه لو خسر مش هو بس اللي حياته هتنتهي حياه ليلى كمان مربوطه بيه ، قام وقف وماسك دماغه بايدو ويضرب فرناندو بدماغه بكل قوته يمكن الالم ده يقل شويه ، ضربه جامد لدرجه انه اتخبط في الباب والباب اتكسر وبقي في الشارع وادهم وراه يضرب فيه مش راحمه لحد ما وقع في الارض وادهم فوقه بيضرب فيه وجت عربيه كبيره هتخبطهم الاتنين بس ادهم نط بعيد وفرناندو اللي فضل والعربيه داسته واتفرم تحت عجالاتها الضخمة.

ادهم جري علي باقيه وفتشه واخذ الميكروفيلم من جيبه وجري علي ليلى بيقترب منها وبيوقع ويمسك دماغه لحد ما وصلها وبيفكها بالعافيه وهو مش شايف اصلا قدامه

ليلى: ادهم حبيبي ادهم رد عليا

ادهم فكها وشدها وقفها واخدها وخرج وماشين جوه المبني بيدور علي اي حاجه تنفع

ليلى: انت بتدور علي ايه فهمني؟؟؟

لقي جهاز شكله غريب بسكينه وقرى اللي عليه مكتوب عليه ضغط عالي قطع السلك بتاعه

ليلى: ادهم بتعمل ايه فهمني؟؟

ادهم: شغلي دماغك مفيش وقت.... الجهاز ده تقريبا ١٠٠٠ فولت يعني صاعقه واحده منه هتقتل البني ادم صح ولا لا؟

ليلى: طبعا صح

ادهم: طيب انتي حاليا هتصعقيني وهموت

ليلى: ادهم انت بتقول ايه؟

ادهم: مش وقته اسمعي... طول ما قلبي بيدق القنبله بتدق وهتنفجر وساعتها خلاص لكن لو وقفتي قلبي القنبله هتقف وساعتها انتي دكتور هتتعرفي تنعشيني تاني وتنشطني قلبي تاتي... ليلي مش وقته معرفش فات قد ايه ركزي.... خدي مسدسي... صمام الامان مرفوع لو حد جه اقتلي من غير ما تفكري او تنشني بس وجهيه ناحيته واضغطي ولو ماعرفتيش تنعشيني اطلي من هنا علي السفاره والميكروفيلم اهو تسلميه هناك وهما هينزلوكي مصر فهمتي ليلي: انا مش مستوعبه اي حاجه؟

ادهم: كويس... قومي ارفعي السكينه ليلي قامت وهترفع السكينه ...

ادهم: استني استني استني... تعالي هنا

ليلي قعدت جنبه فشدتها وباسها لانها وحشاه قوي وخاف ما يفوقش تاني ادهم: انا بعشقتك وعمري ما حببت حد قدك ولا حببت حد اصلا غيرك ولا بطلت احبك.... قومي شغلي الجهاز

ليلي قامت ودموعها نازله ورفعت السكينه وفي لحظه ادهم فقد الوعي وفعلا قلبه وقف ، ليلي يدوب هتنعشه حست بحد جاي مسكت مسدسه وعملت زي ما هو قال والحظ خدمها، والاتنين اللي هجموا عليها قتلهم ، وجريت علي حبيها تنعشه وفضلت تضغط علي قلبه وتعمله تنفس صناعي علشان يفوق تاني وهيا بتعيط ومش عايزه تفكر ابدأ لو ما فاقش ايه اللي هتعمله ، ادهم فاق مره واحده وقعد ومسك مسدسه وبص حواليه

ادهم: انتي كويسه؟

ليلي: انت اللي كويس؟؟؟

ادهم: انا كويس.... يالا بينا من هنا

ادهم وقف ووقفها معاه وخرجوا وهو حاضنها وعدي علي الاتنين اللي قتلتهم

ادهم: انتي نشانجيه اهوه

ليلي: اخص عليك انت بتهزر؟؟؟

ادهم: انا كويس وانت كويسه ما اهزرش ليه؟

ليلي: انت كنت ميت من شويه ولو

ادهم: مفيش لو.... يالا نرجع بلدنا

ليلي: احنا فين اصلا؟

ادهم: احنا في اسبانيا

ليلي: بجد انا بره مصر؟؟؟

ادهم: بجد

ليلي: طيب ما تيجي نتجوز ونقضي شهر غسل هنا

ليلي بتقولها بهزار لانها عايزه تعرف موقف ادهم ايه منها او يفكر في ايه او

ناوي علي ايه؟

ادهم: هنتجوز ان شاءالله بس نرجع بلدنا الاول

راحو السفاره وادهم سلم الميكروفيلم وحجزولهم طياره بس ثاني يوم الصبح

فحجزولهم في فندق باسماء مستعاره وقبل ما يمشوا

ليلي: ادهم انا عايزه اطلب اطلب بس اوعدني ما ترفضوش

ادهم بيبيص حواليه لكل الموجودين ومحروج منهم

ادهم: ماشي اطلبي براحتك بس بعدين ماشي؟

ليلي: لأ دلوقتي اوعدني

ادهم: لازم دلوقتي

ليلي: ايوه لازم اوعدني توافق

ادهم: لو اقدر عليه هوافق

ليلي: ده مش وعد وايوه تقدر عليه
ادهم: حاضر يا ليلي اوعدك هوافق
ليلي: انا سمعت ان اللي بره مصر بيتجوزوا في السفاره واحنا هنا في السفاره انا
عايزه اتجوزك دلوقتي
ادهم: نعم؟ انتي بتقولي ايه؟
ليلي: انت وعدتني
ادهم: انتي مجنونه ولا ايه؟ لما نازل مصر وسط عيلتك واهلكك
ليلي: انت وعدتني
ادهم: ليلي
ادهم: ادهم
ادهم بيبص للي حواليه اللي مستمتعين بالعرض ومش عارف يعمل ايه؟
وبيفكر فرد فعل ابوها وامها لو عرفوا انه اتجوزها كده؟
ليلي: هنعمل فرحنا في مصر انا بس عايزه علي الورق او عايزه ابقي مراتك بجد
بحيث محدش يقدر يبعدنا تاني عن بعض لو بتحبني هتوافق
ادهم: لو بحبك؟؟؟
ادهم افتكر اللحظه اللي ماتت فيها او افتكر انها ماتت كانت لحظه بشعه جدا
وخاف ان الوقت يعدي من غير ما يتجوزها او اي حد يبعدهم تاني ، بص للي
حواليه
ادهم: عايزين نتجوز قولولي ايه الاجراءات خلينا نعملها
وفعلا ادهم وليلي اتجوزوا في السفاره واخذها وراح الفندق وطول النهار
بيفسحها في البلد وبالليل روحوا ، كان قاعد في البلكونه وهي المفروض انها
هتنام ، جت ووقفت قصاده
ادهم: نعم يا مجنونه

ادهم: ايوه ممكن

ليلي: طيب ناولني المجله اللي قدامك ممكن؟

ادهم: اتفضلي واسكتي

ليلي فضلت تقلب فيها وعجبها حلق وسلسله جدا بس سعرهم غالي شويه
وبالدولار كمان

ليلي: عاجبني قوي ينفع اشترهم؟؟؟

ادهم: انا عارف مش هتجيبها لبر.... ينفع ممكن تطليهم من المضيفه وهيا
هتوفرهملك او ممكن تجيبهملك من الاسواق الحره اللي جوه المطار اول ما
نوصل.... بس انتي معاكي دولارات تدفعي؟؟؟

ليلي: انت معاك

ادهم: مين ضحك عليكي وقالك ان معايا المبلغ ده؟ معيش المبلغ ده حاليا

ليلي: اممم ماشي انا هنام

ادهم: نامي.... وانا كمان هنام

واخيرا وصلوا ارض مصر ونزلوا من الطياره ايديهم في ايدين بعض وبيضحكوا
ويهزروا

ادهم: اتلمي بقي علشان اول ما نخرج اكيد هنلاقي الكل مستنيننا

ليلي: هو انا متبعتره يعني؟ ما انا ملمومه اهو

ادهم ماشي وليلي اتأخرت وراه بتربط صندلها اللي اتفك وهيا ماشيه

ادهم: انجزي يالا

ليلي جت تجري وراه وراحت ناطه علي ظهره وحطت رجليها حواليه وايديها
حوالين رقبته

ادهم: يا مجنوووونه انزلي من علي ظهري

ادهم شايل ليلي علي ظهره وهيا ماسكه فيه بايديها ورجليها وهو ساندها

بايديه علشان ما توقعش

ادهم: انزلي علشان الناس بتتفرج علينا

ليلي: اللي يعرفني يقول لابويا وبعدين لما نقرب من بره هنزل
مسكت في رقبته وباسته في خده واول ما دخلوا القاعه جوه المطار ادهم بيرفع
دماغه واتفاجئ بكميه الناس اللي في انتظاره وليلي فوق ظهره ، مديره...
اصحابه... تلامذته... ابو ليلي وامها واخوها

وطبعا الكل تنح من شكل المقدم ادهم اللي حتي ما بيبتسمش في وش حد وهو
شايل واحده علي ظهره ، وادهم جامد مش عارف يعمل ايه؟ واتمني لو الارض
تنشق وتبلعه في اللحظة دي ، ادهم نزل ليلي او بمعني اصح سابها توقع ووقفت
وراه تستخبي فيه ، والكل واقف محدش عارف يتكلم اصلا ، اخيرا المدير
اتدخل ينهي الموقف ده

المدير: حمدالله علي السلامه سياده المقدم والحمد لله انك كالعاده انقذت
الموقف ودلوقتي اتفضل معايا بلغني اخبار الميكروفيلم ايه؟ اتفضل
المدير سحب ادهم ومشى ومصطفي اخذ اخته في حضنه وسحبها لابوه وامه
وكل واحد راح لحاله ، ليلي مع عيلتها وجم يمشوا بس هيا وقفت
عم محمد: سيادتك واقفه ليه؟

ليلي: معلش يا بابا نستني ادهم.... ما ينفعش نمشي كده وبعدين مش
هتشكروه ولا ايه؟

ناديه: لا الصراحه الواد ده مش عارفه نعمل معاه ايه؟ ده جدع وما بيتأخرش
ابدا

عم محمد: نشكركه ماشي وماله؟ نقعد نستني البيه لما يشرف
استنوا شويه كتير والكل ساكت وبيبص لليلي اللي باصه للارض
مصطفي: ليلي ممكن يكون ادهم مشى اصلا مع المدير لانه هيكون محتاجه

حاليا يقدم تقريره عن اللي حصل بره ومش بعيد يكون اخده معاه
 ليلى: ادهم مش هيمشي من غير ما يقولي اصلا
 عم محمد: جايه الثقه دي منين اصلا؟ ويحي يقولك ليه؟ بتاع ايه يقولك؟؟
 هياخذ الاذن منك؟؟؟
 يدوب ليلى هترد لمحت ادهم جاي عليهم
 ليلى: اهوه جه اهو
 كلهم بصوله ما بين فرحه وغيظ
 ادهم: اسف علي التأخير بس عقبال ما خلصت كلامي مع المدير
 مصطفى: انا متشكر جدا علي وقفتك معايا وانك ما اتخليتش عني
 ادهم: عادي ولا مهمك
 عم محمد: متشكر يا سياده المقدم انك حميت عيلتي
 ادهم: سياده المقدم؟؟؟؟ امممم من فتره كنت ابنك ودلوقتي رجعت سياده
 المقدم تاني افهم من كده ايه؟
 انت عايز توصلي حاجه معينه؟؟
 ناديه: ولا يوصلك ولا توصله.... حمدالله علي السلامه يا ابني.... يالا هنوصلك
 في طريقنا
 ادهم: لا يا ست الكل تسلمي انا هروح عادي ما تشغليش بالك يالا نخرج بره
 خرجوا كلهم بره وليلى مشيت براحه وشدت ادهم يمشي جنبها
 ليلى: انت مش هتقول لبابا علي جوازنا؟
 ادهم: لا يا حلوه انتي ما سمعتيش سياده المقدم دي ولا ايه؟ انتي قوليله انتي
 صاحبه الفكره
 ليلى: انت بتبيعي؟؟؟
 ادهم: طبعا سلام هكلمك بعدين

ادهم وقف معاهم لحد ما ركبوا عربيتهم ومشي بعد ما ركبوا قدامه

روحوا البيت واول ما وصلوا عم محمد نادي علي بنته

عم محمد: ايه المنظر اللي احنا شفناه ده؟

ليلي: منظر ايه يا بابا؟ قصدك علي ايه؟

عم محمد: انتي مش فاهمه قصدي علي ايه ولا عامله عبيطه؟؟؟ قصدي وانت

راكبه علي ظهره كده؟ انتي ازاي تعملي كده؟ لا وبتبوسيه كمان ولا كأنكم اتنين

راجعين من شهر العسل؟؟؟ هيا دي تربيتي ليكي؟؟؟ مفكرتيش فيا او حتي في

اخوكي ازاي يحط وشه في وش زمايله....

ليلي: انا اسفه يا بابا بس غير ان انا وادهم بنحب بعض بقالنا كتير قوي....

احنا فعلا اتجوزنا

الكلام نزل زي الصاعقه علي عيلتها

مصطفي: انتي بتقولي ايه يا ليلي؟ اتجوزتو ازاي؟

ليلي: زي الناس يا مصطفي.... بعد ما ادهم وصلي وقدر يخلصني من اللي كنت

مخطوفه عندهم اخدني ورحنا السفاره علشان يرجعونا هنا وهناك انا طلبت

منه يتجوزني وهو رفض تماما الفكرة بس اقنعتة وهناك جوزونا

عم محمد: يعني انتي فرضتي نفسك عليه؟

ليلي: ادهم بيحبني واعتقد ان سيادتك اكر واحد عارف ده كويس

عم محمد: امم طيب واما هو اتجوزك ما اخدكيش معاه بيته ليه؟

ليلي: علشان عايز يعمل فرح وعايز يشوفني بالفستان الابيض وعايزني افرح

وسطكم

عم محمد: والله؟؟ كتر خيره؟؟

ليلي: انا مش عارفه انت معترض علي ايه ومتضايق ليه؟ هو انت كنت لسه

هتفضل ادهم تاني يا بابا؟ بعد كل اللي حصل وكل اللي عمله علشاننا؟؟؟
عم محمد: كنت عايزه يجي البيت هنا ويطلبك هنا واجيب اخوالك واعمامك
ونكتب كتابك مش تروحي تتجوزيه في السر؟
ليلي: انا ما اتجوزتوش في السر.... انا خفت.... خفت لما نرجع مصر وابقى في
امان يغير رأيه ويبعد عني تاني
عم محمد: لو هو هيغير رأيه هيغيره برضه ايه اللي هيمنعه ومين هيمنعه؟؟؟؟
ليلي: انا مش عارفه انت خايف منه ليه؟ ادهم بيحبني
عم محمد: ولما انتي واثقه في حبه كده خايفه ليه وجريتي اتجوزتاه هناك؟؟؟
ليلي: انا مش خايفه من حبه انا خايفه من اللي حوالينا... خايفه منك تروح
تأثر عليه تاني؟؟؟ خايفه حد يروح يقوله كلمتين يبعد عني تاني؟؟؟
عم محمد: لو هو هيبعد من كلمتين يبقي هيبعد برضه دلوقتي
ليلي: دلوقتي انا مراته ومش هيسمح لحد يدخل بينا ، المهم يجيلك امتي؟
مصطفى: النهارده قبل بكره.... انا معنديش استعداد اروح الشغل بكره وكل
واحد يجي يسألني عليكم وما اعرفش ارد اقول ايه؟
ليلي: خلاص هبقي اكلمه واقوله يجي بعد اذنكم انا عايزه ارتاح
ليلي دخلت اوضتها علشان تكلم ادهم بس معرفتش تكلمه علي ايه؟ رقمه
القديم مغلق وتليفون بيته مرفوع من الخدمه
مصطفى اخوها دخلها يظمن عليها وطلبت منه يساعدها ويجيبها رقم لادهم
سابها وخرج يتصرف ويحاول يجيبها رقم لادهم
ناديه: انا مش عارفه انت حاطط طاجن ستك فوق راسك ليه؟ ما انت كام مره
تروحله ودلوقتي لما وافق تعمل كده؟
عم محمد: مش من ورايا يا ناديه.... المهم قومي اسألني بنتك ايه اللي حصل بينهم
بالظبط

ناديه: ليه بقي؟

عم محمد: علشان لو حصل بينهم حاجه نعجل بالفرح لتكون حامل منه وتبقي فضيحه

ناديه: بنتك متربيه كويس علي فكره ولو حصل بينهم حاجه فحصلت وهيا مراته وعلي ذمته

عم محمد: ايوه روجي قولي للناس ده.... قومي شو في بنتك

ناديه: انت عايزني اقولها ايه؟ جوزك نام معاكي ولا لأ؟

عم محمد: ايوه تقوليلها كده؟ يا اما هقوم انا واسألها

ناديه: خلاص هروح انا

ناديه دخلت لبنتها تظمن عليها وقعدت جنبها في السرير

ناديه: انتي مبسوطه يا حبيبتي؟؟؟

ليلي: ما تتخيليش قد ايه؟ انا بحب ادهم قوي.... كان هيموت علشاني.... تخيلي

انهم زرعو لوقبله في راسه

حكيت لامها كل اللي حصلها وهيا بعيد

ناديه: كل ده؟ الواد ده بيتعب يا عيني.... ومحتاج واحده في اخر النهار تاخده

في حضنه

ليلي: ماهو انا بقول كده لازم نبقى وطنين وعندنا انتماء للبلد ونساهم حتي

بحاجه بسيطه نبسط ظباطها ولا ايه؟

ضحكوا الاتنين

ناديه: ليلي حبيبتي هو ادهم عمل معاكي ايه هناك؟؟

ليلي: كل خير فسحني واتبسطنا قوي

ناديه: ايوه يعني وبعد ما اتفسحتوا؟؟

ليلي: روحنا الفندق واتعشيننا ونمنا

ناديه: عملتوا ايه قبل ما تناموا

ليلي: كنا بنرغي

ناديه: بت انتي هتجننيني ولا ايه؟

ليلي: انتي بتسألني وانا بجاوبك عايزه ايه؟

ناديه: ايه اللي حصل بينك وبين ادهم سؤال واضح؟؟

ليلي: وانا جاوبتك

ناديه: لا مجاوبتيش يا ليلي انتي بتلغي وتدوري حوالين الاجابه

ليلي: انا ما بلفش ولا بدور انا مش فاهمه انتي عايزه توصلي لايه؟

ناديه: انا عايزه اوصل انتي حاليا بنت ولا خلاص بقيتي مراته؟؟؟ فهمتي ولا

اشرح اكثر من كده؟

ليلي: الاتنين

ناديه: والمصحف هضربك

ليلي ضحكت: انتي عايزه ايه؟

ناديه: ردي علي سؤال انا مش بهزر دلوقتي؟

ليلي: ادهم ما لمسش شعره مني لو ده قصدك.... انا لسه بنت زي ما انا.... علي

الرغم من اني حاولت اقنعه يجي في حضني بس ما رضيش

امها ضربتها بالمخده في وشها

ناديه: انتي يا بت بقيتي كده امتي؟

ليلي: من ساعت ما بعدتوني عنه السنه اللي فاتت دي كلها... بتمني اي لحظه

تجمعني معاه... بس هو اعقل مني وقالي لأ مش عايز يضيع فرحتكم انتو وعايز

ياخدني من ايد ابويا وياخدني بيته فروحي طمني ابويا ان مفيش حاجه حصلت

بيننا

ابوها اصلا كان بره الباب بيسمعهم لانه عايز يظمن علي بنته

مصطفى اخر النهار رجع البيت ودخل لاخته صحاها من النوم وأعطاها
تليفون ادهم وطلب منها تكلمه
ليلي: طيب اصحي وافوق وبعدها اكلمه
مصطفى: ليلي قومي كلميه دلوقتي
ليلي: يووه يا مصطفى بقي لما اقوم
مصطفى: ليلي صوركم هتنزل علي الفيس وانا مش عارف اقول للناس ايه؟
وادهم لازم يكون واقف علي ارض صلبه علشان يخلي كل كلب يحط لسانه
جوه بوقه ويقفله... كلميه خليه يجي
ليلي اتعدلت: قولت لبابا ولا يجي وبابا يديله كلمتين مالمهمش لازمه؟؟؟
مصطفى: انتي بقيتي مراته يعني الباقي ده كله صوري
ليلي: ايوه يعني بابا عارف انه هيحي ولا ايه؟
مصطفى: ايوه عارف يا بنتي اتصلي
ليلي اتصلت بادهم وجرس واثنين ومش بيرد
ليلي: ما بيردش زمانه نايم هو كمان
مصطفى: ادهم نومه خفيف اطلبليه تاني اكيد ما سمعش اطلبليه
ليلي رنت تاني والمره دي رد
ليلي: انت فين؟ ما بتردش ليه؟
ادهم: وحشتيني
ليلي: وانت كمان وحشتني قوي قوي
مصطفى: انجزي واسألبيه
ادهم: ماله الواد اللي جنبك ده؟ عايز ايه؟
ليلي: انا عارفه هو لازق كده ليه.... ما تطلع بره يا مصطفى وانا لما اخلص
هجيلك

مصطفى: هو انا جبتلك الرقم بتاعه علشان تقعدوا تحبوا في بعض ولا ايه؟

انجزي

ادهم: قوليله متشكرين بس انا كنت هكلمك دلوقتي... يدوب صاحي وكنت

باخد شاور وهكلمك فهو معملش جميله قوي يعني

ليلي: سمعت ولا اعيدلك الكلام تاني؟ اطلع بقي

ادهم: طمنيه وقوليله هاجي النهارده الساعة ٨ عندكم مناسب ولا ايه؟

مصطفى: مناسب يشرف

ليلي: اطلع بقي

مصطفى: علي فكره ده تليفوني اللي بتتكلمي منه وعايظه

ادهم: يا واطي.... تليفونك انتي فين انا هطلبك

ليلي: حاضر هرميهوله

مصطفى: علي فكره انا بهزر خليه

ليلي: لا متشكرين خد تليفونك وامشي

ادهم كلمها علي تليفونها وفضلوا يرغو مع بعض كتير جدا وحكتله عن رد فعل

ابوها

اخيرا ادهم وصل البيت الساعة ٨ بالدقيقه وواقف قدام الباب متردد ومش

متوقع ابوها هيقوله ايه؟ خبط وفتحله مصطفى ودخلوا وقعدوا مع بعض

عم محمد: يا اهلا وسهلا باللي كتب علي بنتي من ورايا علشان يلوي دراعي

ويمديلي لسانه ويقولي اخدتها غصب عنك

ادهم ومصطفي وقفوا وناديه وليلي خرجوا علي صوت عم محمد
ادهم: انا مش عايز الوي دراعك ولا حاجه يا عمي
عم محمد: انت قاصد انك تاخدها بالطريقه دي... انا كام مره جيتلك؟؟؟ هاه؟؟؟
يعني انت عارف اني موافق وبرضه تروح تستغل الظروف وتكتب عليها من
ورايا

ادهم: طالما انت كده كده كنت هتوافق ايه مشكلتك دلوقتي؟؟؟؟

عم محمد: مش بالطريقه دي

ادهم: اختلفت الاسباب والنتيجه واحده

عم محمد: لا طبعا دي مفيهاش اختلفت الاسباب.... دي ليها سبب واحد وطريقه
واحد.... تيجي بيتي وتدق بابي وتحط ايدك في ايدي مش في ايديها ومن ورايا
والله اعلم عملت ايه معاها هناك

ادهم: انا معملمتش اي حاجه معاها.... ولو كنت عايز اعمل كنت عملت من

زمان قوي... ولو عايز اخدها غصب مكنتش ضيعت سنه من عمرنا... بس

المشكلة ان حضرتك ديما بتدور علي اي سبب تعمل زعل منه

عم محمد: ليه بتلكك لسيادتك ولا ايه؟

ادهم: انا مش عارف اللي حضرتك بتعمله دلوقتي ده تسميه ايه؟

عم محمد: انت عايز تلوي دراعي وده مش عاجبني ادبني سبب واحد يخليك تكتب

عليها بره غير انك تحطني في امر واقع؟؟؟؟

ليلي: انا اديك السبب ده يا بابا.... انا طلبت من ده وخليته يوعدني انه ينفذلي

طلبي قبل ما يعرفه وهو اعترض بس انا اللي اصريت عليه.... عارف ليه؟ ؟ لاني

كنت عامله حساب الموقف ده دلوقتي.... انك تيجي وقت الجد وتوقف بينا

تاني

عم محمد: انا ما بوقفش بينكم

ليلي: امال انت بتعمل ايه دلوقتي؟

عم محمد: انا مصدوم بالي حصل.... بنتي اشوفها وسط الناس جايه واحد شايها وبهمزروا بطريقه ...

ولما الومها تقولي جوزي وانا حره ومالكش دعوه.... عايزاني اعمل ايه؟ اقول ايه لاختواتي في البلد لما يجوا ويقولولي نكتب كتاب بنتك في البلد وفي بيت جدها هاه؟؟؟ اقولهم لأ مش عايزكم ولا اقولهم معلش اصلا كتبته لوحدها هيا وهو ومعملوش اي اعتبار لحد؟؟؟ اقول لاهلي ايه ردي؟؟؟

ادهم: لو دي مشكلتك فبي ما تعتبرش مشكله.... فلو سمحت ما تعملهاش مشكله ...

عم محمد: طيب ليه؟؟؟ فهمني انت علي طول عاقل في قراراتك فليه؟؟؟ ليه ما استنتش لحد ما تيجوا هنا ولو انا رفضت كنت اخدت الخطوه دي؟؟؟ ليه ما اديتنيش فرصه ثانيه؟؟؟ وما تقوليش علشانها هيا.... ماهي ياما جتلك وباست ايدك علشان ترجعلها وانت رفضت. فماتقوليش علشانها!!!!

ادهم: عايز تعرف ليه انا وافقت؟؟؟ لانها ماتت قدامي

كلهم بصوله باستغراب حتي ليلي

ادهم: ايوه ماتت قدامي

ليلي: مت ازاي يا ادهم؟ انا مجراليش حاجه؟

ادهم: بعد ما سافرت من هنا وقابلت فرناندو طلب مني اجيبه مايكروفيلم وانا جبته واكتشفت ان فيه معلومات تمس الوطن العربي كله وتهده فمكئش ينفع اديهوله مهما يكون التمن... رحا اقبله علشان اشوف هخرجك ازاي بس هو كان مستعد كويس. وساعتها رجالتة خدروني علشان ياخدوني عنده واول ما فقت كنت متربط وساعتها زرعوا القنبلة اللي انتي شفتها اللي ما تعرفيهوش بقي انه ساعتها انا فوقت كنت لسه مشوش وكنتي انتي في

كرسي قدامي متربطه وهددني بيكي ومش قادر انسي وهو ببعد لحد عشره
علشان يقتلك!!! ومسدسه علي راسك ، ووافقت علي كل طلباته وقولته انه
هجيبله الميكروفيلم وانا عارف انه هيقتلك برضه بس موقفش وكمل عد
ليلي: وبعدين؟

ادهم: قتلك قدامي.... ضربك رصاصه في دماغك فرتكها قدام عيني.... انتي....
موتي.... قدامي..... انا بحب بنتك وانت عارف ده كويس فتخيل كده لو انت
بنتك قدام عينك وحد فجر دماغها قدامك هتعمل ايه؟ وانت متكتف
ومتربط.... عايزك توصفلي احساسك هيكون ايه؟؟؟؟ عايزك تتخيل الكام
دقيقه اللي بعدها عدوا ازاي؟

ليلي: بس يا ادهم ازاي؟

ادهم: كانت واحده عاديه ملبسينها باروكه تشبه شعرك وقناع علشان تبقي
نسخه منك مع المخدر اللي كان لسه تأثيره عليا... كل الامور ساعدت اني
افتكرها انتي.... عدت دقائق كنت مشلول تماما فيها مش عارف حتي افكر...
مش مستوعب انك ممكن تموتي اصلا كده قدامي.... مش عارف اوصفلك
اصلا انا كنت حاسس بأيه ساعتها.... وبعدها فرناندو شال الغطا من عليها
وعرفني انها مجرد بنت مش انتي وده كان مجرد تأديب... ساعتها اخدت قرار اني
مش هضيع وقت تاني ومش هسمح لحد يوقف بينا تاني.... وكتبت عليها لاني
معنديش وقت اضيعة في اقناعك... انا قولتلك اهو ليه استعجلت حاليا
الكره في ملعبك.... ياتوافق دلوقتي علي ارتباطنا ببعض.. يا ...

عم محمد: يا ايه؟

ادهم: بلاش يا ايه دلوقتي

عم محمد: لا قولني بالمرة هتعمل ايه؟

ادهم: هاخدها واسافر ومش هرجعها تاني.. مش هرجع انا وهيا البلد دي تاني

مصطفى: ادهم اهدي كده وصلوا يا جماعه علي النبي... احنا قاعدين النهارده
علشان نتفق ونحدد معاد لفرحكم ونتفق علي الامور المهمه مش علشان
نتخانق ابدا ابدا
كلهم قالوا عليه الصلاه وافضل السلام
ادهم: انت ايه يرضي حضرتك دلوقتي؟
عم محمد: ما تعملوش حاجه من ورايا تاني ومن هنا لحد ما تبقي في بيتك ما
تلمسش شعره واحده منها
ادهم: انا لا لمستها ولا هلمسها غير وهيا في بيتي غيرو؟
عم محمد: تيجي معايا بلدنا اعمامها وخيلانها يتعرفوا عليك
ادهم: معنديش مشكله غيرو؟
عم محمد: ما تهمنيش حاجه تانيه
ادهم: امال الشبكه والشقه اللي باسمها والرصيد في البنك؟؟؟؟ والمؤخر
والمقدم؟؟؟
عم محمد: ميفرقوش معايا
ادهم: وقبل كده كانوا يفرقوا ليه؟
عم محمد: كنت عايز اشوف مستعد لايه؟
ادهم: ودلوقتي؟؟ مش عايز تشوف مستعد لايه؟
عم محمد: لا يا ادهم مش عايز.... انا شفت حبك لهما باكثر من طريقه ودي
حقيقه محدش يقدر ينكرها
ادهم: طيب عايز تعمل الفرح امتي؟؟؟
عم محمد: انت هتكون جاهز امتي؟؟؟
ادهم: .انا مش محتاج اكثر من شهر اوضب شقتي فيه
ليلي: ادهم شقتك حلوه وعجباني زي ما هيا بديكوراتها لو انت عايز تغير يبقي

ممكن بس اوضه نوم جديده مش اكر
 ادهم: لا يا ليلي شقتي مش هتعجبك حاليا
 ليلي: ليه عملت فيها ايه؟
 ادهم: كسرتها كلها وجددتها بشكل مش هيعجبك
 ليلي: لا ممكن تعجبني خليني اشوفها الاول وبعدها نقرر ماشي
 ادهم: معنديش مشكله.... طيب بما اننا اتفقنا علي كل حاجه يبقي استأذن انا
 ادهم قام وقف ويدوب ليلي هتتكلم
 عم محمد: اقعد لسه مخلصتش كلامي
 ادهم قعد: افندم
 عم محمد: نقري فاتحه دلوقتي علي اتفقنا ده؟
 ادهم: نقري فاتحه ايه المشكله؟
 قروا الفاتحه مع بعض وخلصوا وناديه جابت عصاير وجاتوه واصرت ان ادهم
 يفضل وسطهم
 ناديه: ايه رأيكم طالما هو مصر يمشي ان انا نخرج كلنا بره نتمشي شويه؟
 ليلي: اه يا ريت
 ادهم: معنديش مانع
 مصطفى: يالا بينا
 كلهم بصوا لعم محمد يستنوا رأيه
 عم محمد: روحوا انتو واتبسطوا مع بعض
 ادهم: لو انت معترض علي وجودي اخرج انت مع عيلتك
 ناديه: كلنا هنخرج مع بعض ومحدث فيكم هيعتذر... كلنا مفهوم؟
 الكل فعلا خرج ونزلوا مع بعض ووقفوا قدام العربيتين محتارين ياخدوا عربيه
 واحده ولا مصطفى بعربيته .

ولو ركبو مع مصطفي يقسموها ازاي
مصطفي: ادهم انت وخطيبتك مع بعض وانا هجيب بابا وماما
عم محمد: عربيه واحده تكفيننا انت وامك واختك يكفيكم الكرسي اللي وري وانا
هركب قدام جنب خطيب بنتي حد معترض؟؟
ادهم: هو حد يقدر يعترض؟؟؟ يالا
ادهم ركب وجنبه حماه والتلاته فعلا وري
ادهم: تحبوا ترحوا فين؟
ناديه: عايزه اشوف شقتك يا ادهم لو مش يضايقك؟؟
ادهم: مش يضايقيني بس كلكم موافقين؟
ليلي: طبعا موافقين
وصلوا لشقته وطلعوا واول ما دخلوا اتفاجؤا كلهم باللي شافوه
ليلي: انت عملت فيها كده ليه؟ وايه كميه الاسود دي؟؟؟ حتي المطبخ خليته
اسود
ادهم: الشقه كلها مش المطبخ والصاله بس
ناديه: ليه يا ابني كده؟ دي تجيبلك اکتئاب كده
ادهم: عادي بقي
عم محمد لام نفسه وبس لانه هو اللي وصله للحاله دي وهو اللي خلاه يشوف
الدنيا سودا كده
ادهم كان مخلي اللون الاسود غالب علي كل حاجه في الشقه... كانت كنيبه
بالوانها دي ...
ادهم: شو في هتفق مع مهندس ديكور وانتي قابليه وقوليله نفسك في ايه واللي
انتي عيراه نعمله اتفقنا؟
ليلي: انا وانت مش انا لوحدي

ادهم: اكيد يعني.... مش هخليكي تقابليه لوحداك

ليلي: اوضه النوم عملت فيها ايه؟ واوعي تكون غيرت الحمام

ليلي بتتكلم وهيا داخله

ليلي: الحمدلله مغيرتهوش

ليلي كانت في الحمام وابوها وامها واخوها وادهم كلهم في الاوضه

عم محمد: وانتي شفتي الحمام ازاي قبل كده؟ ولا اوضه نومه؟؟؟ ايه اللي وصلك لحد هنا؟

ليلي معرفتش ترد وارتيكت وافتكرت اول مره لما دخلتها وراه وتاني مره لما دخلها

غصب عنها وبعدها لما كان تعبان وبعدها لما دخلته وكانت فكراه سكران

بس تقول لابوها ايه؟ فبصت لادهم يلحقها بس هو كمان معرفش يقول ايه؟

ناديه: لما اتصاب يا محمد جينا انا وهيا هنا ولقيناها تعبان وسخن وفضلنا معاه

لحد ما واحد صحبه جاله ، كانت حرارته فوق الاربعين وعملنا له كمادات وكان

بيخرف ساعتها... وعلشان كده شوفنا اوضه نومه وحمامه

عم محمد: انتي جيتي هنا من ورايا يا ناديه؟؟؟

ناديه: مكنتش هقدر اسيبه لوحده ومكنتش هتحمل تقولي لأ وبعدين ده من

زمان

عم محمد بص لادهم وكأنه بيحمله كذب مراته عليه

ادهم: نمشي بقي من هنا؟؟

ليلي: اه ياللا....

خرجوا ومشيووا وام ليلي اقترحت يروحوا يشترخوا الشبكه وفعلا راحوا اشتروها

عم محمد بيراقب ادهم وتصرفاته مع بنته ، لاحظ ان ادهم بيدور علي اللي يبسط

ليلي ويعمله ، لو حاجه عجبته وحست انها غاليه بترجعها وهو بيجهالها تاني

خلصوا وراحوا اتعشوا مع بعض واخر الليل روحهم ، طلوعوا وليلي اتأخرت.

عم محمد: اطلعي علي طول ولاحظي انكم في الشارع وفي جيران

ليلي: حاضر يا بابا وراك اهوه

ناديه شدت جوزها وطلعت ومصطفي استاذن يخرج يسهر مع اصحابه

ادهم: اطلعي علشان باباكي... هو اصلا مش طايقني

ليلي: وحشتني

ادهم: انا معاكي من المغرب

ليلي: وبابا واقف فوق راسي

ادهم: هو فوق راسك انتي بس.... يا الله امتي الشهر ده يعدي

ليلي: انا مش عارفه ليه قولت شهر؟؟؟ انت ممكن تخلص الشقه في اسبوع

ادهم: وشغلي؟؟؟ وشغلك؟؟؟ والقاعه اللي هيتعمل فيها الفرح؟؟؟ واهلك اللي

المفروض تعزمهم؟؟؟ في مليون حاجه تتعمل لسه

ليلي: انا ماليش دعوه بكل ده

ليلي سندات علي صدره وهو ضمها براحه

ادهم: علي فكره اعتقد ان ابوكي كان يقصد ده لما قالك اننا في الشارع

ليلي: انت عايزني ابعد!

ادهم: لو علي اللي انا عايزه انا عايزك في اوضه نومي مش في بيتي بس مش عايز

حد يشوفنا ويتكلم كلمه مش كويسه عنك اطلعي وانا بكره هشوف مهندس

الديكور واحي اخذك ماشي؟

وفعلا قابلوا مهندس الديكور واتفقوا علي كل حاجه ، وبدؤا يشتروا عفشهم

وحاجتهم اللي نقصاهم ، عم محمد اتصل بادهم وطلب منه يجيله دلوقتي

ادهم راحله كان وقت الظهر وكان مطبق في الشغل وشكله تعبان ومرهق جدا

ادهم: خير في ايه؟

عم محمد: ادخل عايزك

دخل وناديه سمعت صوته طلعت سلمت عليه

ناديه: حماتك بتحبك انا بحط الغدا اهو ماقولتليش ليه يا محمد انه جاي

عم محمد: مجاش في بالي غير دلوقتي اقله يعي

ادهم: حضرتك اتصلت بيا وجاييني بالشكل ده علشان اتغدي؟؟؟

عم محمد: ايه مش عاجبك؟؟؟؟

ادهم اتهد: لا يا عمي مش القصد بس انا حاليا مشغول ومش فاضي وتعبان

ولو عندي نص ساعه فاضي فيها يبقى افضل اني اروح بيتي اخد شاور واغير

هدومي دي ...

عم محمد: ادخل اتغدي وبعدين انا عايزك في موضوع مهم غير الاكل بس نتغدي

وبعدها نتكلم

ادهم: طيب نتكلم وبعدها انا امشي وحضرتك اتغدي براحتك

ناديه: قسما بالله ما ادخلك بيت ابداء... انت مش عايز تدوق اكلي ولا ايه؟

ادهم: طيب ليه الحلفان طيب... انا مش فاضي وورايا شغل مهم وما

استأذنتش من حد

عم محمد: الدنيا مش هتههد ادخل

ادهم: انت شايف ان في شغلي لو تأخرت الدنيا مش هتههد؟؟؟

عم محمد: ادهم لو مش عايز تاكل اكلنا اتفضل مش هنمسك فيك

عم محمد فتح الباب وادهم واقف مش عارف يعمل ايه

ادهم: انت ليه مصر تحسبها كده؟ خلاص يا عمي اتفضل

ادهم دخل وحماه وحماته دخلت تجهز الصفره

ودخلت لليلي

ناديه: بت يا ليلى اصحي.... اصحي... قومي اتغدي معنا يا لا

ليلى: يووه يا ماما من امتي بتصحيني علشان الاكل؟؟؟ يعني ان مكنتش

نبطشيه طول الليل... مش عايزه اكل انا سيبيني انام
 ناديه: طيب نامي... نروح نتغدي انا وابوكي وادهم لوحدنا نامي
 ليلى اتعدلت: ادهم هنا هيتغدي معنا؟؟
 ناديه: وانت مالك بقي ما تنامي انتي؟؟
 ليلى: ماما انتي بتهزري ولا بتتكلمي بجد؟؟ ادهم هنا ولا لأ؟
 ناديه: بره مع ابوكي زمانهم كلو بعض
 ليلى: انتي بتهزري علشان اقوم صح؟
 ناديه سابتها وخرجت تكمل تجهيز الصفره وليلى كملت نومها بس فكرت لو
 ادهم فعلا بره، قامت وخرجت تشوف ولقته فعلا مع ابوها وطلعت تسلم عليه
 ليلى: ادهم انت هنا؟ اخبارك ايه؟
 سلمت عليه وقعدت جنبه تتكلم معاه
 عم محمد: هو انتي مش ملاحظه انك لابسه بجامه بينظلون قصير ومن غير
 دراعات اصلا؟؟؟
 ليلى: هو انت مش ملاحظ يا بابا ان ادهم شرعا وقانونا جوزي؟؟؟
 عم محمد: قانونا اه شرعا لأ
 ادهم: ابوس ايديكم كفايه... ليلى قومي البسي حاجه
 ليلى سمعت كلامه وقامت
 ابوها اتضايق انها ما سمعتش كلامه وبكلمه واحده من ادهم قامت
 اتغدوا وبعد الغدا ادهم كل شويه يبص للساعه
 عم محمد: طيب بما انك مستعجل عايزك بكرة تاخذ اجازة من شغلك
 ادهم: صعب حاليا اخذ اجازات لاني هاخذ اجازة طويله ساعت الفرح
 عم محمد: عايزك بكرة معايا النهار كله اتصرف
 ادهم: خير طيب؟؟؟

عم محمد: في فرح في البلد من اولاد عمنا وانا هروح واخواتي هيكونوا كلهم

متجمعين وعائزين يشوفوك واهي فرصه تيجي معايا

ادهم: حاضر يا عمي هحاول

عم محمد: تيجي الصبح بدري علشان نوصل قبل الحر

ادهم: حاضر ممكن امشي بقي؟

عم محمد: براحتك بقي

ادهم: علي فكره انت كان ممكن تكلمني في التليفون كفايه

عم محمد: انا غلطان اني عايزك تاكل معانا حقا عليا يا سيدي

ادهم: وانا مبسوط انك اصريت اني اتغدي معاكو

ليلي دخلت بالقهوه لادهم اللي كان واقف

ليلي: اقعد اشرب القهوه الاول

ادهم: تليفوني صامت وفي لايقل عن ١٠ تليفونات جولي لحد دلوقتي

ليلي: خليهم ٢٠ واقعد اشرب معايا القهوه

ليلي قعدت وماسكه ايد ادهم عايزه تقعه معاها وهو عايز ومش قادر فبص

لحمه

عم محمد: ماليش دعوه ما تبصليش انا هقوم اعمل كام تليفون كده علشان

سفر بكره

سأهم وخرج وهو بيص لحبيته

ليلي: اقعد بقي معايا شويه ده بابا رضي عنك وخرج

ادهم: علشان رضي عني عايز امشي قبل ما يقلب تاني

ادهم قعد جنبها وبيدر دشوا بالهمس الاتنين وادهم نسي نفسه تماما وماحسش

بالوقت اللي بيمر

ليلي: مش عارفه ليه جايلي احساس شديد اني بقيت وحشه قوي... كل ما ابص

في المرأيا ما يعجبنيش الي انا شيفاه
 ادهم: نظرك ضعف ولا ايه؟ انتي زي القمر ا.... كل حاجه فيكي جميله
 ليلى اتكسفت وبصت لتحت وهو رفعها وشها تبصله
 وايده بيمشيها علي خدها الناعم
 ادهم: قد ايه انا بحب كل حاجه فيكي
 ليلى مبتسمه وبصاله ودعوه صامته انه يقرب وهو يقرب فعلا
 عم محمد: هو انت مش كنت مستعجل ولا انا متهيا لي؟؟؟ علي فكره انا سايبكم
 من ساعه!؟؟
 اول ما سمعوا صوته بعدوا عن بعض
 ادهم: ساعه ايه؟ لا طبعا
 عم محمد: بص في ساعتك
 ادهم بص في ساعته واتفاجئ ان فعلا فاتت اكر من ساعه وطلع يجري من
 عندهم وليلى بتضحك هيا وابوها
 ليلى: ابقني طمني حصلك ايه؟
 ادهم نازل جري علي السلالم ورد عليها
 ادهم: لو ما ردتش عليكي ابعتي لي عيش وحلاوه
 ليلى بتضحك ودخلت وقفلت وسانده علي الباب مبسوطه
 عم محمد: مبسوطه كده انك اخرتيه؟؟؟
 ليلى: قمه الانبساط... ادهم بينسي الدنيا والي فيها وهو معايا... بابا حبه
 علشان خاطري
 راحت لابوها في حضنه
 ابوها ضمها: انا فعلا بحبه يا ليلى ولو محبتوش مكنتش سلمته حته مني ولا
 ايه؟

تاني يوم عم محمد صحي بدري وليلي جت من شغلها بدري الصبح ومراته مجهزه حاجتهم ومستنين ادهم

مصطفي وراه شغل ومش هيروح معاهم ، بيتصلوا بادهم تليفونه مغلق وعم محمد هيوطلع من تأخيره

مصطفي: علي فكره انا الساعه ٣ سايبه في المكتب بتاعه يعني لو نايم مش هيصحي

عم محمد: طيب ايه نمشي احنا؟؟

ليلي: طالما قالك جاي يبقي جاي نستني شويه

استنوا ساعه واتنين وابوها جاب اخره خلاص ونزلوا لتحت ياخدوا تاكسي يوصلهم المحطه ، اول ما نزلوا ادهم وصل ونزلهم يتأسف

ادهم: معلش معلش علي تأخيري يا عمي بس غصب عني سامحني

عم محمد: يعني قولتلك عايزين نمشي بدري قبل الحر

ادهم: معلش اعذرني بس كان ورايا كذا حاجه علشان اعرف اخذ بقيه اليوم

اجازه يالا بينا

ادهم حط حاجتهم في شنطه العربيه وركب حماته وخطيبته وحماه ركب قدام جنبه

ادهم: الكل مرتاح؟؟ نتوكل

عم محمد: اه توكل يالا

ادهم سايق ومره واحده

عم محمد: انت رايح فين؟ طريق المحطه مش من هنا

ادهم: المحطه؟؟؟ محطه ايه؟

عم محمد: المحطه اللي هنركب منها

ادهم: ما احنا راكبين اهوه عايز تركب ايه تاني؟؟؟

عم محمد: نركب ميكروباص
ادهم: هو انت العربيه مضيقاك في حاجه؟
عم محمد: انا بس مش عايز اتعبك
ادهم: لا ولا وتعب ولا حاجه اكمنك بتقول نمشي قبل الحر انا برضه مستغرب
حر ايه اللي انت قلقان منه ، طيب بما ان اننا بقينا براحتنا لو قولتلك نوقف
نظطر هتوافق ولا هتضايق؟؟؟
عم محمد: لا خلاص بقي براحتك
فطروا وشربوا شايهم وقهوتهم وكملوا الطريق وكلهم ناموا في العربيه وادهم
كان بيتخانق مع النوم لحد ما وصلوا
ادهم: عمي عمي؟؟؟ وصلنا البلد امشي ازاي بقي؟
اخيرا وصلوا وجهتهم اللي رايعتها والكل اتجمع يرحب بهم ويرحبوا بخطيب
بتهم ، عم محمد طلب من اخوه الكبير عم حسن يدي رايه في ادهم الصريح
واخوه طلب مهله لآخر الليل او الصبح يرد عليه ويقوله رايه
عم حسن: ايه يا شباب علي عمر محسن خدوا ادهم وقوموا معاه بواجب
الضيافه فرجوه بلدنا
ادهم كان مش قادر اصلا يفتح عنيه
ليلي: عمي ادهم بقاله كام يوم ما دخلش البيت واكيد تعبان وعايز يريح شويه
عم حسن: انتي المحامي بتاعه ولا ايه؟
ادهم: ان مكنتش هيا تبقي المحامي بتاعي يبقي مين بقي؟؟؟ علي العموم انا
مش تعبان للدرجه دي هروح معاكم يالا بينا شباب
راح معاهم وحاولوا يشغلوه بس اتفاجؤا ان ادهم اصلا بيعرض انه يساعد
قبل ما هما يطلبوا منه وما بيتكبرش ابدًا في اي شغله مهما كانت
رجعوا البيت وقت الغدا واتغدي ادهم مع الرجاله اللي معظمهم اتصاحب علي

ادهم وفرحانين بيه ، مصطفى كمان جالهم وحصلهم بس مكنلوش في جو
الفلاحين فراح قعد مع اخته يرغي معاها ، كان عندهم خيل وادهم بيعشق
ركوب الخيل وطلب منهم يشوف الخيل واخدوه يفرجوه طبعا كل ده وعم محمد
وعم حسن وعم محمود مراقبين من بعيد وكمان معاهم اختهم عمه فوزيه
كلهم ييراقبوه ، ادهم شاف فرسه سودا لوحدها وعرف منهم انها فرسه مولوده
ومن ساعت ما اتولدت محدش عارف يقرب منها او يدربها او يركبها
ادهم طلب منهم يدوله فرصه هو يركبها.

طلعوها بره في الساحة وهو دخلها ، عيل صغير طلع يجري ودخل البيت
العيل: الضابط الجديد هيركب الفرسه
ليلي: ولا فرسه ايه؟

العيل: الفرسه السودا

ليلي: عمو قصده ايه الواد ده؟؟ فرسه ايه؟

كان خارج اعمامها وابوها كلهم لبره

عم حسن: واد يا مصطفى اطلع قوله لأ دي فرسه غبيه ومحدش بيقدر عليها
لتكسر فيه حاجه اطلعله بسرعه امنعه

ليلي: اجري يا مصطفى

الكل طلع يجري بره اللي خايف واللي عايز يتفرج ، كل اهل الفرع اتلموا
يتفرجوا وادهم بيحاول يهدي الفرسه ، وهيا عماله تلف وتجري حواليه

ادهم: عايز حاجه البسها في ايدي

جابوله جوانت مخصوص

مصطفى حاول يوقفه وحماه نادي عليه

ادهم: في ايه مالكم

عم محمد: حاجه متفهمش فيها فبلاش

ادهم: مين قالك اني مبفهمش فيها؟؟؟ عمي انا عمري ما بدخل معارك خسرانه
ادهم ماشي فليلي نادته
ليلي: ادهم علشان خاطري بلاش
ادهم بصلها: ما تخافيش

ادهم مسك حبل الفرسه وشدها وهيا بتنط لفوق والكل خايف انها تنزل عليه
بس هو كان عارف بيعمل ايه ، ادهم فضل يقرب منها شويه شويه والحبل في
ايده ، اخيرا قدر يركب بس لفت بيه لفه ووقعته والكل قلبه بيوقع معاها
ادهم قام وركب تاني ووقع تاني.... خلع قميصه ورماه بعيد علي السور وكان
بفلنته الجمالات وعضلاته البارزه ، والبنات بيتفرجوا عليه وليلي غيرانه منهم
كلهم ونفسها تزعقله وتقوله يلبس قميصه ، ادهم فضل يوقع ويقوم لحد ما
خلاص الاتنين تعبوا ، ادهم مسك الفرسه جامد وثبت حبلها وهيا مقدرتش
تنط تاني ، قرب منها وفضل يكلمها بهمس وينعم عليها
قلع الجواني من ايديه علشان تحس بايديه علي جسمها وفضل بهمس ويكلم
فيها ، الكل بيتفرج علي ادهم باعجاب وتقدير والبنات بهيام وبيتمنوه لو هما
مكان الفرسه وهو بهمس معاهم هما كده وبينعم بايديه علي شعرهم هما
وليلي هتولع من نظرات البنات لخطيها
ادهم قرب من الفرسه اكرت وركبها والمره دي كانت هاديه وبتجري بسلاسه
معاها ، فضل يلف بيها وهيا مستسلمه بين ايديه وطلب يفتحوله البوابه
فبصوا لعم حسن وهو شاورلهم يفتحوها وادهم خرج بالفرسه يجري بيها
عم حسن: ده راجل يا محمد يترفض؟؟؟ طيب والنبي ايه اللي مش عاجبك فيه؟
عم محمود: الواد من ساعت ما جه وهو مع الشباب راح معاهم الغيط
واشتغل معاهم ولا اتكبر ولا قالك انا ظابط زي ابنك مصطفى بالعكس ده
عشري .

عم محمد: هو من جهه جدع فهو جدع جدا وما بيتأخرش ابدًا طول ما يقدر ما يقولش لأ

عم حسن: امال انت اعترضت علي ايه؟

عم محمد: ماضيه مش حلو يا حسن

عم حسن: شاب وليه هفواته وبعدين ادبك قولت ماضي وبعدين مش بيحب بنتك؟؟؟ طالما بيحبها بجد يبقي اي حاجه تانيه مش مهمه

عمه فوزيه: ايوه بيحبها انت ماشفتش بيصلها ازاي؟

عم محمد: بيموت فمها مش بيحبها... ساعت ما اتخطفت كان هيموت نفسه

علشانها وهد الدنيا لحد ما رجعها هو بيحبها لا بيعشقها مش بيحبها بس

عم حسن: طيب قول لنفسك عايز ايه تاني بقي؟ حب واخلاق وجدعنه عايز

ايه تاني؟ حتي واد زي القمر ده كده يبقي افترى وحرام

عم محمد: ماهم مخطوبين اهو وهيتجوزوا عايزين ايه؟

ادهم رجع بالفرسه ونزل وعطاها لواحد يدخلها مكانها ورايح ناحيه ليلي وحماه والكل

مصطفى: هو انت بتعرف تركب خيل؟؟؟

ادهم باستغراب: هو انت ما بتعرفش تركب خيل؟؟؟

مصطفى: لا طبعا محدش دربنا

ادهم: محدش ايه؟ هو انت مستني حد يجي يعلمك؟؟؟

مصطفى: ركوب الخيل مش مهم قوي ولا ايه؟

ادهم: علموا اولادكم السباحه والرمايه وركوب الخيل

مصطفى: ايوه ده كان زمان علشان هيا كانت وسيله مواصلات دلوقتي لأ

ادهم: بقولك ايه ما تصدعنيش انا مصدع لوحدي انت حر

عم محمد: بس مكناش نعرف انك بتركب خيل؟؟؟

ادهم: انا الحمد لله بعرف اركب اي حاجه تتركب

الكل ضحك من كلمته

عمه فوزيه: كل حاجه كل حاجه؟؟؟

ادهم: علي فكره انا مقصدتش انا قصدت المواصلات انتو نياتكم سيئة

مصطفي: مع حملة صفو النيه ههههه

اخر النهار وفي وسط الهيصه والفرحه

عم حسن: انا عندي اقتراح اتمني كلكم توافقوا عليه

ايه رأيكم لو نخلي الفرحة فرحتين وانت يا محمد يا اخويا تكتب كتاب بنتك هنا

نكتب الكتاب دلوقتي واهو العيله كلها هنا؟ هاه ايه رأيكم!؟؟ فكره حلوه

صح؟؟؟

ليلي وعيلتها كل واحد ببص للتاني ومش عارفين يقولوا ايه ويردوا بايه؟ يكتبوا

كتاب ازاي وهما متجوزين اصلا؟ ويخرجوا من الورطه دي ازاي؟؟

عم محمد مش عارف ينطق يقول ايه لاخواته؟؟؟؟

عيله ليلي كلهم ببصوا لبعض مش عارفين يقولو ايه؟

ازاي يكتبوا الكتاب وهما متجوزين اصلا

عم محمد بص لادهم ومش عارف يقول ايه لاخوه؟؟

ادهم: والله انا عن نفسي معنديش مانع لو عمي معندوش مانع؟

كلهم بصوا لعم محمد اللي ارتبك وعازي يضرب ادهم لانه خرج نفسه وورطه هو

ومعرفش يقول ايه؟

ادهم: طيب لو ممكن يا عمي كلمتين انا وانت مع بعض لوحدنا

عم محمد قام واستأذن من اخواته واول ما بقوا لوحدهم

عم محمد: قصدك ايه هاه؟ بتورطني انا مع اخواتي وطلع نفسك ملاك برئ
صبح؟

ادهم: اهدي واسمعي

عم محمد: اسمع ايه هاه؟ انت حطتنا في الورطه دي

ادهم: وانا بطلعك منها اهو اسمعي بقي

عم محمد: عايز تقول ايه اتفضل

ادهم: عايز اقول ان سيادتك تطلع لاخواتك عادي ولو عايز تكتب الكتاب هنا

مفيش اي مشكله خلي المأذون يكتبه عادي

عم محمد: ولما يكتشف انكم متجوزين؟؟؟ يجي يفضحننا في البلد؟؟

ادهم: مش هيكتشف الجواز في السفاره زي عقد المحامي كده بيتكتب

وبنمضي عليه وبعدها بيتوثق والموضوع ده بياخد وقت يعني حاليا ورق جوازنا

لسه ما اتوثقش

عم محمد: قصدك ايه؟

ادهم: قصدي ان احنا لو كتبنا الكتاب حاليا والمأذون هيروح بكره او بعده

المحكمه يطلع القسيمه مش هيكتشف اي حاجه لانه لسه مفيش حاجه

يكتشفها

يعني النهارده احسن من بكره ودي مصلحه انهم عرضوا عليك الفكره دي

دلوقتي

عم محمد: ولنفترض انهم عملولك اعتبار ووثقولك ورقك بسرعه ويروح المأذون

يكتشف ان انتو متجوزين نعمل ايه ساعتها؟؟

ادهم: سيب الموضوع ده عليا انا اللي هعمل ساعتها وما تنساش انا مين واقدر

اعمل ايه؟

عم محمد: ربنا يسترها ياللا بينا ، دخلوا وبلغوهم بموافقتهم

عم حسن: يبقي نكتب الكتاب بعد صلاه العشا ان شاء الله
راحو يصلوا وادهم وقف جنب حماه اللي كان خايف ان ادهم ما يعرفش يصلي
لانه عارف انه مالوش في المواضيع دي ، اتفاجئ ان ادهم بيصلي وانه عارف
بيعمل ايه؟

عم محمد بهمس: مكنتش اعرف انك بتصلي؟؟
ادهم: كل واحد وله وقت معين ربنا يهديه فيه
عم محمد: وانت ربنا هداك؟؟

ادهم: اهو الحمد لله بحاول... ربنا بعثلي اللي فهمني واحتواني وعرفني الصح
والغلط بطيبه قلبه محكمش عليا وقالي ان انا شيطان وبعدي عنه وعن بيته
عم محمد بصله بصبه طويله ولام نفسه جواه انه فعلا ما عملش كده وانه بدل ما
يحتوي ادهم ويعلمه امور دينه وياخذ ثوابه قفل بابيه في وشه
عم محمد: غلظت وجل ما لا يسهو

ادهم: يالا الحمد لله الامور كلها اتعدلت ماتلومش نفسك مش وقته يالا
هتخط ايدك في ايدي؟؟؟

عم محمد: هحط ايدي في ايدك
ادهم وقف ومد ايده لحماه يوقفه وحطوا ايديهم في ايدين بعض ، راحو وكتبوا
الكتاب والفرحه بقت اتنين والكل بيبارك ويمني ، باتوا الليله وتاني يوم مشيوا
كلهم وهما هيركبوا

عم حسن: اركبي يا ليلي مع جوزك وانت يا محمد خد مراتك واركب مع ابنك
سيهم يتنفسوا شويه

ادهم واقف ويبص لحماه متردد

عم حسن: علي فكره انا الكبير وحماك ما يقدرش يقول كلمه بعد كلمتي
ادهم: ايوه بس هو اللي معايا هناك مش حضرتك مع احترامك الشديد

لحضرتك

الكل بيضحك ومبسوطين

عم حسن: محمد قول لجوز بنتك يتوكل علي اللي خلقه قوله يالالا... وانت يا
ادهم عرفت بيتي اهو في اي مره اخويا ده يضايقك بس قولي انا وانا اتصرفلك
معاه اتفقنا

ادهم: طبعا اتفقنا عمي انت قولتلي عايز كبير... انا اخترت عمي حسن يبقي
الكبير بتاعي ده لو مش يضايقه

عم حسن اتأثر جدا بكلام ادهم وراح اخده في حضنه

عم حسن: انا يشرفتي يا ابني انك تعتبرني زي ابوك او عمك

ادهم: الشرف ليا انا عمي

عم حسن: خد مراتك واتوكل وفسحها وابسطها واخر الليل رجعها يالا عيشوا
وافرحوا

ادهم اخد ليلي ومشي وهما واقفين

عم حسن: نفسي اعرف عقلك كان فين لما قولتله لأ؟ انت مجنون؟؟ ده راجل
يترفض؟ ده يتقاله لأ؟؟ ولد زوق لاقسي درجه ومحترم ومركز عايز ايه احسن
من كده لبنتك؟ ده انت لو بتفصله تفصيل مش هتلاقي زيه ابدا
عم محمد: ربك لما اراد بقي

ادهم اخد ليلي وفسحها واتعشوا واخدها تشتري فستان فرحها ، كانت محتاره
وسط الفساتين واللي يعجبها ما يعجبش ادهم والعكس ، عجبها كذا فستان
سهره وادهم جا بهوملها ، كان بيلف ويدور وفجأه وقف قصاد فستان ابيض
طويل وتخيل ليلي جواه ، ليلي بتتكلم وهو مش بيرد فراحته
ليلي: انت مش بترد عليا ليه هاه؟

ليلى لاحظت انه مش معاها فبتبص هو يبص لايه وشافت الفستان اللي هيا
 كمان اتهوست بيه
 ليلى: تحفه يا ادهم
 البنت: فعلا الفستان ده لسه واصل النهارده من بره بس مفيش منه مقاسات
 هو ده بس اللي موجود
 ادهم: طيب تجرّيه ولو مقاسه مضبوط هتاخده
 ليلى كانت بتتفرج علي الفستان ولمحت سعره وراحت لادهم
 ليلى بهمس : انت عارف ده سعره ايه؟
 ادهم: مهما يكون هجيّهولك... لو ب ١٠٠ الف هجيّهولك
 ليلى: بس ده غالي قوي
 ادهم: حبيبته قلبي مفيش حاجه تغلي عليك المهم يعجبك
 ليلى اشترت الفستان اللي طلع مقاسها وقاسته بس مخلص ادهم يشوفه
 وهما مروحين
 ادهم: مخلصتنيش شوفت الفستان عليك ليه
 ليلى: فال مش حلو تشوفني بالفستان قبل الفرح
 بتعدي الايام بسرعه واخيرا جه اليوم الموعود ، اليوم عدي بسرعه وادهم راح
 يجيب عروسته ، واول ما شافها اتوهم بجمالها واتعقد لسانه ، الكل واقف
 بيتفرج هيكون رد فعله ايه ، ادهم قرب من ليلى وهيا باصه للارض من كسوفها
 فرفع وشها وتخليلت انه هيّبوسها في دماغها زي اي عريس بس ادهم مش زي اي
 عريس ، ادهم قرب منها وباسها في شفايفها بوسه طويله مليانه حب وشوق
 ولهفه ، والكل واقف ومستغرب انه جرى كده
 ادهم مكنش فارق معاه اي حد المهم ان حبيبته جنبه ومعاه ومراته
 بعد ما رفع دماغه اتقابلت عنيم

ادهم: اخيرا

ليلي: اخيرا

ليلي اتفاجئت بادهم بيشيلها ويضمها ويلف بيها

واخيرا نزلها الارض

عم محمد: العرض المجاني ده مش هيخلص وهتروحوا الكوشه ولا ناوي علي ايه؟

ادهم بيضحك: والله يا عمي بفكر اخدها البيت مش الكوشه

عم محمد: فكر كده وشوف هعمل فيك ايه؟

ادهم: والله لولا عامل حساب لرد فعلك كنت عملتها وروحت بيها

عم حسن: يا ابني كلها شويه وبابكم يتقفل عليكم فرحونا احنا الاول وبعدها

افرحوا انتو... عارف ان الانتظار وحش وانتو صراحه منتظرين من زمان قوي

بس استحملونا شويه

ادهم: علشان خاطرک انت بس يا عمي

ادهم اخد ليلي وركبوا عربيتهم وراحو الفرح اللي كان خرافه

ادهم اصحابه كانوا موجودين اللي طول الفتره اللي فاتت موجودين جنبه

وحواليه وبيحاولوا يعوضوه علي غباؤهم وبيحاولوا يقربوا من ليلي

ومع الوقت ادهم سامحهم ، ادهم طول الفرح بيرقص هو وليلي

والكل بيبارك ويبي وباركوا لمصطفى ان ادهم بقي نسبيته وجوز اخته

وبيحسدوه علي قربه منه ، مؤمن راح بباركلهم ومعاه خطيبته اللي فرحوا

بوجودها معاه ، ادهم غني لليلي اغنيه سامو زين مش قادر ابعد عنك تاني

حبيبي ، غناها من قلبه لانه فعلا مش قادر يبعد عنها تاني ابدًا وليلي غنتله

اغنيه وعدتك لما جدته الرومي ، غنتها باحساس عالي قوي وخصوصا اخر

كوبليه

وعدتك الا اصيد المحار في بستان عينيك طيله عام
فكيف اقول كلاما غريبا كهذا الكلام؟؟؟
وعيناك داري ودار السلام
وانت البدايه في كل شيء ومسك الختانااa

الليله كانت كلها فرح وحب ولهفه

عم محمد : يالا يا ادهم كفايا كده روحوا بقي وخلي بالك علي بنتي
ادهم بجد: ما تخافش علي ليلي مني ابدأ... انا بعشقها وعمري ابدأ ما اعمل اي
حاجه تضايقها

عم محمد: انا عارف انك بتحبها بس دي بنتي

ادهم: انت برضه مش متخيل انا بحبها قد ايه؟ عمي انا بحبها فاهم؟ بحبها؟
عمري ابدأ ما هزعلها او اجرحها... وعلي العموم ابقى اتطمئن عليها كل شويه...
بنتك في امان معايا ما تخافش عليها

عم محمد: في مثل بيقولك ومن الحب ما قتل

ادهم: وانا هقتلها يعني بحبي؟؟؟.... مش هقولك غير ان بنتك في امان معايا ما
تخافش عليها

عم محمد: طيب مش كفايه خدها بقي وروح بدل ما يحصل زي فرح صاحبك
خليها مستوره بقي

ادهم: لا انا عامل احتياطاتي ما تقلقش وبعدين هشوف ليلي لو كده نروح
شويه وادهم اخد عروسته وروحوا بيتهم واول ما دخلوا بيتهم وادهم شايل ليلي
سمعوا دوشه كتير تحت ليلي ضحكت وادهم اتعصب

ادهم: مش هيعدوها الليله علي خير

ليلى: اطلع شوف اصحابك بدل ما الجيران يطردونا بره البيت

ادهم: انتي عايزه ايه دلوقتي؟
 ليلى: عايزه اتفرج
 ادهم: طيب انا هدخل ادور علي حاجه اكلها وانتي اتفرجي براحتك
 ادهم سابها ودخل المطبخ ولقي حماته مجهزاه اكل اشكال واللوان
 بص لقي ليلى واقفه مرقباه
 ادهم: عايزه ايه؟
 ليلى: انت هتاكل من غيري؟؟؟
 ادهم: انتي مش عايزه تتفرجي؟؟ روجي اتفرجي
 ليلى: خلصت خلاص بس انت هتاكل من غيري؟؟؟
 ادهم: يعني جعان اعمل ايه؟
 ليلى: انت من هنا ورايح ولا تاكل ولا تشرب ولا تنام من غيري
 ادهم: ده حكم قراقوش ده ولا ايه؟
 ليلى: مفهوم يا سياده المقدم ولا مش مفهوم؟؟
 قالتها بلهجه جاده
 ادهم: علم وينفذ يا افندم... بس برضه جعان هتيجي ولا ايه؟
 ليلى: انا عايزه اكل من ايدك انت
 ادهم: تعالي وانا اكلك بايدي
 ليلى: لا عايزه اكل من ايدك مش ايد امي
 ادهم بصلها بصبه طووويله
 ادهم: امممم انتي فاهمه الجواز غلط
 ليلى: علي فكره انت المفروض تدلعي
 ادهم: ادلعك؟؟؟ طيب اكل واشبع وبعدها اشوف الموضوع ده... انتي استني
 وانا هعملك اللي انتي عيزاه كله.

مشكله؟؟؟

ليلي: لا انا كنت بهزر وبعدين لو هنعمل اكل كنت انا هعملك مش هيخليك
انت تعمل... بس انا متخيلتش ان اول مره ناكل فيها تاكل لوحك!!!!
ادهم لفها ليه

ادهم: انا مكنتش هاكل لوحدي... بس طبيعي لما تلاقي محشي لازم تدوق... ده
الطبيعي فمابالك لواحد محروم من اي اكل بيتي متخيله يعمل ايه؟
ليلي: من هنا ورايح هتاكل علي طول اكل بيتي
ادهم: مكنتش اعرف انك بتعرفي عملي اكل؟؟؟

ليلي: مش كل حاجه يعني.... انت هتستحملني لحد ما اتعلم ولا ايه؟
ادهم: استحملك طبعاً بس انا مش اكيل قوي يعني فمتقلقيش وبعدين انا
بعرف اعمل شويه حاجات كده فمش هنجوع ما تقلقيش... يالا ناكل بقي
ليلي: مش نغير هدومنا الاول؟

ادهم: ليلي!!! انا لو دخلت الاوضه مش هطلع ولا هطلعك فاختاري هتاكلي ولا
نغير؟؟؟

ليلي: لا هاكل طبعاً... بس اقعد علي حجرك وتأكلي!!
ادهم: انتي بتخيريني يعني ولا ايه بالظبط؟؟؟

ضحكوا وراحوا ياكلوا وفعلاً ادهم قعداها علي حجره وبيأكلها بالشوكه
ليلي: علي فكره انت قولت هتاكني بايدك مش بالشوكه
ادهم: انتي عايزه تاكلي بايدتي؟؟؟

ليلي: اقولها بانهي لغه؟؟؟

ادهم اكلها بايده

اكلوا وخلصوا اكل وليلي متردده تدخل اوضه النوم ، يدوب قاموا وتليفون
ادهم رن فبص لقاءه علاء ورد عليه بس كان بيغلس مش اكثر

لحظه ورن محمد وبرضه كانت غلاسه وشويه واكرم ، ادهم عمل تليفونه صامت
رنوا علي الارضي فرفع السماعه خالص
ليلي: هما بيغلسوا ليه؟
ادهم: علشان انا كنت متخلف وبغلس عليهم برضه
ليلي ضحكت: وهما بيردوها
ادهم: ربك يستر وينسوا كنت بعمل فيهم ايه
ليلي: كنت بتعمل فيهم ايه؟؟!
ادهم: لا ده موضوع طويل بعدين
ادهم داخل وماسكها في ايده ولاحظ انها وقفت
فوقف وبصلها ببسألها بعنيه
ليلي: المفروض تشيليني
ادهم ابتسم: بس كده
شالها زي العصفوره في ايده ودخل بيها اوضه النوم اللي مفروشه بالورد
بس.... احمر وابيض ، دخلوا ونزلها بتفرج علي الاوضه وجمالها، قلع جاكته
بدلته وفك الكرافات وفتح كام زراره من قميصه وبصلها ومد ايده ليا
ودي كانت دعوه صامته ، ليلي جريت عليه وبقت في حضنه.. ايديها حواليه
وايديه حوالها بيضمها وكأنه غايب من سنين ، الاتنين هيتجننوا علي بعض...
شوق ولهفه مفيش زيمهم

ادهم بصوت متقطع: ياااه اخيرا يا ليلي

ليلي: اخيرا يا قلب ليلي... انت مش متخيل انا بتمني اللحظه دي من امتي؟؟؟؟
ادهم: انا بتمناها من اول مره شفتك فيها لما دقيتي بابي... تخيلتك واتمنيت
ليلي: وانا يا ادهم كنت هموت عليك.... ولحد اللحظه دي هموت عليك
ادهم: انا بين ايديكي اهو... ملكك انتي وبس... اعلمي فيا ما بدالك

ليلي: عايزاك تضميني جامد... مش عايزه اي فوارق او فواصل بينا
ادهم بصلها بحب... بشوق... بلهفه.... بنهم ، وهي بادلته نظراته دي واتقابلت
شفايفهم في نهم فظيع

ليلي: ادهم

ادهم: عيوني

ليلي: بابا قالي..... قبل ما تلمسني..... المفروض نصلي

ادهم: فعلا..... المفروض

طبعا الكلام كان بيتخلله حاجات بتمنعه

اخيرا ادهم عرف يبعد عنها

ادهم: روجي غيري هدمك

ليلي: لوحدني؟؟؟؟ مش هتساعدني؟؟؟

ادهم: هو انتي حد سلطك عليا النهارده وقالك عذبيه اقسي عذاب

ضحكت ليلي: طيب علي الاقل افتحلي السوسته

ادهم فتحها وبعد بسرعه

ادهم: انتي بتعذبيني.... انا هخرج بره اغير واتوضي وانتي كمان وهنصلي

وبعدها

ليلي: وبعدها ايه؟؟؟؟

ادهم: هبقي اقولك

ادهم: لا لازم اطلع بسرعه

طلع وهيا بتضحك عليه وهو في قمه انبساطه، خلصوا وصلوا وبصلها وكأنه

بيقولها وبعدين؟

ليلي: علي فكره انا عطشانه جدا

ادهم: عطشانه اممممم... وبعد شويه جعانه وبعد شويه الحمام وبعدها

حطت ايدها علي بوقه: انا هموت عليك اكر منك وعمري ابدما ما هخترع حجج
تبعدني عنك ده انا ما صدقت ابقي في حضنك!!! بس انا فعلا عطشانه
ادهم: لحظه

ادهم جابلها ميه وسقاها واول ما حطت الكوبايه من ايدها ادهم كان هيتكلم
بس هيا قاطعته بشفايفها
ودي كانت بدايه الملحمه

ادهم كان بيعشق ليلي فعلا وكل حركه او همسه كانت بتأكد الحب ده
بعد فتره طووووووويله

ليلي: هو انا قلتلك قبل كده اني بعشقتك؟؟؟

ادهم: لا مقولتيش ولو قولتها عايز اسمعها تاني

ليلي: انا... بعشقتك

ادهم ابتسم: مش قدي يا ليلي.... انا حي ليكي تخطي العشق وصل لمرحله
ملهاش اسم اصلا ، عارفه زمان في اغنيه سمعتها مفهمتهاش او معرفتش هو
يقصد ايه؟ او بمعني تاني حسيت انه اوفر قوي ، يعني مفيش كده

ليلي: اغنيه لمن وبتقول ايه؟

ادهم: لا معرفوش بس فاكر كلماتها..... كان بيقولها

رفقا مولاتي رفقا اني اتنفس عشقا

ليلي قربت منه قوي: وانت بتتنفس عشق؟؟؟؟

ادهم: عندك شك في كده؟؟؟

ليلي: قالها ايه تاني؟؟؟

ادهم: مش فاكرها قوي بس طول الاغنيه بيترجاها ترقف بحاله وخايف يتجنن
من كتر الحب ويحي في الاخر يقولها ، لكن مع كل جنوني لا ارجو منك العتق
يعني مع كل الجنان ده مش عايزها تعتقه ، مكنتش فاهم يعني ايه وبعدين لما

هو هيتجنن مش عايزها تبعد ليه؟ دلوقتي انا عندي كل الاجابات علي اسئلتني
لاني حاليا في الحاله دي ، انا بتنفس عشق وقربت اتجنن ده اذا مكنتش اصلا
اتجننت وفي نفس الوقت ده مش عايزك ترحميني ، عايز كل حاجه اكثر واكثر
واكثر... هتجنن يا ليلي
ليلي ضحكت: طيب انا اهو بين ايديك وفي حضنك...

طبعا ادهم وليلي ما يعرفوش ان النهار طلع وبقي ظهر وان ابو ليلي وامها
بيتصلوا بيهم من بدري عايزين يطمنوا وهما مش بيردوا وتليفوناتهم مقفوله
والارضي بيدي مشغول
ناديه: يكون جرالهم حاجه؟؟؟ انت ما سمعتش عن الحوادث اللي بتحصل
للعرسان ويلاقوهم ميتين؟؟؟
عم محمد: اعوذ بالله يا وليه تفي من بوقك... تلاقهم نايمين ولا مش عايزين
يردوا ولا مش فاضيين اي حاجه يعني وبعدين ده ادهم
ناديه: ايه يعني ادهم محصن؟؟؟ انا لازم اتطمن علي بنتي اتصرف
فضل يتصل وبرضه محدش بيرد
عم محمد: تليفون بنتك مقفول وادهم محدش بيرد والارضي برضه مشغول او
شكله بايظ

ناديه: لا مش بايظ كان شغال عادي... انا هنادي مصطفى
مصطفي: في ايه مالكم؟؟؟

ناديه: اختك وجوزها ما بيردوش علي تليفوناتهم
مصطفي: انتو بتتصلوا بيهم ليه اصلا؟؟؟ انا لو متجوز واحده بعد ما عيني
طلعت اكثر من سنه مش هقفل التليفون ده انا هولع فيه
ناديه: يا واد اتنيل انا قلقانه علي اختك
مصطفي: اختي مبسوطه وفي قمه انبساطها

ناديه: مين قالك هيا كلمتك؟؟؟

مصطفى: لا مكلمتنيش

ناديه: يعني امد ايدي عليه الواد ده ولا اعمل فيه ايه؟

عم محمد: انا مش عارف انتي قلقانه ليه؟

ناديه: بما انكم انتو الاتنين ابرد من بعض انا هاخذ تاكسي واروح لوحدي

اتضمن علي بنتي

عم محمد: مش حكاية تروحي وحدك بس خايف نزعجهم

ناديه: ازعجهم ارحم من القلق ده

مصطفى: تعالي انا هوديكي

ناديه نزلت ومحمد راح هو كمان لانه قلق عليهم

ناديه طلعت لوحدها فوق وخبطت وخبطت وخبطت ومحدث رد عليها

ادهم وليلي ما سمعوش الباب

ناديه رنت علي ابنها: الحقني يا مصطفى محدش فيهم بيرد اكيد حصلهم

حاجه مش قلتلكم؟؟؟

مصطفى وابوه طلعا يجروا وخبطوا وفعلا محدش رد

ناديه: اكسر الباب يا مصطفى

مصطفى: ليه فاكراني ادهم ولا ايه؟ معايا مفتاح اصلا

مصطفى فتح الباب ودخلوا كلهم

ناديه: مفيش ريحه غاز الحمدلله يبقي ما اتخنقوش

دوروا عليهم ودخلوا اوضه النوم وخبطوا قبل ما يدخلوا بس محدش رد

مصطفى: اكيد خرجوا مجانيين ويعملوها

ناديه: رن عليهم تاني

لمحوا تليفون ادهم علي التسريجه وشافوا سماعه الارضي مرفوعه

ناديه: ممكن يكونوا في الحمام؟؟؟

مصطفى: ليه ميتين؟؟؟ كانوا سمعوا

ناديه: طيب خبط ونشوف

خبطوا وادهم خرجلهم لابس برنس الحمام ومخضوض

ادهم: في ايه اللي حصل؟؟؟ في حاجه حصلت مالكم؟؟؟

ناديه: مفيش ما تقلقش

ادهم: امال انتو هنا ليه؟ اكيد حاجه حصلت ومش عايزين تقولولي

مسك مصطفى وبص لعنيه جامد

ادهم: ايه اللي حصل يا مصطفى؟

مصطفى: علي فكره انا اخو مراتك ماينفعش تستجوبني وتحطني تحت جهاز

كشف الكذب.... ما تستخدمش مهاراتك كضابط معايا

ادهم اتعلم يلاحظوا تغيرات العين لان الانسان لما بيكذب بؤبؤ العين

بيتحرك بطريقه لا اراديه والنبض بيبقي سريع وبيلاحظوا ده من الشريان

اللي في الرقبه وده اللي بيتعرف من خلاله الكذب في جهاز كشف الكذب

وطبعا هما بيتعلموا ازاي يكشفوا الكذب وازاي يكذبوا من غير ما يتكشفوا

ادهم: انطق يا مصطفى فيه ايه؟

مصطفى: والله ما في حاجه ماما قلقت عليكم بس وتليفوناتكم كلها مبتردوش

عليها ولما خبطنا مفتحتوش فاتجننت واخترعت مليون موته ليكم واصرت

تيجي تتطمئن وخبطنا ورزعنا وانتو مفتحتوش بس

ادهم سابه: قلقانه من ايه؟ مني برضه زي عمي؟؟؟ خايفه علي بنتك للدرجه

دي مني؟؟؟

ناديه مسكت ادهم من ايديه: ابداء والله انت ليه تفكيرك راح لده... انا خفت

عليكم انتو الاتنين.... خفت يكون جرالكم حاجه ...

عم محمد: من كتر ماهي بتقري الحوادث خافت يكون جرالكم حاجه... غاز
كهربا اي حاجه... خافت عليكم اناو الاتنين مش بنتها بس
ادهم: المهم احنا كويسين جدا اهوه... اطمنتوا
عم محمد: انت بتطردنا؟؟؟
ادهم: والله الموضوع نسبي يا عمي
ناديه: هنمشي بس ممكن يا ادهم اتكلم مع ليلى كلمتين كده لوحدنا
ادهم: ماشي يا حماتي وماله
ادهم خرج بره مع حماه ومصطفي
وناديه فضلت مع بنتها تظمن عليها زي اي ام واتفاجئت بليلى طاييره مبسوطه
مجنونه... عاشقه
ادهم بره مع حماه ومش عارف يقول ايه؟
ادهم: تشرىوا حاجه؟
مصطفي: مين هيعمل؟؟؟
ادهم: عايز تشرب ايه؟
مصطفي: لا انا مش عايز بس بسأل مين هيعمل لو هنشرب؟؟؟
ادهم: انا هعمل... عايز تشرب ايه؟
مصطفي: نسكافيه بقلب علي الوش فاكر
ادهم ضحك: ده تقوم تعمله انت.... المطبخ قدامك
مصطفي: هيا اللي كانت عملاه صح؟
ادهم: هو انا مش عملتهولك قدامك؟؟؟
مصطفي: بس هيا كانت معاك ساعتها
عم محمد: انتو بتتكلموا عن ايه؟

مصطفى: ساعة ما جيت من بره زي المجنون واتخانقنا انا وليلي وقالت ان

هيا وادهم بيجبوا بعض

عم: ساعة ما قولت انها كانت عنده؟؟

مصطفى: هيا فعلا كانت عنده صح يا ادهم؟؟؟

ادهم: انت عايزني افتكر يوم صباحيتي اسوأ فتره في حياتي؟؟؟

عم محمد: يعني هيا جاتلك البيت قبل كده ولا لأ؟؟؟

ادهم: جاتلي كذا مره لما كنت تعبان ومتصاب زي ما حماتي قالتلك

مصطفى: والنسكافيه هيا اللي عملته؟؟

ادهم: هو انا مش عملتهولك ولا لأ؟

مصطفى: انت مالكش في النسكافيه عرفت ازاي بتعمله ازاي؟؟

ادهم: انا قلتلك ساعتها اننا بنحب بعض صح؟

مصطفى: اهه وبعدين؟

ادهم: اكرت حاجه ليلي بتحب تشرهها النسكافيه وبالتالي انا بدأت اشربه

معاها وهيا قالتلي ازاي بتعمله جاوبتك ولا لسه؟

مصطفى: علي فكره انت اجاباتك كلها عايمه

ادهم: في مثل بيقولك مبروم علي مبروم ما يلفش

مصطفى: قصدك ايه؟

ادهم: يعني ما ابقاش انا اللي معلمك ازاي تستجوب واول ما تيجي تستجوب

تستجوبي انا... مش هتتشطر علي استاذك.... مش هتتعرف مني غير اللي انا

عايزك تعرفه فهمت؟؟؟

هنا ناديه خرجت وراحتهم ومسكت ايد ادهم

ناديه: انت من هنا ورايح ابني انت فاهم؟؟؟ اوعي تسيئ الظن بيا تاني..

غلاوتك من غلاوتهم

ادهم ابتم بتأثر: ده شرف ليا يا ست الكل انك تعتبريني زهم
ناديه: ببقني من هنا ورايح تقولي ماما زهم مش حماتي مفهوم؟
ادهم: مفهوم يا ست الكل

ناديه اخدتهم ومشيت وهو دخل لمراته

كانوا بيحكوا لبعض كل واحد اتقاله ايه

ليلي: ليه مقلتلوش اني فعلا كنت معاك ساعتها انا خلاص بقت مراتك؟؟
ادهم: مش عايز ثقتم فيكي تتهز او تقل... وبعدين باباكي فخور بيكي لدرجه
عاليه ومش هيتفهم حينا ومش هيتفهم ان علاقتنا كانت بريئه فلازمتها ايه
نهز الصوره دي... اللي بينا خليه بينا

ليلي: انا بحبك قوي قوي قوي

ادهم: طيب واقفه بعيد عن حضني ليه؟؟؟؟

مش قادره اوصفلكم قد ايه الحياه جميله... وقد ايه الحب الصادق

جميل

ادهم وليلي حيم صادق وجميل

بس ياتري قصاد الدنيا ومشاكلها هيصمد؟

- تم الجزء الأول بحمد الله -